

Э.Д.АЛИМАРДОНОВ,
М.Б.СУЛТОНБОЕВА,
С.А.АБДУВАЛИЕВ

**ГЛОБАЛ МОЛИЯВИЙ-ИҚТИСОДИЙ
ИНҚИРОЗ ШАРОИТИДА МОЛИЯ
БОЗОРИ БАРҚАРОРЛИГИНИ
ТАЪМИНЛАШ:
НАЗАРИЙ-КОНЦЕПТУАЛ ВА
АМАЛИЙ ЖИҲАТЛАР**

«Akademnashr» nashriyoti

MAJBURIY NUSXA

Тошкент
«Akademnashr»
2012

УДК: 336(575.1) (072)

ББК 66.4(0)

Э50

*Ташни сиёсат ба
халқаро шуносабат*

Э50

Алимардонов, Э.Д.

Глобал молиявий-иктисодий инқироз шароитида молия бозори барқарорлигини таъминлаш: назарий концептуал ва амалий жиҳатлар / Э.Д.Алимардонов, М.Б.Султонбоева, С.А.Абдувалиев; Н.Х.Жумаевнинг таҳрири остида. – Тошкент: Akademnashr, 2012. – 320 бет.

I. Султонбоева, М.Б.

II. Абдувалиев, С.А.

ISBN 978-9943-397-99-6

УДК: 336(575.1) (072)

ББК 66.4(0)

*Иқтисод фанлари доктори, профессор Жумаев Нодир
Хосиятович таҳрири остида*

Монографияда глобал молиявий-иктисодий инқироз шароитида молия бозори барқарорлигини таъминлашнинг назарий-концептуал асослари ёритилган, молия бозори ривожланишига хос тенденциялар аниқланган, инвестиция фондларининг молия бозорида тутган ўрни ва молиявий инқироз шароитида молия бозорини тартибга солиши механизми кўрсатилган. Жаҳон молиявий-иктисодий инқирози шароитида молия бозори таркибий тузилимаси ривожланишининг амалдаги ҳолати таҳлил қилинган, халқаро капитал ҳаракатининг асосий шакллари ва уларнинг замонавий тенденциялари баҳоланган. Инқироз шароитида Ўзбекистон молия бозорининг барқарор ривожланишини таъминлаш масалалари ўрганилган.

Монография барча иқтисодий йўналиш ва мутахассисликларда таълим олаётган талабалар, тадқиқотчилар ва мутахассис-амалиётчиларга тавсия этилади.

Тақризчилар: Н.Ф.Каримов, иқтисод фанлари доктори, проф.,
У.А.Бурханов, иқтисод фанлари номзоди, доц.

Монография Тошкент давлат иқтисодиёт университети Илмий кенгашининг 2011 йил 26 декабрдаги қарори билан нашрга тавсия этилган.

2013/18
29
A/1504
O'zbekiston MK
ISBN 978-9943-397-99-6

Alisher Navoiy

© Э.Д.Алимардонов, М.Б.Султонбоева, С.А.Абдувалиев

nomzodi

«Глобал молиявий-иктисодий инқироз шароитида молия бозори барқарорлигини таъминлаш: назарий-концептуал ва амалий жиҳатлар © «Akademnashr» нашриёти, 2012 йил.

КИРИШ

Халқаро молия бозорининг муҳим сегменти ҳисобланган ипотека қимматли қофозлари бозорида авж олган танглик тез суръатларда молия бозорининг бошқа сегментларини ҳам қамраб, иқтисодиётнинг реал секторига ёйилди ва рецессия жараёнлари кучайиши билан том маънодаги жаҳон молиявий-иқтисодий инқирозига айланиб кетди, бу мамлакатлар молиявий муносабатларининг глобаллашув жараёнига кенг миқиёсда жалб этилганини кўрсатди. 2008 йили бошланган инқироз молия бозорини тартибга солиш тизимида нуқсонлар борлигини яна бир карра тасдиқлаб, молия бозори барқарорлигини таъминлаш масаласининг долзарблигини кўрсатди.

Жаҳонда кечайётган молиявий-иқтисодий инқирознинг Ўзбекистон иқтисодиёти ҳамда молия бозори барқарорлигига таъсири натижасида юзага келадиган айрим муаммоларнинг мавжудлиги, уларни ҳал қилишнинг илмий жиҳатдан асосланган йўлларини ишлаб чиқиш зарурати бугунги куннинг муҳим масалаларидан.

Ривожланган ва ўтиш иқтисодиёти мамлакатларида молия бозорини ривожлантириш чора-тадбирларини ишлаб чиқиша бекарорликни келтириб чиқарувчи спекулятив операциялар, хусусан, ҳосила молиявий воситалар билан операцияларни тартибга солишнинг самарали тизимини шакллантириш муҳим аҳамият касб этади. Ҳосила молиявий воситаларнинг номинал қиймати 2008 йилга келиб 683 трлн АҚШ долларидан ортиқни ташкил этган, бу кўрсаткич жаҳон ЯИМга нисбатан 10 баробардан ортиқлигини кўрсатган. Фонд, хомашё ва молия бозорларида катта спекулятив ўйинлар давом этаётгани, реал қийматга эга бўлмаган пул ҳажмининг кўпайиши, бошқача айтганда, янги молиявий «кўпиклар» хавфининг авж

олаётгани яна молиявий касодларга олиб келиш хавфи-ни туғдириши мумкин.¹

Бозор иқтисодиётiga ўтиш шароитида республикамиз молия бозорида бир қанча ўзгаришлар юз берди. Иқтисодиётнинг муҳим бўғини сифатида молия бозори ҳам иқтисодий муносабатларнинг бир маромда узлуксиз ри-вожланиши учун шароит яратади. Глобал молиявий инқи-роз жаҳондаги аксарият мамлакатларда молиявий қарз-дорлик миқдорининг ошиб бораётгани ва банк активла-рининг етишмаслиги энг жиддий ва ташвишли муаммо-лардан бирига айланганини ошкор этди. Энг асосий таш-қи иқтисодий ҳамкор мамлакатларнинг миллий иқтисо-диётидаги салбий ўзгаришлар бизнинг молиявий барқа-рорлигимизга таъсир кўрсатиши эҳтимолдан холимас.

Айни вақтда, инқиroz асосан ўз корпоратив манфаат-ларини кўзлаб иш юритиб келган, кредит ё ва қимматбаҳо қоғозлар бозорларида турли спекулятив амалиётларга берилиб кетган банклар фаолияти устидан етарли дара-жада назорат йўқлигини ҳам тасдиқлади.² Молиявий-икти-садий инқиrozнинг ҳар қайси давлатдаги кўлами ва оқибат-лари унинг банк-молия тизими мустаҳкамлигига, капитал-лашув ва ликвидлик даражасига, чет эл инвестициялари ва кредитларига қарамлигига, олтин-валюта захираси ҳажми ва хорижий кредитларни қайтариш қобилиятига, мамлакат молиявий-иктисодий барқаорлигига, диверци-фикация ва рақобатбардошлик даражасига боғлиқ.

Демак, юқоридаги ҳолатлар глобал молиявий-иктисодий ўзгаришлар шароитида молия бозори барқаорлиги-нинг концептуал асосларини илмий тадқиқ этиш зарура-

¹ Каримов И.А. Асосий вазифамиз – Ватанимиз тараққиёти ва халқимиз фаровонлигини янада юксалтиришдир. – Тошкент: Ўзбекистон, 2010. – Б.53.

² Каримов И.А. Жаҳон молиявий-иктисодий инқиrozи, Ўзбе-кистон шароитида уни бартараф этишнинг йўллари ва чора-лари. – Тошкент: Ўзбекистон, 2009. – Б.5.

тини келтириб чиқаради ва такомиллаштиришнинг долзарблигини кўрсатади.

Монографиянинг биринчи бобида глобал молиявий-иктисодий инқироз шароитида молия бозори барқарорлигини таъминлашнинг назарий-концептуал асосларини ўрганиш мақсад қилинган, унда молия бозорларидағи инқирозлар шаклланиши ва уларни бартараф этишнинг назарий-концептуал асослари, молиявий глобаллашув шароитида молия бозорининг ривожланиш тенденциялари, инвестиция фондларининг молия бозорида тутган ўрни, асосий турлари ва инқироз шароитида молия бозорини тартибга солиш механизми ёритилган.

Иккинчи бобда жаҳон молиявий-иктисодий инқирози шароитида молия бозори таркибий тузилмаси ривожланишининг амалдаги ҳолати ўрганилган. Халқаро капитал ҳаракатининг асосий шакллари ва уларнинг замонавий тенденциялари аниқланган, ривожланган ва ривожланаётган мамлакатлар фонд бозорлари тараққиёти ва уларнинг халқаро бозорга интеграциялашуви масалалари кўриб чиқилган. Жаҳон иқтисодиётида инвестиция фондлари ривожланишининг жорий ҳолати таҳлил этилган, ҳосила молиявий воситалар билан операцияларнинг ривожланиши ва уларнинг молия бозори барқарорлигига таъсири очиб берилган.

Учинчи бобда инқироз шароитида Ўзбекистон молия бозорининг барқарор ривожланишини таъминлаш тадқиқ этилиб, жаҳон молиявий инқирозининг Ўзбекистон молия бозори ривожланишига таъсири ва уни юмшатган омиллар, инвестиция фондлари фаолиятини такомиллаштириш масалалари баён қилинган.

I БОБ. ГЛОБАЛ МОЛИЯВИЙ-ИҚТІСОДИЙ ИНҚИРОЗ ШАРОИТИДА МОЛИЯ БОЗОРИ БАРҚАРОРЛИГИНИ ТАЪМИНЛАШНИНГ НАЗАРИЙ-КОНЦЕПТУАЛ АСОСЛАРИ

1.1. Молия бозорларидаги инқирозлар шаклланиши ва уларни бартараф этишнинг назарий-концептуал асослари

2008 йили молия бозорининг муҳим сегментларидан бири ҳисобланган ипотека кредитлари ва қимматли қофозлар бозорида юзага келган инқирознинг жадал суръатлар билан глобал тус олиши, хусусан, молия бозорини тўлиқ камраб олиб, иқтисодиётнинг реал секторларига трансформацияланиши молия бозорини барқарорлаштириш, унда юзага келадиган инқирозларнинг моҳиятини англаш, инқироз замираида ётган омилларни аниқлаш ва ўз вақтида бартараф этиш масаласининг долзарблигини оширди.

Дунёдаги кўплаб ётакчи экспертларнинг банк-молия секторидаги ортиқча ликвидлилик ва банк-молия секторини бундан кейин ҳам пул ресурслари билан тўлдириш спекулятив капиталнинг авж олиши, фонд ва хомашё бозорларида сунъий «кўпик»ларнинг пайдо бўлиши учун шароит яратиши, бу эса келажакда молия ҳамда валюта бозорларида янги ўришишлар билан боғлиқ салбий оқибатларга олиб келиши мумкинлиги ҳақидаги фикрларига қўшилиш мумкин.³ Молия ва банк сектори фаолия-

³ Ислом Каримовнинг 2010 йил 3 майдаги Осиё тараққиёт банки бошқарувчилар кенгаси 43 йиллик мажлисининг очилиш маросимиидаги нутқидан: http://www.press-service.uz/uz/news/show/vystupleniya/vyistuplenie_presidenta_respubliki_uz_2/

тини глобал миқёсда назорат қила биладиган халқаро молия институти шакллантирилиб, улар зиммасига халқаро молия бозорини мувозанатдан чиқариши мумкин бўлган дериватив ва бошқа «қуруқ» қимматли қофозлар соҳасини назорат қилиш вазифасини юклаш муҳим аҳамиятга эга.

Молиявий инқироз тизимли равишда молия бозорлари, молия сектори муассасалари, пул муомаласи ва кредит, халқаро молия, давлат, муниципал ва корпоратив молияни қамраб олади ва мамлакатдаги иқтисодий фаоллик, аҳолининг турмуш даражасига салбий таъсир кўрсатади.

Молия бозори иқтисодиётнинг молия секторида молиявий активлар олди-сотди қилинадиган соҳадир, валюта, кредит, қимматли қофозлар, суғурта ва ҳосила молиявий воситалар каби бозор сегментларидан ташкил топади (1.1-расмга қаранг). Молия бозори концепцияси унинг сегментлари параллел равишда ривожланишига асос вазифасини ўташи керак.



1.1-расм. Молия бозорининг умумий ва маркибий кўриниши⁴

⁴ Муаллифлар томонидан тайёрланган.

Фикримизча, молиявий активлар ўзида қуидаги хусусияттарни жамлайды:

– меңнат натижаларини ўзида мужассамлаштирган ҳолда мустаҳкамлик, ишончлилик хусусияти. Молиявий активларнинг ишончли бўлишига товарлар истеъмоли, айирбошлаш ва ишлаб чиқаришнинг барча жараёнлари ҳамда вақт омили сабаб бўлган;

– ликвидлик. Молиявий активларнинг мазкур хусусияти уларни исталган вақтда, тезда бошқа товарларга айирбошлаш хусусиятини кўрсатади;

– ҳаракатчанлик. Замонавий иқтисодиётда айнан молиявий активлар жаҳоннинг қайси бир жойида самарали фойдаланиш имконияти юзага келса, шу ерга тезда етиб бориш хусусиятига эга;

– универсаллик. Ҳозирги даврда барча иқтисодий муносабатлар молиявий муносабатлар билан бирга бўлмоқда;

– реал активлар тақсимланмаган ҳолда молиявий активларнинг бўлиниш хусусияти. Мазкур хусусият инвестицияларни ташкил этишда нафақат йирик инвесторларни, балки кичик инвесторлар маблағларини ҳам жалб этиш имконини беради, вақтни тежайди, инвестициялар айланиш тезлигини оширади, капиталнинг даромадлилигини кўпайтиради. Кичик инвесторлар учун инвестицион портфелларини диверсификациялаш ва ўз даромадларини кўпайтириш имкони яралади;

– қимматли қоғозларнинг товарга ўхшаш хусусияти. Қимматли қоғозлар олди-сотдисидан кейин у истеъмол қилинмайди, қимматли қоғозлар сўндирилмагунча муоммадан чиқмайди. Қимматли қоғоз эгаси ихтиёрий вақтда уларни бозорда сотиши мумкин.

Инқирознинг молия бозорларида юзага келиши фоиз ставкасининг ошиши, банк ва нобанк муассасалар тўлов қобилиятининг кескин пасайиши, муаммоли активлар салмоғининг ортиши, иқтисодиёт ва уй хўжаликларига бериладиган кредитлар ҳажмининг қисқариши, банкротликнинг занжирли боғланиш касб этиши, қимматли қоғозлар баҳоларининг кенг кўламли пасайиши, тўловсизлик муам-

моларининг кучайиши, оқибатда тўлов тизимининг таназзулга учраши, ҳосилавий қимматли қоғозлар бозорида йирик ҳажмдаги заараларнинг юзага келиши, молия бозори ва молия муассасалари ликвидлигининг тушиб кетиши, домино эффиқти орқали эса банк саросимасининг вужудга келиши каби оқибатларга олиб келади.

Молиявий инқироз миллий валюта алмашув курсининг тартибга солиб бўлмас даражада пасайиши, мамлакатдан капиталнинг кенг кўламда чиқиб кетиши, давлат ва тижорат ташкилотлари ташки қарзи ва улар бўйича муддати ўтган қарздорлик ҳажмининг ортиши, тизимли рискнинг халқаро бозорлар ва бошқа давлатлар молия бозорларига кўчишига туртки беради.

Молия бозори барқарорлигини таъминлаш концепцияларини илмий жиҳатдан ўрганиш молия бозори инқирозларини бартараф этиш йўлларини топишда, истиқболда ушбу бозорнинг реал иқтисодиёт билан мутаносиб ривожланиб боришини таъминлашда муҳим роль ўйнайди. Айни пайтда, ушбу концепциялар молия бозори барқарорлигини таъминлаш ва уни тартибга солишнинг самарали йўллари шаклланishiiga асос вазифасини ўтайди.

Ҳозирги кунда молия бозоридаги инқирозларнинг юзага келиши ва уларни бартараф этиш борасида бир қатор концепциялар шакллантирилган.

«Кўпик»ларга асосланган жаҳон молия тизимининг замонавий концепцияси. Одатда, «кўпик» деганда маълум активнинг бозор баҳоси унинг фундаментал баҳосидан кескин ошиб кетиши тушунилади. Активнинг фундаментал баҳоси эса мазкур актив келтирадиган барча даромадларнинг жорий баҳоси саналади.

«Кўпиклар»ни ўрганишга бағишлиланган замонавий тадқиқотларда унинг шаклланиши кўп омилли характер касб этиши асосланган. Молия бозоридаги кўпикларга нисбатан микротузилмавий ёндашувлар ҳам мавжуд, бунга ёрқин мисол «рационал кўпиклар» концепциясидир.

Концепцияга кўра, «рационал кўпиклар» инвесторлар томонидан янада юқори баҳоларнинг кутилиши натижага

сида шаклланади. Мазкур инвесторлар қимматли қофозлар савдосида фақат баҳо шаклланиши жараёнида реал аҳамиятга эга ахборотлардан (макроиктисодий кўрсаткичлар, фоиз ставкалари, эмитентларнинг молиявий ҳолати) фойдаланишади. Айни дамда, кўпикларнинг шаклланиши билан боғлиқ концепция активнинг нисбий фундаментал баҳоси борасида турли даражада маълумотга эга иқтисодий агентлар ўртасида ахборот асимметриясига чамбарчас боғлиқдир.⁵

Банклар корпоратив қарздорлар фаолиятини назоратга олмаган ҳолда жалб этилган маблағларни юқори рискли активларга инвестиция қилиш орқали тегишли активлар бозорида кўпикнинг шаклланишини қўллаб-куватлади-лар.⁶ Арбитраж операцияларини амалга оширувчи агентларнинг мавжудлиги эътиборга олинса, «кўпиклар»нинг шаклланиши ахборот асимметрияси оқибати экани ойдинлашади.

Хозирга қадар жаҳон иқтисодиёти молия бозорларидаги активлар баҳосининг асоссиз ўсиши, «спекулятив кўпиклар»га бир неча бор дуч келган эса-да, ҳанузгача уларни бартараф этишнинг илмий-амалий усуллари ишлаб чиқилмаган. Қолаверса, монетар органларнинг активлар баҳосининг бундай асоссиз ўшишига йўл қўймаслик бўйича стратегиялари масаласи назарий жиҳатдан ҳам ўз ечимини топмаган.

XX асрда АҚШ молия тизими ривожланишига хос хусусиятлардан бири унда «кўпиклар» шакллангани ҳисоб-

⁵ Allen F., Morris S. and Postlewaite A. Finite bubbles with short sale constraints and asymmetric information // Journal of Economic Theory. 1993. Vol.61. – P.206.

⁶ Allen F., Gale D. Asset-Price Bubbles and Stock Market Interlinkages / Hunter W.C., Kaufman G.G. and M. Pomerleano (eds.). Asset-Price Bubbles: The Implications for Monetary, Regulatory, and International Policies. – Cambridge, MA: MIT Press, 2003.

ланади. Хусусан, Т.Бернетт ва А.Геймслар фикрича, XX асрнинг 70-йилларида молия бозоридаги «кўпиклар» «яроқсиз облигациялар»да кўзга ташланган.⁷

Қолаверса, америкалик иқтисодчи Р.Батра 1999 йили Америка бозор иқтисодида юзага келган «кўпик» кутилмаганда «ёрилиши»ни илмий изланишларида асослашга уринганди. Чунончи, олим иқтисодиётда АҚШ Федерал захира тизимининг ўша пайтдаги раиси А.Гринспен томонидан яратилган «кўпик» инқирозга олиб келишини, унинг асосида фонд биржаси, хусусан, NASDAQ юзага келтирган молиявий пирамида ётишини таъкидлаган.⁸

Қатор иқтисодчи олимлар молия секторида инқирознинг келиб чиқишини мажбуриятларнинг активларга нисбатан бир неча маротаба ошиб кетгани, молия бозоридаги яроқсиз деривативлар ҳажмини баҳолаб бўлмаслиги каби муаммолар билан изоҳлашга уринишади.⁹

Ф.Модильяни молиявий «кўпик»лар назарияси тўғрисида тўхталаркан, бозорнинг ўз-ўзини бошқаришини инкор этади ва психологик омиллар орқали инқирознинг келиб чиқишига алоҳида эътибор қаратади. Кейнс назариясининг издоши сифатида у бозор иқтисодидаги умумий мувозанат қаттиқ нарх орқали бўлишини, асосида қатъий номинал иш ҳақи ётишини таъкидлайди. Молия соҳаси-

⁷ Бернетт Т., Геймс А. Кто на самом деле правит миром? Война между глобализацией и демократией. – М.: Диля, 2008. – Б. 82.

⁸ Батра Р. Мошенничество Гриспена (Greenspan's Fraud). – М.: Попурри, 2006. – 496 с.

⁹ Қаранг: Симчера В. Давайте разберемся // Завтра. 2009. №12 // <http://www.zavtra.ru/cgi//veil//data/zavtra/09/800/41.html>; Митяев Д.А. О динамике саморазрушения мировой финансовой системы // Экономические стратегии. 2009. №1. <http://spkurdyumov.narod.ru/mityaev.htm>, <http://spkurdyumov.narod.ru/mityaev1.pdf>

да инвесторларнинг асосланмаган фойдани кутишлари «кўпик»лар шакпланишига олиб келади, бу соҳани инқирозга тайёрловчи механизмга айланади.¹⁰

Капиталнинг ҳақиқатда ошиши фойда ҳисобидан бўлади, бу эса акцияларнинг бозордаги жозибадорлигини оширади. Бозор иштирокчилари нархлар кўтарилишига молиявий ўйинларни амалга оширадилар, натижада капитал яна кўпаяди, бу жараён қайта-қайта такрорланаверади, оқибатда молиявий «кўпик»лар вужудга келади.

Ф.Модильяни илмий тадқиқотларида АҚШ қимматли қоғозлар бозорида жуда катта ҳажмдаги «кўпик»лар мавжудлигини, акциялар тахминан 25%га ортиқча баҳоланганини, лекин бу жараённинг келиб чиқиш хусусиятини ҳисобга олганда «кўпик» қачон ёрилишини билиб бўлмаслигини таъкидлаган. Модильяни фикрича, акцияларнинг ортиқча баҳолангани аниқ кўрингандан мазкур жараённинг ривожланиши инқирозли кўриниш олади.¹¹

Агар корхона ўз реал капиталини ошириб борса, бу унинг реал даромадлари ошаётганидан далолат бермайди, яъни фойда (P)нинг капитал(K)га нисбати (P/K) ўзгармасдан қолиши ёки камайиши ҳам мумкин. Реал капитал кўпайгандан аввал чиқарилган акциялар сони (A) билан реал капитал ўртасидаги нисбат ортади, яъни $(K_{12}/A) > (K_{11}/A)$. P/K нисбат кичик бўлса ҳам, корхонанинг бозорда битта акция баҳоси ва барча акциялари қиймати асосли равишда ошишига олиб келади. Бунда молия бозори асосий иштирокчилари психологияси муҳим роль ўйнай бошлайди. Бозор иштирокчилари ушбу корхона акциялар қийматининг ошишини аввал чиқарилган акциялар сони билан реал капитал ўртасидаги нисбат (K/A) ортгани биланмас, балки ушбу корхонанинг даромадлари ошиши (P/K нис-

¹⁰ О чем думают экономисты: Беседы с нобелевскими лауреатами. Пер. с англ. / Под ред. П.Самуэльсона, У.Барнетта. – М., 2009. – С.138.

¹¹ Ўша ерда.

батнинг кўпайиши) билан изоҳлашади ва ўртада ёлғон тасаввур юзага келади. Натижада бозор иштирокчилари корхонанинг реал капитал қийматига нисбатан акциялар бозор баҳосини анчагина оширадиган молиявий ўйинлар қиласидилар.

Ф.Модильяни акциялар нархи ортишининг максимал чегараси (АНОЧ)ни кўрсатмаган. Бу чегара, назарий жиҳатдан олиб қараганда, корхона акциялар назорат пакетининг бозор қийматидан келиб чиқсан, ўз эгасига банк фоиз ставкасидан (БФС) кам бўлмаган миқдорда корхонанинг олган даромади (КД) ва унга кўшимча равишда ризк учун мукофот (РМ) даражасидан ошмаслиги лозим. Яъни АНОЧ < (КД+РМ), бу ерда КД > БФС.

Ф.Модильянининг молиявий «кўпик»ларни аниқлашдаги таклифи, бизнингча, ушбу тушунчанинг нотулиқ бир қисмини кўрсатади. Молиявий «кўпик»ларни тўлалигича аниқлаш учун замонавий қимматли қофозлар бозоридаги талаб ва таклифга таъсир этувчи барча омиллар инобатга олиниши керак.

Ф.Модильяни ўз концепцияси орқали Шарқий Осиё мамлакатлари иқтисодида охирги йилларда кузатилаётган қимматли қофозлар нархларининг юқори даражада тебранишини изоҳлаб берган. Унинг фикрича, Шарқий Осиёда ҳам «кўпик»лар шаклланган, яъни бозордаги юқори даромад капитални ўзига жалб этган. Капитални жалб этиш валюта курсларини «музлатиб» қўйган, савдо балансида жиддий тафовут юзага келган. Капиталнинг кириб келиши капитал қўйилмалар жозибадорлигини ошириб, валюта курси тебранишларини ушлаб турган. Бу ерда тизимли ризк юзага келиб, инвесторларнинг кўзлаган даромадлари ҳақиқатда амалга ошмайдиган ҳолатга айланади. Ундан қутулиш учун молиявий «кўпик»ларнинг шаклланишига қарши турувчи тизимни ҳамма жойда ташкил этиш ёки ривожланишини секинлатиш керак, масалан, қисқа муддатли инвестициялар учун мажбурий захира-ларни ташкил этиш.

Модильяни агар молиявий «кўпик»лар мавжудлигини

инвесторларнинг «адашиб кутиш»лари ҳисобига чекласак, улар «адашиб кутиш»ганини англагунларича молиявий «кўпик»лар ривожланаверади деган ноаниқ фаразни тақдим этди. Умуман, концепцияда қуйидаги асосий ҳуло-салар шаклланган:

- бутун молия бозорида «рационал кутиш» эмас, балки қимматли қоғозлар курси ўсишига таъсир кўрсатувчи «адашиб кутиш» устун;
- молия бозорига, айниқса, қимматли қоғозлар бозорига чет эл капиталининг кириб келиши молиявий «кўпик»ларнинг кўпайиш тенденциясини кучайтиради;
- молия бозори активлар баҳосини тартибга солувчи механизмга эгамас, биринчидан, реал капитал қиймати ва даромадлилиги, иккинчидан, унинг асосидаги қимматли қоғозлар қиймати ўртасидаги мувофиқликни таъминловчи тартибга солиш механизми йўлга қўйилмаган. Ўзаро мувофиқлик инқизот натижасида молиявий институтлар томонидан киритилиши мумкин.

АҚШ иқтисодиётида «бозор эркинлиги» ва бозорнинг «ўз-ўзини тартибга солиши» тарафдорлари кўплиги оқибатида молия бозорини давлат томонидан тартибга солиш амалиёти суст кечди. Масалан, М.Миллер фикрича, молия бозори ортиқча қарз маблағларидан фойдаланишга тўсқинлик қилувчи бошқариш механизmlарига эга, давлат аралашувида эса кўп харажат ва кам самара бўлади.¹² Эркин бозор иқтисоди шароитида менежерлар томонидан турли манбалардан катта ҳажмдаги қарз маблағларининг корпорация фаолиятига жалб этилиши уларга иқтисодиётнинг реал ҳамда молиявий секторида ўз операцияларини кенгайтириш имконини яратган. Натижада молия бозорида яроқсиз қарз мажбуриятлари – облигациялар ёки молия бозорида «кўпик»лар шаклланган.

¹² Миллер М.Г. Эмиссия облигаций для увеличения капитала // Мировая экономическая мысль. Сквозь призму веков. В 5 т. – М.: Мысль, 2004. Т. V. Кн.1. – С.637 – 638.

«Таъминланмаган долларлар» концепцияси. Концепция моҳияти АҚШнинг жаҳонда йирик қарздор мамлакатга айланиши билан боғлиқ. Айни пайтда, бунга дунё мамлакатларининг тўлов балансидаги номувофиқликлар, спорт товарлари рақобатбардошлигини сақлаб туриш учун хорижий валюта захираларини жамғариш чоралари ҳам сабаб бўлган. Ушбу захиралар АҚШ ғазначилик облигациялари ва бошқа қимматли қоғозларига инвестиция қилинди.

Концепцияга кўра, ўзида АҚШ долларидаги активларни йирик ҳажмда сақловчи мамлакатлар маълум бир сабаблар билан уларни сотиб олишни тўхтатиши ёки ўзларидан соқит қилиши оқибатида халқаро молия тизимида кенг кўламли инқироз авж олиши мумкин.

Шимолий Америка ягона валюта бирлиги – «амеро» яратиш лойиҳаси кўплаб тортишувларга сабаб бўлиши замираida ҳам айнан таъминланмаган долларлар муаммоси ётади. Бинобарин, «амеро» муомалага киритилиши доллар қадрининг тушиши, натижада АҚШнинг иқтисодий куввати пасайиши, жаҳон молия тизимида тартиблизилклар юзага келишига туртки бериши мумкин.

Концепция кўринишлари ўтган асрнинг 70 – 80-йилларида ҳам пайдо бўлганини американлик иқтисодчи Л.Ларушнинг «физик иқтисод» назариясида ва рус олими П.Г.Кузнецов асарларида кўриб чиқилган.¹³ С.Кургинян эса инқирознинг стратегик аҳамияти долларни синишдан асрар қолиш деб ҳисоблади.¹⁴

«Эркин бозор иқтисодиёти таназзули» концепция-

¹³ Сайт EIR (Executive Intelligence Review) на рус. яз. http://www.larouchepub.com/russian/lar/major_writings.html и Политэкономия и физическая экономика по Побиску Кузнецову // Восток. 2003. Вып. №11/12 (http://www.situation.ru/app/j_art_226.htm)

¹⁴ <http://www.kurginyan.ru/publ.shtml>, <http://www.kurginyan.ru/book.shtml>

си. Концепция асосида эркин бозор иқтисодиётининг ўзини ўзи самарали тартибга сололмаслиги, давлат томонидан тартибга солишнинг етарлимаслиги каби ғоялар ётади. Бинобарин, концепцияни қўллаб-қувватловчилар молиявий эркинлаштириш, эркин бозор иқтисодиётини танқид остига оладилар.

Буюк депрессия даврида (1929 – 1933) бозор иқтисодиёти ўзини ўзи самарали тартибга солишнинг уддасидан чиқмади. Ж.Кейнс классик назарияга зид қуйидаги икки ҳолатни асослашга эришди. Биринчидан, иқтисодиёт вақтнинг исталган лаҳзасида ракобатли мувозанатда бўлмайди, яъни «кўринмас қўл» ўз ишини бажармайди. Дж.Кейнс фикрича, мамлакатнинг ялпи ички маҳсулоти истеъмолчилар, инвесторлар ва ҳукуматнинг товарлар ва хизматлар сотиб олишга қанчалик тайёрлиги билан белгиланади.¹⁵

Ж.Кейнс доктринасининг асосий принципларидан бири иқтисодиётнинг самарали фаолият юритиши учун давлатнинг муҳим роли талаб этилиши ҳисобланади. Бошқача айтганда, давлат иқтисодий пасайиш даврида, яъни иқтисодиётда хусусий талабнинг етишмаслиги шароитида ўз харажатларини ошириш ҳисобига циклик пасайишга қарши фискал сиёsatни амалга ошириши лозим.

Ф.Фукуяма фикрича, инқирознинг асосий сабаби иқтисоднинг давлат томонидан татибга солинмаслигидир.¹⁶ У АҚШ молия тизими тўғрисида Вашингтон молия секторини тўғри тартибга сололмаган, натижада бу иқтисоднинг бошқа секторларига ҳам катта зарар етказган деб ҳисоблайди.

Ю.Баранчик «тартибга солинмаган бозор»нинг инқи-

¹⁵ Keynes John M. The Theory of Employment, Interest, and Money. – New York: Harcourt, 1936.

¹⁶ Фукуяма Ф. Падение корпорации «Америка» // Newsweek. 2008. oct. 6 (ИноСМИ.ru). <http://www.inosmi.ru/world/20081006/244455.html>

розни келтириб чиқариши хусусида фикр билдирапкан, бозор – бу ўйлаб чиқарилган нарса, унга турли маҳсус каналлар орқали ахборотлар етиб келади, натижада турли қарорлар қабул қилинади, молиявий оқимлар ҳаракати юзага келади деб таъкидлайди.¹⁷

«Неолиберализм» таңқидчиси Дж. Стиглиц молия секторида инқирознинг келиб чиқиши молиявий бозорларни эркинлаштириш натижаси деган хуносага келади.¹⁸

Колумбия университети профессори С. Сасен бугунги инқирознинг бошқа инқирозлардан фарқи молиявий капитализмнинг мантиқ чегарасига етганида деб билади.¹⁹ У илмий изланишларида молия секторидаги амалга оширилган операциялар натижасида олинган фойда иқтисодиётнинг бошқа секторларига нисбатан ҳаддан зиёд кўп бўлганини, бундай жараён миллий иқтисодиётнинг асосий қисмини эгаллаганини (айниқса, ривожланган мамлакатларда), натижада реал капитал молиявий капитални таъминлолмагани ҳисобидан молиявий инқироз юзага келганини асослашга эришган.

Иқтисодиётнинг эркинлашуви ва глобаллашуви молия бозорида инновацион жараёнлар жадаллашувига олиб келди. Иқтисодиётнинг реал секторига нисбатан молиявий секторда яратилган инновацияларнинг тарқалиши бир

¹⁷ Баранчик Ю. Мировой кризис и конспирология: pro и contra / Фонд стратегической культуры, 23 февраля 2009 г. (в сети Интернет). http://malchish.org/index.php?Itemid=35&id=263&option=com_content&task=view.

¹⁸ Стиглиц Дж. Е. Конец неолиберализма? // Project Syndicate. 2008. July; <http://www.project-syndicate.org/commentary/stiglitz101/Russian>; Ўша муаллиф. Триумфальное возвращение Джона Мейнарда Кейнса // Project Syndicate. 2008. дек. <http://www.project-syndicate.org/commentary/stiglitz107/Russian>

¹⁹ Сасен С. Конец финансового капитализма // www.polit.ru/institutes/2009/04/13/fin.html

неча баробар тезлиги қатор илмий тадқиқотлар асосида исботланган.²⁰

2009 йил 19 марта савдо ва тараққиёт (ЮНКТАД) бўйича БМТ конференциясида инқирознинг асосий сабаблари сифатида қуйидагилар эътироф этилди²¹:

- сўнгги йигирма йилда бозордаги эркин рақобат ўзини оқламади, молиявий тартибга солмаслик катта ҳажмдаги рискли вазиятларни келтириб чиқарди, бу жаҳон иқтисодиётини оғир аҳволга тушириб қўйди;

- молия бозорини тартибга солмаслик самарасига ишонч ва валюта-молиявий тизимнинг мувофиқлаштирилмаган фаолияти натижасида рисксиз даромад олинишига ва кўп соҳаларнинг спекулятив маблағлар билан молиялаштирилишига сабаб бўлди;

- молиявий тартибга солмаслик ушбу бозор иштирокчиларига реал ва молиявий сектор боғлиқлиги бузилишига олиб борадиган янгидан-янги молиявий воситаларни яратиш имконини берди.

Бугунги кунда жаҳон молия бозорида юзага келган инқироз унинг иқтисодиётнинг реал сектори билан номувофиқ ҳолда ривожлангани оқибатидир. Иқтисодиётнинг реал секторига нисбатан молия бозори ўтган асрнинг охирги чорагидан бошлаб бир неча баробар жадал ривожланган, яъни жаҳон ЯИМга нисбатан молия бозори тез суръатларда ўсган.

Молия соҳасининг бунчалик илдам тараққиёти хусусида иқтисодчилар турлича муҳим фикрлар билдиришган. М.Шоулс, У.Шарп ва М.Миллер 1970 йиллари молиянинг

²⁰ Сергиенко Я.В. Институциональные основы взаимодействия финансового и реального секторов в России: Автoref. дис... д-ра экон. наук. – М.: Институт экономики РАН, 2003. – С.10, 12, 19 – 20.

²¹ Доклад конференции ООН по торговле и развитию (ЮНКТАД) «Глобальный экономический кризис: системные сбои и многосторонние способы преодоления» (19 марта 2009 г.). http://www.unctad.org/ru/docs/gds20091overview_ru.pdf

ривожланиши иқтисодиёт барқарорлиги ва самарадорлигини оширишнинг асосий манбаи бўлган деб билишади.²² Шунинг учун у ерда юқори даромад мавжуд бўлиб, кадрлар ва капитал молия бозори томон ҳаракатланади.

Аксинча, Р.Мертон 1970 йиллари жаҳон хўжалиги ва АҚШ иқтисодиёти қийинчилик ва зиддиятларга дуч келганига эътибор қаратади. Уларни бартараф этиш учун кредит ривожини тезлаштириш талаб этилади. Қарзга истеъмолнинг ўсишини жадаллаштириш учун ортиқча жамғармадан фойдаланишни ва кейинги йиллар ёки ўн йилларда ушбу қарзни қоплашнинг босқичма-босқич амалга оширилишини назарда тутади.²³

Ж.Тобиннинг илмий тадқиқотларида молия бозоридағи бекарорлик ва уни мувофиқлаштириш муаммолари хусусидаги илмий-назарий қарашлар кўзга ташланади.²⁴ Молия бозорини барқарорлаштириш муаммоси назарий масала, инқирозга қарши тартибга солишнинг амалий вазифалари билан чамбарчас боғлиқ. Тобин икки хил яширин ҳолатни ўрганиш орқали ушбу назарий муаммонинг ечимини топишга уринади. Биринчидан, ўз-ўзини тартибга солиш ҳисобидан молия бозори барқарорлигини таъ-

²² Шоулс М.С. Деривативы в динамической окружающей среде // Мировая экономическая мысль. Сквозь призму веков. В 5 т. – М.: Мысль, 2005. Т.V. Кн. 2. – С.169 – 207; Шарп У.Ф. Цены фиксированных активов при наличии и отсутствии отрицательных позиций // Мировая экономическая мысль. Сквозь призму веков. В 5 т. – М.: Мысль, 2004. Т.V. Кн.1. – С.651 – 673; Миллер М.Г. Эмиссия облигаций для увеличения капитала // Мировая экономическая мысль. Сквозь призму веков. В 5 т. – М.: Мысль, 2004. Т.V. Кн.1. – С.635 – 646.

²³ Мертон Р.К. Приложения теории оценки опционов: двадцать пять лет спустя // Мировая экономическая мысль. Сквозь призму веков. В 5 т. – М.: Мысль, 2005. Т. V. Кн.2. – С.207 – 243.

²⁴ Джеймс Тобин. Деньги и финансы в макроэкономическом процессе // Мировая экономическая мысль. Сквозь призму веков. В 5 т. – М.: Мысль, 2004. Т. V. Кн. 1. – С.416 – 434.

минлашнинг монетаристик ҳолати, иккинчидан, бозор агентлари фаолиятида фундаментал ноаниқлик ҳисобидан унинг доимий нобарқарорлиги – кейнсчилик назарияси натижасининг молия бозоридаги инқирозни бартараф этишга қаратилиш ҳолати деб ҳисоблайди. Ж.Тобин назариясида ўрта муддатли молия бозорининг барқарорлик модели кўриб чиқилган. Бундай муддатда ноаниқлик шароити ўз таъсирини кўрсатиши инобатга олинган. Иқтисодиётдаги тебранишлар шароитида активларга нисбатан талаб барқарор бўлмайди. Давлат сиёсатида, чет эл иқтисодиётидан, истеъмолчилар танловида ва технологияларда ташқи таъсиrlар ҳисобидан тебранишлар мавжуд. Талаб функцияси асосидаги умумий қоидалар ва одатлар кутилмаганда ўзгармайди. Ўрта муддатли иқтисодий тебранишларда ва барқарорлаштириш сиёсатида талаб функцияси доимийлиги сақланади. Ж.Тобин узоқ муддатли даврий оралиқда молия бозорларининг тез суръатларда кенгайиб бориши, бир вақтнинг ўзида такомиллашиб, «шаффофлиги»нинг камайиши, кредит муносабатларининг сифат жиҳатдан ёмонлашиши кутилмаганда жаҳонда инқирозга олиб келишини асослашга эришган.

Дж.Тобин иқтисодий ўсишнинг ўзиға хос локомотиви молия бозоридаги акциялар деб билган. Акциялар курси ҳақиқий ўсишдан фарқли равишда жамиятни ривожланишириш ресурслари («табиий ўсиш суръати») тўғрисидаги барча ахборотларни ўзида мужассамлайди. Шунинг учун иқтисодиётнинг реал секторига нисбатан молия бозорида даромадлилик даражаси юқори ҳисобланган.

А.Я.Рубинштейн молия бозорининг ҳаддан зиёд кенгайиб кетиши кредитнинг ривожланиши ҳисобидан пайдо бўлганини ва унинг икки асосий сабаби мавжудлигини таъкидлайди.²⁵ Биринчидан, корпорацияларни барқарор-

²⁵ Рубинштейн А.Я. Некоторые теоретические соображения о природе нынешнего кризиса // Журнал Новой экономической ассоциации. 2009. №1 – 2.

лаштиришда бошқарувчи-менежерлар ролининг оширилиши натижасида улар ва мулкдорлар манфаатларининг ўзаро мос келмаслиги бошқарувдаги риск даражаси ортишига олиб келди. Иккинчидан, банк кредитлари ишлаб чиқаришнинг асосий «генератори»га айланди. Олимнинг фикрича, юқори фойда кўришни кўзлаган менежерлар томонидан юқори риск билан молиявий ресурсларни жалб этишда қарз олиш шартларининг соддалаштирилиши уларга нисбатан ортиқча талабнинг шаклланишига сабаб бўлди. Натижада қарздорликнинг мақбул чегараси аниқланмади, молия бозорида қарздорлик ва даромад мувозанати таъминланмади.

Макроиқтисодий йўналишдаги назарияларнинг тадрижий ривожланишига (К.Перес, С.Фримен, Дж.Доси, С.Глазьев, В.Маевский) ва Й.Шумпетер концепциясига таянган ҳолда Я.В.Сергиенко молия сектори кенгайишида инновацион жараёнларнинг ролини аниқлашга эътибор қаратган. Инвестицияларнинг даромадлилик даражаси пасайиб бораётган шароитда реал секторда янги истиқболли лойиҳаларнинг пайдо бўлиши тўғрисидаги ахборотлар молия соҳасида уларни кредитлашга мўлжалланган таркибий ўзгаришларни юзага келтиради. АҚШ иқтисодидаги маълумотларни таҳлил қилиб «техник-иқтисодий янгиликлар тижоратига нисбатан ташкилий ва молиявий инновацияларнинг умумхўжалик доирасида тарқалиши тезроқ»²⁶ эканини илмий асослаб беради. Ушбу тадқиқот молия бозорининг реал иқтисодиётга нисбатан жадал ривожлангани ва унинг инқизозга учраши инновациялар билан боғлиқлигини кўрсатади.

2000 йиллар бошида иқтисодий адабиётларда мамлакат иқтисодиётини ва молия бозори ҳолатини тавсиф-

²⁶ Сергиенко Я.В. Институциональные основы взаимодействия финансового и реального секторов в России: Автореф. дис... д-ра экон. наук. – М.: Институт экономики РАН, 2003. – С.10, 12, 19 – 20.

ловчи «Буюк модерация»²⁷ тушунчаси кенг тарқалди, у узоқ давом этадиган оғир инқирозларсиз ўсишни, молия бозори ва иқтисодиёт барқарорлигини нисбатан кам таркибий ўзгаришлар орқали таъминлашни назарда тутган. Р.Энгель қимматли қоғозлар бозори ўзида барча ахборотларни мужассамлаштиришини, молия бозорида нархларнинг тебраниши ортиши билан корпорацияларнинг даромадлилик даражаси кўтарилиб борганини, бу иқтисодиётнинг риск даражасини оширганини ўз тадқиқотларида кўрсатган, ушбу тадқиқот «Буюк модерация» модели асоссизлигини тасдиқлади.

Жаҳон молиявий-иқтисодий инқирози юз беришига молия бозоридаги «кўпик»ларнинг ва спекулятив операцияларнинг таъсири сезиларли бўлгани ушбу бозорни барқарорлаштириш чораларини излаш заруратини кўрсатади ва халқаро молиявий ташкилотлар олдига қатор ва зифалар қўяди.

Халқаро валюта фонди молия бозорини барқарорлаштириш, давлатларнинг инқирозга қарши курашда сарфлаган харажатларини қоплаш ва истиқболда юз бериши мумкин бўлган иқтисодий инқирозларни бартараф этиш учун захираларни шакллантириш мақсадида иқтисодиётнинг молия секторини солиқقا тортиш йўлларини излашмоқда. 2008 йили бошланган молиявий инқирозни бартараф этишга бозор иқтисодиёти ривожланган давлатлар йирик ҳажмдаги маблағларни сафарбар қилишди. Молиявий инқирознинг қанча муддат давом этиши, давлат бюджетининг қанча маблағи банк-молия тизимини тиклашга сафарбар этилиши номаълум бир шароитда истиқболда бундай ҳолатнинг олдини олиш учун иқтисодиётда молиявий инқирозларни юзага келтирадиган спеку-

²⁷ «Модерация» атамаси итальянча «moderare» сўзидан олинган бўлиб, «юмшатиш», «даф қилиш», «эвида», «жиловлаш» маъноларини англатади (http://www.treko.ru/show_dict_112)

лятив операцияларга нисбатан солиқларни жорий этиш муҳим аҳамият касб этади. Иқтисодиётнинг инқироз даврида ундан кутулиш учун ажратиладиган молиявий маблағларни ташкил этишда давлатни кўллаб-куватловчи сифатида молия сектори ҳам қатнашиши лозим.

Халқаро молиявий операцияларни тартибга солишда «Тобин солиғи» муҳим аҳамиятга эга. Дж.Тобин фикрича, хорижий валюталардаги қисқа муддатли молиявий ва валюта айирбошлиш операциялари 0,1%дан 0,25%гача че-гарада солиқларни ўрнатиш халқаро ва ҳудудий қисқа муддатли валютавий спекуляцияларни, молиявий капитал оқимини чеклашга ҳамда валюта курсларини барқарорлаштиришга олиб келади.²⁸ Мазкур солиқнинг жорий этилиши молия тизимининг капитални тақсимлаш имкониятини ва истиқболда юзага келадиган тизимли рискни камайтиради ҳамда рисклар таъсирини юмшатиш бўйича қилинадиган харажатларни қоплаш механизмини яратади.

Солиқ тарафдорлари ривожланаётган мамлакатлар иқтисодиётини кўтариш, иқтисодий бекарорликка қарши курашиб учун ундан фойдаланиш мумкин деб изоҳлашса, унга қаршилар солиқнинг жорий этилиши мамлакатни ташки дунёдан ажратиб кўяди, натижада иқтисодий ривожланишдан орқада қолишга олиб келади деб билишади.

2008 йили юз берган молиявий инқироз оқибатларини ўрганиш кўрсатадики, замонавий бозор иқтисодиётига асосланган халқаро молия тизимида бир қатор ўз ечими ни кутаётган муаммолар мавжуд, уларни бартараф этишда ва халқаро молия тизими барқарорлигини оширишда халқаро даражадаги алоҳида фондга «Тобин солиғи»га ўхшаш солиқлардан тушумларни жамлаб, келажакда соѓир бўладиган инқирозларга қарши курашиб ва уларни бартараф этиш учун тўплланган маблағларни сафарбар этиш имконияти мавжуд.

Спекулятив капитал ҳаракатини тартибга солишда

²⁸ [http://ru.wikipedia.org/wiki/Тобин,_Джеймс_Tobin_Tax_\(PDF\)](http://ru.wikipedia.org/wiki/Тобин,_Джеймс_Tobin_Tax_(PDF))

«Тобин солиғи» жорий этилиши валюта курси орқали тартибга солишга нисбатан реал иқтисодиётга кўпроқ фойдали ҳисобланади. Бу фикрга қаршилар ҳам мавжуд, улар куйидагиларга асосланиб ўз хулосаларини чиқаришади:

- биринчидан, бундай солиқни жорий этиш фақат глобал даражада самара беради, алоҳида мамлакатлар учун афзаллиги йўқ;
- иккинчидан, мазкур чора нафақат спекулянтларга, балки барча турдаги инвесторларга таъсир кўрсатади;
- учинчидан, халқаро капитални чеклаш халқаро савдога салбий таъсир этади;
- чекловларни киритиш кейинчалик унга барҳам беришни қийинлаштиради, яъни ундан бутунлай воз кечиш қийин кечади.

Бу қарашни тўлалигича тўғри ҳисоблаш ноўрин, чунки капитал оқими бўйича бундай солиқни жорий этиш маълум бир мамлакатнинг алоҳида ҳимоя чорасидир. Бу чорани жаҳондаги барча мамлакатлар учун мажбурий қилиш шартмас. Ундан спекуляция жараёни кучайиб кетган пайтда фойдаланиш лозим, шунда инвесторларга катта таъсир кўрсатмайди. Бир мамлакат валютавий инқирози натижасида дефолт деб эълон қилинишига нисбатан халқаро савдога бир оз салбий таъсир кўрсатишини ижобий ҳисоблаш мақсаддага мувофиқ.

Фикримизча, молия бозорларида инқирозларнинг юзага келиши ва уларни бартараф этишга оид концепцияларни тадқиқ қилиш ва умумлаштириш асосида қуйидаги хулосаларга келиш мумкин:

- жаҳон иқтисодиёти молия бозорларидаги активлар баҳосининг асоссиз ўсиши, «спекулятив кўпиллар»га бир неча бор дуч келишига қарамай, ҳозиргача уларни бартараф этишнинг илмий-амалий усуслари ишлаб чиқилмаган. Қолаверса, монетар органларнинг активлар баҳосининг бундай асоссиз ўсишига йўл кўймаслик бўйича стратегиялари масаласи назарий жиҳатдан ҳам ўз ечимини топмаган;
- молия бозорига, хусусан, қимматли қофозлар бозо-

рига чет эл капиталининг кириб келиши молиявий «кўпик»-ларнинг ривожланиш тенденциясини кучайтирган;

– спекулятив фаолликни бартараф этишда монетар органлар томонидан пул-кредит сиёсати чора-тадбирлари доирасида фонд бозорини самарали тартибга солиш чоралари зарурати ортмоқда;

– бозор иқтисодиёти яна бир бор ўзини ўзи самарали тартибга солишнинг уддасидан чиқмади, натижада бозорнинг давлат томонидан тартибга солинишини қўллаб-кувватловчилар сони кўпаймоқда;

– банклар томонидан активларни секьюритизациялашда муомалага чиқариладиган молиявий инструментлар, ҳосила молиявий воситаларнинг гаров сифатида қабул қилинишига нисбатан халқаро миқёсда муайян чекловларни ўрнатиш зарур. Хусусан, акция ва облигацияларни гаров таъминоти сифатида қабул қилишга нисбатан захира талблари белгиланиши мумкин;

– рискни баҳолаш ва суверен кредит рейтингини аниқлаш методологиясини, рейтинг агентликлари фаолиятини тартибга солиши такомиллаштириш, молия бозорларини тартибга солиш бўйича халқаро регулятор – Молиявий барқарорлик кенгashi ваколатларини кенгайтириш, инновацион банк молиявий маҳсулотларини тартибга солиш тизимини ишлаб чиқиш даркор.

Умуман, молия бозорларида инқирозлар юзага келишининг назарий-концептуал асослари мавжуд, уларнинг асосий қоидаларидан инқирозга қарши чораларни такомиллаштиришда, глобал молиявий тизимни исплоҳ қилишда фойдаланиш муҳим амалий аҳамият касб этади.

1.2. Молиявий глобаллашув шароитида молия бозорининг ривожланиш тенденциялари

Жаҳонда юз берган молиявий-иктисодий инқироз халқаро молия бозори ривожланишининг ўзига хос хусусиятларини ва уни тартибга солишнинг самарали йўлларини излашни тақозо этади. Бинобарин, авж олиб бораётган глобал молиявий инқироз жаҳон молия-банк тизимида жиддий нуқсонлар мавжудлиги, ушбу тизимни тубдан ислоҳ қилиш зарурлигини кўрсатди. Айни вақтда, инқироз асосан ўз корпоратив манфаатларини кўзлаб иш юритиб келган, кредит ва қимматли қофозлар бозорларида турли спекулятив амалиётларга берилиб кетган банклар фаолияти устидан етарли даражада назорат йўқлигини ҳам тасдиқлади.²⁹ Бу эса халқаро молия бозори ривожланиш жараёнларини илмий жиҳатдан ўрганиш ва уни тартибга солиш муаммоларини тадқиқ қилишнинг долзарблигини белгилаб беради.

Иктисодиётнинг молия сектори сўнгги йилларда спекулятив фаолият натижасида мислсиз даражада юқори фойда олиш манбаига айланди. Узоқ даврлик тез ўсиш, паст инфляция даражаси, кичик фоиз ставкалари ва юқори даражадаги макроиктисодий барқарорлик бозор иштирокчиларини турли иктисодий шубҳа ва хавф-хатарлардан халос этди, бу турли хўжалик юритувчи субъектларни молия соҳасида катта таваккалчилик қилиб фаолият юритишига тайёрлади, айни пайтда, бозордаги бекарорликни вужудга келтирди. Турли молиявий инновациялар, автивларни секьюритизациялаш амалиётининг жадал ривожланиши молия бозорида ортиқча ликвидликни шакллантирди.

Ликвидликнинг кўзда тутилмаган харажатлари кўп йил-

²⁹ Каримов И.А. Жаҳон молиявий-иктисодий инқирози, Ўзбекистон шароитида уни бартараф этишнинг йўллари ва чоралари. – Тошкент: Ўзбекистон, 2009. – Б.48.

лардан бүён жаҳондаги молиявий муаммолардан бири-дир. Бугунги кунгача молия бозорида спекулятив актив-ларнинг катта миқдори сақланиб қолган. Лотин Америкаси, Россия, Осиё, Хитой ва Европада жойлашган жаҳон фонд бозорларидағи молиявий операцияларнинг ҳаддан зиёдлиги, «ортиқча қизиб кетиш» натижасида уларнинг инқирозга юз тутишига олиб келди. Фикримизча, Европа ва АҚШ фонд бозорларининг емирилишига асосий сабаб «спекулятив кўпиклар»нинг ўн йилликлар давомида шаклланиб борганидир.

АҚШдаги ипотека кредити инқирози спекулятив операциялар илдизини очиб берди. Натижада фонд бозорларида нархларнинг кескин пасайиши, биржа индекс кўрсаткичларининг кескин тушиши кузатила бошлади. Америка фонд бозоридаги ваҳимали инқироз тўлқуни Европа фонд бозорларига ўз таъсирини кўрсатди.

Иқтисодиёти ривожланган мамлакатларда (нафақат АҚШ, балки Фарбий Европа, Япония, Канада) маҳаллий аҳолининг кўпчилик қисми биржаларда молиявий воситаларни олди-сотди қилишга, ўз корхоналари акцияларига эга бўлишга, улардан катта миқдорда дивиденд олишга одатланишган, яна бир қисми эса инвестиция фондларида ўз жамғармаларига эга.

Охирги вақтларда кўплаб жисмоний ва юридик шахслар тураржой бозорида ўз сармояларини жойлаштиришдан қўшимча фойда олиб келишган. Қолаверса, фонд бозорига ва тураржой бозорининг ҳосилавий воситаларига хусусий нафақа фондлари, суғурта компаниялари, тиббиёт муассасалари маблағларининг асосий қисми жалб этилган.

Спекулятив капитал молиявий активлар нархидаги тебранишлар ҳисобидан даромад олиш учун пайдо бўлади, у ўзида юқори ликвидли қисқа муддатли қўйилма, бозордаги ўртача даромадларга нисбатан юқори даромадли, рисклилиги юқори инвестиция каби хусусиятларни мужас-самлаштириши бозорда мазкур капитал жозибадорлигини ошириб, операциялар кўлами кенгайишига туртки берган.

Лекин молия бозорининг асосий иқтисодий вазифаси мамлакатдаги ишлаб чиқаришни жамғармалар, бўш турган пуллар ҳисобидан молиялаштириш саналади (1.2-расмга қаранг). Молия бозори орқали иқтисодиётдаги ишлаб чиқаришни молиялаштириш унинг барча сегментлари билан ўзаро боғлиқликда тўғридан-тўғри ва билвосита амалга оширилади.

Молия бозоридаги спекулятив капиталнинг мамлакат ишлаб чиқаришини молиялаштиришга қўшадиган ҳиссаси деярли йўқлиги илмий изланишлар натижасида ўз тасдифини топган, спекулятив капитал молия бозорининг барча сегментларида мавжудлиги аниқланган. Спекулятив капитал бошқа капитал шакллари каби иқтисодий тараққиётни тезлаштируса, бошқа томондан, иқтисодий инқизорни вужудга келтиради.



1.2-расм. Молия бозори орқали иқтисодиётдаги ишлаб чиқаришни молиялаштириш шакллари³⁰

Молиявий капитал сифатида спекулятив капитал асосида реал капитал мавжуддир. Молиявий активлар эса реал активларга мос келиши лозим. Спекулятив капитал реал капиталга нисбатан мустақил ривожланиб, реал активлар ҳаракати билан спекулятив капитал ҳаракатининг ўзаро мос келмаслиги, молиявий активлар ва реал актив-

³⁰ Муаллифлар томонидан шакллантирилган.

лар ўртасида тафовутни юзага келтиради, бу молиявий инқирозга турткি беради.

Қимматли қофозларнинг ўзига хос хусусиятларидан бири шундаки, бозор нархи билан унинг ҳақиқий қиймати доимо мос келмайди. Қисқа муддатли даврий оралиқда спекулятив омиллар натижасида молиявий активлар қийматидаги ижобий ўзгаришлар миллий бойлик кўпайганидан далолат бермайди, балки узоқ муддатли даврий оралиқда бу жараённинг бориши мамлакат иқтисодий ўшини ўзида мужассамлайди.

Тадқиқотларнинг кўрсатишича, бозорнинг нормал фаолият юритиши учун инсайдерлик маълумотлари, спекуляция, инвесторлар манфаатлари ва уларнинг психологияси ни инобатта олиш зарур. Фикримизча, спекулятив операцияларнинг пайдо бўлиши иккита асосий ҳолатга боғлиқ.

Биринчидан, қимматли қофозларнинг товар хусусиятига асосланиши, яъни қимматли қофозлар олди-сотидан сўнг истеъмол қилинмайди, сўндирилмагунча муомала воситасидан чиқмайди. Қимматли қофоз эгаси уни исталган вақтда бозорга олиб чиқиб сотиши мумкин. Қимматли қофозларнинг қайта сотилиши эмитентнинг ишлаб чиқаришига ҳам, унинг фойдасига ҳам таъсир кўрсатмайди, фақат мулк ҳукуқини қайта тақсимлайди.

Иккинчидан, қимматли қофозларнинг истиқболдаги баҳосини аниқ башоратлаб бўлмаслиги, яъни бу турли инвесторлар психологияси, манфаатлари ва ахборотлар асимметриясидаги фарқлар натижасида юзага келади.

Фонд бозоридаги спекулятив операциялар инвесторлар манфаатларини кўпайтиради ва эмитент компанияга кўшимча ресурсларни жалб этишни енгиллаширади, қимматли қофозлар ликвидлигини оширади. Реал капитал кўпаймасдан даромад олиш имкони мавжудлиги эса спекулятив операцияларнинг салбий томонини ўзида намоён этади. Натижада иқтисодий тараққиётда иллюзия юзага келади, бу молиявий инқирозни келтириб чиқарувчи омиллардан бири вазифасини ўтайди. Аниқ, тўлиқ ва замонавий ахборотларни олиш спекулятив операцияларнинг сал-

бий таъсирини камайтиради ҳамда бозордаги нархларни барқарорлаштиради.

Замонавий иқтисодиётта ахборотлар иқтисодий тизим самарадорлигига ва ишлаб чиқариш натижаларига таъсир қилувчи муҳим иқтисодий ресурсга айланмоқда. Эмитент компаниялар фаолиятининг шаффоғлиги, улар тўғрисидаги ишочли ахборотлар акциялари нархини ва ликвидигини ошириб, инвесторларни кўпроқ жалб этади. Лекин корхона фаолияти тўғрисидаги барча ахборотларни ошкор этиш бозордаги рақобатбардошлигини камайтиради. Шунинг учун жаҳон амалиётида тижорат ва давлат сири тўғрисидаги маълумотларга ойдинлик кири тувчи меъёрий ҳужжатлар мавжуд. Улар корхораларнинг бозордаги рақобатбардошлигини сақлашга хизмат қиласди.

Тижорат ва давлат сири акциялар ва бошқа қимматли қофозларнинг инсайдерлик савдоси билан чамбарчас боғлиқ. Инсайдер нисбатан аниқ ва тўғри ахборотлар эвазига фонд бозорида акциялар котировкалари манипуляцияси ҳисобига фойда олади. Инсайдер корхонанинг кенг оммага эълон қилинмаган ички маълумотлар билан танишиш имкони орқали корхонанинг реал ҳолати тўғрисидаги ахборотга эга бўлади. Инсайдерлар корхона директорлари, менежерлари, амандорлар, қимматли қофозлар бозори қатнашчилари, аудиторлар, корхонанинг ишчи ходимлари бўлиши мумкин. Бутун жаҳонда инсайдерлик фаолияти қораланади, тақиқланади ва жазоланади. Айниқса, АҚШ-да мазкур ҳолатга қарши қаттиқ қонуний меъёрлар ишлаб чиқилган. Мамлакатда молия бозоридаги инсайдерлик фаолиятига, фирибгарликка ва ноқонуний савдога қарши кураш XX асрнинг 30-йилларидан бошланган.

Фикримизча, молия бозори барқарорлигини таъминлашда инсайдерлик фаолиятининг ҳам ижобий иқтисодий томонлари мавжуд. Агар инвесторлар фонд бозорида битимларни тузишда инсайдерлик маълумотларидан фойдаланмасалар, бозорда эмитент компания тўғрисидаги маълумотлар тўлиқ бўлмайди, бу қуйидаги оқибатларга олиб келиши мумкин:

– молиявий активлар баҳосидаги ўзгаришлар тез ва кутилмаганда юз беради. Агар инсайдерлик фаолиятига рухсат берилса, нархлар босқичма-босқич секинлик билан ахборотларнинг тарқалиш даражасига қараб ўзгариди, натижада акцияларнинг ликвидлик даражаси ортади. Бошқа томондан эса инсайдерлик фаолияти бозорнинг барча иштирокчилари учун трансакцион харажатлар кўпайишига олиб келади;

– инсайдерлик фаолияти акцияларнинг бозордаги контировкаларини уларнинг фундаментал қийматига яқинлаштиради ва баҳонинг объектив бўлишига хизмат қилади. Компаниянинг айрим имтиёз ва афзалликларини тақдим этаётганда инсайдерлик фаолияти жамиятда коррупция кучайишига, натижада бутун иқтисодий самардорлик пасайишига сабаб бўлиши мумкин;

– инсайдерлик ахборотларидан фойдаланиш ҳисобига қўшимча даромад олиш имконияти акционерларнинг компания менежерлари устидан мониторинг олиб боришини рағбатлантиради ва уларни ўз фойдаларини кўзлаб фаолият юритишига имкон бермайди, натижада компания фаолияти яхшиланади. Бошқа томондан эса менежерларнинг инсайдерлик ахборотларидан фойдаланиш акционерларнинг трансакцион харажатларини кўпайтиради.


Бизнингча, инсайдерлик ахборотлари молия бозорига ҳар томонлама таъсир кўрсатади ва молия бозори барқарорлигини таъминлашда унинг салбий томонлари билан бирга ижобий томонларини ҳам инобатга олиш лозим.

Барча инвесторлар ҳам молия бозорида спекулятив мақсадни кўзлаб фаолият юритмайди. Уларнинг кўпчилиги учун қимматли қофозлар нархининг барқарорлиги муҳим. Инвесторлар деривативлар бозоридаги воситалардан рискни камайтириш, курслар ўзгаришидаги рискни суғурталаш учун фойдаланишади. Бундай битимларда хеджирнинг контрагенти сифатида спекулянт рискни ўз зиммасига олади. Шунинг учун молия бозорида ҳам хеджирлар, ҳам спекулянтлар бўлиши талаб этилади, уларсиз кенг кўламли, ликвидли бозор тарақкий этмайди. Молиявий активлар

валютавий, фоизли, кредит, ликвидлик, операцион, қонунларнинг ўзгариши, ҳисоб-китобларнинг тартибига солиниши ва бошқа бир қатор рискларни ўзида мужассамлайди. Бозорнинг ҳар қандай иштирокчиси ҳам бундай рискларнинг барчасини қабул қилишга тайёр бўлмайди. Улар деривативлардан фойдаланган ҳолда рискларни қайта гурухлашлари ва бартараф этишлари мумкин. Суғурта ва спекулятив функцияларни бажарган ҳолда деривативлар бозори ҳозирги кунда жаҳон молия бозорининг муҳим қисмига айланган. Лекин деривативлар алоҳида инвесторлар рискларини камайтирган эса-да, иқтисодиётда янги риск турларини вужудга келтирди. Улар инвесторларнинг алоҳида рискларини бутун иқтисодиётга тарқатди, оқибатда бутун иқтисодий-молиявий тизим беқарорлиги кучайди.

Тадқиқотларимизнинг кўрсатишича, молия бозори барқарорлигини таъминлаш мақсадида яратилган рискларни бошқариш концепцияси ушбу тизимдаги рискларни бартараф этиш жараёнини қамраб олади (1.3-расмга қаранг). Фикримизча, рискларни бартараф этиш жараёнини 5 босқичда амалга ошириш мақсадга мувофиқ. Дастрлабки босқич рискнинг пайдо бўлиши, сўнгра уни баҳолаш, рискни бошқариш стратегиясини танлаш, танланган стратегия доирасида рискни бошқариш усулларини ва воситаларини аниқлаш, юзага келган риск асоратларини бартараф этиш. Узоқ муддатга мўлжалланган молия бозори концепцияси рискли ва рисксиз фаолият олиб бориш, рискни камайтириш стратегияларидан бирини танлаб иқтисодий ислоҳотлар олиб бориши талаб қиласди. Ҳар бир танланган стратегия ўз усулларига таянган ҳолда амалга оширилади. Молия бозорида рисксиз фаолият юритиш стратегияси рискли фаолият соҳасидан воз кечиш, фаолиятнинг муқобил вариантини танлаш каби усулларга таянса, рискли фаолиятда рискнинг бир қисмини бошқага ўтказиш, рискларни диверсификациялаш, хеджирлаш усуллари қўлланади. Рискни камайтириш стратегияси молиявий барқарорлаштириш учун захира ташкил қилишни талаб этади. Шубҳасиз, молия бозорида рискларни бошқариш стратегияси-

ни амалга оширишда усуллардан самарали фойдаланиш унинг иқтисодий, молиявий тактикасига боғлиқ. Молия бозорида рискларни тактик бошқаришда стратегияни амалга ошириш усулларидан самарали фойдаланиш учун ўзининг аниқ воситаларига эга бўлиши зарур.



1.3-расм. Молия бозори концепциясида рискларни бартараф этиш жараёни³¹

³¹ Муаллифлар томонидан тайёрланган.

Тадқиқотларимизнинг кўрсатишича, юқори риск дара-жаси билан амалиётда бўлувчи спекулятив капитал ўзи-нинг иқтисодий асосига кўра қўйидаги зиддиятларни келтириб чиқаради:

– молиявий активлар асосида реал капитал ётади, лекин уларни ҳеч бир реал капитал билан мос қўйиб бўлмайди. Спекулятив капитал реал капиталга нисбатан мустақилдир. Унинг ҳаракати реал активлар ҳаракатига мос келмаслиги оқибатида реал ва молиявий активлар орасида тафовут вужудга келади, бу эса молиявий инқи-розларни келтириб чиқаради;

– реал ишлаб чиқаришга қилинган инвестициялар қим-матли қофозларнинг бозордаги котировкаларини аниқлаб беради, аксинча, қимматли қофозлар курси реал активларга қўйилмалар йўналишини кўрсатади;

– инвесторлар молиявий ёки реал активларга ўз маб-лағларини сафарбар этиш тўғрисидаги қарорлар қабул қилишда нафақат тармоқларнинг узоқ муддатли ўзгариш тенденциялари тўғрисидаги объектив иқтисодий маълу-мотларга асосланади, балки ўзининг ёки эксперталарнинг келгуси иқтисодиёт тўғрисидаги субъектив танловларини ҳам инобатга олишади. Бугунги қарор келажакдаги воқе-ликни аниқлабгина қолмайди, балки келажакни баҳолаш бугунги кундаги қарорларни қабул қилишга таъсир этади;

– фонд бозорида спекулятив операцияларни амалга ошириш имкониятининг мавжудлиги ундаги ликвидлик да-ражасини оширади, реал инвестицияларга маблағларни жалб этиш жарабёнини енгиллаштиради, иқтисодий ўсиш ва иқтисодиёт ривожланишини қўллаб-куватлади. Бошқа томондан, реал капитал кўпаймасдан даромад олиш ком-панияларни акцияларга сармояларини сафарбар этишга ундейди, оқибатда иқтисодиёт ривожида иллюзия пайдо бўлади. Натижада корпорацияларнинг фундаментал ва бозор қўймати ўртасидаги номутаносиблик молиявий инқи-розни шакллантирувчи омил вазифасини ўтайди;

– реал ва молиявий активлар таркибий ўзгаришлари-нинг турлича тезлиги ҳам уларнинг қўймати ўртасидаги

фарқни келтириб чиқариши ва молиявий инқирозга олиб келиши мумкин;

– спекулятив операцияларни амалга ошириш мақсадидаги инвесторлар орасида молиявий активлардаги рискларни тўлиқ қабул қилишда фарқлар мавжуд. Рискларни бартараф этиш, камайтириш ёки иштирокчиларга активларни бир-бирига боғлиқ бўлмаган ҳолда қайта гурухлаб битимлар тузиш турли шаклдаги деривативлар орқали амалга оширилади. Деривативлар орқали инвесторлар рискининг камайтирилиши янгича тизимли рискни келтириб чиқаради, яъни бир инвестордаги риск бутун молия тизимига ўтади, бу молия тизими бекарорлигини кучайтиради.

Жаҳон молия бозорини тўлқинлантирган ипотека инқирози унга кенг жалб этилган томонларнинг турли тасаввурларига қаттиқ зарба берди. Турли агрессив рекламалар таъсирига берилган ва катта миқдорда кредит олмаган АҚШнинг оддий уй хўжаликлари ва йирик Америка банклари умидсиз қарздорларга ҳеч қандай таъсирларсиз кредит беришлари ҳамда катта миқдордаги шубҳали кредитлар пакетини секьюритизация йўли билан облигацияларни сотиб олган банкларда ипотека кредитларини олган мижозлар рискининг туғилиши ҳамда мазкур қимматли қофозларни чиқарганларга ва эга бўлганларга иккиланмасдан юқори кредит рейтингини берган рейтинг агентликлари инқироз юзага келишига асосий сабаб бўлдилар.

Шуни ҳисобга олиш лозимки, жами иккиламчи ипотека бозори кредитларининг 75% секьюритизация қилинган, ишонч билан айта оламиз, ушбу муаммо вақтинчалик характерга эгамас. Бугунги кунда катта миқдордаги кредит шартларини таъминлаган ҳолда ўз вақтида қайтариш қийин бўлган секьюритизацияланган ипотека кредитлар АҚШ молия тизимининг таназзулга юз тутишига олиб келди. Бошқача айтганда, ипотека бозорига меъёридан ортиқча ишонч АҚШ молия тизимининг мазкур тузоқقا тушишига сабаб бўлди.

Халқаро молия бозорининг ривожланиши ва уни тар-

тибга солиш муаммоларига бағишланган тадқиқотлари-мизнинг кўрсатишича, халқаро молия бозори секторлари тадрижий равишда муайян босқичларда шаклланган.

1.1-жадвал

Халқаро молия бозорининг маркибий тузилиши ва унинг шаклланиши босқичлари³²

Босқичлар	Йиллар	Халқаро молия бозорининг маркибий тузилишидаги ўзгаришлар
Биринчи босқич	1860-йиллар	Ташки савдонинг ривожланиши. Халқаро валюта бозорининг пайдо бўлиши
Иккинчи босқич	1950-йиллар	Миллий кредит бозорларидағи операцияларнинг байналмилаллашуви
	1960-йиллар	Халқаро кредит бозорининг шаклланиши
Учинчи босқич	1970-йиллар	Узоқ муддатли капиталлар халқаро бозорининг шаклланиши. Миллий фонд бозорларининг эркинлаштирилиши. Халқаро фонд бозорининг шаклланиши
	1980-йиллар	Трансмиллий банклар ва компанияларнинг жадал суръатларда ривожланиши. Халқаро фонд бозорларининг янада кенгайиши. Халқаро сурурта бозоридаги дастлабки тизимли операцияларнинг амалга оширилиши. Халқаро кредит бозоридаги операцияларнинг тараққий этиши
Тўртминчи босқич	1990-йиллар	Халқаро молия бозори фонд сегментининг жадал ривожланиши. Халқаро деривативлар бозорининг шаклланиши.
	2000-йиллар	Халқаро деривативлар бозорининг жадал ривожланиши

³² Тадқиқот натижаларига асосланиб муаллифлар томонидан шакллантирилган.

1.1-жадвал маълумотларидан кўринадики, халқаро молия бозори ривожланишининг охирги босқичида фонд сегменти ва халқаро деривативлар бозорлари жадал ривожланган. Уларнинг реал иқтисодиёт билан номувофиқ ривожланиши натижасида 2008 йили жаҳон молия бозорида инқизоллар пайдо бўлди. Халқаро молия бозорида етакчи индекс кўрсаткичларининг кескин тушиши молия бозорига нисбатан глобал ишончсизликнинг кучайиши оқибатидир. Жаҳон биржалар федерацияси (ЖБФ) аъзоларида фонд бозори капиталлашуви ҳисобидан ўз миллий валюталарида 2008 йилга нисбатан 2009 йили ўртача 38 фоизга, АҚШ долларида эса 44,9 фоизга ижобий индекс ўзгаришларига эга бўлган. Бу кўрсаткич 2007 йилга нисбатан 2008 йили мос равишда 41,9%га ва 43,8%га пасайган, 2006 йилга нисбатан 2007 йили мос равишда 12,4%га ва 18,3%га ўсган (1.2-жадвалга қаранг). 2010 йили ҳам ўсиш тенденцияси кузатилди.

1.2-жадвал

*Жаҳон биржалар федерацияси аъзоларида бозор капиталлашуви ҳисобидан фонд бозори индексларининг ўзгариши (%да)*³³

Вақт зонаси	Миллий валютада ўртача ўзгариш				АҚШ долларида ўртача ўзгариш			
	2007	2008	2009	2010	2007	2008	2009	2010
Америка	8,8	-39,0	34,0	12,8	11,6	-41,0	40,8	13,7
Осиё ва Тинч океани ҳавzasи	29,1	-47,9	52,0	5,5	36,5	-45,5	57,6	12,8
Европа/Африка/Ўрта Шарқ	4,3	-40,3	30,8	8,3	13,2	-46,5	39,2	6,0
ЖБФ бўйича ўртача	12,4	-41,9	38,0	9,3	18,3	-43,8	44,9	11,0

³³<http://www.world-exchanges.org/statistics> – Жаҳон биржалар федерацияси сайти маълумотлари.

2008 йилга нисбатан 2009 йили биржаларнинг вақт зонаси бўйича энг яхши индекс кўрсаткичлари Америкадаги Buenos Aires Stock Exchange (Буэнос Айрэс сток эксчейнж, Аргентина) – 103,6%га; Осиё ва Тинч океани ҳавзасидаги Colombo Stock Exchange (Колумбо сток эксчейнж, Шри-Ланка) – 125,2%га; Shenzhen Stock Exchange (Шензен сток эксчейнж, Хитой) – 117,1%га; Европа, Африка ва Ўрта Шарқдаги Istanbul Stock Exchange (Истанбул сток эксчейнж, Турция) – 96,6%га ижобий ўзгарган. 2010 йили ҳам шу каби бир қатор фонд биржаларда мазкур ҳолат давомийлиги кузатилган. Энг яхши индекс кўрсаткичлари Colombo Stock Exchange – 96,0%га, Tehran Stock Exchange (Техран сток эксчейнж, Эрон) – 68,2%га, Lima Stock Exchange (Лима сток эксчейнж, Перу) – 65,0%га, Buenos Aires Stock Exchange – 48,8%га ўзгарган. Мазкур ўзгаришларни молиявий инқизорни бартараф этишга қаратилган халқаро саммитлар ва турли анжуманлар натижаси деб баҳолаш мумкин.

Бугунги кунга келиб глобал молиявий бозорда деривативлар билан боғлиқ операцияларнинг кескин кўпайиши бозордаги спекулятив амалиётни кучайтириш билан бирга иқтисодиётда молиявий «кўпиклар»ни ҳам келтириб чиқаргани инқизор натижасида ойдинлашди. 2006 йил охирида биржадан ташқари бозорда ҳосила молиявий воситаларнинг номинал қиймати 418 трлн АҚШ долларини, 2007 ва 2008 йиллари мос равишда 595 ва 591 трлн АҚШ долларини ташкил этган. Шунга қарамай, 2008 йил июнь ойида мазкур кўрсаткич энг юқори даража – 684 трлн АҚШ долларига етган.³⁴

Жаҳон ялпи ички маҳсулоти (ЯИМ) 2006, 2007, 2008 йиллари мос равишда 48, 55 ва 61 трлн АҚШ долларини ташкил этганини ҳисобга олсак³⁵, ЯИМга нисбатан ҳосила

³⁴Халқаро ҳисоб-китоблар банки маълумотлари асосида муаллифлар томонидан тузилган (<http://www.bis.org/statistics>).

³⁵ХВФнинг Global Financial Stability Reports 2007, 2008, 2009 october нашрлари асосида муаллифлар томонидан тузилган (www.imf.org/GFSR).

молиявий воситаларнинг номинал қиймати ушбу даврий оралиқда мос равишда 9, 10 ва 9 баробар ортиқ бўлган. Демак, уларнинг ЯИМга нисбатан қарийб 10 баробардан ошиб кетиши иқтисодиётнинг молия секторида инқирозни келтириб чиқарувчи омил деб хулоса қилишимиз мумкин. Лекин 2009 йили қимматли қофозлар ҳосилалари бозорида инқирознинг давомийлиги кузатилди. Жаҳонда қимматли қофозлар ҳосилалари билан 2009 йили энг кўп савдо қилган биржаларда мос равишда Hong Kong Exchanges (Гонг-Конг экспейнжс) 25,2%га; Deutsche Bvrse (Дотче борс, Германия) 46,8%га; SIX Swiss Exchange (Сикс свис экспейнж, Швейцария) 38,1%га пасайиш кузатилган. 2007 йилга нисбатан 2008 йили Korea Exchange (Корея экспейнж)да 48,2%га пасайиш бўлиб, 2009 йили 2008 йилга нисбатан 103,2%га ошган (1.3-жадвалга қаранг). 2010 йили келтирилган биржалар ичida Deutsche Bvrse биржасидан ташқари барча биржаларда ўсиш кузатилган.

2007 йилдан 2009 йилгача ЖБФга аъзо энг биринчи бешталик биржаларда ўрта ҳисобда акцияга опцион битимлар сони 24%га, акцияга фьючерс битимлари сони эса 78 %га, етакчи индексларда тузилган опцион битимлари сони 19%га, етакчи индексларга фьючерс битимлари сони 67%га тушган.³⁶ Таҳлил маълумотларидан кўринадики, 2008 – 2009 йиллари инқироз оқибатида молиявий бозорларда сотилган ҳосилавий қимматли қофозлар сонида пасайиш тенденцияси кузатилган. 2010 йили акцияга опцион битимларидан ташқари юқоридаги барча кўрсаткичларда ўсиш юз берган (1.4-жадвалга қаранг).

Тадқиқотлар натижасига асосланиб замонавий халқаро молия бозорининг ривожланишига хос қуйидаги тенденцияларни аниқлашга эришдик:

- молия бозори барча секторларининг жадал суръат-

³⁶ <http://www.world-exchanges.org/statistics> – Жаҳон биржалар федерацияси сайти маълумотлари асосида муаллифлар томонидан ҳисобланди.

1.3-жадвал

Күммәтли қоозозлар дериватиевлари битан 2010 йылти энг күп саебдо қилган ширик биржалар (дериватиевлар қийматы млрд АҚШ доллары)³⁷

Биржа номлари	2007 йил	2006 йилга нисбатан ўзгарыш (%)	2008 йил	2007 йилга нисбатан ўзгарыш (%)	2009 йил	2008 йилга нисбатан ўзгарыш (%)	2010 йил	2009 йилта нисбатан ўзгарыш (%)
Hong Kong Exchanges (Гонг-Конг)	611	165,6	574,5	-5,9	429,7	-25,2	534,0	24,3
Korea Exchange (Корея)	73	66,0	85,7	17,8	174,1	103,2	354,3	103,5
Deutsche Borse (Германия)	440	53,8	165,3	-62,5	87,9	-46,8	79,6	-9,4
SIX Swiss Exchange (Швейцария)	63	61,5	55,9	-11,5	34,6	-38,1	38,1	10,1

³⁷ <http://www.world-exchanges.org/statistics> – Жаҳон биржалар федерацияси сайти маълумотлари.

1.4-жадвал

Қимматли қоғозлар деривативлари бозорида сотилган шартномалар сони³⁸

Ҳосила қимматли қоғозлар	2009 йили сотилган шартномалар сони	2010 йили сотилган шартномалар сони	Ўтган йилга нисбатан ўзгариш
Акцияларга опцион	3 635 879 423	3 631 758 302	-0,1%
Акцияларга фьючерс	640 057 555	786 014 934	22,8%
Акция индексларига опцион	4 154 023 417	5 027 813 199	21,0%
Акция индексларига фьючерс	1 820 000 622	1 880 659 638	3,3%
Облигацияларга опцион	232 564 941	254 534 664	9,4%
Облигацияларга фьючерс	828 370 054	1 029 469 038	24,3%

ларда ривожланиши билан бирга кечәётган байналмилалашув ва глобаллашув жараёнлари чукурлашуви;

- трансмиллий компанииялар, банклар ва глобал молия муассасалари, алоҳида давлатлар ва давлатлар гурӯҳи ўртасидаги халқаро рақобатнинг кучайиши;

- чегараларни ошиб ўтадиган молиявий оқимларнинг юқори суръатларда ҳаракатланиши ва молия бозорининг тузилмавий секторлари ўртасидаги алоқадорликнинг ошиши;

- ахборот тизимлари ва электрон алоқа воситаларининг жадал суръатларда ривожланиши;

- бозорни бевосита тартибга солишнинг сусайтирилиши;

- молия бозори иштирокчилари фаолиятининг анъанавий соҳалари ўзгариши (универсал банклар фонд секторида андеррайтер, ташкиллаштирувчи ва трейдерларга айланмоқда; инвестиция банклари синдикатлашган кредитларни ташкиллаштиromoқда, лойиҳаларни молиялаш билан шуғулланмоқда; тижорат банклари инвестиция банкларининг анъанавий фаолиятига аралашмоқда ва ҳ.к.);

³⁸ <http://www.world-exchanges.org/statistics> – Жаҳон биржалар федерацияси сайти маълумотлари.

– молия бозори иштирокчиларининг ихтиёрий қўшилиши ёки йирик иштирокчилар томонидан ўз таркибига олиниши кучаймоқда, бу молия бозорининг барча секторларида операцияларни амалга ошириш имконига эга универсал молиявий холдингларнинг юза келишига туртки бермоқда;

– молия бозоридаги операциялар риски кучайишига сабаб бўлувчи деривативлар билан битимлар ҳажми ўсиш тенденциясига эга;

– АҚШ доллари мавқеининг тушиши ва қадрсизланиши, бу халқаро молия бозоридаги мувозанатнинг бузилишига, замонавий молия бозорининг инқироздан кейинги ривожланишига шарт-шароитлар яратишга хизмат қилиши мумкин.

Фикримизча, молиявий глобаллашув шароитида молия бозоридаги инқирозлар халқаро фонд бозорида икки турдаги қарама-қаршиликни ўзида акс эттирган ҳолда шаклланган.

Биринчидан, ҳақиқий ва реал қийматга эга бўлмаган халқаро капитал ўртасида фарқнинг шаклланиши натижасида вужудга келади. Шубҳасиз, қимматли қоғоз шаклидаги ва тижорат фаолиятининг моддий асосидаги капитал орасида фарқ мавжуд. Қимматли қоғозлар кўринишдаги капитал истиқболдаги фойда мажмуаси сифатида баҳоланса, реал қийматга эга бўлмаган капитал эмитентнинг товарлар ва хизматлар айирбошлашдаги фойдасидан шаклланмасдан, балки бозорда уларнинг нархи турли сабабларга кўра ошишидан юзага келади. Яъни қимматли қоғозлар ва унинг моддий асоси ўртасида узилиш натижасида реал қийматга эга бўлмаган капитал шаклланади. Қандайдир вақтдан сўнг эса бозор иштирокчилари томонидан бу тушиниб етилади ва фонд бозорида нархларнинг умумий тушиши юз беради, яъни фонд бозоридаги инқироз юзага келади. Шунинг учун биринчи қарама-қаршиликни «ортиқча баҳо» самараси деб номлаш ҳам мумкин.

Иккинчидан, жаҳонда мамлакатларга тақсимланган

капиталдан тўлиқ ҳажмда, бир вақтнинг ўзида, самарали фойдаланиш имкониятининг йўқлиги. Натижада ривожланган мамлакатлар фойдасига жаҳондаги капитал халқаро фонд бозори орқали қайта тақсимланади. Яъни жаҳондаги ривожланган мамлакатлар халқаро молия бозори орқали жаҳон хўжалигидаги асосий капитални ўзида жамлайди. Лекин маълум вақтдан кейин асосий молиявий марказларга кириб келган капитал бозордаги мукаммал рақобат шароитида ҳақиқий капитал кўринишига эга бўлмайди. Шунинг учун бундай капитал ўзига талабни кўпайтириш мақсадида оширилган миқдорларда халқаро молия бозорларига йўналтирилади, чунончи, ривожланаётган мамлакатлар қимматли қофозлари юқори даромадли қилиб кўрсатилади, бу «кортиқча баҳо» самараси сингари уларнинг бозор баҳоси ошишига сабаб бўлади. Оқибатда ривожланаётган мамлакатлар фонд бозорларида инқизорни келтириб чиқаради, бир вақтнинг ўзида ривожланган мамлакатлар инвесторларига тегишли капиталлар қадри тушишига олиб келади.

Халқаро фонд бозорида нархларнинг кескин пасайиши натижасида юзага келган инқизорларни ўрганишига бағишиланган тадқиқотларимизнинг кўрсатишича, ўтган асрдан ҳозиргача халқаро молия бозори инқизорлари барча мамлакатлар доирасида 5 маротаба юзага келган. 1.5-жадвал маълумотларидан кўринадики, 90-йилларда барча фонд бозорларидағи инқизорларнинг салбий оқибати оғир кечган (1929 – 1933 йиллардаги фонд бозорига эга жаҳоннинг барча мамлакатларидағи инқизорлар бундан мустасно), айниқса, ривожланаётган мамлакатлар кўпроқ азият чеккан. Бу ерда қимматли қофозлар нархларнинг пасайиши нафақат тизимли, балки ривожланган малакатларга қараганда шиддатлироқ тус олган. Ривожланган малакатларда ўсаётган қарздорлик муаммосининг ҳал этилмаслиги 90-йилларда уларнинг қимматли қофозлар баҳоси беқарорлигининг асосий сабабларидан биридир. Бу ўша давлатлар фонд бозорларида инқизорнинг тизимли пайдо бўлишига олиб келган. Лекин 2008

йили бошланган жағон молиявий-иктисодий инқирози 1929 – 1933 йиллардаги инқироз даражасига етганини күришимиз мүмкін.

1.5-жадвал

Халқаро молия бозори инқирозлари³⁹

Йиллар	Тарқалиш ҳудуди ёки таъсир доираси	Нархлардаги тахминий пасайиш, (%)
1929 – 1933	Фонд бозорига эга жағоннинг барча мамлакатларида	40 дан 80 гача
1957	АҚШ	20
1962	АҚШ, Европа	15
1966	Япониядан ташқари барча мамлакатлар	15
1974	Ривожланган мамлакатлар	25
1977	АҚШ	10
1981	Барча мамлакатларда Лотин Америкасида	10 40
1987	Лотин Америкасида	30
1990	Барча мамлакатлар	30
1992	Европа	8
1995 – 1996	Япония ва Жануби-Шарқий Осиёда	15
1998	Лотин Америкасида Россияда	40 тахминан 8 – 10 баробар
2001	Барча мамлакатлар	10
2008	Барча мамлакатлар	43

Ривожланаётган мамлакатлар фонд бозорлари ҳолатини баҳолаш анча қийин, күп сабабларга кўра фонд бозорини тартибга солувчи зарур чора-тадбирлар қабул қилиш жараёни аксарият ўз вақтида амалга оширилмайди. Оқибатда халқаро фонд бозорида инқирозлар пайдо

³⁹ World Stock Market Indices ва ЖБФ сайти маълумотлари асосида ҳисобланган. <http://www.globalfindata.com> ва <http://www.world-exchanges.org/statistics> сайтларига қаранг.

бўлади, уни бартараф этишнинг маҳсус механизмлари вужудга келади.

Фикримизча, халқаро фонд бозори инқирозлари халқаро молия бозорининг ўзига хос турли рискларни кўрсатувчи жараёнларидан биридир. Инқироз давридаги рисклар мамлакатлар ва халқаро фонд бозорларига хос рисклардан келиб чиқади. Бир мамлакат фонд бозоридан четга капитални чиқариш натижасида икки хил валюта ва сиёсий риск турлари пайдо бўлади. Бундай рискларни суғурталашни қимматли қофозларнинг ўзига хос ҳосила вий воситаларидан фойдаланиш орқали ёки мамлакатлар қимматли қофозларига инвестицияларни диверсифи кациялаш йўли билан амалга оширилиши мумкин.

Европадаги кўплаб мамлакатларнинг ягона валюта – еврога ўтиши улар орасидаги муносабатларда валюта рискини бартараф этди. Лекин фонд бозорининг бошқа қатнашчилари орасидаги ўзаро муносабатларда валюта риски сақланиб қолмоқда. Умуман, бу жараён халқаро фонд бозоридаги валюта риски даражаси жиддий равишда камайишига олиб келди.

Халқаро фонд бозорида инқирозларни башоратлаш жуда қийин. Ривожланган мамлакатлар фонд бозорлари ҳолатини баҳолаш етарли даражадаги профессионаллик билан амалга оширилади, шунинг учун унинг қатнашчилари, одатда, давлат билан бирга акциялар бозор баҳосидаги кескин тебранишларни бартараф этишга қаратилган турли чора-тадбирларни қабул қилишади. Ривожланаётган мамлакатлар фонд бозорлари ҳолатини баҳолаш анча қийин, кўп сабабларга кўра фонд бозорини тартибга со лувчи зарурий чора-тадбирлар қабул қилиш жараёни кўпинча ўз вақтида амалга оширилмайди. Натижада халқаро фонд бозорида инқирозлар пайдо бўлади, уни бартараф этишнинг маҳсус механизмлари вужудга келади.

Бир компания акция нархининг тушиши билан шу компания билан бевосита боғлиқ бошқа компания акция нархининг тушиши ўртасида кучли корреляцион боғлиқлик мавжуд. Яъни маълум бир гурӯҳ акциялар нархлари па-

саяди, бу биринчи гурұх компанияларидан каттароқ бүлған иккінчи гурұх компаниялар акциялари нархларининг тушишига олиб келади. Мазкур жараён кенгайиб инқироз ривожланиб боради. Натижада күплаб компаниялар акциялари нархларининг ёппасига тушиши содир бўллади. Акциялар нархи тушишининг миқдорий ҳажми бозорнинг «керагидан ортиқча қизиш» даражаси унинг иштирокчилари томонидан қанчалик англаб етилишига боғлиқ. Инқироздан чиқиши уни бартараф этиш чоралари оқибатида босқичма-босқич акциялар нархининг инқироз юзага келган даражага кўтарилиши билан кўзга ташланади. Халқаро фонд бозоридаги инқирознинг юзага келиш сабаби ва даражасига боғлиқ равишда уни бартараф этиш бир неча кундан бир неча ойгача давом этиши мумкин. Объектив сабаблар ёки фонд бозори инқирозидан чиқишининг муқаррарлiği акциялардан таркиб топган капитал таркибига боғлиқ. Бозор иштирокчилари томонидан унга нисбатан ишончнинг қайта тикланиши бозорга пул маблағларини қайтаради ва яна акциялар нархи ўсиб бора-веради.

Хулоса ўрнида таъкидлаш мумкинки, молиявий глобаллашув шароитида молия бозоридаги инқирозларнинг ривожланиши жадаллашган. Халқаро молия бозори ривожланишининг охирги босқичида иқтисодиётнинг реал сектори ва молия тизими ўртасида номувофиқлик кескинлашиб кетган, реал қийматга эга бўлмаган молиявий активлар кўпайган.

1.3. Инвестиция фондларининг молия бозорида тутган ўрни, асосий турлари ва уларни тартибга солишнинг илфор хориж тажрибаси

Молия бозори иштирокчилари орасида инвестиция фондлари муҳим ўрин тутади. Кўпчилик ҳолларда инвестиция фонди деганда хусусий шахслар ва компанияларнинг пул маблағларини жамловчи, кейинчалик уларни фонд бозорига жойлаштирувчи фонд тушунилади.

Инвестиция фондлари ўз акцияларини муомалага чиқариш орқали пул маблағларини жалб этадилар, сўнгра уларни бошқа корпорацияларнинг қимматли қоғозларига инвестиция қиласдилар.

Foreign and Colonial Government Trustning 1868 йили ташкил этилиши англо-саксон давлатларида инвестиция фондлари фаолияти бошланишини белгилаб берган, Голландияда инвестиция фондлари (Eendragt Maakt Magt) 1774 йилдан пайдо бўлган.⁴⁰

Инвестиция фондининг фаолияти қуидаги муносабатларни қамраб олади:

- инвесторларнинг пул маблағлари ва бошқа мулкварини жалб қилиш;
- инвесторлар мулкини ягона мулк мажмуи (фонд)да бирлаштириш ва тасарруфини инвестиция фондининг ўзига ёки ихтисослашган бошқарув компаниясига бериш;
- инвестицион даромад (дивиденд, фоиз ва ҳ.к.) кўришида ёки инвестиция объектларини қайта сотишдан фойда олиш мақсадида фонд маблағларини диверсификация тамойилига амал қилган ҳолда қимматли қоғозлар ва бошқа инвестиция объектларига жойлаштириш.

Инвестиция фондларининг ўзига хос жиҳати шундаки, уларнинг иштирокчилари сифатида фонд бозорида умуман тажрибага эга бўлмаган кенг жамоатчилик вакилла-

⁴⁰ Geert Rouwenhorst K. The Origins of Mutual Funds. – New Haven, 2003. – P.30.

ри ҳам қатнашиши мумкин. Ушбу иштирокчилар мустақил ҳолатда фаолият юритганда рискларни түғри баҳоломаслиги, турли фирибагарликлардан ўзини ҳимоя қилолмаслиги ҳам мумкин. Айни пайтда, улар томонидан инвестиция маблағларининг бой берилиши кескин ижтимоий зиддиятларга ҳам сабаб бўлиши мумкин. Шу босидан инвестиция фондлари давлат томонидан қатъий тартибга солинади.

Инвестиция фондига киритилган маблағлар инвестиция обьектлари бозор қийматининг ошишидан даромад кўринишида, уларни қайта сотишдан фойда, дивиденд, купон ва бошқа тўловлар кўринишида даромад олиш мақсадларидагина инвестиция қилиниши мумкин.

Инвестиция фондларининг активлари диверсификацияланган ҳолда инвестицияларга сафарбар этилади. Инвестиция фондлари активларини диверсификациялаш бўйича талаблар қонунчиликда қатъий кўрсатилиши ҳам мумкин. Бунда бир эмитентнинг қимматли қофозларига кўпі билан қанча миқдорда фонд активларини жойлаштиришни кўзда тутувчи чекловлар, муайян қўйилма обьектларини харид қилиш бўйича тақиқлар ва чекловлар белгиланиши эҳтимол.

Хозирда жаҳонда инвестиция фондларининг умумий тан олинган қоидалари мавжуд бўлмаса-да, аммо уларнинг ўзига хос хусусиятлари, гурухлаш шартлари мамлакатларнинг миллый қонунчилиги, ўз-ўзини бошқарувчи ташкилотларнинг стандартлари, рейтинг агентликларининг усуслари, инвестиция фонди ва бошқарувчи компаниянинг тартиблари орқали ўрнатилади.

Инвестиция фондларини таснифлашнинг асосий мезонлари сифатида қуидаги хусусиятлардан фойдаланиш мақсадга мувофиқ:

- инвестиция фондининг ташкилий-ҳуқуқий шакли;
- инвестиция фонди қимматли қофозлари эгаларининг талабларига кўра уларни сўндириш бўйича мажбуриятларнинг мавжудлиги;
- фонд инвестицион сиёсати;

– инвестицияларни актив ва пассив бошқариш стратегияси;

– инвесторларнинг имкониятлари ва ҳ.к.

Фикримизча, инвестиция фондларини юқоридаги мезонларга кўра қўйидагича таснифлаш мақсаддага мувофиқ (1.6-жадвалга қаранг).

Ташкилий-хуқуқий шаклига кўра инвестиция фондларини акциядорлик, шартномали ва траст инвестиция фондларига бўлиш мумкин.

Акциядорлик жамиятлари кўринишида ташкил этилган инвестиция фондларида инвесторлар томонидан фондга берилган мулк инвестиция фонди мулкига айланади, уни тасарруф этиш фонднинг бошқарув органлари ёки ваколатли бошқарув компанияси томонидан амалга оширилади.

Евropa Иттифоқи ва АҚШда очиқ акциядорлик инвестиция фондларини тузишга рухсат берилган. АҚШда очиқ турдаги инвестиция фондларининг⁴¹ умумий инвестиция фондлари активларидаги улуши 90 фоиздан ортади.

Шартномали инвестиция фондларига пай инвестиция фондларини, банк бошқарувидаги умумий фондларни ва ипотека билан таъминланган фондларни киритиш мумкин.

Шартнома типидаги инвестиция фондини ташкил этишда эса инвесторнинг фондга киритадиган маблағлари инвестиция фонди номига очиладиган банк ҳисоб рақамлари ва депо ҳисоб варагидаги ягона мулк мажмууда бирлаштирилади. Ушбу мулк мажмууни тасарруф этиш ва фонд иштирокчилари билан муносабатлар фонднинг маҳсус депозитарийси назорати остида бошқарувчи компания томонидан амалга оширилади. Инвесторлар ва бошқарувчи компания ўртасидаги ўзаро муносабатлар

⁴¹ АҚШда очиқ турдаги инвестиция фондлари mutual funds (биргалиқдаги, ўзаро фондлар) атамаси билан юритилади.

1.6-жадвал

Инвестицион фондларнинг таснифланиши⁴²

Инвесторлар имкониятларига кура	Тажрибали инвесторлар учун фондлар	Турли тоифадати барча инвесторлар учун фондлар
Инвестицион стратегиясига кура	Актив (фаол) башкариладиган инвестициия фондлари	Пасив башкариладиган инвестиция фондлари
Инвестицион сийёсатига кўра	Лўзгосидиони оғирлаштирувчи активи оғирлаштирувчи активи оғирлаштирувчи активи оғирлаштирувчи активи	Кынгич мурожаатларни имотека мурожаатларни бешарий мурожаатларни бешарий мурожаатларни бешарий мурожаатларни бешарий мурожаатларни бешарий мурожаатларни
Фонд ҳимматли қозоуларини сўндириши мажбуриятининг мавжудигига кўра	Очиқ инвестиция фондлари	Ёлик инвестиция фондлари
Ташкилий-хўжумий шаклига кура	Акционерлик инвестиция фондлари	Шартномали инвестиция фондлари

⁴² Тадқиқот натижалари асосида муаллифлар томонидан тузилган.

ишончли бошқарувнинг стандарт келишувлари асосида тартибга солинади.

Одатда, инвестиция фонди маблағларини жойлаштириш билан ўз хизмати учун муайян мукофотларга эга бўлувчи бошқарувчи компания шуфулланади. Инвестиция фондларининг бундай тарзда фаолият юритиши турли характердаги рисклар билан боғлиқ эса-да, улар инвесторлар (фонднинг пайчилари ва акциядорлари) учун кенг имкониятларни тақдим этади.

Пай инвестиция фондларида пайчилар маблағлари хавфсизлигини таъминлаш мақсадида қатор ташкилий тузилмалар фаолият юритади:

- бошқарувчи компания (фонд мулкини бошқаради);
- ихтисослашган депозитарий (фонд активлари ҳисобини юритади, саклайди, бошқарувчи компания фаолиятини назорат қиласади);
- ихтисослашган рўйхатга олувчи (регистратор) (фонднинг инвестицион пайлари эгалари реестрини юритади, пайларга эгалик ҳуқуқи ва пайлар билан амалга оширилган операцияларни тасдиқловчи ҳужжатларни беради);
- аудитор (фонд фаолиятининг мажбурий аудитини ўтказади);
- мустақил баҳоловчи (пай инвестиция фондининг активлари бозор қийматини мустақил тарзда баҳолайди);
- инвестицион пайларни бериш ва сўндириш бўйича агентлар (фонднинг бошқарув компанияси номидан пайларни беради ва сўндиради).

Пай инвестиция фондининг бу каби хусусиятлари тажрибасиз инвесторларнинг мазкур фондларга қатнашиш имкониятини оширади, фонднинг бошқарувчи компаниялари таъсисчилари билан боғлиқ рискларни чеклашдаги самарали механизмини ташкил этади. Акциядорлик жамиятлари билан таққослаганда пай инвестиция фонднинг боз афзаллиги шартномали фондлар сифатида (ёпиқ шаклидан ташқари) уларда акциядорларнинг умумий йиғилиши мавжудмаслигиdir. Ушбу ҳолат очиқ ва

интервал инвестиция фондлари фаолиятини юритишни соддалаштиради ва арzonлаштиради.

ХХ асрнинг 70-йиллар охирида АҚШда пай фондлари юзага келган ва тезлик билан инвесторлар эътиборини ўзига жалб қилган, бу шароитда таклиф этилаётган банк фоизларининг ўлчами жуда паст эди, жорий инфляция суръатларини ҳам қопламаган. Пай инвестиция фондларининг юзага келиши муаммони ечишнинг муҳим омили бўлган. Пай инвестиция фондлари корсерватив хорижий инструментларни сотиб олиш учун инвесторлар маблағларини бирлаштириш тамойили бўйича фаолият кўрсатган. Ишлаб чиқилган режага кўра фаолият юритиш йиллик 20%гача даромадлиликни таъминлаган.

Шартномали инвестицион фондларнинг бошқа тури банк бошқарувидаги умумий фондлар (ББУФ) ҳисобланади. Бундай фондларнинг кўп хусусиятлари пай инвестиция фондлари сингари, улар ҳам ишончли бошқарув шартномаси асосида ўз таъсисчилари маблағларини жалб этади, уларни турли объектларга инвестициялаш учун бирлаштириш ҳуқуқига эга.

Пай инвестиция фонди ва ББУФда бир қатор муҳим фарқлар ҳам мавжуд. ББУФ мулкини банк бошқаради, унинг учун маҳсус бошқарувчи компанияни тузиш шартмас. Таъсисчиларнинг ББУФ мулкидаги улуши пай инвестиция фондларидан фарқли равишда қимматли қоғоз шаклида бўлмайди, олди-сотди ва бошқа битимлар обьекти ҳисобланмайди, фонддаги улушлар номи ёзилган сертификатлар орқали тасдиқланади. ББУФнинг улуш сертификатлари очиқ турдаги пай инвестиция фондлари каби факат ўз банкига сотиб олиш учун тақдим этилиши мумкин. ББУФнинг маблағларини банклар пай инвестиция активлари рўйхатига нисбатан кўпроқ йўналишларга, жумладан, векселлар, қимматбаҳо тошлар ва металлар, ҳосила ёки муддатли бозор воситаларига инвестиция қилиши мумкин. ББУФ фаолиятида, одатда, маҳсус депозитарий ва рўйхатга олувчилар талаб этилмайди. ББУФ фаолияти нафақат инвестиция фондини тартибга солув-

чи меъёрий ҳужжатлар билан, балки банк фаолиятини тартибга солувчи ҳужжатлар билан ҳам мувофиқлаштириб борилади.

ББУФ пай инвестиция фаолиятини тартибга солишга қараганда эркин эса-да, амалиёт кўрсатадики, инвесторлар қаттиқ назорат қилинувчи фолиявий воситачиларга кўпроқ ишонишади. Шунинг учун пай инвестиция фондлари активлари ББУФ активларидан 10 баробардан кўпроқ.

Ёпиқ пай инвестиция фондлари каби шартномали инвестиция фондларига ипотека билан таъминланган фондларни келтириш мумкин. Бундай фондлар умумий улуш мулклари асосида унинг эгаларига тегишли молмулк шаклида ипотека таъминотининг ишончли бошқарув таъсисчилари билан ташкил этилади. Ипотека таъминотини шартномага кўшиш бошқарувчи томонидан берилган ипотека сертификатлари орқали амалга оширилади. Ипотека таъминоти бошқарувчилари, одатда, нодавлат пенсия фондларини, пай инвестиция фондларини ва бошқа инвестицион фондларни бошқариш бўйича лицензияга эга тижорат ташкилотлари бўлади. Инвестицион пайлар сингари иштирокчилар ипотека сертификатлари ҳам эмиссия қимматли қофози ҳисобланмайди, но минал қийматга эга бўлмайди ва нақд кўринишида чиқарилмайди. Бундай қимматли қофозлар бозорда, жумладан, савдо ташкилотчилари орқали эркин муомалада бўлади. Иштирокчиларнинг ипотека сертификатлари ёпиқ пай инвестиция фондлари пайларига яқин тушунча, улар эгаларига бошқарувчи компания томонидан сертификатларни сўндиришни талаб қилиш ҳуқуқини бермайди.

Буюк Британияда инвестиция фондлари бирлашган трастлар (Unit trust) ёки пай трастлари ва инвестиция трастлари кўринишида фаолият юритади.

Мамлакатда бирлашган трастлар фаолиятини самарали тартибга солиш мақсадида уларнинг инвестиция сиёсатига нисбатан қуйидаги чекловлар белгиланган:

– товарлар ва кўчмас мулкка инвестиция қилинишига рухсат этилмайди;

– инвестиция портфели қийматининг минимум 75 фоизи тан олинган фонд биржаларида котировкаланган қимматли қофозларга қилинган инвестициялардан ташкил топиши керак. Максимум акцияларнинг 25 фоизи листингга киритилмаган акциялардан, максимум 5 фоиз портфель котировкаланмаган акцияларга инвестициялардан ташкил топиши мумкин;

– битта компания акцияларининг 10 фоиздан ортиғи га әгалик қилинмаслиги лозим;

– инвестиция амалга оширилган пайтда битта компания акцияларига қилинган инвестициялар бирлашган траст портфели қийматининг 5 фоизидан ошмаслиги даркор. Инвестиция амалга оширилгач акцияларнинг қиймати ошса, траст портфелининг 7,5 фоизига қадар интервенция қилиш талаб этилмайди.

Трастлар фаолиятининг мақсади шундаки, инвестор ўзининг пул тўловларини ишончли бошқарувга топширади. Пай баҳоси бирлашган трастнинг портфелида жойлашган қимматли қофозларнинг умумий қийматини чиқарилган пайларнинг миқдорига бўлиш йўли орқали аниқланади. Талаб ошганда бошқарувчилар янги пайларни чиқариш ҳақида қарорга келишади.

Кейинги йилларда Буюк Британияда юнит-трастлар ўрнига очиқ инвестицион компаниилар юзага кела бошлиди.

Инвестиция трастлари бирлашган трастларга ўхшаб кетади, чунки улар ҳам жисмоний ва юридик шахсларга диверсификациялашган активлар портфелидан муайян улушга эга бўлиш имконини беради. Бошқа томондан, инвестиция трастлари бирлашган трастдан фундаментал жиҳатдан фарқланади. Инвестиция трастларининг реклама қилиш кўлами чекланган, ўз акцияларини сотиш учун реклама қилиши тақиқланади.

Қолаверса, инвестиция трастлари бирлашган трастлардан фарқли равишда варрант ва бошқа қарз мажбуриятларини (debentures) эмиссия қилишлари мумкин. Инвестиция трастлари ёпиқ турдаги фонд шаклида ташкил этил-

са, бирлашган трастлар очик турдаги фонdlар ҳисобланади.

Инвестиция трастлари бирлашган трастлардан фарқли равища ўз пайларини пул тұлаб қайтиб олиш ёки доимо чиқариш ҳуқуқига әгамас. Доимий равища факат унинг оширилиши түғрисидаги акциядорлик қарори қабул қилиниши сабабли вақти-вақти билан ўзгариши мумкин бўлган устав капиталига эга.

Инвестиция трастлари инвестиция шаклларига рухсат берилиши жиҳатидан фонд биржаларининг листинг талаблари орқалигина чекланиши мумкин:

- битта компанияга қилинган инвестиция умумий инвестициянинг 10 фоизидан ошмаслиги лозим;
- листингга киритилмаган акцияларга инвестициялар умумий инвестицияларнинг 15 фоизидан ошмаслиги керак.

Инвестиция фондининг қимматли қофоз әгалари ўз қимматли қофозларининг фонд томонидан қайта солиб олинишини талаб қилиш ҳуқуқига кўра ёки фондда қимматли қофозларни сўндириш мажбуриятининг мавжудлигига кўра инвестицион фонdlар очик, ёпиқ ва интервал (оралиқ) турларга бўлинади.

АҚШда дастлабки очик турдаги инвестиция фонди «Massachusetts Investory Trast» (*mutual fund – ўзаро фонд*) 1924 йили Бостонда ташкил этилган. Бироқ бу пайтда ўзаро фонdlар инвесторларнинг ишончига жуда қийинчилик билан эришган. XX асрнинг 30-йиллари охирига келиб АҚШда трастлар түғрисидаги, кейинчалик инвестициялар түғрисидаги қонунлар қабул қилинди. Лекин ўзаро фонdlарнинг жуда тез ўсиши 1950 йилдан бошланди. 1951 йили АҚШда уларнинг миқдори 100 тадан ошиб кетди, акциядорлари сони эса 1 миллиондан ортди.⁴³ АҚШда ёпиқ турдаги инвестиция фонdlари ўзаро фонdlар билан бир даврда юзага келган.

⁴³ <http://www.pif-news.ru/article/1572>.

Фарб мамлакатларида ўзаро фондларнинг фаолияти бирмунча мустаҳкам назорат орқали амалга оширилади. Одатда, бу билан алоҳида орган шуғулланади ҳамда қимматли қофозлар муомаласини назорат қиласди.

Ўзаро фондлар фаолияти Қимматли қофозлар ва биржалар бўйича комиссия (Securities and Exchange Commission (SEC) томонидан 1933 йилдаги қимматли қофозлар тўғрисидаги қонунга асосан тартибга солинади. Мазкур орган дунёда қимматли қофозлар муомаласи ва биржалар иши соҳасидаги қоидаларнинг бузилишига кескин муносабати билан машҳур. Ўзаро фондларнинг доимий равишда омонатчиларига маълумот бериш мажбурияти, ҳисоб-китобларни пухта юритиши, активлар қимматини аниқ ҳисобга олиши, қимматли қофозларни эгаллашгача эмитентнинг чукур таҳлилини ўтказиши ва ҳ.к. комиссия томонидан инвестицион институт сифатида назорат қилинади. Алоҳида мамлакатларда ўзаро фондлар фаолиятининг ривожланиши амалдаги ҳукуқий тартибларга боғлиқ.

Ўзаро фондлар фақат оддий акциялар чиқариш ҳукуқига эга, у бўйича инвестор учун даромадни олдиндан аниқлаш мумкин эмас. Бу фонд капиталини бошқаришнинг муваффақиятли бўлишига боғлиқ.

Ўзаро фондлар ҳозирги кунда Америка пенсия таъминоти тизимининг асосий қисмларидан бири саналади. Тизим фаолияти қўйидаги кўринишда амалга ошади, компания ҳар ойда ходимларнинг иш ҳақидан баъзи инвестиция инструментларини, жумладан, пай фондларини тўлдиришга ажратма ўтказади.

Ўзаро фондларнинг бошқа молиявий ташкилотлар, жумладан, банклар, омонат кассалари, суурита компаниялари ва пенсия фондлари билан солиштирганда фарқланувчи ўзига хос томони операцион шаффоффликнинг юқори даражадалигидадир. Банклар ва суурита компанияларидан фарқли тарзда ўзаро фондлар кредитлар бермайди ва рисклардан суурталамайди, шунинг учун муддати ўтган қарзларни қоплашга захиралар ташкил

этишга эҳтиёж сезмайди. Ўзаро фондлар маблағларни бозор инструментларига инвестициялайди ва активлари-ни бозор баҳосида қўйишга қобилиятли бўлади. Лекин инвестицион ризк фақат инвесторларга тарқалади.

Ўзаро фондлар учун ривожланган, юқори ликвидли ва қоидаларга тўғри амал қилишни тавсифловчи қимматли қофозлар бозори керак. Қимматли қофозлар бозорининг белгиланган қоидаларга мувофиқ фаолият юритиши ушбу бозордаги субъектларнинг реал фаолиятини, ҳақиқий рақобатга тегишли қоида ва стандартларга риоя қилиши-ни тақозо этади.

Капитал бозори ривожланган мамлакатларда ўзаро фондлар яхши ривожланган, инвесторларнинг уларга юқори ишончи тизим тараққиётига туртки бермоқда. Таш-қи савдодаги эркинлик ва экспортда юқори технология-ли маҳсулотлар улушининг кўплиги аҳоли даромадла-ри юқори даражадаги мамлакатларда ўзаро фондларнинг ривожланишига ижобий таъсир кўрсатувчи омил-лардан.

Биржада акциялари котировка қилинадиган фондлар (exchange-traded funds, ETFs) очиқ турдаги инвестиция фондининг бир кўриниши, акциялари фонд биржаларида ҳар куни бозор баҳосида савдо қилинади. У инвестиция компаниясининг энг янги тури ҳисобланади. Чакана инвесторлар ETF акцияларини фақатгина фонд биржасида брокер-дилер орқали харид қилиши мумкин. Бундан фарқли равишда, очиқ турдаги инвестиция фонди (mutual fund) акциялари фонд биржаси листингига кири-тилмайди. Очиқ турдаги инвестиция фондининг акция-лари турли каналлар орқали ёки бевосита фонднинг ўзи-дан ҳам сотиб олиниши мумкин.

ETF акциялари фонд биржасида мунтазам савдо қилиниши боис турли вақтлардан икки инвестор томонидан харид қилинган акциялар баҳоси турлича бўлиши ва ик-кала баҳо ҳам соф актив қийматидан фарқланиши мумкин. Очиқ турдаги инвестиция фонди (mutual fund) акци-яларини сотиб олиш ёки сотиш учун инвесторлар кун да-

вомида буюртмаларни бериши мүмкін. Бироқ барча буюртмалар ягона баҳода қондирілади.

Очиқ пай инвестиция фондларида пай әгалари ўзларига тегишли барча пайларни ёки унинг бир қисмини итиерий иш куніда сұндиришни бошқарувчи компаниядан талаб қилиш ва улар ўртасыда тузилған ишончли бошқарув тұғрисидаги шартномани тугатиш ҳуқуқига эга бўлишади.

Интервал пай инвестиция фондларида, пай әгалари очиқ пай инвестиция фондларидаги пай әгаларидан фарқли равища, пай инвестиция фондининг ишончли бошқарув қоидаларига мос равища ўрнатылған маълум бир муддат мобайніда ўзларига тегишли пайларни ёки унинг бир қисмини сұндириш, ишончли бошқарув тұғрисидаги шартномани тугатиш ҳуқуқига эга бўлмайдилар.

Интервал инвестиция фондлари ривожланыётган мамлакатлардан ташқарыда кам тарқалған. Бундай турдаги инвестиция фондлари очиқ инвестиция фондларига ўхшаш, олдиндан аниқланған ва чекланған муддат оралиғида фонд мулкдорларига тегишли қимматли қофозларни инвестиция фонди мулки ҳисобига сұндириш имкони йўқ. Ёпиқ инвестиция фондларидан фарқли равища, интервал фонд инвесторлари фонд мулкини бошқаришда қатнашмайди. Бу турдаги фонд инвесторларига тегишли қимматли қофозларни сұндиришни талаб қилиш ҳуқуқига бўлган чеклов очиқ турдаги фондларга қилинадиган инвестициялар билан тақослагандан рисқ даражасини оширувчи омил ҳисобланади. Шунинг учун бу турдаги инвестиция фондлари кўплаб мамлакатларда мавжудмас.

Очиқ турдаги инвестиция фондларидан фарқли равища, ёпиқ турдаги инвестиция фондлари қайта сотиб олинадиган акцияларни (redeemable shares) муомалага чиқармайди. Бошқача айтганда, ёпиқ турдаги инвестиция фондлари акциялари бевосита фонд томонидан қайта сотиб олинмайди, яъни инвесторлар ўзларига тегишли қимматли қофозларни фонд мулки ҳисобидан сұндириш ҳуқуқига эга бўлмайдилар, балки унинг акциялари очиқ

бозорда инвесторлар томонидан олди-сотди қилинади. Ёпиқ турдаги фондлар қатый белгиланган миқдорга эга кундалик равишда фонд биржасида бозор баҳосида савдо қилинадиган акцияларни муомалага чиқаради.

Шу боис ёпиқ турдаги инвестиция фондлари чиқарған акцияларини сотиб олиш учун етарлича пул маблағлари захирасини сақлаш ёки активлари портфелидаги қимматли қофозларни сотишига әхтиёж сезмайды.

Бу турдаги фонд инвесторларида оппортунизм рухидаги муаммолар юзага келади, улар фақат акциядорларнинг умумий йиғилиши ёки директорлар кенгаши аъзоларини сайлаш орқали бартараф этилади.

Ёпиқ пай инвестиция фондларида инвестицион пай эгалари бошқарувчи компаниядан инвестиция фондини ишончли бошқарув түғрисидаги шартноманинг муддати ўтмагунча уни тугатишни талаб қилиш ҳуқуқига эга эмас.

Мазкур инвестицион фондлар агентлик муаммоларини бартараф этиш усули бўйича фарқланади. Очиқ турдаги инвестиция фондлари ушбу фонд мулкини унинг эгалари томонидан бошқариш ва назорат қилиш функциясини алоҳида ажратишга мўлжалланган. Агар бошқарувчи компания, депозитарий ёки инвестиция фонди қонунқоида чегарасидан чиқиб, ўз инвесторларига ёки шерикларига холис хизмат кўрсатмаса, уларнинг биринчи талаби билан инвестиция фондидан чиқиш ҳуқуқи амалга оширилади. Очиқ инвестиция фондларининг қимматли қофозлари ликвидлиги жаҳондаги инвесторлар орасида уларни машҳур қилувчи асосий омиллардан бири.

Инвестицион сиёсатига кўра инвестиция фондлари пул бозори фондлари, облигация фондлари, акция фондлари, аралаш инвестиция фондлари, фондларнинг фонди, кўчмас мулк фондлари, рискли инвестиция (венчур) фондлари, ипотека ва индекс фондларига ажратилади. Инвестиция фондининг тури унинг номида кўрсатилади. Инвестиция фонди сиёсатида инвестициялаш мақсади инвестиция объектларига ва фонд инвестиция декларациясидаги активлар таркибига бўлган талабдан келиб чиқади.

Фондни ташкил этаётганда бошқарувчи компания томонидан инвестиция фонднининг қайси турга мансублиги белгиланади ва эълон қилинади. Лекин пай ёки акциядорлик инвестиция фондларининг активлар таркиби мамлакатларнинг қонуний-меъёрий хужжатлариға мос келиши лозим.

Пул бозори фондлари ўз активларини кўпинча юқори ликвидли облигацияларга ва банк депозитларига инвестицияловчи инвестиция фондлари ҳисобланади.

АҚШ ва Европа мамлакатларида пул бозори фондлари банк депозитлари билан тўғридан-тўғри рақобат қилувчи, фаолият механизми банк депозитлари функционал механизмига кўп жиҳатдан ўхшашиб инвестиция фондлари саналади. Пул бозори фонднинг банк депозитларига ва қисқа муддатли облигацияларга қўйилган маблағлардан олинган даромадлари фонд мулқдорлари орасида тақсимланади ва уларнинг истагига кўра фондга қайта инвестицияланиши мумкин. Пул бозори фондлари ўз инвесторларига даромадларни кафолатламаса-да, инвесторлар давлат қимматли қоғозларига, банк депозитларига ва рисклилик даражаси паст бошқа молиявий воситалар даромадларига боғлиқ ҳолда доимий даромад олиб туришлари мумкин. Шунинг учун, одатда, пул бозори фондлари активларини халқаро рейтинг ташкилотлари томонидан рейтингга эга бўлмаган қимматли қоғозларга инвестициялаш тақиқланади. Пул бозори фондлари банк депозитларига нисбатан даромадли ҳисобланади, уларга ўз активларига нисбатан мажбурий захира шакллантирилмайди. Банкларга нисбатан уларнинг харажатлари анча кам эса-да, улар молия бозоридаги ахборотлар асимметрияси ҳисобига қўшимча харажат қилишади. Пул бозори фондига маблағ қўйишдаги риск банк омонатчилари рискидан фарқланади. Фонд инвестори бошқа турдаги банк фаолияти билан боғлиқ кредит рискларига дучор бўлмайди. Пул бозори фондига қўйилмалар банк депозитлари каби давлат томонидан кафолатланмайди.

Россия амалиётида бундай фондлар инвестицион портфелида турли шаклдаги эмитентлар чиқарган обли-

гациялар ҳажми 50 фоиздан ортмаслиги, акциялар бўлмаслиги, россиялик эмитентларнинг корпоратив облигациялари, халқаро молия ташкилотлари ва хорижий эмитентларнинг қимматли қофозларига, муниципал қимматли қофозларга қўйилмалар 10 фоиздан ошмаслиги белгиланган. Улар очиқ, интервал ва ёпиқ ПИФ шаклида ёки акциядор инвестиция фонди кўринишида ташкил этилиши мумкин.

Облигациялар фонди маблағларни турли шаклдаги эмитентларнинг облигацияларига инвестициялаш учун ташкил этилади.

Облигациялар фонди облигациялар ва пул бозоридағи очиқ ҳамда ёпиқ турдаги ПИФларнинг инвестицион пайларига эга бўлиши мумкин. Очиқ турдаги облигациялар фонди ўз маблағларини фақат облигациялар ва пул бозорида очиқ турда фаолият юритувчи ПИФларнинг пайларига инвестициялаши мумкин. Облигациялар фонди очиқ, интервал ва ёпиқ ПИФлар ёки акциядорлик инвестиция фондлари кўринишида ташкил этилиши мумкин.

Россия амалиётида мазкур шаклдаги фондлар активларининг камидаги 50 фоизини федерация ва унинг субъектлари давлат облигацияларига, муниципал қимматли қофозларга, корпоратив облигацияларга ва хорижий эмитент облигацияларига қўйиши, Россия ва хорижий эмитентлар акцияларига инвестицияларнинг қиймати фонд активларининг 40 фоизидан ошмаслиги белгиланган.

Акциялар фонди ўз маблағларини турли шаклда эмитентларнинг акцияларига инвестицияловчи инвестиция фондлари ҳисобланади.

Облигациялар фондидан фарқли равишда, акциялар фонди очиқ ва интервал ПИФларнинг пайларига эга бўлиши мумкин. Ушбу фонд ўз маблағларини ёпиқ турдаги акциядорлик жамиятларининг оддий акциялари ва ёпиқ ПИФларнинг инвестицион пайларига қўйиши мумкин. Акциялар фонди очиқ, интервал ва ёпиқ ПИФлар ёки акциядорлик инвестиция фондлари кўринишида тузилади.

Россияда акция фондлари маблағларини маълум бир

компания акцияларига инвестиция қилишда ҳеч қандай чекловлар үрнатылмаган, ушбу фонд активлари таркибида облигациялар салмоғи 40 фоиздан ортишига йўл қўйилмайди.

Аралаш инвестицияли фондлар ўз маблағларини акция ва облигацияларга чекланган микдорда аралаш шаклда инвестиция қилувчи инвестиция фондлари саналади. Бундай фондларнинг облигациялар фондидан фарқли жиҳати шундаки, турли шаклдаги эмитентлар акцияларига қўйилмалар ҳажми чекланмаган, акция фондидан фарқи эса ихитёрий микдордаги облигацияларга ўз маблағини қўйиши мумкин.

Аралаш инвестиция фондлари очиқ ва интервал ПИФларнинг инвестицион пайларига эга бўлиши, улар очиқ, интервал ва ёпиқ ПИФлар ёки акциядорлик инвестиция фондлари кўринишида ташкил этилиши мумкин.

Фондларнинг фонди инвестицион портфелларини фақат бошқа инвестицион фондлар қимматли қофозларидан шакллантириб, ўз активларини юқори даражада дифференциациялашга интилади.

Россияда фондларнинг фондларига талаблар, фонднинг бошқа инвестиция фондлари қимматли қофозларига эгалик қилиши 50 фоиздан ортиқ бўлишини инобатга олмаганда, аралаш инвестиция фондларига талаблардан айтарли фарқланмайди.

Кўчмас мулк фондлари ўз инвесторларини кўчмас мулк объектларига эгалик қилиш, улардан фойдаланиш ва бошқаришдан олинган даромадлар билан таъминлайди. ПИФ шаклидаги кўчмас мулк фондларининг кенг тарқалган стратегияси уй-жой ёки шаҳарчалардаги коттежларни кейинчалик сотиш учун қуриш ва ижара тўловлари шаклида доимий олиш учун тижорат кўчмас мулки ҳисобланади. Кўчмас мулк фондлари бошқа инвестицион фондларга нисбатан ликвидли фонддир.

Кўчмас мулк фондлари Россияда фақат ёпиқ ПИФ шаклида ёки акциядорлик инвестиция фонди шаклида ташкил этилади.

Кўчмас мулк фондларининг ўзига хос хусусиятлари кўйидагиларда кўзга ташланади:

- облигацияларга қўйилган маблағлар фонд активларининг 30 фоизидан ошмайди;
- очиқ турдаги акциядорлик жамиятлари акцияларига ихтиёрий миқдорда маблағлар қўйиш мумкин;
- фонд активлар таркибига кўчмас мулклар, унга бўлган ҳуқуқлар, жумладан, кўчмас мулкка ижара ҳуқуки, кўчмас мулк объектларини қуришда улушли қатнашиш шартномасидаги мажбуриятлар бўйича мулкий ҳуқуқ, барча турдаги инвестицион пайлар, ёпиқ турдаги акциядорлик жамияти акциялари, масъулияти чекланган жамиятлар устав капиталидаги ва лойиҳа-смета ҳужжатларида кўзда тутилган улушлар кириши мумкин.

Юқори рискли (венчур) инвестиция фондлари юқори ўсиш суръатига эга ўрта ва кичик корхоналар акциялари ва улушларига эга, даромад топишга ихтисослашган инвестиция фондлари саналади. Венчур фондларнинг маблағлари янги бизнесни бошлаш босқичида қўйилади ва узоқ муддатга ҳисоб-китоб қилинади. Бизнес лойиҳалар амалга оширилиб, корхона ривожланиб кетгандан сўнг венчур фондлар ўзига тегишли акциялар ва улушларни корхона бошқарувига сотади ва корхона бизнесидан чиқади. Амалиётда венчур фондининг корхоналарга қўйилган маблағлари доим ҳам ўзини оқламайди.

Венчур инвестиция фондининг бошқа инвестиция фондларидаги бир қатор фарқлари мавжуд, уларни қўйидагиларда кўриш мумкин:

- очиқ ва ёпиқ турдаги акциядорлик жамиятлари акцияларига, масъулияти чекланган жамиятлар мулкида улушга эга бўлишга ва хўжалик субъектлари чиқарган векселларга активларини инвестициялаш имкониятининг мавжудлиги;
- хорижий компания акцияларига инвестицияларни амалга оширишнинг тақиқланиши.

Россия амалиётида венчур ПИФларнинг масъулияти чекланган жамиятлар улушларига, савдоларни ташкилот-

чиларнинг котировкалар рўйхатида бўлмаган Россия компаниялари акцияларига ва хўжалик субъектларининг облигацияларига қўйган активлари маълум бир даврий оралиқда ошиб бориши лозим. Яъни ПИФни таъсис этилгандан кейинги 1 йил мобайнида активлар ҳажми 10 фоизга, 3 йил давомида 30 фоизга, 6 йил давомида 50 фоизга ортиши керак.

Ёпиқ турдаги пай инвестиция фондлари ўз маблағларини ипотека билан таъминланган пул талабномаларига қўйиш имконини беради. *Ипотека ПИФларнинг активлари ипотека билан таъминланган эса-да, бевосита кредиторларга қарзга маблағлар бермайдилар.*

Ипотека ПИФлар активлари таркиби давлат қимматли қофозлари; ипотека тўғрисидаги шартнома бўйича таъминотни сақловчиларнинг ҳуқуқлари ва кредит шартномаларидағи ипотека мажбуриятлари билан таъминланган пул талабномалари; мулк ҳуқуқи бўйича гаров шартномасида қарздорларнинг ҳуқуқлари бўйича, улушли қурилиш шартномасига қатнашиш бўйича ва нархларни тўлашдаги кредит шартномаларидаги мажбуриятлар бўйича пул талабномалари; ипотека қимматли қофозлари; ипотека предмети бўлган кўчмас мулк обьектлари; улушли қурилиш шартномасига қатнашишдаги мажбуриятлар бўйича мулк ҳуқуқлари мажмуасидан ташкил топади.

Инвестиция фондларининг инвестицион стратегиясига кўра актив (фаол) бошқариладиган инвестиция фондлари ва пассив бошқариладиган инвестиция фондларини ажратиш асосида самарали бозор назарияси туради. Назария бўйича бозорнинг самарали деб тан олинишида қимматли қофозлар нархи эмитент ва унинг қимматли қофозлари тўғрисидаги ахборотларни тўлиқ мужассам этиши муҳим. Бу эса қимматли қофозлар бозори иштирокчилари ўртасидаги ахборотлар асимметриясининг ўз-ўзидан барҳам топишига олиб келади.

Молия бозорининг эмпирик таҳлили кўрсатадики, бундай бозор назарияси амалиётда тўлиқ ўз исботини топмаган эса-да, мазкур тушунчадан тўлиқ воз кечиб бўлмай-

ди. Бундай шароитда икки хил ёндашув билан инвестиция портфелини бошқариш мумкин.

Биринчи ёндашувда фаол бошқариладиган инвестиция портфелларидан фойдаланишни кўзда тутади. Бундай стратегияда бошқарилувчи портфель активлари таркибида бир фонд индекси эталонидаги портфель қайтарилмайди, фонд инвестицион декларациясига мувофиқ фонд бошқарувида индивидуал қарорлар қабул қилинади.

Иккинчи тур йўналишда инвестиция фонди активлар портфели таркибида бир ёки бир нечта умумий тан олинган фонд индекслари портфелларидан ташкил топади. Бундай фондлар пассив бошқарилувчи ёки индекс фондлар деб юритилади.

Инвесторларнинг имкониятларига кўра тажрибали инвесторлар учун фондлар ва турли тоифадаги барча инвесторлар учун фондларга ажратилади. Бошқача айтганда, инвестиция фондларини тажрибасиз ёки институционал инвесторлар иштирокига кўра ҳам тавсифлаш мумкин. Бундай турдаги инвестиция фондлари хеджирлаш фондлари, хусусий акция фондлари ва бошқа маҳсус турдаги фондлар тараққиёти билан узвий боғлиқ.

Хеджирлаш фондлари ўзида фаол бошқариладиган инвестиция фондини намоён этиб, маблағларни инвестициялашдан мақсади умум тан олинган фонд индекслари даромадларига боғлиқ бўлмаган ҳолда ижобий фойда олиш саналади.

Хусусий акция фондлари асосий бизнеси йирик компаниялар фаолиятини реструктуризациялаш учун эгаллаш, кейинчалик янги инвесторларга сотишdir.⁴⁴

АҚШ ва Европада инвестиция фондларининг бирмунча тараққий этиши Иккинчи жаҳон урушидан кейин бошланди. XX аср охирига келиб инвестиция фондлари дунёнинг ривожланган мамлакатлари иқтисодиётида алоҳи-

⁴⁴ Kings of capitalism. A survey of private equity // The Economist. 2004. November 27.

да роль ўйнади ҳамда уй хўжаликлари жамғармаларини инвестициялашнинг асосий субъектлари сифатида кўзга ташланди. Ҳозирги вақтда дунёда инвестиция фондлари активларининг асосий қисмига очиқ фондлар эгалик қиласди.

АҚШ ва Европа ўртасида фонд турлари бўйича активларни солиштирганда яна бир ўзига хос хусусиятни ажратиш мумкин. Агар АҚШда барча очиқ фондларнинг ярмидан ортиғи акция фондлари ҳисобланса, Европада акция фондларининг микдори пул бозори фондлари ва облигация фондлари микдоридан анчагина ортиқ.

АҚШда инвестиция компанияси тушунчаси орқали инвестиция фондлари ифодаланади. Инвестиция компанияси – бу молиявий муассасаларнинг бир кўриниши, омонатчиларидан пул маблағларини жалб қилиб, ўзномидан мазкур пулларни турли-туман қимматли қоғозларга жойлаштиради.⁴⁵

АҚШ ҳукумати федерал ва маҳаллий ҳукумат облигациялари савдоси, узоқ муддатли лойиҳаларни молиявий таъминлаш мақсадида инвестиция фондлари ёрдамига тез-тез мурожат қиласди. Қолаверса, давлат қимматли қоғозларига инвестициялашда фондларга Америка ҳукумати томонидан молиявий ёрдам кўрсатилади.

АҚШда инвестиция фондлари ичида энг кўп тарқалгани бошқарув компанияларидир. Бошқарув компанияси очиқ инвестиция компанияларига ёки ўзаро фондларга (mutual funds) ҳамда ёпиқ инвестиция компанияларига, ёпиқ турдаги трастларга бўлинади. Россияда биринчисига ўхшаши пай инвестиция фондлари, иккинчисининг муқобили акциядорлик инвестиция фондларидир. Инвестиция компанияларининг барча турларидан энг таниqliси ўзаро фондлар, уларнинг Россия пай фондлари билан ўхшашлиги шундаки, ўз акцияларини пул тўлаб қай-

⁴⁵ Гитман Л.Дж., Джонк М.Д. Основы инвестирования. Пер. с англ. – М.: Дело, 1997. – 640 с.

тиб олишади, акциялари қиймати соф активлар асосида аниқланади. Бироқ улар принцип жиҳатидан Россиянинг пай фондларидан фарқланади.

Европада инвестиция фондлари муомалада юрувчи қимматли қофозларга жамоавий инвестиция қилувчи корхоналар (UCITS) сифатида ҳам талқин этилади.⁴⁶ Европа Иттифоқида инвестиция фондлари ривожланишининг муҳим жиҳати шундаки, инвестиция фондлари борасидаги қонунчилик унификацияланган. 1985 йил 20 декабрида Европа Иттифоқига аъзо давлатлар инвестиция фондлари тармоқларининг интеграциялашувини таъминлаш мақсадида «Муомаладаги қимматли қофозларга жамоавий инвестициялаш билан шуғулланувчи корхоналарни тартибга солувчи қонунлар, қоидалар ва маъмурий низомларни мувофиқлаштириш тўғрисида»ги йўриқнома (ЕС №85/611/EEC) қабул қилинди, унда «UCITS» («Undertakings of Collective Investment in Transferable Securities» – Муомаладаги қимматли қофозларга жамоавий инвестиция қилувчи муассасалар) концепцияси илгари сурилди. Унга кўра, Европа Иттифоқининг бир аъзо давлатида ташкил қилинган инвестиция фондининг муайян мезонларга жавоб берувчи қимматли қофозлари иттифоқнинг исталган давлати инвесторларига таклиф этилиши мумкин, UCITSга инвестиция ресурсларини оммавий жалб этиш, риск диверсификацияси тамойилига риоя қилиш лозим. Йўриқномага мувофиқ, UCITS учун белгилangan талаблардан бири фонд қимматли қофозларини эгасининг биринчи талабига кўра фонд активлари ҳисобидан сўндириш мажбуриятидир. Айни пайтда, инвестиция фондининг ташкилий-хукукий шакли бўйича маълум чекловлар кўзда тутилмаган. Инвестиция фондининг хукукий шакли шартномавий, траст ёки корпоратив бўлиши мумкин. Шундай қилиб, UCITS моҳияти бўйича кўпроқ АҚШнинг ўзаро фондларига ўхшайди. Ҳозирги вақтда

⁴⁶ <http://www.ucits-iii.com>

UCITSнинг активлари улуши Европа Иттифоқи мамлакатларидаги барча инвестиция фондлари активларида қарийб 80%ни ташкил этади.⁴⁷

Буюк Британия ва Германияда инвестиция фондлари фаолиятини ташкил этиш Европа Иттифоқининг бошқа давлатларидан фарқланади. Мамлакатда мулкчилик ҳуқуқини бошқа шахсга пулга бериш имконияти мавжуд, инвесторнинг пули бирлашган трастга тушгандан кейин уларнинг ишончли эгаси васий (траст) деб аталади. АҚШда ушбу тамойил амал қилмайди, шунинг учун ўзаро фондлар акциядорлик жамиятлари шаклига эга. Буюк Британияда тегишлича рўйхатдан ўтмаган инвестиция фондлари фаолияти молиявий хизматлар тўғрисидаги қонун асосида тартибга солинади.

Германияда инвестиция механизмлари бошқа мамлакатлар билан солиштирганда янада ўзига хос хусусиятга эга. Бу банкларнинг алоҳида роли билан боғлиқ. Немис қонунлари бўйича инвестиция компаниялари кредит ташкилотлари ҳисобланади ҳамда уларга кредит ташкилотларига тегишли барча қонуний меъёрлар татбиқ этилади. Немис инвестиция фондларининг яна бир ўзига хос томони улар депозитарийлари тузилиши ҳисобланади, бунда фондларни бошқариш компаниясига назорат қилиш ва қимматли қофозларни сақлаш масъулияти юклатилган. Фондларнинг депозитарийлари фақат банклардан иборат бўлиши мумкин. Натижада Германияда акциялар чиқариш ҳисобига молиялаштириш бошқа мамлакатлар билан солиштирганда капитал қўйилмаларнинг бирмунча кам улушини ташкил этади. Йирик корхоналарнинг узоқ муддатли капиталга бўлган эҳтиёжларининг катта қисмини банклар қондиради. Германияда банк қонунчилиги ва банкларнинг етакчилик роли немис

⁴⁷ Саркисянц А. Одной из особенностей развития инвестиционных фондов в последнее десятилетие является изменение их структуры // Б&Б. 2010. №1.

инвестиция компанияларини тартибга солишда муҳим аҳамиятга эга.

Европа бозори инвестиция фондлари фаолиятини кенгайтириш учун анчагина салоҳиятли. Европа Иттифоқи доирасидаги молиявий бозорларнинг унификацияланиши ва европонинг жорий қилинишига қарамай, бундай инвестиция фондлари ўсишига қўйидаги учта омил имкон берган:

- ташки (экзоген) омиллар: жамғарма меъёрларини юқори дараҷада сақлаш, банк омонатлари ва қисқа муддатли қўйилмалар ролининг пасайиши, пенсия фондларини ташкил этиш ва пенсия ислоҳотларини ўтказиш;

- ички (эндоген) омиллар: Европа ва дунё дараҷасида рақобатлашувнинг кучайиши, молиявий бошқарув усуллари диверсификацияси ва сифатининг ошиши, янги ахборот-коммуникация технологияларининг тарқалиши муқаррар равишда инвестиция фондлари миқдори қисқаришига ва даромадлилигининг ошишига олиб келади;

- инвестиция фондлари фаолиятини тартибга солиш усулларини такомиллаштириш ва Европа Иттифоқи дараҷасида талабга жавоб берадиган маҳсулотлар сотиш.

Япония ва Осиёнинг бошқа давлатларида инвестиция фондлари суст ривожланган, ушбу мамлакатлар аҳолиси мамлакатдаги инвестицион жараёнларнинг фаол иштирокчиси саналади.

Россия Федерациясида инвестиция фондлари фаолиятини Қимматли қофзлар бозори бўйича федерал комиссия тартибга солиб туради. Орган қўйидаги фаолиятни амалга оширади⁴⁸:

- инвестиция фондлари фаолияти устидан доимий давлат назоратини ўрнатиш;

- фонд активларини бошқариш, тақсимлаш ва уларни сақлаш;

⁴⁸ Панкратова Л.Д. Портфельный анализ и учетно-аналитические аспекты деятельности паевых инвестиционных фондов в РФ. Автореф. дис... док. экон. наук. – Воронеж, 2008. – 12 с.

- пай инвестиция фондлари фаолиятига жавоб берувчи ташкилотларни кўп томонлама қарама-қарши назорат қилишни ташкил этиш;
- инвесторларнинг ижобий қарорлар қабул қилиши учун зарур маълумотларни таъминлашга доир шароитлар яратиш;
- ҳисобот тизимини такомиллаштириш ва ҳ.к.

Ушбу орган пай инвестиция фондларидағи икки томонлама солиқقا тортишни бартараф этди. Бир қатор чора-тадбирларнинг амалга оширилиши туфайли кўплаб инвесторларнинг мазкур молиявий институтга ишончи мустаҳкамланди.

Шунга қарамай, кўпгина мамлакатларда инвестиция фондлари фаолиятини тартибга солиш заиф, бундай фондлар рўйхатдан ўтиши мумкин бўлган оффшор ҳудудларни ҳам кўрсатиш мумкин.

Жаҳондаги кўпгина ривожланган ва ривожланаётган мамлакатларда инвестиция фондлари фаолиятини тартибга солиш учун маҳсус ҳукуқий-меъёрий ҳужжатлар қабул қилинган. Улардаги инвестиция фондлари фаолиятини тартибга солувчи қонунчилик ҳужжатлари куйидаги асосий меъёрларни кўзда тутади.

Хорижий мамлакатларда инвестиция фондлари фаолиятини тартибга солувчи асосий қонунчиликнинг одатдаги таркибий тузилиши:

1. Умумий тавсиф: инвестиция фондларига таъриф берилади; фондларнинг айрим турлари бу таърифлашдан чиқарилиши мумкин.
2. Таснифи: инвестиция фондлари ҳар хил категорияларга кўра гурухланади. Иккита асосий категория очик турдаги фондлар ва ёпиқ турдаги фондлар саналади.
3. Бошқарув тузилмаси: бунда фонд раҳбарлари, бошқарувчилар ва ишончли шахслар ёки фонд активлари ваяйлари ўртасидаги муносабатлар белгиланади.
4. Воситачилик ҳақлари ва йифимлар: бу ерда бошқарув учун тўлов ундириш усууллари ифодаланади, тўловларнинг юқори чегараси ўрнатилиши мумкин.

5. Рўйхатдан ўтиш ва лицензиялар бериш: фондни тузиш ва уни бошқариш учун лицензия олиш тартиблари тавсифланади.

6. Тартибга солувчи органлар ваколатлари: бу ерда тартибга солувчи органлар ваколатлари ҳамда маълум тармоқлар бўйича масъулиятли бошқа органларга бошқариш бўйича ваколат бериш белгиланади.

7. Манфаатдор шахс: бу бўлим фонд бошқарувчиларида юзага келувчи манфаатлар тўқнашуви олдини олишга йўналтирилган. Масалан, бошқарувчилар бир пайтнинг ўзида васий бўлиши мумкинмас.

8. Инвестиция ва қарзлар. Фонд инвестиция сиёсатига баъзи чекловлар мавжуд. Масалан, фонд бир компаниянинг маблагини белгиланган фоиздан ортиқ сарфлаши мумкин эмас.

9. Капитал тузилиши. Кўплаб фондлар, айниқса, ёпиқ турдагилари оддий ва имтиёзли акциялар каби ҳар хил инвестиция турларидан ташкил топади. Фонд томонидан таклиф қилинувчи акция турлари ва у билан боғлиқ ҳақ-хукуқлар белгиланади.

10. Ҳисоботлар. Фондлар бошқарув органлари ва акциядорлар олдида мунтазам ҳисоб беришлари зарур. Бу бўлимда ҳисоботларнинг тузилиши ва даврийлиги белгиланади.

11. Ҳисоб-китоб ва аудит, ҳужжатларни киритиш. Қонунчилик аудит ва ҳисоб-китоб тартиблари, ҳужжатларни тузишнинг даврийлигини ва тузилишини белгилаб беради.

12. Депозитарий. Депозитарий ёки васийнинг мажбурияти белгиланади.

13. Акциядорлар ёки пай эгалари ҳукуқлари. Акцияларга ёки инвестиция фондининг пайларига эгалик қилиш муҳим ҳукуқлар беради, улар асосий қонунчиликда батафсил ёритилади.

14. Директорларнинг мажбуриятлари. Инвестиция фонди директорларининг ҳукуқий мажбуриятлари асосий қонунчиликда умумий шаклда кўрсатилган.

15. Эмиссиялар проспекти, жамоатчилик билан ало-

қалар ва маркетинг. Асосий қонунчиликнинг мақсади – ёлғон баёнотлар тарқатишга йўл қўймайди.

16. Қўшилиш ва тарқатиш. Инвестиция фондларини тарқатиш ва қўшиш тартиблари кўрсатилган.

Юқоридаги тадбирлар натижасида хорижий мамлакатларда инвестиция фондлари жадал ривожланмоқда, инвестиция муносабатлари тарақкий этишига қулай замин яратмоқда.

Хуллас, инвестиция фондлари банклар ва бошқа молиявий воситачилар кўрсатолмайдиган хизматларни таклиф қилиш билан бирга аҳолининг бўш жамғармаларини мамлакатдаги инвестиция жараёнларига сафарбар этади. Инвестиция фондларининг тавсифланиши ва турли туманлиги молия бозорида инвесторлар даромадларини ошириш билан бир қаторда бозорнинг профессионал иштирокчилари кўпайишига, ундаги рисклардан ҳимояланишнинг инвесторлар хусусиятларини ва манфаатларини инобатга олган ҳолда ташкил этилишига олиб келади, пировардида молия бозори барқарор ривожланишига шароит туғилади.

1.4. Глобал молиявий-иқтисодий инқироз шароитида молия бозорини тартибга солиш механизми

Бозор иқтисодиётининг маълум бир хусусиятлари – халқаро молия бозори ҳам шаклланган, у табиий равишда бозор муносабатларини тартибга солиш объектини ўзида намоён қиласди. Инқироз шароитида молия бозорини тартибга солиш ва мувофиқлаштиришда муҳим аҳамият касб этган ташкилотлар фаолиятини мукаммал ўрганиш, молия бозорини тартибга солишнинг умумий шакллари ва усулларининг туб моҳиятини билиш ушбу бозор барқарорлигини таъминлашнинг зарурий шарти ҳисобланади.

Халқаро молия бозорини тартибга солиш халқаро молиявий муносабатлар соҳасида (валюта, кредит, фонд, инвестиция, суғурта муносабатлари) халқаро молия бозоридаги молиявий оқимларни тартибга солишга йўналтирилган комплекс усуллар ва чора-тадбирлар мажмудир. Фикримизча, молия бозорини тартибга солишдан кўзланган асосий мақсад қуйидагилардан иборат:

- молия бозори барча секторларининг молиявий барқарорлигига кўмаклашиш (фоиз ставкаларини, молиявий, инвестицион ва суғурта фаолиятидаги рискларни тартибга солиш);

- инфляциясиз иқтисодий ўсишни таъминлаш (таргетирланган инфляция, валюта курслари ва пул массасини тартибга солиш);

- тармоқлараро ва давлатлараро капитал ҳаракатини (пул оқимини) таъминлаш (валюта курслари ва тўлов балансини тартибга солиш);

- молия бозори барча секторларида молиявий хавфсизлик тизимини шакллантириш.


Бозор иқтисодиёти шароитида молия бозори ривожланишига қараб унинг иштирокчилари фаолиятини икки хил тартибга солиш амалиёти тараққий топган, яъни давлат ва бозор муносабатларига мос ёки бозор орқали тар-

тибга солиш шакллари. Молия бозорини бозор орқали тартибга солиш иқтисодиётнинг қиймат ва талаб-таклиф қонунига асосланади. Молия бозорида ушбу қонунларнинг амал қилиши рақобат муҳитида жаҳон иқтисодиёти эҳтиёжларига мос равишда халқаро молиявий оқимларни таъминлаб беради. Иқтисодий агентлар алоҳида молиявий воситалар нархининг (курси ёки фоиз ставкаси) ўзгариши, шаклланиши орқали уларни сотиб олувчиларнинг талабларини ва уларга бўлган таклифни аниқлайдилар. Бунда халқаро молия бозори ўзини ўзи тартибга соловучи тизим сифатида кўзга ташланади (1.2-расмга қаранг).

Иқтисодиёт секторларидаги турли бозорлар сингари молия бозори ҳам, ўз-ўзини тартибга солиш имкониятига қарамай, мутлоқ барқарор тизим сифатида кўринмайди, турли шароитларда тизимнинг турли камчиликлари очилди. Молия бозори кўплаб субъектив омиллар, яъни сиёсий, ижтимоий, информацион, маданий ва бошқа омиллар таъсирида ҳар доим ҳам ўз-ўзини тартибга солиш қобилиятига эгамас. Бундай ҳолатда давлат аралашуви талаб этилади. Жаҳон тажрибасининг кўрсатишича, халқаро молия бозори ривожланишининг замонавий босқичида ҳам монетаризм ва кейнисчилик тамойилларидан биргаликда фойдаланиб жараёнларни тартибга солиш мақсадга мувофиқ.

Молия бозорининг давлат ва бозор орқали тартибга солиниши ўзаро бир-бирини тўлдириб боради. Биринчидан, рақобат асосида бозорда ривожланиш учун рағбат уйғонади (монетарчилар фояси), иккинчидан, молия бозорини бозор орқали тартибга солишда юзага келган зиддиятларнинг олдини олишда давлат турли чора-тадбирлари билан қатнашади (янги кейнисчилик фояси). Иқтисодий инқизорлар, урушлар, сиёсий низолар, иқтисодиётнинг тўла бекарорлиги шароитида давлат орқали тартибга солиш катта ўрин тутса, молиявий-иқтисодий ҳолатни яхшилаш, модернизациялаш, инновацияларни яратиш учун молия бозорини эркинлаштириш, рақобатни кучай-

1.2-расм. Молия бозорини тартибга солишнинг бозор механизми⁴⁹



⁴⁹ Тадқикот натижаларига асосланниб муаллифлар томонидан шакллантирилган.

тиришга катта эътибор қаратилади, бу эса тартибга со-лишнинг бозор механизми орқали таъминланади. Бозор механизми орқали молия тизимини тартибга солиш бўйича ҳукумат доимо ўз назоратини олиб боради, зарур пайтда унга кўмаклашади, шароит яратади.

Молия бозорини давлат ва бозор механизми орқали тартибга солиш усулларини қуидаги мантиқий жуфтликларга бирлаштириш мумкин (1.5-расмга қаранг):


- иқтисодий тизим хусусиятига кўра: бевосита ва билвосита усуллар;
- бозор тури, кўлами ва унинг сегментларига кўра: умумий ва маҳсус усуллар;
- амал қилиш муддатига кўра: таркибий ва жорий усуллар.

Юқоридаги барча усуллар молия бозорида синхрон тарзда, яъни бир-бирига мос ҳолда, ўзаро бир-бирини тўлдириб ишлайди.

Халқаро молия бозоридаги инвестициялар оқимини тартибга солишда халқаро молия ташкилотлари, давлатлараро ташкилотлар ҳамда нодавлат институтлари муҳим ўрин тутади. Бундай ташкилотларга қуидагиларни киритиш мумкин:

- БМТнинг маҳсус ташкилотлари (ХВФ, Жаҳон банки гурухи, ЮНКТАД – БМТнинг савдо ва тараққиёт бўйича конференцияси, ЮНИДО – саноат ривожланиши бўйича ташкилот, Халқаро савдо палатаси, Халқаро фонд биржалар федерацияси);
 - Қимматли қофозлар комиссияси бўйича халқаро ташкилот;
 - Молия бозори устидан назорат органларининг халқаро ташкилоти;
 - кредиторларнинг Париж ва Лондон клублари;
 - минтақавий молиявий ташкилотлар.
- Жаҳон биржалар федерацияси, турли хил минтақавий ассоциацияларни молиявий-инвестицион ҳамкорликнинг ривожланишига кўмаклашувчи нодавлат халқаро ташкилотлар қаторига киритиш мумкин.

1.5-расм. Молия бозорини тартибга солиш усуллари⁵⁰



⁵⁰ Муаллифлар томонидан тузиленган.

Халқаро молия бозорини тартибга солишда ҳуқуқий асос халқаро конвенциялар ва кодекслар, халқаро инвестицион келишувлар ҳамда ХВФ, Жаҳон банки гурӯҳи, ЮНКТАД ҳужжатларида чет эл инвесторларининг маълум бир фаолият билан шуғулланиш қоидалари белгиланган турли йўриқномалар ҳисобланади.

Халқаро молия бозоридаги инвестицияларни тартибга солиш бўйича кўп томонлама халқаро конвенцияларнинг асосийлари сифатида «Баҳс-мунозараларни бартарраф этиш бўйича Вашингтон конвенцияси»ни (1965), «Инвестицияларни кафолатлаш бўйича кўп томонлама агентлик таъсис этиш тўғрисидаги Сеуль конвенцияси»ни (1985) алоҳида ажратиб кўрсатиш мумкин. Халқаро молиявий-инвестицион келишувлардан асосий мақсад давлатларнинг миллий сиёсатини икки ёки кўп томонлама мувофиқлаштириш, халқаро инвестицияларни тартибга солишнинг умумий қоидаларини ишлаб чиқиш саналади.

Халқаро молиявий-инвестицион келишувлар унинг қатнашчилари таркибига боғлиқ равишда икки томонлама, минтақавий (ёки худудий) ва кўп томонлама бўлиши мумкин.

Икки томонлама молиявий-инвестицион келишувлар инвестицияларни амалга оширишда ўзаро манфаатдорлиги бор икки давлат ҳукumatлари орасидаги маҳсус келишувларни акс эттиради. Икки томонлама молиявий-инвестицион келишувлар тўридан-тўғри инвестициялар ва бир қатор ҳоллар учун портфель инвестициялар соҳасида ҳам инвестицион ҳамкорликни тартибга солади, инвестицияларни ҳимоялашнинг аниқ механизмини белгилайди. Бугунги инқизот даврига келиб икки томонлама молиявий-инвестицион келишувларнинг имзоланишида асосий улуш ривожланаётган мамлакатларга тўғри келмоқда. Улар асосан бундай шартномаларни ривожланган давлатлар билан ва ўзаро амалга оширмоқдалар.

Минтақавий (худудий) молиявий-инвестицион келишувлар бир минтақавий (худудий) гурӯҳга тегишли давлат ҳукumatлари томонидан тузиладиган маҳсус келишув-

лардир, ҳозирги шароитда бу каби келишувларнинг халқаро молия бозоридаги инвестициялар ҳаракатини тартибга солишдаги роли ошиб бормоқда.

Кўп томонлама молиявий-инвестицион келишувлар инвестицион ҳамкорликдан манфаатдор ихтиёрий мамлакатга қатнашиш имконини яратади ва ўз ичига кўплаб иштирокчиларни қамрайди. Ягона кўп томонлама ёндашув ўзида интеллектуал мулк ҳуқуқи, инвестицион баҳсмунозаралар (низолар)ни тартибга солиш, суғурта, капитал қўйилмалар шаклидаги инвестицияларни тартибга солиш қоидалари каби бир қатор жиҳатларни намоён этади. Жаҳон савдо ташкилоти (ЖСТ)нинг фаолияти доирасида интеллектуал мулк ҳуқуқи билан ҳимояланган янги технологиялар шаклидаги (Савдо билан боғлиқ инвестицион чора-тадбирлар тўғрисидаги битим – TRIMs, Интеллектуал мулкка бўлган ҳуқуқнинг савдо хусусиятлари тўғрисидаги битим – TRIPs), хизмат кўрсатиш шаклидаги (Хизматлар савдоси тўғрисидаги асосий битим – GATS) инвестицияларни тартибга солиш қоидаларини белгиловчи бир қатор халқаро келишувлар имзоланган.

Мамлакатлараро молиявий-инвестицион битимларни тузиш жараёни ривожланишига қарамай, халқаро молиявий инвестицияларни тартибга солиш кўп жиҳатдан капитални қабул қилиш тизимининг амалдаги ҳолатини аниқловчи миллый қонунчиликка боғлиқ.

Бозор иқтисодиёти ривожланган мамлакатларда чет эл инвесторларини тартибга солиш асосан миллый қонунчилик орқали амалга оширилади. Бу ҳолат Халқаро савдо палатаси, ХВФ ва Жаҳон банки гурӯҳининг бир қатор ҳужжатларида қайд этилган, уларда мамлакатга чет эл инвестицияларини жалб этиш ва хорижий инвестиция иштирокидаги корхоналар фаолиятини миллый қонунчилик билан тартибга солишга алоҳида эътибор берилган. Ушбу халқаро ташкилотларга аъзо бир қатор мамлакатларда хорижий инвесторлар маҳаллий ишлаб чиқариш, меҳнат ва молиявий ресурслардан фойдаланиш ҳуқуқига эга, уларга мамлакат доирасида маҳаллий имтиёзлардан

фойдаланадиган миллий тадбиркорлик субъектлари билан биргаликда хўжалик фаолияти юритиш, ташкилий-хукуқий шакли турлича корхоналар тузиш имконияти берилган.

ХВФ билан ХТТБ ҳамкорлигида ишлаб чиқилган тўғридан-тўғри хорижий инвестицияларни мамлакат иқтисодига жалб этиш миллий тузум, хорижий инвесторлар ҳақ-хукуқини поймол қилмаслик, уларнинг ҳимояси ва кафолатлари каби тамойиллар орқали амалга оширилади. Кўрсатилган тамойиллар капитални қабул қилувчи давлат ва хорижий инвесторлар ўртасида молиявий-инвестицион низоларни тартибга солиш, чет эл капитал қўйилмалари эспроприациясига (мажбурий равишда тортиб олишга, ундан маҳрум бўлишига) йўл қўймаслик, тегишли валюталарни қаршиликсиз ўтказиш имконини ҳам беради.

Давлатлараро молиявий-инвестицион битимлар, одатда, қуидаги мажбуриятларни ўзида акс эттиради:

- хорижий инвесторларга молиявий-инвестицион фаолият юритиши, капитал қўйилмалар учун мақбул шартшароитларни яратиш;
- хорижий мулк ҳимоясини ташкил этиш;
- хорижий молиявий инвестициялардан олинган даромадларни қўйинчиликсиз, осон ўтказиш кафолатлари ва ўз ихтиёрига боғлиқ бўлмаган ҳолда инвесторларнинг чет элдаги мулкидан йўқотишлар кузатилганда тегишли қопламаларни олиш;
- манфаатдор бўлмаган ҳакамлар судида хорижий капитал қўйилмалар юзасидан низоларни кўриб чиқиш.

Давлатлар ва бошқа мамлакатлар фуқаролари ўтасидаги молиявий-инвестицион низоларни тартибга солиш конвенцияси мавжуд, унга қатнашиш халқаро иқтисодий амалиётда кенг қўлланадиган арбитраж йўли билан хорижий инвесторлар ва молиявий инвестицияларни қабул қилувчи мамлакатлар орасидаги низоларни бартараф этиш имкониятини таъминлайди. Чет эл инвестицияларини кафолатлаш масалалари бошқа бир қатор маҳсус

халқаро ташкилотлар томонидан маъқулланган тавсиялар, битимлар, қарорлар ва конвенцияларда ҳам ўз аксины топган.

Жаҳон банки гурухи доирасида 1985 йили ташкил этилган Инвестицияларни кафолатлаш бўйича кўптомонлама агентлик (ИККА) халқаро молия бозоридаги инвестициялар ривожланишида муҳим роль ўйнайди.

ИККА хорижий инвесторларга қуидаги нотижорат рисклари доирасида узоқ муддатли кафолатларни таъминлаб беради:

- капитални ўзига жалб қилувчи мамлакатлар ҳукуматлари капитални бир жойдан иккинчи жойга ўтказиш ва фаолият йўналишини ўзгартиришларига чекловларни киритиши билан боғлиқ рисклар;

- капитал қабул қилувчи мамлакатда ўз инвестицияси устидаги назорат ва чет эл инвесторини мулк ҳукуқидан маҳрум этувчи қонуний ёки маъмурий чора-тадбирлар қабул қилиниши натижасида хорижий инвесторлар даромадлари пасайиши билан боғлиқ рисклар;

- маҳаллий давлат институтлари билан тузилган асосий шартномаларнинг бекор қилиниши ва чөл эл инвесторлар ҳукуқлари бузилишига олиб келувчи маъмурий ва суд амалиётлари юритилиши билан боғлиқ рисклар;

- фуқаролик урушлари ва куролли тўқнашувлар билан боғлиқ рисклар.

ИККА капитални қабул қилувчи мамлакатга хорижий инвестицияларни рағбатлантиришга қаратилган меъёрий ҳужоатларни ишлаб чиқишида унинг аъзоси бўлган мамлакатлар вакилларига маслаҳат бериш, турли анжуманлар (конференциялар) ва семинарлар ўтказиб, хусусий фирмалар ва давлат секторида кадрлар малакасини ошириш дастурларини амалга ошириш орқали ҳудуднинг молиявий-инвестицион режими яхшиланишига имкон беради. ИККА молиявий ижара (лизинг), хизмат кўрсатиш ва бошқариш тўғрисидаги шартномаларни, франчайзинг тўғрисидаги битимларни ҳамда бошқа кўринишдаги турли янги инвестиция шаклларини кафолатлади. У моли-

явий инвестицияларни кафолатлаш орқали инвестицияларнинг иқтисодий асосланганини ва уни қабул қилган мамлакат учун фойдалилигини, инвестицияни қабул қилувчи мамлакат қонунларига мувофиқлигини, инвестицияни қабул қилувчи мамлакат мавқеи ва мақсадига инвестицияларнинг мослигини, инвестицияни жалб этувчи мамлакатда инвестицион шарт-шароитларни, хорижий инвесторлар ҳуқуқларини ҳимоялаш ва ҳаммани тенг кўриб ёндашишни назорат остида тутади.

ИККА фаолият юритаётгандан бери 78 та ривожланаётган мамлакатдаги 9 млрд доллар қийматга эга 500 та лойиҳага ўз кафолатларини тақдим этган. ИККА фаолияти туфайли 41 млрд долларлик тўғридан-тўғри хорижий инвестициялар мамлакатларга жалб этилган.

1966 йили Инвестицион низоларни тартибга солишнинг халқаро маркази (ИНТСХМ) ташкил қилинди. Унинг асосий фаолияти хорижий инвесторлар ва инвестицияларни жалб этувчи мамлакатлар ўртасида юзага келган халқаро инвестицион низоларни, келишмовчиликларни тартибга солиш, келиштириш, арбитраж судларида ишни кўриш механизмларини яратишига қаратилган. Марказ хорижий инвестициялар тўғрисидаги қонунчилик актлари ва халқаро низоларни арбитраж йўли билан тартибга солиш бўйича тадқиқот ишларини олиб боради. Ҳозирги вақтда марказга 143 та мамлакат аъзо, фаолияти мобайнида 292 та, жумладан, 2009 молиявий йили 32 та арбитраж қайд этилган.⁵¹

XX асрнинг 90-йилларидан Халқаро валюта фонди (ХВФ) халқаро молия бозорининг асосий институционал тартибга солувчиси сифатида шаклланди. У тўлиқ ўзининг валюта ликвидлигини тартибга солиш функциясини тўлов баланси тизими орқали халқаро молия бозоридаги моли-

⁵¹ Ваҳобов А., Ҳажибакиев Ш., Муминов Н. Хорижий инвестициялар. Ўқув қўлланма / И.ф.д. проф. А.В.Ваҳобовнинг умумий таҳрири остида. – Тошкент: Молия, 2010. – Б.328.

явий оқимларни тартибга солиш функциясига алмаштириди.

90-йиллардан Марказий ва Шарқий Европа ҳамда МДҲ мамлакатларига ХВФ кредитлари бозор иқтисодиётига ўтишда чуқур ижтимоий-иқтисодий қайта қуриш жараёнларни ўтказаётгани учун ўсиб борди. ХВФ томонидан кредитлар бериш маълум бир сиёсий-иқтисодий шартлар бажарилгандан кейин амалга оширилади. Бу концепция («Вашингтон консенсуси»)нинг асосий шартлари корхоналарни хусусийлаштириш, бозор нархлари шаклланишини таъминлаш, ташқи иқтисодий фаолиятни эркинлаштириш ҳамда макроиқтисодий ва молиявий барқарорликка эришишни талаб этади. ХВФда устун бўлган назарий нуқтаи назарлардан келиб чиқиб унинг амалий барқарорлаштириш дастурлари асосан дефляцион характерга эга. Одатда, улар ўзига қуйидагиларни олади: давлат харатлари, жумладан, ижтимоий мақсадни кўзлаган харатларни қисқартириш; шахсий даромадларга солиқларни кўтариш; иш ҳақи тўловлари ўсишини ушлаб туриш; ҳисоб ставкаларини ошириш; кредитлаш ҳажми, жумладан, истеъмол учун мўлжалланган кредитларга ҳам чекловлар; ташқи иқтисодий алоқаларни либераллаштириш; импорт товарлар нархини ошириш орқали миллий валютани девальвациялаш ва ҳ.к.

Орттирилган тажриба кўрсатадики, дефляцион чоратадбирлар узоқни кўзлаган мақсадга доимо ҳам етиштиривермайди, айниқса, тўлов балансидаги мувозанатнинг бузилиши ва бошқа иқтисодий тартибсизлик пайдо қилиши, ишлаб чиқариш тушиши ҳам кузатилиши мумкин. 2000 йилдан ХВФ молия тизимининг самардорлигини кучайтириш, давлат бюджетининг шаффофлик даражасини ошириш, давлат ва хусусий секторда бошқарувни яхшилаш йўналишларидаги чора-тадбирлар ва иқтисодий сиёсатнинг узоқ муддатли, таркибий ва институционал муаммоларига кўпроқ эътибор қаратаётганини ҳисобга олиш керак. Кенг кўламда иқтисодий ўсиш ва молиявий барқарорликни таъминлаш ҳисобга олинмасдан ХВФ сиёсати-

нинг юритилиши кўплаб таҳлилчилар томонидан янги «Вашингтон консенсуси» сифатида баҳоланмоқда.

ХВФ томонидан молия бозорини тартибга солишда янги монетаристик назарияни қўллаш билан бир қаторда кредит фонdlар таклифига алоҳида эътибор берилди. Фоиз ставкаси кредит фондларининг талаб ва таклиф нисбатидаги баҳосидан ташқари, дебиторларнинг банкрот бўлиши, кредит бериши билан боғлиқ риск дарражасини ҳам ўзида мужассамлаштиради. Халқаро молия бозорини кредит ёрдамида тартибга солишнинг тезкор воситаси Марказий банклар томонидан ўрнатилган ҳисоб (дисконт) фоиз ставкаси ҳисобланади. Фоиз ставкасини ўзгартириш натижасида тижорат банклари томонидан тақдим этилаётган кредитларни қисқартиришга ёки оширишга таъсир кўрсатиш, яъни халқаро молия бозори доирасини торайтириш ёки кенгайтириш мумкин. Тадқиқотлар кўрсатадики, барча мамлакатлар марказий банклари ҳисоб ставкасидан миллий молия бозорини тартибга солиш воситаси сифатида фойдаланишади.

Халқаро молия бозорини тартибга солувчи янги монетар концепция ХВФни банк-кредит инструментларига таяниб фаолият юритишга унлади. Охирги ўн йилликда ХВФ тавсиялари универсал хусусият касб этди, яъни 2002 йилдан институционал монетаризм даври бўлишига қарамай, турли мамлакатларга бир хил нисбат берилди. 2008 йили бошланган жаҳон молиявий инқирози ХВФнинг халқаро молия бозорини тартибга солиш бўйича фаолиятини тақомиллаштириш заруратини кўрсатди.

Халқаро молия бозорини тартибга солувчи усул сифатида замонавий монетаризм («янги монетаризм» концепцияси) ўзида қуйидагиларни мужассамлайди:

- тартибга солиш механизмида асосий эътибор халқаро кредит бозорига қаратилган;
- кредитларни тақдим этишда банклар асосий роль ўйнайди;
- иқтисодий пасайиш даврида молия-кредит фаоли-

ятини тартибга солувчи ташкилотлар банк тизимидағи капиталнинг сақланишига катта эътибор қаратади;

– кредит келиб чиқиши жиҳатидан ҳар хил хусуси-ятга эгалиги учун умумий ўлчамлар ҳақиқий ҳолатни тўғри баҳололмайди, балки нотўғри хулоса чиқаришга олиб келади. Масалан, бир банкдаги ортиқча ликвидлик бошқа банкдаги ликвидлик муаммосини бартараф этмайди;

– янги тартибга солувчи чора-тадбирлар халқаро молия бозорига капиталнинг оқиб келишини жадаллаштириши, бир хил чора-тадбирлар маълум бир молиявий ташкилотлар фаолиятига салбий таъсир кўрсатмаслиги учун уларни ХВФ орқали якка тартибда ёки алоҳида гурӯхларга ажратиб мувофиқлаштириш лозим;

– молия бозорини тартибга солувчи янги сиёsat тўла аввалги монетар сиёsat каби банк фаолияти назарияси-га асосланган;

– пул муомаласини тартибга солувчи органлар фоиз ставкасининг кескин ўзгариши натижасида юзага келадиган салбий ҳолатларнинг олдини олишга асосий эътиборларини қаратишган, айниқса, қатъий кредит сиёsatи даврида жорий ҳолат ёмонлашса, молия бозорининг маълум бир гуруҳ иштирокчилари ҳукуматдан кредит таклифи билан таъминлашни талаб қилишини инобатга олиш лозимлигини кўрсатади.

Хуллас, ҳозирги даврда халқаро молия бозорини тартибга солиш усулларининг мантиқий изчил тизими амал қилмоқда. Халқаро молия бозорида асосий тартибга солувчи органлар сифатида ҳукумат ва халқаро молиявий институтларни, яъни ХВФ, Жаҳон банки гуруҳи, халқаро қарздорлик масалаларини ҳал этувчи клублар, минтақавий банклар, халқаро, худудий, маҳаллий инвестицион ва суғурта компаниялари, фонд ва валюта биржалари, алоҳида мамлакатларнинг марказий банклари, даврий равишда ташкил этиладиган халқаро молиявий-иктисодий анжуманлар ва конференцияларни кўрсатиш мумкин.

Халқаро молия бозорини тартибга солувчи усулнинг жорий давр учун энг мақбулини танлаб олиш бозор сегменти ва иқтисодий тизим турига, бекарорлик даражасига боғлиқ. Бозордаги ҳолатни аниқлаш учун халқаро молиявий ташкилотлар кундалик молиявий мониторинг олиб боришади. Ҳозирда молия бозорини тартибга солувчи у ёки бу усулни қўллаш электрон алоқа воситалари ёрдамида ўтказиладиган мониторинг натижаларига боғлиқ.

Жаҳон иқтисодий инқирози даврида молия бозорига ишончни тиклаш ва мустаҳкамлигини ошириш учун уни тартибга солиш механизмлари самарадорлигини ошириш лозим. Тадқиқотларимизга асослансанак, халқаро молия бозори ва уни тартибга солиш механизмлари ривожланиши шуни кўрсатадики, халқаро молия бозори ўз тараққиёт йўлида уч босқични босиб ўтган:

1) 1867 – 1944 йиллар – халқаро молия бозори ўзини ўзи тартибга солиш режимида фаолият юритган;

2) 1944 – 1976 йиллар – халқаро молия бозори қатъий ташқи бевосита тартибга солиш режимида амал қилган;

3) 1976 йилдан ҳозирги вақтгача – ўзини ўзи тартибга солиш ва ташқи тартибга солиш режимлари уйғунлигига фаолият юритмоқда (1-иловага қаранг).

Бугунги кунда халқаро молия бозорини тартибга солиш олтиннинг расман демонетизацияланиши, бозорни тартибга солишнинг бевосита ва билвосита усусларининг қўлланиши, эркин сузуб юрувчи курслар режими орқали тартиблаш, ХВФ ва бошқа халқаро тартибга солувчи органдар, етакчи давлатлар саммитларидағи турли қарорлар ва келишувларни ўзида акс эттиromoқда.

Бугунги кунда жаҳондаги молиявий инқирозни бартараб этишга қаратилган 2008 йил ноябрь ойида АҚШнинг Вашингтон шаҳрида, 2009 йил апрелда Буюк Британия пойтахти Лондонда ва шу йилнинг сентябрь ойида АҚШнинг Питсбург шаҳрида жаҳон ялпи ички маҳсулотининг 85 фоизини ишлаб чиқарадиган 20 та йирик

давлат (G20⁵²) иштирокида ўтказилган саммит глобал молиявий инқирознинг кўлами тобора кенгайиб бораётганини, уни бартараф этишга барча мамлакатлар баҳамжихат интилиши ва бунда халқаро молия ташкилотлари ролини ошириш, халқаро молиявий тартибга солиш тизимини мустаҳкамлаш кераклигини тасдиқлади. G20га аъзо мамлакатлар 2010 йил октябрь ойигача инқироз натижасида юзага келган иқтисодий муаммоларни ҳал этишга ва жаҳон ЯИМнинг 4 фоизга ошишини таъминлаш учун 5 трлн АҚШ доллари ажратишга келишишиди. Шундан ўрта ҳисобда бешдан бир қисми ХВФга молиявий инқирозни бартараф этишдаги ролини ошириш учун ажратилди.

Америка банкларининг тижорат ва фонд бозори операцияларини узоқ муддат давомида бир-биридан ажратиб келган Гласс-Стигалл қонунини инкор этиш орқали Америка молия бозорини тартибга солишга қаратилган сиёsat жаҳон молиявий инқирози келиб чиқишига сабаб бўлган асосий омиллардан эди. 2010 йил 16 июль куни АҚШ сенати ўтган асрнинг 30-йиллари молия соҳасини тубдан исплоҳ қилишга мўлжалланган молиявий тартибга солиш тўғрисидаги қонун лойиҳасини маъқуллади. Ушбу ҳужжат «Додд-Фрэнк қонуни» (ДФ) номини олди.⁵³ Шу йилнинг 22 июль куни АҚШ президенти Буюк депрессия давридан амалга оширилаётган молия тизимидағи кенг кўламли исплоҳотларни тартибга солиш мақсадида мазкур қонунни имзолади.

⁵² G20га аъзо мамлакатлар: Австралия, Аргентина, Бразилия, Буюк Британия, Германия, Ҳиндистон, Индонезия, Италия, Канада, Хитой, Корея, Мексика, Россия, Саудия Арабистони, АҚШ, Туркия, Франция, ЖАР, Япония ва Европа Иттифоқи.

⁵³ АҚШ Конгрессининг вакиллик палатасида молиявий хизматлар бўйича комитет бошлиғи Б.Фрэнк ва Конгресснинг юқори палатасида банк қўмитаси бошқарувчиси сенатор К.Додд шарафига қонунга шундай ном берилган.

Фикримизча, ҳозирда кейнсчиллик йўналишида иқтисодий тадқиқотлар олиб бораётган Пол Кругман ва Джозеф Стиглиц каби атоқли олимларнинг мазкур қонун тўғрисидаги фикрларини билиш мақсадга мувофиқ.

Бугунги кунда молия тизимини тартибга солишнинг тубдан ўзгартирилиши «Чикаго мактаби» намояндалари томонидан давлат томонидан тартибга солиш ўринсиз деб ҳисобланган самарали бозор ғояси билан доимо мунозара қилиб, баҳслашиб келган неокейнсчиллик вакиллари ғоялари ўринлилигини тасдиқлади.

2008 – 2009 йиллари содир бўлган молиявий-иқтисодий инқирознинг қайтарилмаслиги учун Дж.Стиглиц ўзининг охирги йиллардаги илмий ишларида молия тизими ни тубдан ислоҳ қилиш лозимлигини кўрсатиб келмоқда.

Молия тизимининг тубдан ислоҳ қилиниши, биринчидан, молиявий хизматлар истеъмолчилари учун ҳимоя воситаси бўлади, яъни ипотека кредитларида маълум бир муддатдан сўнг фоиз ставкасининг қарздорлар тўлов қобилиятига нисбатан кўпайиб кетиши олди олинади, деривативлар савдосида уларнинг рискини тўғри баҳополмайдиганларни ҳимоялаш имконияти яратилади.

Иккинчидан, биржалар ва клиринг ташкилотларнинг хизмат кўрсатадиган бозорлардаги инқирозлар учун жавобгарлиги оширилади, деривативлар савдоси учун улардан фойдаланиш бўйича, умуман, деривативлар бозорида максимал даражадаги шаффофлик таъминланади.

Учинчидан, банклар фақат асосий бизнеслари депозитларини жалб этиш ва кредитлар бериш билан шуғулланиши лозим. Айниқса, бу банк тизими асосини ташкил этган тижорат фаолияти билан шуғулланувчи инвестицион банкларга тегишли. Банклар бундай мақом билан арzon капиталга эга бўлишади ва инвесторлар каби ўз рискини камайтиришади. Шунинг учун йирик банкларни бир неча кичик банкларга бўлиш, уларнинг капиталига нисбатан қўшимча талабларни қўйиш ва улар фаолиятига қўшимча солиқларни жорий этиш лозим.

Тўртинчидан, АҚШ федерал резерв тизимининг (ФРТ)

монетар қарорлар қабул қилишда шаффофлиги ва жавобгарлигини ошириш лозим, чунки молиявий инқироз бўйича жавобгарликнинг муҳим қисми унинг зиммасида туради.

Буларнинг барчасига ДФ қонунининг охирги тасдиқланган кўринишида жавоб топилган.

Молия тизимида туб ислоҳотлар олиб бориш кераклигини яна бир атоқли иқтисодчи Пол Кругман ҳам қўллаб-кувватлаган. Унинг фикрича, АҚШ молия тизими охирги вақтларда бирмунча эски депозитлар ўрнини босувчи ҳосила молиявий воситаларни ишлаб чиқариш ва инвесторларга сотиш оқибатида хавфсизлик иллюзиясини ҳосил қилган. Бу бизнес орқали 2008 йили молия сектори мамлакат иқтисодиёти яратган ялпи даромаднинг учдан бир қисмига тенг фойда олди, яъни 20 йил аввалги ҳолатдан 2 баробарга кўп. Банклар иқтисодий тараққиёт учун лозим бўлган ўз вазифаларини бажарганда, яъни капитални ишлаб чиқариш мақсадларига йўналтирганда, рискларни қайта тақсимлаганда, молиявий барқарорликни оширганда кўрилган фойда ўзини оқлаган бўларди. «Аммо ҳақиқатда биз ўз бойлигимизни ва ундан-да кўп интеллектуал мулкимизни бизнесда мураккаб молиявий воситаларни яратишга сафарбар этдик, оқибатда иқтисодиётнинг инқирозларга мойиллиги ошишига сабабчи бўлдик»⁵⁴, – деб ёзади П.Кругман. Олим ўз хуносасида молия секторини торайтириш борасидаги барча иқтисодий ислоҳотлар, жумладан, секторни қўшимча солиқка тортиш тарафдори эканини кўрсатган.

Америка ҳукумати охирги икки йил ичидаги банклар ва суғурта компанияларини қўллаб-кувватлаш учун 309 млрд АҚШ долларига тенг маблағ сарфлаган. 2008 йил октябрда АҚШ ҳукумати йирик банкларни қўллаб-кувватлаш чораларини кўриши ҳозирги кунга келиб ўзини оқлади. АҚШ

⁵⁴ [http://www.nytimes.com/2010/04/23/opinion/23krugman.html
?ref=paulkrugman](http://www.nytimes.com/2010/04/23/opinion/23krugman.html?ref=paulkrugman)

Молия вазирлиги ҳисобига кўра, АҚШ ҳукумати 2010 октябрь ҳолатига General Motors ва Chrysler автоконцернларини қўллаб-қувватлашга ажратган 80 млрд АҚШ долларидан 17 млрд АҚШ доллари миқдорида зарар, лекин молиявий компанияларни қўллаб-қувватлашдан 11 млрд АҚШ доллари миқдорида фойда кўриш эҳтимоли борлигини кўрсатган. Уолл-стрит компанияларини молиявий инқироздан сақлаб қолиш учун ажратган маблағлардан 8,2% миқдорида фойда кўрган, бу кўрсаткич 30 йиллик US Treasuries фойдасидан ҳам, юқори даромадли жамғармалар, пул бозори фондлари ва депозит сертификатларидан ҳам кўпроқ.⁵⁵


Аммо реал сектор стагнацияси даврида бундай кўришишдаги фойда муҳим аҳамият касб этмайди. Муомалаға чиқарилаётган пуллар депрессиянинг давом этиш хатари ҳисобига реал инвестицияларга айланмасдан қолмоқда. Инқироз даврида бизнесменлар ва уй хўжаликларининг беихтиёёр эртанги кунга ишончсизлиги аниқ инвестицион лойиҳаларни ишлаб чиқишига тўсиқ бўлади.

Асосий инвестицион банклардан Goldman Sachs молиявий инқироз даврида инвесторлар билан муносабатларда фирибгарлик қилганда айбланди, 2010 йил июлда банк АҚШ қимматли қофозлар ва биржалар бўйича комиссияси (SEC)га ва ўз инвесторларига умумий ҳажми 550 млн АҚШ доллари миқдорида жарима ва компенсация тўловларини тўлашга розилик берди. Ушбу инвестицион банк ўз омонатчиларига тўлиқ маълумот тақдим қилмагани ва ўз молиявий фаолиятини олиб бориш усусларини қайта кўриб чиқиш мажбуриятини олганини SEC эътироф этган. SEC Уолл-стритдаги бошқа компаниялар ҳам ушбу ҳолатдан сабоқ чиқарышларини ва бизнесни юритишнинг асосий тамойилларига қатъий риоя қилиш кераклигини алоҳида кўрсатади.⁵⁶

⁵⁵ http://www.vedomosti.ru/finance/news/1128346/dohod_vlastej_ssha_ot_spaseniya_kompanij_v_period_krizisa.

АҚШ федерал ғазнаси ва банклар ўртасидаги бюджет маблағларининг икки томонлама оқими банкларнинг зарарли қарзларини сотиб олиш ва кредит эмиссияси билан ўзаро таққослаганда аҳамиятсиз экани ойдинлашмоқда.

Федерал захира тизими (ФЗТ)нинг йирик Америка банкларини молиявий кўллаб-куватлаши натижасида банкларнинг молиявий-иқтисодий ҳолати ижобий томонга ўзгарди, яъни уларнинг кредитлари қисқариши ҳисобига ликвидлиги ошди, зарарли активларга айланган йирик ҳажмдаги деривативлари камайди. Аммо ФРТнинг йирик инвестицион банкларни кўллаб-куватлаши натижасида 2009 йилнинг иккинчи ярим йиллиги давомида унинг балансидаги қимматли қоғозлари ҳажми 4 баробарга ошди. Бу ўсиш тижорат банкларининг инқирозни юзага келтирган қимматли қоғозлари ҳисобига юз берган (1.6-расмга қаранг).



1.6-расм. АҚШ ФРТ балансида қимматли қоғозлар динамикаси (трлн АҚШ доллары)⁵⁷

⁵⁶ <http://www.rbcdaily.ru/2010/07/16/world/495226>

⁵⁷ <http://fintimes.km.ru/tsennye-bumagi/frs/13054>.

ДФ қонуни 2008 йилдаги молиявий инқизорзининг асосий сабабчиси молиявий, инвестицион ташкилотлар фаолиятини тартибга солишга, молия тизимидағи рискларни қысқартышишга қаратилған бўлиб, қонун ости 243 та ҳукуқий-меъёрий ҳужжатларни қабул қилиш лозимлигиги ва 150 дан ортиқ турли мавзуларда тадқиқотлар олиб бориш зарурлигини кўрсатмоқда. Тартибга солувчиларга ушбу қонун банклар ва молиявий ташкилотлар устидан назорат бўйича кўплаб ваколатларни, муаммоли йирик кредит ташкилотларни тугатиш ҳукуқини ҳам тақдим этган. Ҳужжатда банкларнинг ўз капитали доирасида бозордаги операцияларни амалга оширишга чекловлар кўрсатилган.

Келажакда ДФ қонуни асосида банклар биринчи даражали капиталининг 3%дан кўп бўлмаган миқдорида хедж фондлар ва хусусий инвестиция фондларига маблағларини қўйиши, ушбу фондлар капиталининг 3%дан ортмаган миқдорига эга бўлишлари мумкин.

Қонун деривативлар савдосига, федерал суфурта дастурига қатнашувчи банклар имкониятларини ҳам чеклайди. Кредит ташкилотларининг бундай фаолиятни амалга ошириши учун унинг таркибида алоҳида корхона ва ташкилотларни, филиалларни ташкил этишлари лозим. Қонунда рискларни суфурталаш мақсадида банкларга СВОП операцияларини амалга оширишга руҳсат берилган.

АҚШнинг тартибга солувчи органлари вакилларидан иборат кенгашни тузиш ҳам қонунда эътиборга олинган. Кенгаш фаолиятининг асосий йўналишлари қуидагилардан иборат:

- молия секторидаги тизимли рискларни камайтириш ва бартараф этиш;
- йирик молиявий институтлар устидан назорат қилиш функциясини ФЗТга бериш;
- муаммоли молиявий ташкилотлар устидан назоратни ҳукуматга топшириш;
- уларни қайта ташкил этиш ва фаолиятини ўзгартириш;

– ҳосила молиявий воситалар бозорини тартибга солиши йўлларини такомиллаштириш ва биржа савдо механизмларини ташкил этиш орқали унинг шаффофлигини ошириш;

– хусусий инвестиция фондлари ва хедж-фондлар устидан назорат тизимини амалга ошириш.

Қонун ҳозирги молия тизимидағи қуидаги уч асосий муаммони бартараф этишга қаратилган:

– умумий назоратнинг йўқлиги;

– мамлакат иқтисодий тизимига хавф солувчи ташкилотлар фаолиятидаги шаффофликнинг етарлимаслиги;

– нобанк ташкилотларни тартибга солиши механизми-нинг йўқлиги.

ДФ қонуни қуидаги учта янги институтни ташкил этишга асос солади:

– молиявий барқарорликни назорат қилиш бўйича кенгаш (муассасаларо орган). Кенгаш ФЗГа тизимли институтлар капиталининг етарлилиги, ликвидлиги ва риск даражаси бўйича меъёрий талабларни белгилаш ва уларни тартибга солишга доир ўз тавсияларини беради. Тартибга солувчи банкнинг операцияларини ноқонуний ёки самарасиз деб ҳисобласа, уларни қисқартириш ёки чеклаш имконига ҳам эга. Молиявий тадқиқотлар хизматига молиявий компанияларга тегишли ахборотларни олишишга ва талаб қилишига кўп ваколатлар берилган, бундай ахборотлардан РЕПО бозорига ўхшаш шаффофф бўлмаган бозорларни тадқиқ қилишда ва уларнинг муаммоларини бартараф этишда фойдаланилади. Тартибга солувчи томонидан тизимли рисклар харитасини яратиш ҳисобига бир ёки бир нечта банкларга маълум бир фаолият соҳаларидағи операцияларни камайтириш, оқибатда уларнинг рискларини пасайтириш имконига эга бўлади;

– молиявий хизматлар истеъмолчиларини ҳимоялаш бўйича агентлик (ФЗТ қошидаги мустақил орган). Агентлик 10 млрд АҚШ долларидан кўпроқ активга эга банклар ва кредит уюшмалари, улар билан алоқадор барча компаниилар, қарзларни тўплашга кўмак берувчи ташкилот-

лар фаолиятини тартибга солади. Агентликнинг асосий вазифаси банк хизматлари тўғрисидаги ахборотлар билан истеъмолчиларни таъминлаш, уларнинг молия соҳасидаги малакасини ошириш чораларини кўриш ва истеъмолчиларни ўқитиш ишларини ташкил этиш, ноқонундий операциялардан, шубҳали битимлардан, спекулятив операциялардан огоҳлантириш ва уларга бундай вазиятларда керакли ташкилотларга тезкор хабар бериш йўлларини кўрсатиб боришдан иборат. Институционал ислоҳотлардан ташқари банк жавобгарлигисиз истеъмолчиларни кредитлашдан ҳимояловчи бир қатор чекловлар ҳам амалиётга жорий этилмоқда. Масалан, ипотека кредитини олган шахслар билан тузилган шартномаларда сузиг юрувчи кредит фоиз ставкасининг юқори чегараси ўрнатилишини кўрсатиш мумкин. Банкнинг кредит бериш бўйича қарори салбий бўлиш эҳтимоли туғилса, истеъмолчиларнинг ўз кредит қобилиятини баҳолашига эркинлик берилган ва бу қонуний кафолатланган;

– инвесторларнинг ҳуқуқларини ҳимоялаш бўйича инвестицион маслаҳат қўмитаси (Қимматли қофозлар ва биржалар бўйича комиссия (SEC) қошида ташкил этилади). Қўмита инвесторларнинг асосий муаммоларини ҳал қилиш ва уларнинг ҳуқуқларини ҳимоялаш бўйича ўз тавсияларини беради. Инвесторларнинг аниқ шикоятлари «омбудсман»да кўриб чиқилади. Хедж-фонд бошқарувчилари, рейтинг агентликлари устидан шикоят қилиш мумкин. Инвесторлар рейтинг агентликларига муваффақиятсиз битимлар содир бўлганда ўз талабларини кўйиш имконига эга, яъни уларда эксперт сифатида жавобгарлик мавжуд. Салбий рейтинг кўрсаткичи натижасида SEC агентликни рўйхатдан чиқариши мумкин. Қонун бўйича 100 млн АҚШ долларидан ортиқ активга эга хедж-фондлар рўйхатдан ўтиши ва SECга ҳисоб бериши лозим. Бу маълумотларни SEC молиявий барқарорлик бўйича кенгашга жўнатади ва йилда бир маротаба ушбу маълумотлардан инвесторларни ҳимоялашда қандай фойдаланганик тўғрисида Конгресс олдида ҳисобот беради. Салбий

рейтинг кўрсаткичи натижасида SEC уларни рўйхатдан чиқариши ва уларга жарима солиши мумкин.⁵⁸

Ушбу қонунни амалиётга жорий этишда асосий етакчилардан бири сифатида ФЗТ собиқ раиси, ҳукумат маслаҳатчиси Пол Волкерни кўрсатиш ўринли. Волкер қоидасига кўра, банклар хусусий инвестиция компаниялари ва хедж-фондлар сифатида фаолият кўрсатиши тақиқланганди. Ниҳоят, ҳукумат аъзоларининг турли музокараларидан сўнг банкларга ўз капиталининг 3% миқдорини хусусий инвестиция компаниялари ва хедж-фондларга жойлаштиришига имкон берилди. Инқироз натижаларидан келиб чиқсан ҳолда П.Волкер ташаббуси билан АҚШ банк тизимида кескин иқтисодий исплоҳотлар юритила бошлади. Масалан, у банкларни икки турга ажратишни таклиф этди, яъни тижорат ва бошқа турда фаолият юритувчи банклар. Унинг фикрича, тижорат банклари депозитлар жалб қилиш ва кредитлар бериш фаолияти билан, бошқа банклар турли фаолиятлар билан шуғулланиши мумкин. Мазкур тартибда банкларнинг фаолияти 1933 йилдаги Гласс-Стигал қонунининг амалдаги кўринишини ўзида намоён этади. Буюк депрессия даврида Гласс-Стигал қонуни банкларга ўзининг шўъбалари орқали андеррайтинг фаолияти билан шуғулланиш имконини берган эсада, инвестицион фаолиятдан олинган даромад банкнинг умумий даромади 10%дан ортиқ бўлишига йўл қўймаган. П.Волкер фикрича, аҳоли маблағлари билан инвестиция банклари шуғулланмаслиги даркор. Ҳукумат маслаҳатчиларининг бошқа бир таклифи эса банк маблағларини хедж-фондларга қўйишни умуман чеклаш кераклиги, бунинг натижасида спекулятив операцияларнинг олдини олиш мумкинлиги тўғрисида бўлди. Ammo Goldman Sachs, Citigroup ва JP Morgan каби йирик инвестицион банкларнинг хусусий инвестиция компаниялари ва хедж-фонд-

⁵⁸ <http://slon.ru/blogs/zubovaea/post/426282/> – Зубова Е. Как Обама защитил потребителей.

ларга қўйган маблағларини қисқартириши учун ўнлаб йиллар талаб этилиши ҳам муҳокама марказида турди.⁵⁹ Бир қатор экспертлар фикрича, Wall Street банкларини сақлаб қолишнинг имконияти йўқ. ДФ қонунининг қабул қилиниши бир қатор йирик Америка банкларининг қимматли қофозлар бозоридаги савдо операциялари тутатилишига олиб келди. Тижорат банкларига муддати ўтган кредитлар бўйича жарималар каби бир қатор чекловларнинг ўрнатилиши истиқболдаги фаолияти яхшиланиши билан бирга жорий фаолиятида бирмунча йўқотишлар бўлишига ҳам туртки бермоқда. Банкнинг капитал ҳажмига, зарарлар бўйича захираларига ва бошқаларга талабларнинг ўрнатилиши бир неча йилга чўзилиши ҳам эътиборга олинган.

Фикримизча, ДФ қонуни жорий этилиши натижасида молия бозори ва реал инвестицияларнинг жадал суръатлар билан ривожланишига умид қилиб бўлмайди. Қонунда ўрнатилган барча меъёр ва тартибларнинг амалиётда синовдан ўтиши учун бир неча йиллар керак. Ундаги ноаниқликлар молиявий инновацияларга салбий таъсир кўрсатиши, иқтисодий таҳлил жараёнларини кучайтириши, ликвидлиги паст активлар риски учун тўловларнинг ошишига олиб келиши мумкин ва келажақда молия бозорини бошқарувчи барча қоидалар такомиллашишига сабаб бўлади, бу мамлакат иқтисодий ўсиши учун муҳим.

АҚШ молия бозоридаги операциялар бўйича қонунчиликнинг кучайтирилиши жаҳон молиявий инфраструктурасига қандай таъсир кўрсатиши ноаниқлигига қолмоқда. Капитал ҳаракати устидан назоратнинг йўқлиги АҚШдан бошқа молиявий марказлар (Лондон, Гонгконг)да молиявий фаолликнинг кучайишига сабаб бўлиши мумкин. Муаммони глобал даражада ҳал қилиш муҳим аҳамиятга эга, ушбу жараённинг бориши анча қийин кечиш эҳтимоли мавжуд. Чунки Гонгконг томон инвесторлар ҳарака-

⁵⁹ <http://www.k2kapital.com/news/275490/>

ти ушбу бозор тараққиётига ва ундаги инвесторлар даромадлари кўпайишига олиб келади.

ДФ қонунини амалиётга жорий этиш натижасида бошқа бир муаммо юзага келиши, яъни мамлакатда иқтисодий ўсиш секинлашиши мумкин. Ушбу қонун Гласс-Стигал қонуни асосида яратилган эса-да, реал инвестицияларни тартибга солишга ва уларни ривожлантиришга қаратилмай, спекулятив операцияларни бартараф этишга мўлжаллангани асосий камчиликларидан бири ҳисобланади.

Фикримизча, ҳозирги инқироз шароитида молия бозорини тартибга солиш ва барқарорлигини таъминлаш қўйидагиларда ўз аксини топади:

– инқироздан қутулиш мақсадида молия бозорини тартибга солувчи ва мустаҳкамлигини оширувчи иқтисодий ислоҳотларни олиб бориш. Беқарор бозорни тартибга солиш дастлаб маҳаллий органлар томонидан амалга оширилиши лозим. Лекин бозорнинг глобал миқёсга эгалиги халқаро даражада тартибга солувчи ташкилотлар билан ҳамкорликни кучайтиришни талаб этади. Бу эса халқаро молиявий бозорлар барқарорлигини таъминлашга хизмат қиласди. Тартибга солиш чоралари бозорнинг ўз-ўзини тартибга солувчи қоидаларига кўмаклашиши, бозорда янгилик ва рақобатни қўллаб-кувватлаши зарур. Қўллаб-кувватлашда мамлакатлар ўз манфаатларини кўзлаб турли меъёрий ҳужжатлардан фойдаланиши, бошқа мамлакатлардаги молия бозорларига салбий таъсир кўрсатмаслиги керак;

– самарали тартибга солиш тизимини мустаҳкамлаш. Мамлакатлар молия бозорида олди-сотди воситалари ва иштирокчиларининг хусусиятларидан келиб чиқиб тартибга солиш ва назоратни йўлга қўйишлари даркор. Кредитлаш соҳасида фаолият юритувчи рейтинг агентликлари қаттиқ назоратга олиниб, молия бозорини тартибга солувчи ягона мезонлар шакллантирилиши лозим. Молиявий воситалар ва хизматлар савдосининг кенгайиши ҳамда янгиларининг яралишига тўсиқ бўлмайдиган иқтисодий

циклинг барча күламларида тартибга солиш самарадорлигини ошириш керак. Халқаро молия бозорини тартибга солиш тизимини мамлакатлараро үзаро келишилган ҳолда ҳал этиш даркор;

– молия бозорлари мувофиқлигини таъминлаш. Ҳуқуқий ҳамкорликнинг сустлиги оқибатида ноқонуний молиявий рисклардан ҳимояланиш чораларини кўриш, ўз манфаатларини сунистеъмол қилиш, товламачилик ва бозордаги ноқонуний фиригарликлардан огоҳлантириш, манфаатлар тўқнашувига йўл қўймаслик, истеъмолчилар ва инвесторлар ҳимоясини кучайтириш йўли билан жаҳон молия бозори бутунлигини сақлаб қолиш. Мулоҳаза-сизлик билан фаолият юритадиган эмас, балки жавобгарлиги оширилган бозорларни шакллантириш зарур;

– халқаро молиявий ташкилотларни ислоҳ қилиш. Бреттон-Вудс ташкилотлари (ХВФ, ЖБ)нинг жаҳон иқтисодиётидаги асосий марказларда иқтисодий-молиявий ислоҳотлар олиб боришидаги тенглик тамойилидан келиб чиқиб қонунийлик ҳамда самарадорлигини ошириш. ХВФ ва бошқа молиявий ташкилотларга G20 томонидан 1,1 трлн АҚШ доллари миқдоридаги маблағ жаҳондаги молиявий барқарорликни таъминлаш учун ажратилди. ХВФ ресурслари 750 млрд АҚШ долларига оширилди, шундан 250 млрд АҚШ доллари янги СДР⁶⁰лар чиқаришга сарфланмоқда. ХВФ томонидан ажратиладиган пул маблағлари кредитлашни қайта тиклашга, иқтисодиётни ривожлантиришга ва янги иш ўринлари яратишга йўналтирилган. ЖБнинг кредит линияларини қўллаб-кувватлаш учун 100 млрд АҚШ долларига тенг маблағ ажратилди. Ушбу ташкилотлар 250 млрд АҚШ долларини савдо-мо-

⁶⁰ СДР (махсус қарздорлик ҳуқуқи) – ХВФнинг ҳисоб бирлиги, тўлов баланси қолдигини тартибга солишида фойдаланилади. СДР курси тўрт етакчи валюталар саватидаги саломигига кўра АҚШ доллари, евро, иена ва фунт-стерлингнинг АҚШ долларидаги қиймати асосида аниқланади.

лия соҳасини қўллаб-қувватлаш учун ажратди. Уларнинг фаолиятини бошқаришда бозор иқтисодиётига ўтаётган ва ривожланаётган мамлакатлар овозлар ҳажми оширилиши лозим. ХВФ ва ЖБга аъзо бозор иқтисодиётига ўтаётган ва ривожланаётган мамлакатлар квотаси бирига кам, бошқасига кўпроқ ҳолда мужмал қайта тақсимланмоқда. Бундай тақсимлашга барҳам бериб, ушбу мамлакатларга ХВФ ва ЖБ ресурсларидан фойдаланиш ва бошқарувида камида мос равища 5 фоиз квоталарни тақдим этиш, 3 фоиз овозга эгалик ҳуқуқини бериш керак. Молиявий барқарорлик бўйича форум (МБФ) таркибини иқтисоди ривожланаётган мамлакатларни қўшиш орқали кенгайтириш зарур. Иқтисодий инқирозларни башоратлаш тизимини ташкил этиш учун Молиявий барқарорлик бўйича кенгаш (МБК) ташкил этилиб, унга G20, Еврокомиссия, Испания ва МБФ аъзолари киритилган. МБКнинг молиявий тартибга солишини мустаҳкамлаш бўйича мониторинг ва мувофиқлаштириш фаолиятини кучайтириш шарт. ХВФ инқирозга қарши фаолиятини МБФ ва бошқа органлар билан ҳамкорликни кенгайтирган ҳолда олиб бориши лозим;

– биржадан ташқари бозор инфратузилмасини яхшилаш орқали кредит деривативлар бозори шаффоғлиги ва барқарорлигини ошириш ҳамда улар билан боғлиқ тизими рискларни қисқартириш даркор. Биржадан ташқари деривативлар бозорини такомиллаштириш ва рискларни ўзларига олувчи йирик халқаро ташкилотлар жавобгарлигига самаралироқ молиявий воситаларни жалб қилиш талаб этилади. Нархларнинг кескин ўзгаришини мувофиқлаштириш учун биржадан ташқари молиявий бозорлар фаолиятини ва тартибга солиш йўлларини яхшилаш ҳамда шаффоғлигини таъминлаш керак;

– молия тизими ва уни тартибга солишига ишончни тиклаш. Банк тизими капиталлашув даражасини аниқловчи халқаро ва миллий тартиб-қоидалар ўртасидаги қарама-қаршиликни бартараф этиш лозим. Барча тармоқда муҳим молиявий ташкилотлар, воситалар ва бозорлар учун

кузатув ҳамда тартибга солишни кучайтириш керак. Хеджирлаш фондлари (рискни бошқарувчи фондлар) фаолиятидаги инқироз жаҳон молиявий, сўнгра иқтисодий инқирози юзага келишидаги сабаблардан бири бўлган. Банк сектори ва бошқа молиявий ташкилотларни тартибга солиш тизими, уларнинг инқирозига туртки берган ортиқча ресурслардан воз кечиш керак. Одатдаги банк амалиётига қайтмасдан, янгича банк фаолиятини ташкил этиш лозим. Турли молиявий хатарларнинг олдини олиш учун банк капиталини миқдор ва сифат жиҳатдан ошириш зарур.

Биринчи бобда амалга оширилган тадқиқотларга таяниб қуидаги хуносаларга келиш мумкин:

– жаҳон иқтисодиёти молия бозорларидаги активлар баҳосининг асоссиз ўсиши, «спекулятив кўпиклар»га бир неча бор дуч келишига қарамай, ҳозиргача уларни бартараф этишнинг илмий-амалий усуллари ишлаб чиқилмаган. Қолаверса, монетар органларнинг активлар баҳосининг бундай асоссиз ўсишига йўл кўймаслик бўйича стратегиялари масаласи назарий жиҳатдан ҳам ўз ечимини томмаган;

– молия бозорига, хусусан, қимматли қоғозлар бозорига чет эл капиталининг кириб келиши молиявий «кўпиклар»нинг ривожланиш тенденциясини кучайтирган;

– спекулятив фаолликни бартараф этишда монетар органлар томонидан пул-кредит сиёсати чора-тадбирлари доирасида фонд бозорини самарали тартибга солиш чоралари зарурати ортмоқда;

– инвестиция фондлари банклар ва бошқа молиявий воситачилар кўрсатолмайдиган хизматларни таклиф қилиш билан бирга аҳолининг бўш жамғармаларини мамлакатдаги инвестиция жараёнларига сафарбар этмоқда;

– инвестиция фондларининг тавсифланиши ва турли туманлиги молия бозорида инвесторларнинг даромадларини ошириш билан бир қаторда бозорнинг профессионал иштирокчилари кўпайишига, ундаги рисклардан ҳимояланишнинг инвесторлар хусусиятлари ва манфа-

атларини инобатга олган ҳолда ташкил этилишига олиб келиб, молия бозори барқарор ривожланишига замин яратади;

– бозор иқтисодиёти яна бир бор ўзини ўзи самарали тартибга солишнинг уддасидан чиқмади, натижада бозорнинг давлат томонидан тартибга солинишини қўллаб-кувватловчилар сони кўпаймоқда;

– банклар томонидан активларни секьюритизациялашда муомалага чиқариладиган молиявий инструментлар, ҳосила молиявий воситаларнинг гаров сифатида қабул қилинишига нисбатан халқаро миқёсда муайян чекловларни ўрнатиш зарур. Хусусан, акция ва облигацияларни гаров таъминоти сифатида қабул қилишга нисбатан захира талаблари белгиланиши мумкин;

– «Гласс-Стигал» қонунининг замонавий кўриниши ДФ АҚШ молия бозорини соғломлаштиrsa-да, жаҳон бўйлаб капитал ҳаракати устидан назоратнинг йўқлиги АҚШдан бошқа молиявий марказлар (Лондон, Гонгконг)га томон молиявий оқимлар фаоллиги кучайишига сабаб бўлади, ушбу қонун реал инвестицияларни тартибга солишга ва ривожлантиришга қаратилмай, спекулятив операцияларни бартараф этишга мўлжаллангани уни такомиллаштириш заруратини кўрсатади.

II БОБ.

ЖАҲОН МОЛИЯВИЙ-ИҚТИСОДИЙ ИНҚИРОЗИ ШАРОИТИДА МОЛИЯ БОЗОРИ ТАРКИБИЙ ТУЗИЛМАСИ РИВОЖЛАНИШИНинг АМАЛДАГИ ХОЛАТИ

2.1. Халқаро капитал ҳаракатининг асосий шакллари ва уларнинг замонавий тенденциялари

Халқаро капиталлар ҳаракати ўз-ўзидан кўпайишини кўзлаб чет элга капитални жойлаштириш ва фаолият юритишдир. Иборанинг синоними капитал экспорти ёки капитал чиқариш.⁶¹ Фикримизча, халқаро капиталлар ҳаракати, айни вақтда, нисбий ортиқча бўлган пул ёки товар моддий маблағларнинг мамлакат чегарасидан четга жойлаштирилишидир. Бундан кўзланган асосий мақсад тадбиркорлик фаолиятидан фойда олиш ёки кўйилган капиталдан устама фоиз олиш. Халқаро капитал ҳаракати сифатида мамлакатлар ўртасидаги молиявий ресурслар оқими миллий инвестиция ва жамғарма ўртасидаги номутаносиблик оқибатида келиб чиқади.

Молиявий глобаллашув шароитида халқаро капиталлар ҳаракатида ўзига хос хусусиятлар сифатида қўйидағилар кўзга ташланади:

- жаҳонда капиталнинг нотекис жойлашиши, бунда капитал ресурси капиталга бой мамлакатдан капиталга муҳтоҷ мамлакатга қараб оқиб боради;
- кўп мамлакатларда жамғарма ва инвестициянинг

⁶¹ Мировая экономика и международные экономические отношения: Учебник / Под. ред. проф. А.С.Булатова, проф. Н.Н.Ливенцева. – М.: Магистр, 2008. – С.490.


номутаносиблиги. Натижада инвестиция учун ортиқча маблағлар ёки дефицит содир бўлади. Мос равишда капиталнинг соғ экспорти ёки импорти вужудга келади;

- мамлакатларнинг инвестицион муҳитидаги, капитал қўйилмалар учун шароитлардаги фарқланишлар;

- капитал эгасининг капиталдан фойдаланиш самарадорлигидаги фарқлар ва унинг бошқа чет элдаги капитални эгаллашга қаратилган ҳаракатлари ҳамда капиталдан самарасиз фойдаланаётган жойдан ўрин олишга интилиши;

- иқтисодий ресурс сифатида, одатда, капиталнинг юқори даражада сафарбар этилиши. Бу ҳолат жаҳон иқтисодиёти глобаллашуви, эркинлашуви, трансмиллийлашуви ва интеграциялашуви шароитида янада кўпроқ кучга эга бўлади.

Халқаро капитал ҳаракати охирги ўн йилликда ўсиш тенденциясига эга, 2008 йили юз берган жаҳон молиявий-иктисодий инқирози унга салбий таъсир кўрсатган. Натижада унинг ҳажми 97,6 трлн АҚШ долларидан 93,0 трлн АҚШ долларига, яъни 5%га пасайган (2.1-расмга қаранг).



2.1-расм. Жаҳондаги халқаро инвестициялар ҳолати (активлар ҳажми, трлн АҚШ доллари)⁶²


⁶² <http://www.imf.org/external/pubs/ft/bop/2009>

Халқаро капиталнинг асосий шакллари мамлакат молия бозорини ривожлантириш концепциясида ўз аксини топиши керак. Халқаро инвесторлар унга мос равишда қарор қабул қиласидилар ва инвестицияларини ҳаракатга келтирадилар. Халқаро капиталнинг асосий шакллари сифатида расмий капитал, хусусий капитал, қисқа, ўрта ва узок муддатли, тадбиркорлик капитали, ссуда капитали, тўғридан-тўғри инвестициялар, портфель инвестицияларни келтириб ўтиш мумкин. Улар ўртасида ўзаро боғлиқлик ва миллий иқтисодиёт учун қандай шаклда қўйиш афзал эканлигини 2.2-расмда кўрамиз.

Халқаро капиталнинг асосий шакли расмий капитал – давлатлашаро ташкилотлар ва ҳукумат қарорлари асосида давлат бюджети маблағларини чет элдан қабул қилиш ёки чет элда жойлаштиришdir. Хусусий капитал хусусий юридик шахслар (фирма, корхона, ташкилот, банклар ва ҳ.к.) маблағларини уларнинг бошқарув органлари қарорлари асосида чет элларда жойлаштиришdir. Халқаро капитал ҳаракатида худди шу шакллардан келиб чиқсан ҳолда чет элга хусусий, давлат ва халқаро ташкилотлар капиталлари кўринишида олиб чиқлади. Агар капитал экспорт қилаётган компаниянинг ярми давлатга қарашли эса, ўша компания капитални чет элга экспорт қилса, у хусусий капиталга тегишли бўлади. Жаҳон капитал экспортида хусусий капитал етакчи, кейинги ўринларни давлат капитали, халқаро ташкилотлар капитали эгаллаган. Одатда, давлат ва халқаро ташкилотлар четга капитални ссуда шаклида, кредит ва қарз, моддий ёрдам кўринишида чиқаради. Расмий ва хусусий капитал халқаро капиталнинг икки хил: тадбиркорлик ва ссуда капитали шаклида кўзга ташланади.

Тадбиркорлик капитали тадбиркорлик фойдасини олиш учун чет элларда бевосита ва билвосита ишлаб чиқаришга қўйилган маблағлар ҳисобланади. Ссуда капитали деб муддатлилик, қайтаришлилик, тўловлилик шартлари асосида устама фоиз олиш учун чет элларга қўйилган капиталга айтилади. Ссуда капитали чет эл валюта-

сидаги депозитлар ёки чет элга банк депозитлари ва бошқа кўйилмалар, кредит ҳамда қарзлар кўринишида бўлиши мумкин. Бундай кредитларнинг, одатда, турлича кўринишлари мавжуд (масалан, экспорт, импорт кредитлари). Ссуда капиталига мамлакатлараро ёрдамларни ҳам киритиш мумкин. Статистикада ссуда капитали кўринишидаги инвестициялар «бошқа инвестициялар» сифатида акс этади.




2.2-расм. Молия бозори концепцияси ва халқаро капитал ҳаракатининг асосий шакллари⁶³

Банк ва нобанк ташкилотларнинг ташқи кредитлари ва депозитлари халқаро ссуда капитал ҳаракатининг асосий элементларидан бири ҳисобланади. Ҳозирда бу каби

⁶³ Тадқиқот натижаларига асосланиб муаллифлар томонидан шакллантирилган.

**2.3-расм. Банк ва нобанк ташкилттарнинг ташқи кредитлари ва депозитлари
Хажмининг ўзгариши (млрд АҚШ доллари)⁶⁴**



⁶⁴ www.bis.org – Халқаро хисоб-китоблар банки маълумотлари асосида тузилган.


ташқи кредитлар ва депозитларнинг ҳажми бўйича ривожланган мамлакатлар етакчилик қилмоқда. 2008 йилдаги жаҳон молиявий-иқтисодий инқирози уларнинг ҳажми ўзгаришига салбий таъсир кўрсатган. Охирги ўн йилликда уларнинг ҳажми уч баробардан ошган, аммо 2008 – 2009 йиллари инқироз натижасида мос равища 8% ва 5%га қисқарган (2.3-расмга ва 2-иловага қаранг).

Халқаро ссуда капитал ҳаракатининг асосий элементларидан яна бири халқаро синдиқатлашган кредитлардир. Ҳозирда халқаро синдиқатлашган кредитларни чиқаришда ривожланган мамлакатлар етакчи. 2008 йилдаги молиявий инқироз даври ривожланган ва ривожлананётган мамлакатлар халқаро синдиқатлашган кредитларига бир хил даражада таъсир кўрсатган. Охирги ўн йилликда уларнинг ҳажми уч баробардан кўпроқка ошди, яъни 1998 йили 218,4 млрд АҚШ долларни, 2007 йили 662,7 млрд АҚШ долларини ташкил этган. 2008 йили инқироз натижасида уларнинг ҳажми яна 3 баробардан кўпроқка қисқарган ва 198,7 млрд АҚШ доллари бўлган. Ҳозирда уларнинг ҳажми яна ўсиш тенденциясига эга (2.4-расм ва 2-иловага қаранг).

Расмий капитални халқаро миёсда ссуда капитали тарзида ташкиллаштиришнинг мамлакат иқтисодиёти учун афзаллик тарафлари катта. Суда капиталининг афзаллиги фойда меъёри ва унинг қайтарилишида иқтисодий риск даражаси камлигидир. Ҳусусий капиталнинг табдиркорлик капитали сифатида қўйишнинг афзаллиги унинг юқори даражада фойда олишни таъминлашида ва фойда олиш мақсадида табдиркорлик капитали маблағлари эластиклиги юқорилигига кўзга ташланади. Табдиркорлик капитали инвесторга ўз мулкидан тўғридан-тўғри инвестициялар ва портфель инвестициялар шаклида фойда олишни таъминлайди. Табдиркорлик капитали тўрт хил: тўғридан-тўғри инвестициялар, портфель инвестициялар, ўрта, узоқ муддатли ҳамда қисқа муддатли халқаро капитал қўйилмалар шаклида кўзга ташланади.

Тўғридан-тўғри инвестициялар мамлакатга узоқ муд-

**2.4-расм. Халқаро синдиқатлашған кредитлар ҳажмининг ўзгариши
(мпрад АҚШ доллары)⁶⁵**



⁶⁵ www.bis.org – Халқаро хисоб-қитоблар банки маълумотлари асосида тузилган.

датли иқтисодий фойдани кўзлаб қўйилган капитал, у инвесторга капитал жойлаштирилган обьект устидан назорат олиб боришни таъминлайди. Бу, одатда, 10 фоиздан кам бўлмаган акция ёки улушга эгаликни талаб этади. Портфель инвестициялар чет эл қимматли қофозлари (қарз мажбурияти ва улуш муносабатини ифодаловчи қимматли қофозлар ва ҳ.к.)га қўйилган капитал, у инвесторга капитал жойлаштирилган обьект устидан реал назорат олиб бориш ҳуқуқини бермайди. Одатда, амалиётда бундай инвестициялар якка акция ёки уларнинг кичик пакети, облигация, вексел ва бошқа қарз мажбуриятини ифодаловчи қимматли қофозлар, баъзан портфель инвестициялардан алоҳида шакл касб этувчи молиявий ҳосилавий қимматли қофозлар кўринишида бўлиши мумкин. Ўрта ва узоқ муддатли халқаро капитал қўйилмалар деб 1 йилдан кўп муддатга, қисқа муддатларни эса 1 йилгача капитал қўйилмаларга айтилади. Халқаро табдиркорлик капиталини мамлакатлар миллий иқтисодиётига тўғридан-тўғри инвестициялар шаклида жалб этишнинг афзаллиги катта. Тўғридан-тўғри инвестициялар мамлакатда ЯИМни яратишида, аҳоли бандлигини оширишида, хорижий мамлакатлардан янги техника-технологияни жалб этишда, импорт маҳсулотлари ўрнини босадиган экспорт-боп маҳсулотларни ишлаб чиқаришнинг ошишида бевосита қатнашади. Тўғридан-тўғри инвестициялардан ўрта ва узоқ муддатли фойдаланиш яхши самара беради. Қисқа муддат ичидаги тўғридан-тўғри инвестициялар иқтисодий самарасининг кам бўлишига инвестицион фаолиятнинг мамлакатдаги бозор мұхитига мослашиш жараёнини, ишлаб чиқарилган маҳсулотнинг бозордан ўрин олиши, сотилиши, ижтимоий мұхит, аҳоли даромадлари ва бошқа омиллар таъсир кўрсатади. Портфель инвестициялар қисқа муддатли юқори фойда олишни мақсад қиласди. Бунда энг самарали йўл мамлакат фонд бозорида инвесторнинг қимматли қофозлар портфелини шакллантиришидир. Инвестор қимматли қофозлар портфелини бошқариш, яъни портфелнинг фойдасини максимал-

лаштириш ҳамда ушбу портфелнинг риск даражасини камайтириш орқали ўзига максимал фойдани таъминлайди. Халқаро капитал ҳаракатида ссуда капитали ҳам икки хил кўринишда: ўрта, узоқ муддатли ҳамда қисқа муддатли халқаро капитал қўйилмалар шаклида кўзга ташланади. Халқаро капитал ҳаракатида ссуда капиталини қисқа муддатли ташкиллаштириш афзал. Ссуда капитали шартлари ўзгарувчанликка мойиллиги камлиги учун мамлакатда иқтисодий муҳит ўзгара бошласа, ушбу капиталнинг иқтисодий риск даражаси ошиши, уни қисқа муддатда ташкиллаштиришни афзал қилиб кўрсатади.


Мамлакатлар тўлов балансларига асосланган халқаро капитал ҳаракати статистикасининг иккита камчилиги мавжуд, биринчидан, қисқа муддатли капитал ҳаракатининг кўп кўринишлари статистикада фақат қолдик (салъдо) кўринишида акс этади. Бу халқаро капитал ҳаракатининг умумий ҳажмида қисқа муддатли капитал ҳаракати аҳамиятини (қийматини) камайтиради.

Иккинчидан, маълум вақт давомида капиталнинг олиб чиқилиши ва олиб кирилиши ўртасида номутаносиблиқ, асосийси, катта ҳажмдаги капиталнинг ноқонуний шаклда чиқарилиши, натижада жаҳондаги якуний маълумотларда капитални олиб киришга нисбатан олиб чиқишининг камлиги миллий тўлов балансларида статистик хатоларни юзага келтиради, бу эса статистикада жаҳонга капитални чиқариш ва мамлакатларга олиб кириш маълумотлари ўртасида йирик тафовутларни юзага келтиради.

Охирги ўн йиллиқда халқаро капитал ҳаракати таркибида жиддий ўзгариш юз берди. Тўғридан-тўғри инвестициялар миқдори ўси, ундан-да жадалроқ суръатда портфель инвестициялар миқдори ўси. Капитални ссуда шаклида чиқариш миқдори 2004 йилдан портфель инвестициялар ҳажмидан ортиб кетди. 2008 йилия содир бўлган инқизорнинг салбий таъсиридан кўпроқ халқаро ссуда капиталлар (бошқа инвестициялар) азият чекди (2.5-расмга қаранг).

Жаҳонда тўғридан-тўғри ва портфель инвестициялардан кўра ссуда капитали миқдорининг кўпайишига асо-

2.5-расм. Жаңон түлөв балансида халқаро инвестициялар ҳаракати (млрд АҚШ доллары)⁶⁶



⁶⁶ <http://www.imf.org/external/pubs/ft/bop> Маълумотлари асосида муаллифлар томонидан тайёрланди.

сий сабаб халқаро молия бозорида арzon кредитларга асосланувчи трансмиллий жараёнларнинг бўлишидир.

Жаҳонда халқаро капитал ҳаракати географияси кўрсатадики, жаҳон капитал экспортида 2006 – 2010 йиллар даврий оралиғида Хитой, Япония, Германия, Россия, Норвегия, Нидерландия, Қувайт, Швеция, Канада, Швейцария, Сингапур, Жазоир, Венесуэла, Саудия Арабистони, Бирлашган Араб Амириклари, Хитойнинг Тайван провинцияси, Нигерия, Малайзия ва Корея давлатлари етакчилик қилмоқда. Россия, Норвегия, Нидерландия ва бошқа мамлакатларнинг капитал экспортидаги улуши камайиб борган бўлса, унинг ўрнини Япония, Хитой, Германия, Қувайт, Швециянинг капитал экспорти ўсиши ҳисобидан тўлдирилаётганини аниқлашимиз мумкин (2.1-жадвалга қаранг).


2.1-жадвал

Жаҳон капитал экспортида йирик улушни ташкил этган мамлакатлар (жамига нисбатан фоизда)⁶⁷

Мамлакатлар	2006	2007	2008	2009	2010	2010 йилда 2006 йилга нисбатан ўзгариш	
						Капитал экспорти (%да)	
1	2	3	4	5	6	7=6-2	
Япония	11,8	12,1	8,6	11,5	13,3	1,5	
Хитой	17,3	21,3	23,4	24,2	20,9	3,6	
Германия	10,1	14,5	12,9	13,3	12,0	1,9	
Россия	6,6	4,4	5,6	4,0	4,9	-1,7	
Норвегия	3,8	3,4	4,8	4,0	3,6	-0,2	
Нидерландия	4,0	3,0	3,6	3,5	3,8	-0,2	
Қувайт	2,9	2,8	3,9	2,3	2,9	0,0	
Швеция	1,9	2,2	2,1	2,4	2,0	0,1	
Бошқа мамлакатлар	41,6	36,3	35,1	34,8	36,6	-5,0	

⁶⁷ Изоҳ: Капитал экспорти бўлимида 2006 – 2010 йиллар

Жаҳон капитал импортида 2005 – 2010 йиллар даврий оралиғида АҚШ, Испания, Буюк Британия, Австралия, Франция, Италия, Туркия, Греция, Канада, Ҳиндистон етакчилик құлмоқда. АҚШ жаҳон капитал импортидағи салмоғи бүйіча биринчі ўринні эгаллаб келаётган эсада, 2005 – 2009 йиллар даврий оралиғида бу құрсаткіч пасайиш тенденциясига зәға бўлган, аммо 2010 йили унинг салмоғи ошган. Буюк Британия, Франция, Италия, Туркия, Ҳиндистоннинг жаҳон капитал импортидаги улушши ортмоқда (2.6-расмга қаранг).



2.6-расм. Жаҳон капитал импортида йирик улушни ташкил этган мамлакатлар (жамиға нисбатан фоиздә)⁶⁸

оралиғида 2006 – 2007 йиллар учун 1,9%дан, 2008 йили 2,1%дан, 2009 йилда 2,3%дан, 2010 йили 1,9%дан кичик улушни ташкил этмаган доимий барқарор турған мамлакатлар жамланған. Манба: Global Financial Stability Reports: September 2006, October 2007, October 2008, October 2009, October 2010, April 2011 маълумотлари асосида муаллифлар томонидан тузылған. Мамлакатлар жорий ҳисобидаги актив қолдиқ жадвалнинг капитал экспорті бўлимида (бунда молиявий ва капитал ҳисобида хато ҳамда ўтказиб юборишлар кўшиб ҳисобланған).

⁶⁸ Изоҳ: Жаҳон капитал импортида 2005 – 2010 йиллар

Жаҳон молиявий-иктисодий инқирози шароитида ҳалқаро капитал ҳаракатига таъсир кўрсатувчи асосий омиллардан бири мамлакат пул бозоридаги мувозанатдир, унинг ўзгариши тўлов балансида яққол кўзга ташланади. Мамлакатимиз мустақилликка эришгандан сўнг очиқ иқтисодий сиёсатда асосий устувор йўналиш импорт товарлари ўрнини босадиган экспорт маҳсулотларини ишлаб чиқаришни қўпайтириш, мамлакат ташки савдо балансида ижобий қолдиққа эришишни таъминлаш, хорижий инвестицияларни иқтисодиётга кенг жалб этиш, мамлакат хорижий валюта захиралари ҳамда миллий валюта барқарорлигини таъминлаш ҳисобланади, ушбу соҳада турли даражадаги иқтисодий исплоҳотлар олиб борилмоқда. Бу эса мамлакатнинг бозор иқтисодиётига ўтиш шароитида молиявий-иктисодий барқарор ривожланиб боришига замин яратяпти. Ҳалқаро валюта жамғармаси экспертларининг фикрича, давлатнинг иқтисодиётга ҳаддан ташқари аралашувини камайтиришга тайёргарлик кўриш 2010 йили ва ундан кейинги йиллардаги устувор вазифа бўлиб қолиши зарур. Давом этаётган жаҳон молиявий-иктисодий инқирозини ва унинг мамлакатимиз иқтисодиётига таъсирини эътиборга олган ҳолда банк-молия тизимининг барқарорлигини таъминлаш устувор вазифа.⁶⁹

оралиғида 2005 йил учун 1,9%дан, 2006 йил учун 2,2%дан, 2007 йил учун 2,5%дан, 2008 йили 2,9%дан 2009 йили 3,7%дан, 2010 йил учун 4,1%дан кичик улушни ташкил этмаган доимий барқарор турган мамлакатлар жамланган. Манба: Global Financial Stability Reports: September 2006, October 2007, October 2008, October 2009, October 2010, April 2011 маълумотлари асосида муаллифлар томонидан тузилган. Мамлакатлар жорий ҳисобидаги пассив қолдиқ ёки дефицит капитал импорти сифатида акс эттирилган (бунда молиявий ва капитал ҳисобида хато ҳамда ўтказиб юборишлар қўшиб ҳисобланган).

⁶⁹ Президент Ислом Каримовнинг 2009 йилнинг асосий якунлари ва 2010 йилда Ўзбекистонни ижтимоий-иктисодий ривож-

Пул бозоридаги мувозанат пул таклифи ва пулга бўлган талаб орқали тенглиги нисбатидан келиб чиқади, яъни $M_s = M_d$ буни кенгроқ ёйсак, $a(BR+C) = f(Y, P, i, W, E(p))$ га тенглигини олишимиз мумкин. Бу ерда M_s – пул таклифи, M_d – пулга бўлган талаб, a – пул мултипликатори, BR – банк захираси, C – нобанк ташкилотлардаги валюталар, Y – реал ЯИМ даражаси, P – нарх даражаси, i – фоиз ставкаси, W – реал иқтисодий фаровонлик даражаси, $E(p)$ – нарх ўзгариш даражасининг кутилаётган фоизи. Пулга бўлган талаб билан энг кучли боғланиш Y ва P орқали экани боис $M_d = Y \cdot P$ кўринишида ёзсан, бу ердаги $k = i, W, E(p)$ ларни изоҳлайди.

Экспансион пул сиёсати орқали пул таклифининг кўпайиши аҳолининг харид қобилияти ошади. Иқтисодиётда доимий равишда мавжуд бўладиган ишсизлик даражасини ҳисобга олсан, уларга нисбатан иш ҳақи даражаси ўзгармай қолади, натижада реал ЯИМнинг ўсиши юзага келади. Товарлар ва хизматлар нархининг ошиши импортнинг физик ҳажмини кўпайтиради, яъни чет эл товарларига нисбатан ички бозордаги товарлар нархининг юқорилиги импорт ҳажмини оширади. Кредит воситаларида кредитлар кўпайишига олиб келса, унинг кўтарилиши чет эл мамлакатларидан ички бозорга хорижий кредитлар оқиб келишини рафбатлантиради. Қимматли қофозлар ва инвестицияларга нисбатан фоиз ставкаларининг кўтарилиши ички бозорга хориждан валюта кириб келишини рафбатлантирса-да, уларнинг даромадлилик даражаси пасайиши бу жараёнга акс таъсир кўрсатади. Кутилаётган инфляция даражаси $E(p)$ ҳукуматнинг экспансион пул сиёсати натижасида пулга бўлган талабни кисқартиради. Пулга бўлган талабнинг қисқариши пулнинг ортиқча так-

лифи шакланишига олиб келади. Бу ҳам импорт ҳажми-нинг ошишига сабаб бўлади. Юқоридаги муроҳазалардан хулоса чиқаришимиз мумкинки, пул таклифининг кўпайиши тўлов баланси қолдигининг салбий бўлишига туртки беради. Экспанцион пул сиёсати орқали пул таклифининг кўпайиши натижасида юзага келган тўлов баланси дефицитидан қутулиш учун давлатнинг турли иқтисодий, сиёсий чора-тадбирлари талаб этилмайди. Y, P, W нинг ошиши ва і нинг пасайиши пулга бўлган талабни оширади, бу эса ортиқча пул таклифи қисқаришига олиб келади. Пул бозори механизмининг ишлаши ортиқча пул таклифидан ўз-ўзидан халос этади. Ортиқча пул таклифи бартараф этилса, тўлов баланси яна ўз мувозанат ҳолатига қайтади. Ўзгарувчан нархлар, иш ҳақи ва тўлиқ бандлик шароитида k (бунда $k = (i, W, E(p))$ ларни изоҳлайди)ни ўзгартирмай туриб пул чиқарувчи ҳокимият томонидан янги пулларнинг чиқарилиши нарх даражаси (P) ўсишига олиб келади. Натижада инфляциянинг жорий ҳисобга таъсири нархларнинг дастлабки даражасига қайтунича ва ортиқча пул таклифи тўхтагунича тўлов балансида дефицит бўлишини кўрсатиб беради. Ушбу асосий модел пул таклифи, пулга бўлган талаб, нарх даражаси ва тўлов баланслари орасидаги алоқаларни ўзида намоён этади. Аммо пулга бўлган талабга таъсир кўрсатувчи бошқа омилларни ҳисобга олмайди.

Дэвид Хьюм ўзининг (*Political Discourses*, 1752) металл. пуллар оқими ва нархлар мутаносиблиги механизмини ривожлантириш орқали меркантилизм назариясига биринчилар қатори ўзгартишлар олиб кирган иқтисодчи олимлардан. У мамлакатнинг халқаро рақобатбардошлигини таъминламасдан ҳам мамлакатга металл пуллар оқими ни кўпайтиrsa бўлишини таъкидлаган. Бунга пул таклифини кўпайтириш орқали эришиш мункинлигини айтган. Пул таклифининг кўпайиши маҳсулотлар нархи ва иш ҳақи ошишига олиб келади, бу импортга нисбатан экспорти кўп мамлакатларнинг халқаро рақобатбардошлигини камайтиради. Дэвид Хьюм кўсатмасига биноан, пул таклифи-

нинг ўзгариши маҳсулот нархига таъсир кўрсатади, унинг ҳажмига ва аҳолининг иш билан бандлигигамас. Металл пулларнинг мамлакатдан чиқиб кетиши ёки экспортга нисбатан импорти кўп бўлиши пул таклифини, маҳсулотлар нархини ва иш ҳақини камайтиради ҳамда мамлакатнинг рақобатбардошлигини оширади. Пул таклифининг кўпайиши маҳсулотлар нархи ва иш ҳақи ошишига олиб келади, бу импортга нисбатан экспортни кўп мамлакатларнинг халқаро рақобатбардошлигини камайтиради.

Фикримизча, мамлакат тўлов баланси ва пул бозори ўзаро боғлиқ равишда бир-бирининг мувозанатини таъминлаши иқтисодиётта инқироз шароитида давлатнинг аралашувини камайтиришга замин яратади. Тўлов баланси ва пул бозори ўртасидаги мазкур боғлиқлик молиявий инқироздан кейинги истиқболда мамлакат иқтисодий ўсишини жадаллаштириш воситаси бўлиши мумкин.

Молиявий секторда чуқурлашиб, сўнгра иқтисодиётнинг реал секторига жиддий салбий таъсир қилган глобал молиявий инқироз мамлакатларнинг валюта сиёсатида ҳам мувофиқ ўзгаришларни амалга оширишни тақозо этди. Чунки валюта сиёсати иқтисодий сиёсатнинг муҳим таркибий қисми сифатида мамлакат экспорти рақобатбардошлигини ошириш, маҳаллий ишлаб чиқарувчиларни ҳимоялаш каби долзарб масалаларни ечишни таъминлайди. Айни пайтда, инқироз шароитида миллий валюта алмашув курсидаги беқарорликнинг ошишига жавобан мамлакат миллий валютасига нисбатан спекулятив тазиик хавфи ҳам мавжуд, уни бартараф этиш валютани тартибга солиш органлари зиммасига мураккаб вазифаларни юклайди.

Халқаро тажрибанинг кўрсатишича, ривожланаётган давлатлар миллий валюталари алмашув курсини мустаҳкамлаш ва ички молия бозоридаги молиявий активлар даромадлилигининг бошқа давлатларникуга нисбатан юқори бўлишини таъминлаш билан биргаликда капиталлар ҳаракати эркинлаштирилса, эҳтимолий молиявий инқироздан кўриладиган талафот шунчалик оғир бўлади

(1997 йили Осиё давлатлари шундай ҳолатга тушиб қолғанди).

Таъкидлаш жоизки, молиявий глобаллашув жараёнлари, капиталлар ҳисоб варагининг очиқлиги, глобал инвесторлар, жумладан, хеджирлаш фондлари сонининг ўсиши валютавий-спекулятив ҳужумлар учун шарт-шароит вазифасини ўтайди. Ўз капиталига нисбатан юқори рискни зиммасига олган ҳолда валюта режимларининг «заиф томони»ни излайдиган хеджирлаш фондлари активлари ўсиш тенденциясига эга. 1993 йили хеджирлаш фондлари активлари 53 млрд АҚШ долларини ташкил этган, 2003 йилга келиб қарийб 600 млрд АҚШ долларига етган.⁷⁰ Хеджирлаш фондлари ассоциацияси маълумотларига кўра, ҳозирги пайтда қарийб 10 мингга яқин хеджирлаш фондлари 2 трлн АҚШ доллари миқдоридаги активлар билан фаолият юритмоқда.⁷¹ Hedge Fund Intelligence ташкилоти тадқиқотлари кўрсатишича, хеджирлаш фондлари активлари 2007 йилнинг июль ойида 2,5 трлн АҚШ долларига етган.

Глобал инвесторлар спот, форвард битимлари ва валюта опционлари, тузилмали молиявий маҳсулотлар бозорларидан фойдаланиб барқарор ва кучсиз валюталарда йирик миқдордаги қисқа позицияни эгаллаш имконига эга бўлмоқда. Тадқиқотлар натижалари валюта инқирозлари бўсағасида (масалан, 1997 йили Таиландда) глобал фондлар томонидан сезиларли даражада юқори қисқа позициялар эгалланганини тасдиқлайди.⁷² Муайян валютага спекулятив ҳужумни амалга ошириш сезилар-

⁷⁰ Implications of the Growth of Hedge Funds. – Wash.: Staff Report to the US Securities and Exchange Commission, September 2003. – P.1

⁷¹ Манба: Hedge Fund Association, www.thehfa.org

⁷² Corsetti G., Pesenti P., Roubini N. The Role of Large Players in Currency Crises // National Bureau of Economic Research, Working Paper 8303, May 2001.

ли фоиз харажатлари билан боғлиқ бўлмаса, маълум портфель бошқарувчиси мамлакатга спекулятив ҳужумни фақатгина қўйидаги ҳолларда бошлайди: а) бошқа портфель бошқарувчилари ҳам мамлакатга спекулятив ҳужумни амалга оширишларига ишончи комил бўлса; б) маҳаллий валютанинг сезиларли даражада девальвацияга учрашига ишонса.

Спекулятив валюта ҳужумига мисол тариқасида курс тушишига ўйнаётган спекулянт томонидан бир ойдан юқори муддатга тузилган форвард шартномаси бўйича банк-резидентга йирик миқдордаги миллий валютани сотиш бўйича қисқа позициянинг ҳосил қилинишини келтириш мумкин. Чунки узун позиция (long position) валюта курсининг ўсиши кутилаётганда, қисқа позиция (short position) эса курснинг пасайиши кутилаётганда очилади. Халқаро амалиётнинг кўрсатишича, миллий валюта бўйича қисқа позициялар мамлакат ялпи ички маҳсулотининг 3 – 7 фоизигача етиши мумкин. Бунда қисқа позициянинг сезиларли қисми йирик хеджирлаш фондлари ва глобал молия муассасаларига тааллуқли бўлади.

Молиявий инқироз шаротида валюта сиёсатини юритишида халқаро молия бозорида валюта курсларини аниқлаш усулларига, «Фишер самараси (эффекти)»га алоҳида эътибор қаратиш мақсаддага мувофиқ.

Юқоридаги ҳолатлар, бир томондан, молиявий глобаллашув шароитида мустақил валюта сиёсатини самарали амалга ошириш нақадар мураккаблашганини кўрсатса, иккинчи томондан, капиталлар ҳаракатини эркинлаштиришга нисбатан жуда эҳтиёткорлик ва тайёргарлик талаб қилинишини яна бир карра тасдиқлайди.

Фикримизча, инқироз шароитида халқаро капитал ҳаракати замонавий ҳолати билан боғлиқ қўйидаги тенденциялар кузатилемоқда:

1. Жаҳондаги капитал экспорти ва импортида ривожланган мамлакатлар етакчилик қиляпти. Бу эса 2008 йили бошланган жаҳон молиявий-иқтисодий инқирозидан ушбу

мамлакатларнинг катта молиявий талафот кўришига сабаб бўлди.

2. Халқаро тадбиркорлик капитали ҳаракати таркибида портфель инвестициялар томонга силжиш тенденцияси мавжуд. 2005 йили портфель инвестицияларнинг 1990 йилга нисбатан жами капитал ҳаракатидаги салмоғи қарийб икки мартаға ортган. Халқаро портфель инвестициялар ҳажмининг ортиб бориши бугунги кун жаҳон молиявий-иктисодий инқизозининг келиб чиқишига асосий сабаблардан бўлмиш «молиявий кўпиклар» юзага келишига замин яратган.

3. Халқаро кредитлар ва депозитларнинг жаҳон инвестициялари таркибидаги улуши жаҳон молиявий инқизозидан кейинги даврда камайиб бормоқда. Бу жаҳондаги қарздорлик инқизозлари оқибатида инвестицион маблағларини қарз маблағларидан кўра тўғридан-тўғри ва портфель инвестицияларга йўналтирилишига асосий сабаб бўлди.

4. Жаҳон капитал экспортидаги Хитойнинг улуши ўсиш тенденциясига, капитал импортида АҚШнинг улуши камайиш тенденциясига эга. Яъни 2006 – 2009 йиллар даврий оралиғида жаҳон капитал экспортидаги Хитойнинг улуши 6,9 ф.п.га ошган, капитал импортида АҚШнинг улуши 21,4 ф.п.га камайган. Шунга қарамай, жаҳон капитал импортида АҚШнинг улуши ҳали-ҳамон сақланиб қолмоқда.

5. Чет эл инвестициялари тармоқ тузилмасида ўзгаришлар кузатилмоқда. Саноати ривожланган мамлакатларда уларни жойлаштиришнинг асосий соҳаси банк-молия сектори, хизматлар соҳаси (бунинг ичida ахборот телекоммуникация соҳаси етакчи), фармацевтика, биотехнология, электрон саноат, илмий ва технологик машиналар ишлаб чиқариш бўлса, ривожланаётган мамлакатларда аввалгидек тўғридан-тўғри чет эл инвестициялари нефть-газ қазиб чиқаришга, машинасозликнинг алоҳида секторларига, агросаноат мажмуига жалб этилмоқда.

6. Тадбиркорлик капитали миграциясида саноати ри-

вожланган мамлакатлар орасида «Учлик» (АҚШ, Фарбий Европа, Япония) мамлакатлари асосий салмоққа эга. 2005 йил охирида капитал оқими ушбу гурӯҳ мамлакатлари ичида таҳминан 1 – 1,2 трлн долларни ташкил этган, 2015 йили эса 2,8 – 3,7 трлн долларни ташкил этиши кўзда тутилган⁷³;

7. Жаҳон чет эл инвестициялари бозорида асосий субъект сифатида ТМКларнинг роли ошмоқда.

Хулоса ўрнида таъкидлаш мумкинки, жаҳон молиявий-иқтисодий инқизоригача бўлган даврда халқаро тадбиркорлик капитали ва портфель инвестициялар жадал ривожланган. Жаҳон капитал импортида етакчи мамлакат АҚШлиги боис унинг молия тизимидағи инқизор жаҳон бўйлаб кенг тарқалган. Глобал молиявий-иқтисодий ўзгаришлар шароитида халқаро капитал ҳаракатининг асосий шакллари, тамойиллари ва шартларини мамлакат молия бозорини ривожлантириш ва барқарорлаштириш учун яратилган концепцияда акс эттириш инқизорларнинг салбий таъсирини камайтирувчи омиллардан бирига айланади. Мамлакат тўлов баланси ва пул бозори ўзаро боғлиқ равишда бир-бирининг мувозанатини таъминлаши иқтисодиётга инқизор шароитида давлатнинг аралашувини камайтиришга замин яратиб, инқизордан кейинги истиқболда мамлакат иқтисодий ўсишини жадаллаштиришга хизмат қилиши мумкин.


⁷³ Мировая экономика и международные экономические отношения: Учебник / Под. ред. проф. А.С.Булатова, проф. Н.Н.Ливенцева. – М.: Магистр, 2008. – С.490.

2.2. Ривожланган ва ривожланаётган мамлакатлар фонд бозорлари тараққиёти ва уларнинг халқаро бозорга интеграциялашув ҳолати

Қимматли қоғозлар бозори иқтисодиётда бўш турган маблағларни ишлаб чиқаришга жалб этишнинг бир воситаси сифатида ўз сармояларини иқтисодиётнинг ривожланишига сафарбар этган инвесторларнинг фойда олишини таъминловчи, маблағларни бир жойга аккумуляция қилишни ва уларнинг иқтисодиёт тармоқлари ўртасида трансформациясини таъминловчи, иқтисодиётда юз берадиган ўзгаришларни ўзининг индексларида намоён этувчи, яъни иқтисодиёт барометри сифатида кўзга ташланади.

Бир мамлакат молия бозоридаги салбий ва ижобий ўзгаришларнинг бошқа бир мамлакат молия бозорига таъсири молия бозорининг глобаллашув даражасига боғлиқ, бу жараён миллий фонд бозорининг халқаро фонд бозорига интеграциясини таъминловчи воситалар орқали амалга оширилади ва уларнинг нечоғлиқ ривожланганини ўзида намоён этади. Миллий фонд бозорининг халқаро фонд бозорига интеграциясини таъминловчи воситалар халқаро қимматли қоғозлар ҳисобланади. Халқаро қимматли қоғозлар эркин конвертация қилинадиган валюталарда номинал нархи ўрнатиладиган, халқаро фонд бозори қоидалари асосида халқаро андеррайтерлар орқали ушбу бозорга жойлаштириладиган қимматли қоғозлардир. Агар қимматли қоғозлар эмитент мамлакат чегарасидан ташқарида жойлаштирилса, миллий валютадан фарқли чет эл валютасида сотилса, чет эллик инвесторлар томонидан эгалик қилинса, халқаро қимматли қоғозларга айланади. Агар халқаро қимматли қоғозлар бир мамлакат ичидаги иккиламчи қимматли қоғозлар бозорида турли инвесторлар орасида муомалада юрса, бир вақтнинг ўзида улар мамлакат ичидаги капитални қайта тақсимлаш воситасига айланиши мумкин, халқаро қимматли қоғозларни бирламчи жойлаштириш мамлакатлар ўтасидаги капитални қайта тақсимлаш хусусиятига ҳам эга.

Чет эл облигациялари ва еврооблигациялар кўринишида қарз қимматли қоғозлари халқаро қимматли қоғозларнинг асосий шаклларидан биридир. Уларнинг глобал акциялар кўринишидаги халқаро акциялар ва Америка депозитар тилхатлари (акциялари) каби шакллари ҳам мавжуд (2.7-расмга қаранг).



2.7-расм. Халқаро қимматли қоғозларнинг асосий шакллари⁷⁴

Еврооблигациялар халқаро андеррайтер орқали бир мамлакат эмитенти томонидан чиқарилган, дастлабки давлат рўйхатидан ўтказилмаган, бир вақтнинг ўзида бир қанча мамлакатларга жойлаштириладиган облигациялар ҳисобланади. Еврооблигацияларнинг номинал қиймати эркин конвертация қилинадиган валюталарда ифодаланади. Еврооблигациялар жойлаштирилаётганда жаҳон-

⁷⁴ Тадқиқот натижаларига асосланиб муаллифлар томонидан шакллантирилган.


нинг ҳеч бир мамлакатида рўйхатга олинмайди. Еврооблигациялар халқаро қарз қимматли қофозларнинг асосини ташкил этади. Бунга сабаб халқаро қарз қимматли қофозларининг эмитентлари, инвесторлари ва муомаласининг асоси Европа ҳудудида жойлашиши ҳамда уларнинг асосий қисми евро валютасида чиқарилиши ҳисобланади (2.8-расмга қаранг). Дастребки еврооблигациялар Европа ҳудудида шакланган.

Номинал қиймати облигация жойлаштириладиган мамлакатнинг миллий пул бирлигига бўлган, яъни облигация эмитенти учун хорижий валютадаги облигациялар чет эл облигациялари саналади. Чет эл облигациялари маълум бир мамлакатга ушбу давлат қонун-қоидалари асосида жойлаштирилади. Чет эл облигацияларидан фойдаланиш амалиётга 500 йилдан бери мавжуд, еврооблигациялар юзага келганига атиги 30 йил бўлди. Еврооблигациялар ва чет эл облигациялари ўртасидаги ўхшашлик уларнинг мамлакатлар ўртасида капитални қайта тақсимлаш воситаси ҳисбланишида, уларнинг эмитент мамлакатлар миллий валютасидан фарқли бошқа валютада эмиссия қилинишида кўзга ташланади. Бу облигациялар ўртасидаги фарқ эса қуйидагилардан иборат:

Биринчидан, еврооблигациялар эркин конвертацияланадиган валютада, чет эл облигацияси эса унинг эмитенти учун ихтиёрий хорижий валютада эмиссия қилинади, яъни бундай валюталар эркин конвертацияланадиган валюта бўлмаслиги ҳам мумкин.

Иккинчидан, чет эл облигациялари жойлаштириладиган мамлакатда рўйхатга олинади, унинг номинал қиймати жойлаштириладиган мамлакат учун миллий валютада бўлади, у фақат жойлаштириладиган мамлакат фонд бозорида муомалада юради. Еврооблигациялар эса маълум бир мамлакатга рўйхатга олинмасдан жойлаштирилади, бир вақтнинг ўзида бир неча мамлакатлар фонд бозорларида муомалада бўлиши мумкин, облигация номинали кўрсатилган миллий ёки халқаро валютанинг хусусияти эмитентининг миллий хусусиятлари мос

2.8-расм. Халқаро қарз қимматли қоғозларининг географик таркиби (жамига нисбатан фоизда)



Манба: www.bis.org – Халқаро хисоб-китоблар банки маълумотлари асосида тузылган.

келмаслиги лозим. Еврооблигацияларни дастлабки жойлаштириш түғридан-түғри эмитент жойлашган мамлакатнинг миллий фонд бозорларида мас, балки хорижий мамлакатлар миллий фонд бозорларида амалга оширилади, улар орқали эмитент жойлашган мамлакат миллий фонд бозорларига келиб тушиши ва муомаласи йўлга қўйилиши мумкин (2.9-расмга қаранг).

Миллий фонд бозори воситаси бўлган оддий облигациялар билан халқаро фонд бозорининг маҳсус воситаси бўлган еврооблигациялар ўртасидаги асосий фарқлар қўйидагиларда кўзга ташланади:

- халқаро андеррайтер консорциумлари ёки инвестицион банкларни ўз ичига олувчи оддий синдикатлар томонидан бир вақтнинг ўзида бир неча мамлакатларда еврооблигациялар эмиссияси амалга оширилади;


- синдикат томонидан кўрсатилган худудларда жойлаштирилган еврооблигациялар эмиссияси ҳеч бир мамлакатдан рўйхатдан ўтмайди;

- еврооблигациялар бир вақтнинг ўзида бир неча мамлакатларга ёки турли мамлакатлар фонд бозорларига жойлаштирилади. Эмитент мамлакат инвесторлари бошқа мамлакатлар орқали ўз фонд бозорларига етиб келган еврооблигацияларга эгалик қилишади.

Халқаро қарз қимматли қофозлар халқаро фонд бозорида капитални жалб этишнинг ва операцияларнинг асосини ташкил этади. Уларнинг таркибида халқаро облигациялар ва ноталарни, турли компаниялар (корпоратив), молиявий институтлар ва давлатларнинг халқаро қарз қимматли қофозларини алоҳида ажратиб кўрсатиш мумкин. Охириг ўн йилликда уларнинг ҳажми олти баробардан кўпроққа ошди, чунончи, халқаро қарз қимматли қофозлари 1998 йилдаги 4,4 трлн АҚШ доллардан 2009 йилга келиб 27 трлн АҚШ долларига етган, ҳозирда уларнинг ҳажми ўсиши давом этмоқда (2.10-расмга ва 2-иловага қаранг).

Глобал акция трансмиллий компанияларнинг оддий акциясидир, бир вақтнинг ўзида бир қанча мамлакатлар фонд бозорларида муомалада юради.

2.9-расм. Халқаро фонд бозорида еврооблигацияларнинг шаклланиш механизми⁷⁵



⁷⁵ Тадқиқот натижаларига асосланниб муаллифлар томонидан шакллантирилган.


Америка депозитар акцияси номинал қиймати АҚШ долларида ифодаланган, хорижий компания жойлашган мамлакатда депонентланган унинг маълум бир миқдордаги қимматли қофозларига нисбатан мулк ҳуқуки улушини тасдиқловчи АҚШ қимматли қозози ҳисобланади. Америка депозитар акцияси бевосита фонд бозорида муомалада юрмайди, унинг ўрнига муомалага Америка депозитар тилхатлари чиқарилади.

Хозирда халқаро акцияларни чиқаришда ривожланган мамлакатлар етакчи. 2008 йилдаги молиявий инқизорзинг ривожланган мамлакатлар халқаро акцияларига таъсири сезиларсиз, асосан ривожланаётган мамлакатлар халқаро акцияларига кучли таъсир қилган. Охирги ўн йилликда уларнинг ҳажми қарийб олти баробарга ошди, яъни 1998 йилдаги 28 млрд АҚШ долларидан 2007 йилга келиб 164,5 млрд АҚШ долларига етган. 2008 йили бошланган инқизорз натижасида уларнинг ҳажми ривожланаётган мамлакатлар туфайли 38 фоизга қисқарган ва 102,1 млрд АҚШ долларини ташкил этган. Хозирда яна ўсиш тенденциясига эга (2.11-расмга ва 2-иловага қаранг). Бу ривожланаётган мамлакатлардаги халқаро акциялар бозори ҳажмига жорий инқизорзинг таъсири сезиларли даражада юқорилигидан далолат.

Америка депозитар тилхатлари маълум бир миқдордаги Америка депозитар акцияларига эгаликни тасдиқловчи сертификатдир. Депозитар тилхатларнинг халқаро қимматли қофозлар сифатида шаклланиши ва муомала-да бўлиш механизми муайян босқичларни тақозо этади (2.2-жадвалга қаранг).

Депозитар тилхатлар маҳсус қонунчилик асосида муомалага чиқарилади ва бундай қонунчилик АҚШда мавжуд. Шунинг учун мазкур қимматли қофозлар Америка депозитар тилхатлари (ADR) деб номланади. Депозитар тилхатлар хорижий компаниялар акцияларига (ёки облигацияларига) тўғридан-тўғри эгалик қилиш ҳуқуқини бермайди.


**2.10-расм. Халқаро қарз қимматли қоғозлари ҳажмининг ўзгариши
(млрд АҚШ доллари)⁷⁶**



⁷⁶ www.bis.org – Халқаро ҳисоб-китоблар банки маълумотлари асосида тузиленган.

2.11-расм. Халқаро акциялар ҳажмининг ўзгарishi

77



⁷⁷ www.bis.org – Халқаро хисоб-китоблар банки маълумотлари асосида тузилган.

Ҳозирда қарз муносабатини ифодаловчи депозитар тилхатлардан фойдаланиш жаҳонда кенг тарқалган, айниқса, Лотин Америкаси мамлакатларида улар кенг қўйлланади. АДРларни эмиссия қилишнинг эмитентлар учун афзалликлари, биринчидан, улар фаолиятига қўшимча капитални жалб этса, иккинчидан, компаниянинг мавқеини кўтаришдан иборат.

АДРларнинг инвесторлар учун афзалликлари қўйида-гилардан иборат:

- миллий компаниялар акцияларига қараганда юқори даромадли акцияларни сотиб олиш имкониятининг яратилиши;
- тўғридан-тўғри хорижий компаниялар акцияларини сотиб олишга қараганда рисклилик даражасининг камлиги;
- хорижий фонд бозорлари тўғрисида етарлича билим ва кўнкималар бўлмаган шароитда бошқа мамлакат фонд бозорига чиқиш имкониятининг яратилиши;
- миллий валютада олинган даромадларни валюта риски билан боғлиқ конвертация қилиш заруратининг йўқлиги.

Халқаро фонд бозорида эллиқдан ортиқ мамлакатларнинг мингдан ортиқ эмитентлари муомалада. Ҳозирги вақтда фақат АҚШ фонд бозорида савдо қилинадиган депозитар тилхатларнинг умумий қиймати 100 млрд АҚШ долларидан ортиқ. Жаҳон молиявий-иктисодий инқирозигача бўлган даврда АДРларни чиқариш ва депозитар хизматлар кўрсатиш соҳасида етакчилар Америка банклари ҳисобланган. Масалан, ушбу бозорда Bank of New-York 47%ни, Morgan Guaranty 28%ни, Citibank 24%ни, қолган банклар эмиссияси жуда кичик фоизни эгаллаган.⁷⁸

⁷⁸ Международный финансовый рынок: Учеб. пособие / Под ред. д-ра экон. наук, проф. В.А.Слепова, д-ра экон. наук, проф. Е.А.Звоновой. – М.: Магистр, 2009. – 543 с.

2.2-жадвал

Америка ва глобал депозитар тилхатларни мумалага киритиш босқичлари⁷⁹

Босқичлар	Босқичлариннг мөҳияти
Биринчи босқич	Эмитентнинг ўз мамлакати фонд бозорига акциялар чиқариши
Иккинчи босқич	Америка фонд бозорида халқаро даражадаги воситачи орқали эмитент акцияларини депонентлаш
Учинчи босқич	Депонентланган акцияларни халқаро даражадаги воситачи орқали АҚШдан рўйхатдан ўтказиш
Тўртинчи босқич	Халқаро даражадаги воситачи орқали депонентланган акцияларга нисбатан Америка депозитар акцияларини эмиссия қилиш. Бундай акциялар Америка фонд бозорларида мустақил мумалада бўлмайди
Бешинчи босқич	Маълум миқдордаги Америка депозитар акциялари ҳисобига Америка депозитар тилхатлари (АДР)ни чиқариш
Олтинчи босқич	АҚШ фонд бозорида АДРларни мумалага киритиш
Еттинчи босқич	Глобал депозитар тилхатлар (ГДР) сифатида АҚШдан рўйхатдан ўтказиш. Бундай қимматли қоғозлар АДР-1, АДР-4 ва таъминланмаган Америка депозитар тилхатларидан юзага келади. АҚШдан ташқари жаҳоннинг бошқа мамлакатлари фонд бозорларида мумалада юради

АДРлар чиқаришга жавоб берувчи банк қимматли қоғозлар билан операцияларнинг техник томонини таъминлайди, аммо акцияларнинг ишоччилигини кафолатламайди, шунинг учун қимматли қоғозлардаги рисклар тўлиқ инвестор зиммасига тушади. АДРлар чиқарувчи эмитентлар акционерларнинг йиллик йиғилишларида ҳал қилинадиган компания капиталлашуви, аъзолик шартлари ва бошқа маълумотлар тўғрисида банк депозитарийга доимо ахборот беришади.

⁷⁹ Муаллифлар томонидан тузилган.

АДРларни чиқариш ташаббускорига қараб иккига: таъминланган ва таъминланмаган турларга бўлинади. Таъминланмаган АДРлар уларни эмиссия қилишдаги барча харажатларни қопловчи компаниянинг алоҳида акционерлари ташаббуси билан чиқарилади. Таъминланмаган АДРларнинг эмиссиясини рўйхатдан ўтказиш жараёни осон эса-да, уларнинг Америка уюшган бозорларида (фонд биржаларида ва НАСДАК (NASDAQ) электрон савдо тизимида) муомалада юриши мумкин эмас.

АДРлар чиқариш ҳуқуқига эга маълум бир Америка банки билан уларни чиқариш тўғрисида шартнома тузиш ҳуқуқи бор компания ташаббуси орқали таъминланган АДРлар чиқарилади. Бунда харажатларни шартномага кўра компаниянинг ўзи тўлайди. Таъминланган АДРлар акциялар турига қараб икки гурӯҳга бўлинади, яъни аввал чиқарилган акциялар билан боғлиқ АДРлар (ADR-1 ва ADR-2), янги чиқариладиган акциялар билан боғлиқ АДРлар (ADR-3 ADR-4). Аввал чиқарилган ва янги чиқариладиган акциялар билан боғлиқ АДРларнинг ўзи иккига: алоҳида (ADR-1, ADR-4) ва оммавий жойлаштирилладиган (ADR-2, ADR-3) турларга бўлинади.

ADR-1 эмиссиясини рўйхатдан ўтказиш жараёни анча енгил. Бунда Америка бухгалтерия стандартларига мос бухгалтерия ҳисоботларини тайёрлаш талаб этилмайди. Натижада Америка фонд бозорларида компаниянинг молиявий ҳисботи шаффофлиги камаяди. Шунинг учун ADR-1га Америка фонд бозорларида оммавий муомалада бўлувчи қимматли қофоз мақоми берилмаган. Лекин улар глобал депозитар тилхатлар сифатида бошқа мамлакатлар фонд бозорларида ва биржаларида муомалада юриши мумкин.

ADR-2 компания ҳисботларининг Америка бухтерия стандартларига тўла мос келишини талаб қиласди, бу Америка фонд бозорларида компаниянинг молиявий ҳисботлари тўлиқ шаффофлигини таъминлайди. Шунинг учун ADR-2 Америка уюшган фонд бозорлари билан бир қатор-

да бошқа мамлакатлар фонд бозорларида муюмалада юриши мумкин.

ADR-3 янги чиқариладиган акцияларни оммавий жойлаштириши таъминласа, ADR-4 эса алоҳида-алоҳида жойлаштиради. ADR-3ни чиқариш тартиби ADR-2ни чиқариш тартибига, ADR-4ни чиқариш ADR-1ни чиқариш тартибиغا ўхшайди. Америка қонунчилигига ADR-4ни оддий қилиб ADR деб ҳам номлашади, уларни сотиб оливчилар қимматли қофозларга 100 млн АҚШ доллари ва ундан кўпроқ маблағларини қўйган компаниялар, яъни малакали институционал инвесторлар бўлиши керак (бундай компаниялар АҚШда 4 мингдан ошади). Мазкур инвесторлар НАСДАК миллий электрон савдо тизимининг таркибий қисми ҳисобланган ПОРТАЛ электрон савдо тизими орқали ҳам ADR-4ларни ўзаро савдо қилишлари мумкин.

ADRларнинг оддий акциялар эмиссиясидан фарқли жиҳатлари қўйидагилардан иборат:

- депозитар тилхатлар эмиссияси оддий акциялар эмиссиясига қараганда икки босқичли жараённи мужас-самлайди, яъни дастлаб Америка депозитар акциялари чиқарилади, кейин Америка депозитар тилхатлари эмиссия қилинади;
- депозитар тилхатлар бир вақтнинг ўзида бир неча мамлакатлар фонд бозорларида муюмалада юриши мумкин. Оддий акциялар эмитенти жойлашган мамлакат фонд бозорларида муюмалада бўлади;
- депозитар тилхатлар эмиссияси оддий акциялар эмиссиясидан кейин амалга оширилади.

Фикримизча, халқаро фонд бозорининг маҳсус воситалари ривожланиши қўйидаги босқичларни босиб ўтади.

Биринчи босқичда ўзининг яралиш шаклига кўра миллий, лекин халқаро хусусият касб этувчи қимматли қофозларнинг пайдо бўлиши. Бундай қимматли қофозларга миллий акциялар ва облигациялар билан чиқарилган депозитар тилхатларни киритиш мумкин.

Иккинчи босқичда юридик жиҳатдан ўзининг миллий

кўринишига эга бўлмаган, лекин уларни чиқарган мамлакатга боғлиқ халқаро қимматли қофозлар юзага келади. Бундай қимматли қофозларга давлатларнинг еврооблигацияларини киритиш мумкин.

Учинчи босқичда ҳеч қандай мамлакатларга боғлиқ мас, фақат халқаро компанияларга (трансмиллий компаниилар ва банкларга) боғлиқ халқаро қимматли қофозлар пайдо бўлади. Мазкур қимматли қофозларга корпоратив еврооблигациялар ва глобал акцияларни киритиш мумкин.

Ушбу қимматли қофозлар халқаро фонд бозори воситаларининг яхлит тизимини ташкил этади.

Мамлакатлар фонд бозорлари тарақкий этмаса, халқаро фонд бозори ҳам ривожланмайди. Шундай экан, халқаро фонд бозорининг барқарор тарақкий этиши учун миллий фонд бозорлари ривожланиш хусусиятларини ўрганиш зарур. 2008 йили бошланган жаҳон молиявий-иқтисодий инқирози миллий ва халқаро фонд бозорлари барқарорлигини ўрганиш долзарблигини кўрсатди.

Бозор иқтисодиётига ўтаётган МДҲ давлатларининг фонд бозорлари жаҳон молиявий инқирози шароитида беқарор бўлгани кузатилди (2.3-жадвалга қаранг). Жадвал маълумотларидан кўринадики, жаҳон молиявий-иқтисодий инқирози фонд биржаларининг савдо ҳажмига ҳам катта таъсир кўрсатган. Жадвалдаги олтита биржада фақат 2008 йили ўртача 26%-га, умумий ҳисобда эса 15%-га пасайиш кузатилган.

Фонд бозорининг асосий кўрсаткичларидан яна бири унинг капиталлашув даражасидир (2.4-жадвалга ва 3-иловага қаранг). Жадвалда акциялар бозори капиталлашуви (АБК) резидент ташкилотлар чиқарган турли тоифадаги акциялари умумий сонининг кўрсатилган вақтдаги нархига кўпайтмаси натижасидан шаллантирилган. Бундай бозор индикатори кўрсатилган вақтдаги бозорнинг умумий қийматини акс эттиради.

Жадвал маълумотларидан кўринадики, ҳар бир МДҲ давлатларида жаҳон молиявий иқтисодий инқирозининг

Риөзжланаётган ва бозор иқтисодиётига ўтаётган мамлакатлар акциялар саёдосининг умумий ҳажми (млн АҚШ доллари)⁸⁰

Кўрсаткичлар	2005	2006	2007	2008	2009	2010
1	2	3	4	5	6	7
ММВБ (MMVB фонд биржаси)	115 549,2	408 858,3	599 326,6	514 006,1	457 479,7	991 540,80
KASE (Қазақистон фонд биржаси)	2919,4	4026,6	8924,4	3803,5	4300,0	1902,70
РТС (Россия фонд биржаси)	7927,7	17 226,6	15 161,6	10 448,4	54 171,8	112 122,40
ПФТС (Украина фонд биржаси)	659,4	1182,2	1996,1	1679,2	5812	530,60
КФБ (Кири晁истон фонд биржаси)	29,9	102,7	146,1	103,6	66,2	9,80
«Тошкент» РФБ	35,5	110,9	89,2	80,3	59,5	39,30

⁸⁰ Манба: <http://mab.micsx.ru/papers> Международная ассоциация бирж стран СНГ, 2005 – 2010 бюллетень биржевой статистики ва www.stat.uz «Тошкент» РФБ сайти, www.sbo.uz Ўзбекистон Республикаси Марказий банки сайти маълумотлари асосида муаллифлар хисоб-китоблари.

фонд бозорига таъсири сезиларли бўлган, масалан, 2008 йили ЯИМга нисбатан фонд бозорининг капиталлашув даражаси Россия, Қозоғистон, Украинада умумий ҳисобда ўртача 55%га тушганини кўришимиз мумкин.

2.4-жадвал

Ривожланаётган МДҲ мамлакатларида акциялар бозори капиталлашувининг мамлакат ялпи ички маҳсулотига нисбатан салмоғи⁸¹

Мамлакатлар	2005	2006	2007	2008	2009	2010
Россия Федерацияси	34,4	98,6	101,1	26,4	59,2	65,8
Қозоғистон	18,9	73,7	52,7	23,61	53,5	41,6
Украина	34,6	41,6	79,6	19,0	22,6	10,3
Ўзбекистон	0,56	0,54	0,95	1,31	1,17	1,50

Жаҳоннинг ривожланган мамлакатлари фонд биржаларида акциялар бозори капиталлашувининг ЯИМга нисбатан салмоғини солиштиrsак, айни инқироз даврида АҚШда 81%ни, Канадада 69%ни, Францияда 52%ни, Германияда 30%ни, Италияда 23%ни, Буюк Британияда 70%ни, Японияда 65%ни, жаҳон бўйича 55%ни ташкил этажтани, 2009 йили бу кўрсаткичларнинг барчаси ўсиш тенденциясига эга бўлганини кўришимиз мумкин (2.5-жадвал ва 4-иловага қаранг).

Жадвал маълумотларидан аниқлаш мумкинки, Япониядан ташқари барча ривожланган мамлакатлар фонд биржаларида акциялар бозори капиталлашувининг ЯИМ-

⁸¹ Манба: <http://mab.micex.ru/papers> Международная ассоциация бирж стран СНГ, 2005 – 2010 бюллетень биржевой статистики ва www.stat.uz Ўзбекистон Республикаси Статистика қўмитаси сайти, www.cbu.uz Ўзбекистон Республикаси Марказий банки сайти маълумотлари асосида муаллифлар ҳисоб-китоблари.

га нисбатан салмоғи 2005 – 2007 йиллар даврий оралиғида үсиш тенденцияси кузатилиб, 2008 йили эса жағон молиявий-иқтисодий инқирози натижасида кескін пасайиш юзага келган. Молиявий инқирознинг Канада акциялар бозори капиталлашувига салбий таъсири ривожланған мамлакатлар орасида юқори бўлган, чунончи, 2008 йили 83,4 ф.п.га пасайган. АҚШ ва Буюк Британия мамлакатлари акциялар бозори капиталлашувига ҳам инқироз кучли салбий таъсирир кўрсатган, яъни 2008 йили мос равишда ушбу бозор капиталлашуви 63 ф.п.га ва 70 ф.п.га камайган.

Жаҳоннинг ривожланған фонд биржаларида акциялар бозори капитализациясининг ҳалокатли даражада тушиб кетишига жағон молиявий-иқтисодий инқирозини асосий таъсири омиллари натижаси деб ҳисоблаш мумкин. Бу омилларга:

- мамлакатлар иқтисодиётіда ишлаб чиқариш суръатининг пасайиши, ишсизлик даражасининг ошиши ва макроиқтисодий мувозанатнинг бузилиши;
- оддий ахолининг молия секторига ишончи пасайиши, қимматбаҳо қофозлар бозори рейтинг агентликларининг соxта хulosалари;
- иқтисодиётнинг реал ҳажмига нисбатан молия бозори активларининг кўплиги, йиллар давомида шаклланиб борган «молиявий кўпиклар» ва уларнинг реал иқтисодий активлар билан таъминланмагани ошкор бўлишини кўрсатиш мумкин.

МДҲ давлатларининг фонд биржаларида облигациялар бўйича савдо айланмасини таҳлил қилсак, молиявий инқироз таъсирида ушбу бозор айланмаси ҳам камайган (2.6-жадвалга қаранг). Жадвал маълумотларидан кўринадики, молиявий инқироз таъсирида облигациялар савдоси ММВБ, KASE, ПФТС, СПВБ, РТС ва БВФБ фонд биржаларида 2008 йили умумий ҳисобда ўтган йилга нисбатан 3%га қисқарган, 2009 йили 258%га ортган, бу асосан ММВБ биржаси ҳисобига содир бўлган. Мазкур ҳолат МДҲ мамлакатлари орасида Россия ва Белоруссия фонд

2.5-жадвал

Жаҳон ва ривожланган мамлакатлар акциялар бозори капиталлашувиининг мамлакат ялпи ички маҳсулотига нисбатан салмоги⁸²

Мамлакатлар	2005	2006	2007	2008	2009
Жаҳон	83,6	105,4	119,4	55,0	81,6
АҚШ	136,5	148,3	144,3	81,3	106,8
Канада	130,9	133,4	152,3	68,9	125,5
Франция	72,9	102,7	105,5	52,0	71,3
Германия	43,7	56,5	63,4	30,2	38,7
Италия	45,2	55,4	51,0	22,6	31,0
Буюк Британия	137,2	158,4	139,3	69,7	128,3
Япония	165,1	110,1	106,4	65,3	67,0

бозорлари облигациялар сегментига инқирознинг таъсири 2009 йили бартараф этилганини тасдиқлайди. Аммо 2008 – 2010 йиллар даврий оралиғида Қозогистон ва Украина фонд биржаларида облигациялар савдоси пасайиш тенденциясига эга.

Биржаларда облигациялар савдосига алоқадор РЕПО битимлари ва бошқа савдо режимлари облигациялар сав-

⁸² Манба: ХВФнинг World Economic Outlook: «Recovery, Risk, and Rebalancing», October 2010 маълумотлари асосида ривожланган мамлакатлар таркиби шакллантирилди ва статистик маълумотлар, ушбу фонднинг Global Financial Stability Reports: «Market Developments and Issues», september 2006; «Financial Market Turbulence Causes, Consequences, and Policies», october 2007; «Financial Stress and Deleveraging Macrofinancial Implications and Policy», october 2008; «Navigating the Financial Challenges Ahead», october 2009; «Sovereigns, Funding, and Systemic Liquidity», october 2010 маълумотлари асосида музалиффлар томонидан тузилган (www.imf.org маълумотлари асосида).

2.6-жадаал

**Риэволюнаётгэн өн үтиши иктиисодиёти мамлакатларида облигациялар саёдосу-
нинг умумий ҳажми (млн АҚШ доллари)⁸³**

Кўрсаткичлар	2005	2006	2007	2008	2009	2010
1	2	3	4	5	6	7
ММВБ (ММВБ фонд биржаси)	52 440,2	86 524,2	127 705,7	123 941,7	467 463,30	1 115 818,20
KASE (Козофистон фонд биржаси)	4288,9	3018,9	4302,7	3652,0	2583,40	1614,20
РТС (Россия фонд биржаси)	0,8	306,0	47,4	258,3	1,10	1,10
ПФТС (Украина фонд биржаси)	1417,4	2557,8	3588,8	2842,0	387,70	300,30
БВФБ (Белоруссия валюта-фонд биржаси)	4,3	1,5	124,1	494,3	987,70	1794,90
СПВБ (мақалий бозор, Санк-Петербург валюта биржаси)	1617,8	270,5	280,2	511,9	58,20	116,70

⁸³ Манба: <http://mab.misec.ru/papers> Международная ассоциация бирж стран СНГ, 2005 – 2010 бюллетеңь биржевой статистики.

досининг бутун кўринишини ўзида акс эттиради (2.7-жадвалга қаранг). Жадвал маълумотларидан кўринадики, молиявий инқирознинг ММВБ, KASE ва СПВБ бозорларида РЕПО битимларига ва бошқа савдо режимларида облигациялар савдосига 2009 йили таъсири сезиларли бўлган ва умумий ҳисобда 26%га пасайган. РЕПО битимлари ва бошқа савдо режимларида облигациялар савдосинг энг йириги МДҲ мамлакатлари орасида ММВБ биржасида амалга оширилади. СПВБда РЕПО битимлари ва бошқа савдо режимлари бўйича облигациялар савдоси 2005 – 2008 йиллар давомида пасайиш тенденциясига эга. Молиявий инқироз РЕПО битимлари ва бошқа савдо режимлари бўйича облигациялар савдосига KASEда 2008 йилдан бошлаб, ММВБда эса 2009 йили ўз таъсирини ўтказган. 2010 йили ММВБда бундай савдолар ҳажми ўсиш тенденциясига эга бўлган. 2009 йилдан Белоруссияда ҳам РЕПО битимлари ва бошқа савдо режимларида облигациялар савдоси ортмоқда.

Энди ривожланган давлатлар фонд бозорларида қарз муносабатли қимматли қоғозлар ҳажми таҳлилини кўриб чиқамиз (2.8-жадвал ва 5-иловага қаранг). Жаҳон бўйича қарз муносабатли қимматли қоғозлар ҳажмининг мамлакат ялпи ички маҳсулотига нисбатан салмоғи 2005 – 2007 йиллар оралиғида 133%дан 146%га ошган, 2008 йили юз берган жаҳон молиявий-иқтисодий инқирози оқибатида бу кўрсаткич 137%га тушган, 2009 йили эса яна ўсиш тенденцияси кузатилиб, 159%га етган. Жами қарз муносабатли қимматли қоғозларга нисбатан ҳукумат қимматли қоғозлари салмоғи инқироз даврида 38%ни, хусусий сектор қимматли қоғозлари эса ўртача 62%ни ташкил этган.

2.8-жадвал қайд этилган ривожланган етти мамлакатда қарз муносабатини ифодаловчи қимматли қоғозлар ЯИМга нисбатан камида 100%ни ташкил этган. Улар орасида ЯИМга нисбатан қарз қимматли қоғозларнинг энг кўпини инқироз даврида Японияга тегишли эса-да, унда асосий ўринни ҳукумат қимматли қоғозлари эгаллаган, кейинги

2.7-жадеел

**РЕПО битимлари өз бошика саёдо режимларда облигациялар саёдоси ҳажми
(млн АҚШ доллары)⁸⁴**

Күрсаткычлар	2005	2006	2007	2008	2009	2010
1	2	3	4	5	6	7
ММВБ (ММВБ фонд биржасы)	20 275,4	109 012,8	346 228,0	453 229,2	336 962,3	914 597,0
KASE (Козагистон фонд биржасы)	2 632,9	7 642,6	15 536,1	9 329,7	6 083,6	553,4
СПВБ (Махаллий бозор, Санкт-Петербург валюта биржасы)	1 065,0	1 012,4	642,8	112,2	0	0
БВФБ (Белоруссия валюта-фонд биржасы)	м/й	0	м/й	6,20	258,2	

⁸⁴ Манба: <http://mab.micsex.ru/papers> Международная ассоциация бирж стран СНГ, 2005 – 2010 бюллетень биржевой статистики.

ўрин АҚШга тегишли, унда асосий салмоқни хусусий сектор қимматли қоғозлари эгаллайди. Фикримизча, инқироз шароитида давлат қимматли қоғозларига нисбатан талабнинг ортиши қимматли қоғозлар бозорининг ушбу сегменти барқарорлигини сақлаб қолишга хизмат қиласди.

Молия бозорида иқтисодиёт тармоқларининг диверсификациялашуви унинг барқарорлигини таъминлашда муҳим аҳамият касб этади. Фонд бозорининг барқарор фаолияти ҳам иқтисодиётнинг тармоқлар риски билан боғлиқ. Тармоқ риски маълум бир тармоқнинг фаолияти натижасида юзага келади, у ушбу тармоқнинг иқтисодий ҳолатидаги ўзгаришлар оқибатида кўрилиши мумкин бўлган заарлар ёки хавф-хатар ҳисобланади. Тармоқ рискини уч босқичга бўлиб таҳлил қилиш мумкин.

2.8-жадвал

Ривожланган мамлакатлар қарз муносабатли қимматли қоғозлар ҳажмининг мамлакат ялпи ички маҳсулотига нисбатан салмоғи (фоизда)⁸⁵

Мамлакатлар	2005	2006	2007	2008	2009
АҚШ	191	203	216	212	224
Канада	98	105	110	100	140
Франция	135	155	168	158	194
Германия	147	167	169	149	172
Италия	163	188	201	194	241
Буюк Британия	115	138	139	148	216
Япония	189	200	210	234	235

⁸⁵ Манба: ХВФнинг World Economic Outlook: «Recovery, Risk, and Rebalancing», October 2010 маълумотлари асосида ривожланган мамлакатлар таркиби шакллантирилди ва статистик маълумотлар ушбу фонднинг Global Financial Stability Reports: «Market Developments and Issues», september 2006; «Financial Market Turbulence Causes, Consequences, and Policies», october 2007; «Financial Stress and Deleveraging Macrofinancial Implications and Policy», october 2008; «Navigating


Биринчи босқичда тармоқ фаолиятининг қуидаги хусусиятларига кўра даврий босқичи аниқланади:

- даврий цикли тебранишларга дучор бўладиган тармоқлар;
- даврий цикли тебранишларга кам дучор бўладиган тармоқлар;
- барқарор фаолият юритувчи тармоқлар;
- тез ўсувчи янги тармоқлар.

Иккинчи босқичда тармоқнинг макроиқтисодий шартшароитларга ва ишлаб чиқаришнинг циклик ўзгаришларига муносабати аниқланади. Тармоқнинг циклик ривожланишини баҳолаш умумиқтисодий ривожланиш тенденцияларига нисбатан қиёсий таҳлилга асосланиши лозим. Бундай таҳлил умумиқтисодий конъюнктурани ва фоиз ставкалари ўсиши башорати билан боғлиқ равишда келажақдаги фаолиятни олдиндан билиш имконини беради.

Учинчи босқич тармоқнинг келажақдаги ривожланишини башоратлаш ва сифат жиҳатдан таҳлил қилишга асосланади. Тармоқ риски барча тармоқларнинг маҳсус хусусиятлари билан боғлиқ. Эълон қилинган маълумотлардан ушбу тармоқ корхоналарининг маҳсулотларини сотишда, даромадлар ва дивидендлар тўлашда, ижтимоий тадқиқотлар ўтказишида, инновациялар яратишида фойдаланилади. Масалан, микросхемалар ишлаб чиқариш соҳасида яратилган кашфиёт электроника маҳсулотларини ишлаб чиқарувчи компаниялар акциялари ҳаракатига таъсир этади. Инвесторлар учун ўз маблағларини риск даражаси нисбатан паст, барқарор ва юқори дивиденд тўлайдиган, фаолияти кенгайиб бораётган корпорациялар қимматли қофозларига жойлаштириш маъқул.

2.12-расм. ММВБ индексида тармоқпарнинг улуши (фоизда)⁸⁶



⁸⁶ Семенкова Е.В. Операции с ценными бумагами: Учебник. – М.: Дело, 2009. – С. 371.

Тармоқ рискини таҳлил қилишда қуйидаги омилларни алоҳида инобатга олиш лозим:

- ушбу тармоқдаги корхона фаолияти, тармоқнинг маълум бир даврий оралиқда ёки умумий ҳолда бошқа тармоқлар билан боғлиқлиги;
- мамлакат иқтисодиётiga нисбатан тармоқдаги корхоналар фаолиятининг барқарорлиги;
- бир ёки бошқа тармоқдаги корхоналар фаолияти натижалари ва ундаги фарқлар даражаси.

Тармоқдаги корхона фаолияти ва тармоқнинг рисклиник даражаси бевосита тармоқнинг циклик ўзгаришларига, унинг ичидаги рақобат курашига боғлиқ. Тармоқ ичидаги рақобат бошқа тармоқдаги корхоналарни ушбу тармоқ ичидаги корхоналарнинг барқарорлиги билан таққослаш учун ахборот манбаи ҳисобланади ва тармоқ рискининг баҳоси бўлиб хизмат қиласди. Тармоқ ичидаги рақобат даражасини қуйидаги ахборотлар орқали аниқлаш мумкин:

- нарх ва нархсиз рақобат даражаси;
- ташкилотларнинг тармоқ таркибига кириши қийинлиги;
- тармоқ ичидаги ўзаро боғлиқ ташкилотларнинг етарлилиги ва етакчи ташкилотлар нархи билан рақобатбардошлиқ;
- сотиб олувчи ва етказиб берувчиларнинг бозордаги қобилияти;
- сиёсий ва ижтимоий муҳит.

Тармоқ фаолиятидаги санаб ўтилган шартлар кутилмаганда содир бўлиши ёки кескин ўзгариши мумкин. Шуннинг учун тадбиркорлик фирмалари қандай фаолият юритишидан қатъи назар, барчаси тармоқ рискини доимо ҳисобга олиши лозим.

Тармоқ риски молиявий активлар курси ва инвестицион сифатининг ўзгариши, маълум бир тармоқка хос техник-технологик, табиий-экологик, ҳукуқий-меъёрий ҳужжатлар ўзгариши билан боғлиқ рисклар оқибатида инвесторларнинг зарар кўриши натижасида юзага келади.

Шунинг учун тармоқ рискининг даражаси тармоқнинг ўзига хос хусусиятларига ва инвесторлар томонидан риск омилининг тўғри баҳоланишига боғлиқ.


Ривожланаётган мамлакатларда маълум бир иқтисодий тармоқнинг фонд бозорида юқори салмоқقا эга бўлиши кузатилади. Бу фонд бозори барқарорлигига тармоқ ва тизимли рисклар оқибатида салбий таъсир кўрсатиши мумкин.

Россия фонд бозори асосан иккита йирик биржа фаолиятидан ташкил топган, улар ММВБ ва РТС фонд биржалари ҳисобланади. Ҳар иккала фонд биржасида ҳам иқтисодиёт тармоқларига нисбатан нефть ва газ, қазилма бойликлари корхоналари салмоғи катта, яъни ММВБ индексида уларнинг салмоғи 53,5%ни, РТС акциялар капиталлашуви 45%дан кўпроқни ташкил этади. Банкомания, металлургия ва металл қазиб чиқариш, электроэнергетика, алоқа ва телекоммуникация хизматлари, кимё маҳсулотларини ҳам фонд бозори тараққиётида асосий роль ўйнайдиган тармоқлар сирасига киритиш мумкин. Истеъмолчилар сектори, транспорт ва бошқа тармоқларнинг фонд бозоридаги фаолияти суст кечмоқда (2.12- ва 2.13-расмларга қаранг).

Жаҳон молиявий-иктисодий инқирози натижасида нефть ва газ нархининг тушиб кетиши Россия фонд бозорининг асосини ташкил этувчи нефть ва газ компаниялари фаолиятига салбий таъсир кўрсатди. Бу фонд бозорида нархлар ва индексларнинг кескин тебранишига сабаб бўлди ва маълум бир муддат фонд бозори бекарор ҳолатга келди.


Қозогистон фонд бозорида ҳам инқироз даврида шунга ўхшашиб жараён юз берди. Мамлакат ташқи қарзининг юқорилиги, қарзга жавобгарлик молия муассасалари зиммасида экани оқибатида молиявий инқироз даврида бундай ташкилотлар фаолиятида салбий ўзгаришлар юзага келди. Фонд бозори концентрациясида молия муассасалари салмоғининг кўплиги ушбу бозорни маълум бир муддат бекарор ҳолатга солди (2.14-расмга қаранг).

2.13-расм. РТС индексининг тармоқ таркиби (фоизэда)⁸⁷



⁸⁷ www.rts.ru – РТС Россия фонд биржаси маълумотлари асосида муаллифлар томонидан тузилган.

2.14-расм. KASE савдо тизимидағи акциялар ва қарз қимматли қоғозларниң тармоқлар бүйінча бозор қиймати (жамига нисбатан фоиздә)⁸⁸



⁸⁸ www.kase.kz – KASE Қозғалыстон фонд биржаси маълумотлари асосида муаллифлар томони-дан тузылған.

Расм маълумотлари кўрсатадики, Қозоғистон фонд бозорида молия ва телекоммуникация муассасалари иштироки кенгаймоқда, энергетика ва хомашё тармоқлари эса қисқармоқда. Бу иқтисодиётда хизматлар бозорининг ривожланаётгани, унга нисбатан ишонч ортиб бораётганини кўрсатади.


Қозоғистон биржа бозори асосини молиявий муассасалар ташкил этади. Бу кўрсаткич инқирозгача бўлган ва инқироз даврида 85%дан ортиқни ташкил этган. Молиявий инқироз таъсири натижасида молия муассасалари фонд биржасидаги акциялар ва корпоратив облигациялар бўйича савдо айланмаси 55%га қисқарган. Бошқа тармоқларнинг фонд биржасидаги операциялар ҳажми инқироз даврида ўсиш тенденциясига эга бўлган, аммо савдо айланмасидаги салмоғи ўзгармасдан қолмоқда (2.15-расмга қаранг).

Тадқиқотларимизнинг кўрсатишича, халқаро фонд бозори ривожланишининг асосий тенденциялари кўйидагиларда кўзга ташланади:

Фонд бозорининг тобора кенгайиб ва чуқурлашиб бориши. Халқаро фонд бозори ўз ҳажми ва бозор қатнашчилар сонининг тез ўсиб бориши, умуман, унинг кўлами кенгайиши билан характерланади. Бу, биринчидан, бозор капиталлашуви ошишида, иккинчидан, хусусий ва институционал иштирокчилари кўпайишида ўз ифодасини топади. Фонд бозорининг ўсиши, бир томондан, ўзига хос замонавий иқтисодиётнинг ўсишига таянса, бошқа томондан, бутун жаҳон бўйича қимматли қофозлар нархининг кўтарилиш тенденцияси натижасида активлар билан таъминланмаган капиталнинг кўпайишига олиб келади.

Фонд бозори иштирокчилари сонининг ортиши жаҳоннинг ривожланган мамлакатларидағи аҳоли фаровонлигининг ўсиш тенденциясига, ривожланаётган мамлакатларда халқаро фонд бозорига қатнашиш орқали ўз жамғармаларини кўпайтириш ва сақлашни хоҳлаган, бой ҳамда ўртача даромадли аҳоли қатлами сонининг кўпайишига асосланади.

2.15-расм. KASE савдо тизимида акциялар ва корпоратив облигацияларнинг тармоқлар бўйича биржа бозори айланмаси (жамига нисбатан фоизда)⁸⁹



⁸⁹ www.kase.kz – KASE Қозғыстон фонд биржаси маълумотлари асосида муаллифлар томонидан тузишган.

Ривожланаётган мамлакатларда янги фонд бозорлари ташкил этилиши, қимматли қоғозлар олди-сотдиси орқали мамлакатларга капиталнинг кириб келиши ва чиқиб кетиши натижасида янги ривожланаётган мамлакатлар ушбу бозорга жалб қилинади, фонд бозори кўлами тобора кенгайиб бораверади.

Фонд бозори қатнашчилари бўлган мамлакатлар со-нининг ортиши ҳисобига унинг экстенсив равишда кен-гайиш кўлами жаҳондаги мавжуд мамлакатлар сонига, фонд бозорининг интенсив равишда кенгайиш кўлами эса жаҳон бўйлаб капитални қайта тақсимлаш жараёни ку-чайишига боғлиқ.

Халқаро фонд активлари билан ҳосила молиявий воситалар савдосининг ўсиши. Своплар, фьючерс, опци-он шартномалари ва ҳ.к. ҳосила молиявий воситалар асо-сида бошқа бозор активлари билан бир қаторда қиммат-ли қоғозлар туради. Бундай воситалар фонд бозори иш-тирокчисига портфель инвестициялардаги рискларни хед-жирлаш ва спекулятив операцияларни амалга ошириш имконини беради. Бозор иштирокчиларини рисклардан ҳимояловчи мазкур воситаларсиз замонавий молия бозорини тасаввур этиб бўлмайди. Халқаро фонд бозорида миллый бозорга нисбатан кўпроқ рисклар мавжуд, чун-ки қимматли қоғозларга хос рисклардан ҳимояланиш мақ-садида улар асосидаги ҳосила молиявий воситаларнинг савдо кўлами кенгайиши натижасида халқаро фонд бозори ривожланади. Замонавий ҳосила молиявий восита-лар бозори ўзида миллый ва халқаро бозорларни намоён этади. Халқаро фонд бозори тараққиёти давомида ҳоси-ла молиявий воситаларга нисбатан талаб ортмоқда. Қим-матли қоғозлар савдоси йўқ жойда улар асосидаги ҳоси-ла молиявий воситалар бозори мавжуд бўлмайди. Халқа-ро молия бозоридаги тизимли инқирозлар, иқтисодий пасайишлар ҳосила молиявий воситалар тараққиётiga талабнинг фақат кучайишига олиб келади.

Жаҳоннинг етакчи молиявий марказларида бозор концентрацияси. Капитал концентрацияси жаҳон ҳам-

жамиятида рақобатни қўллаб-қувватловчи ва монополија қарши курашувчи глобал иқтисодиёт ривожланишининг табиий қонуни ҳисобланади. Молия бозоридаги янгиликлардан фойдаланиш имкониятларида, даромадлилек даражасида ва ўзгарувчи конъюнктура шароитида барқарорлиги билан йирик халқаро молиявий компаниялар ва банклар бозорларда катта куч-кудратга эга. Шунинг учун бозор иқтисодиётидаги давлатлар сиёсатида нафақат йирик компаниялар ўсишини чеклаши керак, балки миллый ва халқаро фонд бозорлари, миллый ҳамда жаҳон иқтисодиёти асосини ташкил этувчи компанияларга нисбатан эҳтиёткорона муносабатни талаб этади. Бу нафақат халқаро фонд бозоридаги юқори концентрацияни ва ушбу бозор иштирокчиларининг етакчилигини (АҚШ, Япония, Буюк Британия, Германия, Франция) сақлаб қолади, балки уни кучайтиради. Мазкур шаклда халқаро фонд бозори ривожланишининг объектив тенденциясини кўрмаган ва унга қизиқмайдиган мамлакатлар жуда кам. Кўп мамлакатларда бозор концентрацияси халқаро фонд бозоридаги маълум бир ҳолатларни назорат этиш имконини беради, унга хизмат қилиш орқали йирик даромадлар олиш имкони туғилади.

Бозорнинг янги воситаларни яратиши. Халқаро фонд бозори халқаро молия бозорининг мустақил сегменти саналади, чунки унга ўзининг маҳсус воситалари зарур. Фақат миллый фонд бозорларидағи қимматли қофозлар халқаро фонд бозори тараққиётини тўлиқ таъминламайди. Бу халқаро муносабатларни ўзида тўлиқ акс эттирувчи муҳим фонд бозори воситаларини яратиш заруратини келтириб чиқаради, яъни акциялар ва облигациялар учун кенг фойдаланиладиган янги воситалар амалиётга жорий этилади.

Бозорнинг компьютерлашуви. Компьютерлашув халқаро фонд бозори тараққиётининг моддий асоси саналади, у фонд бозорларидағи миллый, ҳудудий ва вақт билан боғлиқ чегаралар йўқолишига олиб келади. Ахборотларни қайта ишлаш, узатиш ва алоқа қилишнинг замона-

вий воситалари халқаро фонд бозорининг келажақдаги замонавий чегараларини йўқотади. Натижада бу бозор миллий фонд бозорлар йифиндисидан иборат бўлмай, балки бутун жаҳон ягона фонд бозори сифатида шаклланади.

Халқаро фонд бозорида ривожланаётган мамлакатлар қимматли қофозлари аҳамиятининг ортиши. Халқаро фонд бозорининг ривожланиши натижасида унинг савдо айланмасида ривожланаётган мамлакатлар қимматли қофозлари улушининг ортиши муқаррар. Ривожланаётган мамлакатлар қарздорлигининг ортиши кўпинча қимматли қофозлар шаклида амалга оширилади. Жаҳон капиталини географик жиҳатдан қайта тақсимлаш жараёнинг замонавий ривожланиш йўналиши моҳияттан нафақат иқтисодий, балки сиёсий аҳамият касб этиши ушбу тенденция орқали кўзга ташланади. Ривожланаётган мамлакатлар қарздорлиги қанчалик кўп бўлса, шунчалик халқаро фонд бозорида уларнинг қимматли қофозлари улушки ортади.

Қолаверса, молиявий инқироз шароитида фонд бозорларида қуидаги тенденциялар юзага келди:

- халқаро қарз қимматли қофозлари халқаро фонд бозорида капитални жалб этиш ва операцияларнинг асосини ташкил этган, охирги ўн йилликда уларнинг ҳажми олти баробардан кўпроқقا ошган, 2008 йили инқироз даврида уларнинг ўсиши секинлашган эса-да, 2009 йили яна ўсиш тенденциясига эга бўлган. Ушбу бозорда молиявий институтлар етакчилик қилмоқда;

- халқаро акциялар бозорининг охирги ўн йилликдаги ҳажми олти баробарга яқин ошди, аммо халқаро молия бозорида энг кичик сегмент сифатидаги ўрни йўқолмаган. 2008 йили инқироз натижасида халқаро акциялар бозорининг ҳажми асосан ривожланаётган мамлакатлар ҳисобига қисқарган, ҳозирда уларнинг ҳажми яна ўсиш тенденциясига эга;

- халқаро қарз қимматли қофозлар ва акциялар бозорида ривожланган мамлакатлар етакчилиги сакланиб қол-

ган. Ривожланаётган мамлакатлар фонд бозорининг иқтисодиёт тармоқлари бўйича диверсификациялашув дараҷаси кичиклиги инқироз даврида унинг барқарорлигига салбий таъсири кўрсатган;

– молиявий инқироз шароитида жаҳоннинг ривожланган мамлакатлари фонд биржаларида акциялар бозори капиталлашувининг ЯИМга нисбатан салмоғи кескин пасайган. Жаҳон мамлакатлари ЯИМга нисбатан акциялар бозори капиталлашуви инқироз даврида 55%ни, охирги беш йилликда ривожланган мамлакатларда қарз муносабатини ифодаловчи қимматли қоғозлар ЯИМга нисбатан камидаги 100%ни ташкил этиши кузатилган;

– ривожланаётган мамлакатлар фонд биржаларида жаҳон молиявий-иқтисодий инқирози шароитида акциялар ва облигациялар бўйича савдолар ҳажми камайган.

Хулоса ўрнида айтиш мумкинки, фонд бозори иқтисодиётдаги ва молия тизимидағи барча ўзгаришларни, инқирозли ҳолатларни ўзида тўлиқ акс эттирган. Бир мамлакат фонд бозоридаги ўзгаришнинг бошқа мамлакат фонд бозорига тезкор таъсири унинг халқаро фонд бозорига интеграциясини таъминловчи воситаларнинг ва молиявий глобаллашувининг ривожланишидан юзага келган. Фикримизча, ривожланаётган мамлакатлар фонд бозори тараққиётини янада жадаллаштириш, бунда бозорнинг иқтисодиёт тармоқлари бўйича диверсификациясини оширишга алоҳида эътибор қаратиш мақсадга мувофиқ.

2.3. Ҳосила молиявий воситалар билан операцияларнинг ривожланиши ва уларнинг молия бозори барқарорлигига таъсири

Молия бозорининг асосий секторлари: валюта, кредит, фонд ва бошқа бозорлар орасида доимий, аниқ бир чегара қўйиб бўлмайди. Чунки маълум бир бозорга тегишли молиявий воситалар бошқа бозорга оқиб ўтади ёки аксинча. Айниқса, ҳосила молиявий воситалар (деривативлар)ни кўрсатиш мумкин. Улар молия бозорининг ҳар бир секторида: валюта, кредит, фонд ва инвестиция бозори секторларида тузилади. Деривативлар халқаро молия бозорини ўзаро мос, ягона бир бутунликка бирлаштиради ва молия бозорининг ҳар бир сектори ўзаро боғлиқлигини, бунинг натижасида бир-бирига ўзаро таъсир даражасини кўрсатади.

Деривативлар XVII асрдан маълум. Улар пайдо бўлишининг биринчи ўн йиллигида қимматли қофозлар ва товарлар билан боғлиқ қаттиқ ҳамда шартли битимлар Амстердам биржасида амалга оширилган. Японияда фьючерс битимлари билан боғлиқ операциялар ўрта асрлардан амалда бўлган. XIX аср ўрталаридан Шимолий Америка бозорларида қишлоқ хўжалик маҳсулотлари устида фьючерс шартномалари орқали савдолар кенг кўламда амалга оширилган. Ҳозирги барча товар-хомашё биржаларида фьючерслар ва опционлар савдо қилишнинг асосий воситасига айланган. XX асрнинг 70-йилларидан асосан молиявий деривативлар олди-сотди қилинадиган маҳсус биржалар АҚШда вужудга келган, 70-йиллар охирига келиб Европада молия бозорининг ушбу сегменти жадал ривожланди. Ҳозирги кунда хомашё товарлари билан боғлиқ деривативлар мазкур бозор умумий ҳажмининг 1 фоиздан камроғини ташкил этмоқда.

Бугунда молия бозори тараққиётида Фарбий Европа ва Шимолий Америкадаги бозорларнинг ривожланиши асосий роль ўйнамоқда. Бир вақтнинг ўзида бир нечта биржа савдо майдончаларига қатнашишни енгиллашти-

рувчи биржалараро ташкилий механизмларнинг яратилиши, техник стандартлар ва тартибга солувчи меъёрларни ўзаро уйғунлаштириш ҳамда савдо майдончаларини қўшиб юборишда ўз аксини топаётган биржа инфраструктурасини бирлаштиришга ҳаракатлар ривожланган бозорлар учун асосий тенденцияни ташкил этмоқда. Турли мамлакатлар биржаларини бирлаштирувчи ва келажакда глобал савдо маконини яратишга асос бўлувчи глобал, минтақалараро ва ҳудудлараро гуруҳларни ташкил этиш ушбу ривожланган бозорларга хос тенденцияларнинг бир кўринишидир.

Бозор иқтисодиёти ривожланаётган мамлакатларнинг деривативлар бозори жаҳон деривативлар бозори тараққиётида катта аҳамият касб этмайди, яъни ушбу мамлакатларда молия бозорининг мазкур сегменти жадал ривожланмаган. Корея ва Бразилия эса бунга қўшилмайди, чунки уларда деривативлар бозори жуда яхши ривожланган. Россия Федерациясининг йирик биржаларидан РТС ва ММВБ, Қозогистоннинг KASE биржаларида молиявий деривативлар билан савдо қилиш яхши йўлга қўйилган (2.9-жадвалга қаранг).

Булар орасида РТС биржаси деривативларнинг савдо ҳажми ва ҳосила молиявий воситалар бозори сегментининг турли-туманлиги билан ажralиб туради, ушбу кўрсаткичлар МДҲ давлатлари бўйича етакчилик қиласиди. 2007 – 2009 йиллар оралиғида РТС биржасида деривативлар билан савдолар ҳажми мамлакат ЯИМга нисбатан таққослаганда ўсиш кўрсаткичига эга, яъни 22%дан 35%га ошган, лекин мутлоқ кўрсаткичларда 2008 – 2009 йиллар оралиғида 3,9 млрд АҚШ долларига тушгани молиявий инқизорни ушбу бозор сегментига 2009 йили таъсир кўрсатганидан далолат. Бу бозордаги 1% пасайиш мамлакат ЯИМнинг 9%га камайиши ҳисобига юз берган, умуман, молия бозорининг ушбу сегменти барқарорлиги сақланмоқда.

Узоқ муддатли инвестицияларни жалб этишга мўлжалланган асосий қимматли қофозлардан фарқли равишда,

2.9-жадвал

**Ривожланыётган ва МДХ-давлатлари биржаларида
ҳосила молиявий воситалар билан савдолар
ҳажми, млн АҚШ доллари⁹⁰**

Биржалар	2003	2004	2005	2006	2007	2008	2009
Валюта фьючерслари							
KASE	2458,7	0,1	0	0	0	7,6	0,1
БВФБ	с/к	0,5	0,08	1,4	3,8	с/к	с/к
ММВБ	45,8	462,2	6 545,20	32 909,60	85 448,50	133 905,70	18 646,80
РТС	м/й	м/й	283	696,6	4 697,60	13 908,10	50 603,70
СПВБ	260,9	453,1	399,4	343,6	53,8	0	9,1
УМВБ	с/к	0,7	0,005	0	м/й	м/й	м/й
Валюта опцион шартномалари							
РТС	м/й	м/й	2,4	7,2	158,1	319,8	2 276,50
СПВБ	837,5	7648,2	4	8,7	0	0	0
Товар фьючерс шартномалари							
РТС	м/й	м/й	0	1027,6	1479,4	618,4	85,6
Товар опцион шартномалари							
ММВБ	с/к	с/к	с/к	с/к	с/к	1 039,30	1 421,50
РТС	м/й	м/й	0	0	82,7	5 861,40	8 231,20
СПВБ	1692	100,8	48,3	45,3	0	с/к	с/к
УМВБ	0,19	18,3	31,3	с/к	с/к	с/к	с/к
Индекс фьючерс шартномалари							
ММВБ	м/й	м/й	с/к	с/к	70	36	1 668,80
РТС	м/й	м/й	4 191,80	27 792,60	142 920,60	300 013,50	312 010,00
Индекс опцион шартномалари							
РТС	м/й	м/й	89,2	3 133,50	30 430,80	44 195,20	10 649,10
Акция фьючерслари							
ММВБ	м/й	м/й	с/к	с/к	с/к	с/к	398,7
РТС	м/й	м/й	16 568,60	58 019,30	93 495,50	63 051,60	68 527,10
Акция фьючерсларига опционлар							
РТС	м/й	м/й	2 695,20	8 404,80	21 324,30	28 147,30	3 450,20
Облигациялар ва фоиз ставка фьючерслари							
KASE	м/й	м/й	0	0	0	с/к	с/к
БВФБ	м/й	м/й	0	0,02	0	с/к	с/к
ММВБ	м/й	м/й	с/к	136,8	1 165,30	2 051,30	20,4
РТС	м/й	м/й	315,6	1 078,80	2 952,30	3 920,00	310,2

⁹⁰ Манба: <http://mab.micex.ru/papers> Международная ассоциация бирж стран СНГ, 2005 – 2009 бюллетень биржевой статистики.

деривативларнинг асосий иқтисодий функцияси хеджирлашдир, яъни нархлар ўзгаришидаги рисклардан суфурталаш. Уларнинг юзага келиши молия бозорида инқилобий хусусиятга эга бўлди. Опционлар ва фьючерслар ёрдамида рискларни бошқариш назарияси молия фанинг асосий бўлимига айланди.

Деривативлар ва ҳосила молиявий воситалар турли мақсадлар учун ишлатилади. Уларнинг асосийлари қуидагиларда ўз аксини топади.

1. Рискни бошқариш. Корпорациялар, банклар ва инвестицион фондлар кутилаётган хавф-хатарлардан ўзларини суфурталашади. Суфурталаш (хеджирлаш) базис активлар баҳосини салбий ўзгаришлардан ҳимояловчи шартномани сотиб олиш орқали амалга оширилади. Риск менежментга намуна сифатида қуидаги ҳолатларни келтириш мумкин:

- фонд портфелларини ҳосила молиявий воситалар орқали суфурталаш: молиявий активлар нархи пасайишидан кўриладиган заарларнинг олдини олиш учун қилинган ҳимоя стратегияси ҳисобланади;

- бюджетлаштириш: корпорацияларнинг режалаштирилган бюджети тўлиқ ижросини таъминлаш мақсадида фоизли деривативлар билан операциялар амалга оширилади;

- ипотека: кўчмас мулк гарови асосида қарз олувчилар ўзларини деривативлар билан кредит фоиз ставкаси ўсишидан ҳимоялашади;

- молиявий менежмент: облигациялар бўйича фоизларни даврий тўлашни режалаштирган эмитентлар ўз пул оқимларидаги салбий ўзгаришларни опцион ва своплар билан операцияларни амалга ошириш орқали ҳимоялайдилар;

- аннуитет: суфурта компаниялари қатъий белгиланган ва сузувчи фоиз ставкалари ўртасида ҳосила молиявий воситалар орқали арбитраж операцияларни амалга ошириб, молия бозорига қўйилган инвестициялардан кафолатланган фоиз даромадларни олишади;

– ташқи савдо: валютавий деривативлар ҳисобидан экспортёrlар ўз даромадларини мустаҳкамлашади.

2. Спекуляция (чайқовчилик) орқали фойдани максималлаштириш мақсадида. Спекулятив операциялар бўйича қарорларни қабул қилиш жараёнинг қўйидаги омиллар таъсир кўрсатади:

- молиявий деривативларнинг тебранишини баҳолаш;
- техник таҳлил;

– мижозларнинг деривативларга нисбатан талаблари ва инфляцион кутилишлар, келажақдаги фоиз ставкалари башоратини ўз ичига олувчи макроиқтисодий таҳлил;

– узоқ муддатли молиявий деривативларга талаб ва таклиф ҳақидаги маълумотлар;

– ҳосилавий воситалар нархларини шакллантиришнинг турли моделлари орқали кам ёки ортиқча баҳо берилган деривативларнинг мавжудлиги.

3. Инвестицион даромадни ошириш. Портфель облигацияларни бошқарувчилар агар ўз облигацияларини колл опционга сотаётган эсалар, «қопланган колл» позициясини эгаллаши керак. Опционнинг страйл баҳоси базис активларнинг мўлжалланган нархидан юқори бўлиши керак. Агар облигацияларнинг ҳақиқий баҳоси страйл баҳодан паст бўлса, опцион амалга оширилмайди ва облигацияларни опцион колл шартномасида сотувчи томон (бошқарувчи) ютуқ сифатида опцион мукофотини олади. Агар страйл баҳодан ҳақиқий баҳо юқори бўлса, бошқарувчи ўз қимматли қофозларини сотади ва бошланғич позиция билан таққосланувчи ютуқни олиб қолади. Бу инвестицион фондлар учун умумий қабул қилинган стратегия саналади.

4. Бошқа бозорларга кириш. Қарз олувчи сузувчи фоиз ставкалари билан своп ёрдамида қатъий белгиланган фоизларга ўтиши мумкин. Кўпинча қатъий белгиланган фоизда оддий кредит олгандан кўра шундай йўл билан арzonроққа кредит олишни афзал билишади. Натижада икки бозор ўртасида ўзига хос арбитраж операциялари юзага келади. Бир қатор институционал инвесторларга,

масалан, пенсия фондларига, молия бозоридаги инвестицион маблағларни акцияларга қўйишга чекловлар жорий этилган. Чекловлардан айланиб ўтиш учун облигациали ёки конвертиранадиган облигацияли варрантлар каби таркибий воситалардан фойдаланишади. Ҳаттоқи инвестор бозорга чиқишга тўғридан-тўғри имконияти бўлса-да, унга баъзан базис активлар билан деривативлар ёрдамида операцияларни амалга ошириш арzon-роққа тушади.

Ҳосила молиявий воситалар бозори контрагентга, битимнинг қайси томонида бўлишидан қатъи назар, рискларни бартараф этиш ёки қайта гурухлаш имконини беради. Шубҳасиз, иқтисодиётда рискларнинг ҳажми камаймайди, балки улар хеджирлар томонидан спекулянтларга ўтказилади ёки қайта тақсимланади. Спекулянтларнинг операцияларни амалга оширишдаги риски эса ортиб боради, шунга боғлиқ равишда уларнинг бозордаги ўйинлардан топадиган даромадлари кўпаяди.

Тадқиқот натижалари ҳосилавий қимматли қоғозларни ажратиб турувчи қуйидаги асосий хусусиятлар мавжудлигини кўрсатди:

- бундай қимматли қоғозлар нархи унинг таркибидаги биржа активларига асосланади;
- ҳосилавий қимматли қоғозлар муомаласининг ташки кўриниши асосий қимматли қоғозлар муомаласи билан бир хил;
- биржа активларининг муомалада бўлиши билан тақослаганда бундай қимматли қоғозлар муомала муддати (бир неча минутдан бир неча ойгача, йилгача) чекланган.

Ҳосилавий қимматли қоғозлар бошқа хусусиятларга ҳам эга. Уларни олди-сотди қилиш биржа бозорида амалга оширилади ва бошқа қимматли қоғозларга нисбатан минимал инвестиция, яъни активларнинг тўлиқ қийматини тўламасдан гаров таъминот ёки маржа бадали ҳисобига фойда олиш имконини беради.

Ҳосила молиявий воситалардан фойдаланишнинг ижобий томони инвесторлар рискларини суғурталашида,

кўшимча фойда олиш имконини беришида кўзга ташланади. Салбий томонлари эса риски юқори воситалар ҳисобланади, улар билан ишлаш ўзига хос алоҳида ма-лакани талаб этади.

Жаҳон ҳамжамиятидаги инқирозли ҳолатларга қара-май, иқтисодиёт учун ҳосила молиявий воситалар аҳами-яти тўғрисида турли тортишувлар мавжуд. Фикримизча, ҳосила молиявий воситалар зарурати қуидагиларда кўзга ташланади:

- улар рискларни бошқариш имкониятини кенгайтира-ди, илгари мавжуд бўлмаган усуллар орқали молияни ва рискларни бошқаришни инвесторлар ҳамда эмитентлар-га тақдим қилиш йўли билан маблағларни жойлаштириш, жалб этиш шароитини яхшилайди;

- талаб қилинган хусусиятли инвестицион портфел-ларни шакллантириш харажатларини қисқартиради, бо-зорнинг нархлар самарадорлиги ва ликвидлигини оши-ради.

Бугунги кунда ҳосила молиявий воситалар бозорининг қуидаги ўзига хос хусусиятларини ажратиб кўрсатиш мумкин:

- ҳосила молиявий воситалар бозори ўз иштирокчилари учун кўплаб қўшимча имкониятлар яратади. У доимо ўзгариб туради, инвесторларнинг минимал бошланғич қўйилмалари ҳисобига даромад олиш имконини берувчи кўплаб мураккаб таркибий, молиявий воситалар ишлаб чиқилади;

- ушбу бозорда янги иштирокчилар сонининг кўпайи-ши билан янги турдаги битимлар ҳажмининг ортиши шид-датли хусусият касб этиб, бозорнинг ривожланиш кўрсат-кичлари жадал суръатларда ўсишига олиб келади. Ҳоси-ла молиявий воситалар билан операцияларнинг рискли-лик даражаси юқорилиги муайян тамоиллар асосида фаолият юритишни талаб қиласи.

Тадқиқотлар кўрсатадики, жаҳон иқтисодиётининг гло-баллашуви ва интеграциялашуви ҳисобига ҳосила молиявий воситалар бозори ривожланишининг асосий тенден-

циялари кучайган. Бозор инфраструктураси ва унда олти-сотди қилинадиган воситалар таркибини ўрганиш бир қатор асосий инфратузилмавий, микротузилмавий тенденцияларни ошкор қилди.

Асосий инфратузилмавий ўзгаришларга қуидагиларни мисол келтириш мумкин:

- ҳосила молиявий воситалар савдоси амалга ошириладиган биржалар ўз фаолиятида юқори натижаларга эришиш учун менежментга асосий эътибор қаратиши, натижада фаолияти самарадорлиги ортиши, воситачилик (комиссион) харажатлари камайиши, хизмат турларининг кўпайиши ва замонавий технологияларнинг жорий этилиши ҳисобига рақобатбардошлигини оширишга йўналтирилган тижоратининг кенгайиши;

- биржалар бизнесини мустаҳкамлаш ва бирлаштириш жараённинг кучайиши. Ушбу жараённинг бир қисми сифатида биржалар бозорда ўз рақобатбардошлигини ошириш мақсадида харажатларини қисқартиришга мажбур бўлишди;

- биржалар савдосининг автоматлашуви. Биржаларнинг деривативлар савдосини автоматлаштиришга ўтиши битимларни тузиш жараёни тезлашишига, бу бозор ликвидлиги ва савдолар ҳажми ошишига олиб келди. Бошقا томондан, автоматлаштириш оқибатида яширин тизимили рискларнинг тўпланиши юз берди;

- биржаларнинг универсаллашуви. Биржалар бир нечта молиявий воситалар савдосини бир вақтда бир неча сегментда ташкил этиши мазкур тенденциянинг моҳиятини ёритади. Бу қуидагиларга имкон беради:

- молия бозори келажакда ривожланишининг ягона стратегиясини режалаштириш;

- инсайдерлик маълумотларидан фойдаланиш ва нархлар манипуляцияси билан боғлиқ молиявий воситалар устида тузилган битимлар мониторингини олиб бориш;

- молия бозорининг турли сегментлари бўйича биржа рискларини тенг тақсимлаш.

Ҳосила молиявий воситалар бозорининг таркибий ўзга-

ришига тегишли микротузилмавий ўзгаришлар тадқиқот натижалари орқали қуидагиларда кўринади:

- жаҳон молия бозорида тебранишларнинг ортиши базис активлар бозоридаги позицияларни суғурталаш заруратини юзага келтирди, бу деривативлар бозорига қизиқиши оширди;

- дефолтдан суғурталаш (дефолт своплар), фоиз деривативлар савдо ҳажмининг тез ўсиши, биринчидан, фоиз ставкалар даражасининг тез ўзгаришини, иккинчидан, жаҳонда молиявий ҳолатнинг ёмонлашуви оқибатида ёппасига дефолтлар содир бўлишининг ҳосила молиявий воситалар бозорининг кўплаб иштирокчилари томонидан кутилиши билан боғлиқ.

Бозор структурасининг шаклланиши билан деривативлар уюшган биржа бозорларида ва биржадан ташқари бозорларда олди-сотди қилиб борилмоқда. Биржадан ташқари деривативлар бозоридаги шартномалар бозор иштирокчилари ўртасида турли воситачиларсиз амалга оширилади, шунинг учун деривативларнинг биржа бозори биржадан ташқари бозордан бир неча баробар кичик.

Ҳосила моливий воситалар бозорларида яратилган молиявий инновацияларнинг жадал ривожланиши 2008 йили бошланган жаҳон молиявий инқирози юзага келишига асосий сабалардан бири сифатида этироф этилиши бежизмас, албатта.

Аниқ бир бозор шароитида кенг тарқалмаган, ахборотларни, ликвидликни, рискларни, даромадларни ва молиявий ресурсларнинг самаралироқ қайта тақсимотини таъминловчи, бундай қайта тақсимлаш орқали қўшимча фойда олишни кўзлаган молиявий технологиялар – молиявий инновациялар тушунчасида кўзга ташланади.

Молиявий инновациялар кўпинча бозор орқали молиялаштириш воситалари: қимматли қофозлар, яъни опционаллар, фьючерслар, қарзли облигациялар, активлар, уйжой ипотека билан таъминланган ва бошқа қимматли қофозлар кўринишида стандартлашган битимлар шаклида пайдо бўлади. Стандартлашган битимлар уларни ту-

зишдаги вақтнинг тежалишига, харажатларнинг қисқаришига, рискларнинг камайишига ва бундай воситалар ликвидлиги ошишига олиб келади.

Назарий жиҳатдан молиявий инновациялар молиявий маҳсулотлар ва хизматлар турларини кўпайтириш ҳисобига молиявий воситачилик самарадорлигини оширишга хизмат қиласди. Бунда, бир томондан, индивидуал жамғармаларга бўлган талаб, иккинчи томондан, янги маҳсулотни ишлаб чиқаришни кенгайтириш учун маблағ жалб қилишга талаб қондирилади. Капитал жамғарилишининг бундай жадаллашуви иқтисодий ўсишга олиб келади.⁹¹

Молиявий инновацияларнинг жадал ривожланишига асосий сабаб ўтган асрнинг 70 – 80-йилларида фоиз ставкалар ва валюта курслар тебраниши ҳамда инфляция суръатларининг тез ошиб бориши ҳисобланади. Бундай шароитда бозордаги рискларни хеджирлаш имконини берувчи самараали воситаларга талаб ортди, натижада ушбу муаммони бартараф этувчи янги молиявий технологиялар, воситалар жадал ривожланди. Молия бозорларида тузилган барча турдаги дериватив шартномаларнинг биржадан ташқари бозордаги жами номинал қиймати, Халқаро ҳисоб-китоблар банки маълумотларича, 2009 йил якунига кўра 615 трлн АҚШ долларини ташкил этди. 2010 йил якунида бу кўрсаткич ўтган йилга нисбатан 3%га камайган (2.10-жадвалга ва 6-иловага қаранг). Сўнгги ўн йил давомида молиявий деривативларнинг жаҳон бозори ҳажми 6 мартадан ортиқقا кўпайган.

Деривативлар номинал қиймати 2008 йил июнь ҳолатига 684 трлн АҚШ долларини ташкил этиши глобал ЯИМдан 10 марта кўп демакдир (7-иловага қаранг). Базавий активи валюта, фоиз ставкаси, акциялар, товарлар бўлган

⁹¹ Chou Yuan K. Modeling Financial Innovation and Economic Growth: Why the Financial Sector Matters to the Real Economy // Journal of Economic Education. 2007. Vol.38. №1. – P.78 – 91.

2.10-жадвал

**2000 – 2010 йилларда хосила молиявий воситаларнинг номинал қиймати
(трлн АҚШ доллари)⁹²**

	2000	2001	2002	2003	2004	2005	2006	2007	2008	2009	2010
Жами, жумладан	95	111	142	197	258	298	415	595	548	615	601
Валюта битимлари	16	17	18	24	29	31	40	56	44	49	58
Фонз ставкаси үүн битимлар	65	78	102	142	191	212	292	393	386	450	465
Акциялар билан борглик битимлар	2	2	2	4	4	6	7	8	6	7	6
Хомашё товарларига битимлар	1	1	1	1	5	7	8	4	3	3	
Дефолтдан сугурутлаш (credit default swaps)	–	–	–	6	14	29	58	42	33	30	

⁹² www.bis.org – Халқаро хисоб-хитоблар банки маълумотлари асосида тузиған.

барча деривативлар ҳажмида ўсиш тенденцияси кузатилган. Дефолтдан суғурталаниш воситаси ҳисобланган кредит дефолти своплари 2004 йилдаги 6 трлн АҚШ долларидан 2008 йил ярмида 57 трлн АҚШ долларига етган. Глобал молиявий-иқтисодий инқироз чуқурлашуви натижасида қарздорларнинг банкротга учраши ошса, дефолтдан суғурталовчи томонлар учун жиддий таҳдидлар юзага келди ва унинг ҳажми 2010 йили 30 трлн АҚШ долларига тушди.

Албатта, молиявий инновациялар ривожланишини молиявий эркинлаштиришнинг самарадорлиги билан боғлаш мумкин. Таъкидлаш жоизки, молиявий эркинлаштириш натижасида ресурсларни тақсимлаш тақомиллашди, иқтисодий ўсишнинг барқарорлиги ортди, молиявий воситачиликнинг таннархи пасайди, рискни баҳолаш ва ундан ҳимояланиш имкониятлари кенгайди. Молиявий инновациялар ривожланишини технологияларнинг тараққиётисиз тасаввур этиб бўлмайди. Молия тизимиға инновацион технологияларнинг жорий қилиниши техник-иқтисодий тараққиётнинг бир «тўлқини»дан бошқасига ўтиш учун зарур шарт-шароитларни юзага келтирди.⁹³

Ёппасига молиявий инновациялар юзага келишига сабаб бўлган бошқа асосий омиллардан бири миллый молия бозорларига таъсир кўрсатувчи ҳукуматнинг тартибга солиш талаблари ўзгариши ҳисобланади, яъни бу миллый назорат органлари томонидан активлар сифатига ва кредит ташкилотлари капитали етарлилигига қўйилган талаблар кучайгани орқали намоён бўлди. Мазкур активлар билан таъминланган қимматли қофозлар каби молиявий воситалар юзага келишига олиб келди. Бундай омилларнинг ўзаро таъсири рискларни камайтирувчи, ортиқча ликвидликни пайдо қилувчи, молия бозори фа-

⁹³ Сергиенко Я. О финансовом механизме длинноволновых технико-экономических изменений // Вопросы экономики. 2004. №1.

лиятидаги янги шартларга жавоб берадиган капитал ва қарз мажбуриятларини юзага келтирувчи инновацион молиявий воситаларга талабнинг жадал ўсишига туртки берди.

Бироқ молиявий инновацияларнинг баҳолар динамикасига нисбатан бир текис таъсирга эгамаслигини ҳам қайд этиш жоиз. Бошқача айтганда, молиявий инновациялар таъсири натижасида баҳо мавжуд шарт-шароитларга нисбатан янада таъсирчан бўлиб қолади. Молиявий инновацияларнинг сезиларли даражада ноаниклиги шароитида баҳолар тебранувчанлигининг ортиш эҳтимоли юкори.⁹⁴

Бугунги кунда инвестицион банклар томонидан таклиф этилаётган молиявий маҳсулотлар турли-туманлиги ва сон жиҳатдан кўплиги билан тавсифланади. Тадқиқот натижалари кўрсатадики, инвестицион банклар янги молиявий воситаларни яратиш жараёнини ҳаракатга келтирувчи асосий куч ҳисобланади. Бунга сабаб уларнинг асосий фаолияти молиявий воситачилик, яъни молиявий хизматларни таклиф этишдан иборатлигидир.

Молиявий инновацияларнинг асосий қисми ҳосила молиявий воситалар гуруҳига тўғри келади. Дастрлаб улар халқаро бозорларда тарқалишади, сўнгра миллӣ бозорларга кириб келади. Миллӣ бозорларга молиявий инновацияларни тарқалиши ва кириб келиши давлатнинг тартибиға соловчи органлари томонидан бозор қатнашчилари иш тартибиға ва уларга қўйилган чекловларга тўсқинлик қиласи.

Халқаро бозорларда бундай тартиблар бўлмайди, шунинг учун улар молиявий инновациялар маконидир.

Молия бозорида амалга ошириладиган инновацияларни икки гуруҳга бўлиш мумкин:

⁹⁴ Citanna Alessandro. Financial Innovation and Price Volatility // HEC Department of Economics Working Paper №685/1999. March 2000 (<http://ssrn.com/abstract=260912>).

1. Молия бозорида янги воситаларнинг жорий этилиши. Бундай инновацияларга бугунги кунда одатий тус олган ҳосила молиявий воситаларни, яъни своплар, фьючерслар, форвардлар ҳамда деривативлар бозорининг инновацион молиявий маҳсулотлари – свопционлар, кредит деривативлар ва бошқаларни келтириш мумкин.

2. Субъектларнинг инновацион фаолиятини молиявий таъминлаш, молиявий ва инновацион рискларни суғурталаш, савдо ҳажмини кўпайтириш, инвестицион ресурсларни жалб этиш, корхона даромадини ошириш мақсадида муддатли ва кредит, валюта ва фонд бозорларидаги турли инновацион молиявий маҳсулотларни ташкил этиш имконини берувчи молия бозоридаги воситаларнинг янги (инновацион) бирикмалари. Бундай молия бозоридаги инновацион бирикмаларга венчурли молиялаштириш, форфейтинг, франчайзинг, маҳсус қимматли қоғозларнинг чиқарилиши ва бошқаларни киритиш мумкин.

Фикримизча, юқоридаги инновацион молиявий маҳсулотлар иқтисодиётда молия инжиниеринги сифатида фаол яратувчилик фаолиятини олиб боради.

Молия бозорининг барча сегментларида фойдаланиладиган молиявий инновацияларни асосан уч гурухга бўлиш мумкин.

- своплар;
- опционлар;
- форвардлар.

Юқорида келтирилган молиявий деривативлар ҳажмининг жадал ўсишига ва молиявий маҳсулотлар турли-туманлигига қарамай, кредит деривативлар гурухи алоҳида ажралиб туради. Ҳар бир восита ўз шакли ва амалиётда кўлланишига кўра турлича, улар молиявий инновациялар шаклида молия бозорининг барча сегментларига кириб борган.

Кредит деривативлар гурухи молиявий инновацияларнинг муҳим шаклларидан биридир. Жаҳон молия бозори тараққиётининг ҳозирги босқичида кредит деривативлари ўз активлари ва рискларни ажратиб сотиш имконини

берувчи таркибий молиявий восита сифатида аниқлашимиз мумкин.

Кредит деривативлари кўп функцияли молиявий восита ҳисобланади. Улар қуидаги вазифаларни бажаришади:

- кредит рискларидан хеджирлаш;
- рискларни деверсификациялаш;
- қарз олиш шартларини яхшилаш;
- даромадлилик даражасини ошириш;
- облигацияларни қайта гурӯхлаш;
- трансакцион харажатларни камайтириш.

Кредит деривативлари етарлича мураккаблиги билан 2008 йили бошланган жаҳон молиявий инқирози чукурлашишига ҳамда жадаллашишига олиб келган асосий сабаблардан бири бўлди. Фикримизча, кредит деривативлар бозорида инқирознинг юзага келишига асосий сабаб қуидагилардан иборат:

- биринчидан, берилган кредитлар ҳажмига нисбатан кредит деривативлар орқали тузилган битимлар ҳажми бир неча баробар ортиқ бўлган;
- иккинчидан, ушбу бозор шаффофлигининг мавжуд маслиги, мавжуд рисклар ва бундай воситалар ҳажмини баҳолаш имкони йўқлиги;
- учинчидан, кредит деривативлар билан боғлиқ операцияларга жуда кўп сонли иштирокчилар жалб этилгани. Кўп босқичли ўзаро боғлиқ операциялар чизмаси унинг иштирокчиларига бундай молиявий маҳсулотни тўлиқ англаб олиш имконини бермади, уларни сотиб олувчилик тўлиқ рейтинг агентликлари баҳосига ишонишга мажбур бўлдилар.

Тақдиқотларнинг кўрсатишича, деривативлар бозори жаҳон молиявий инқирозигача бўлган даврда энг иирик кўрсаткичларига 2008 йилнинг июнь ойида эришган. Фоиз деривативлар (67%) ва кредит дефолт своплари (8%) биргалиқда барча битимларнинг ялпи номинал қийматига нисбатан биржадан ташқари бозорда умумий деривативлар бозорининг 75%ни ўзида мужассамлайди (2.11-

жадвал ва 7-иловага қаранг). Ушбу жадвал ва 7-илова маълумотлари асосида ҳосила молиявий воситаларнинг бозор қийматини таҳлил қиласиз. 2008 йилга келиб биржадан ташқари бозорларда деривативлар бўйича тузилган шартномаларнинг бозор қиймати 20 трлн АҚШ долларидан ошган. Таҳлилларнинг кўринадики, базавий активи валюта, фоиз ставкаси, товар бўлган ҳосила молиявий воситалар орасида своплар ялпи бозор қиймати жиҳатидан юқори салмоқни ташкил қиласиз.

2.11-жадвал

Глобал биржадан ташқари деривативлар бозори, млрд АҚШ доллари (2008 йилнинг июнь ойи ҳолатига)⁹⁵

Бозор сегменти	Барча битимларнинг ялпи номинал қиймати	Ялпи бозор қиймати
Валюта деривативлари (Foreign exchange derivatives)	62 983	2262
Фоизли деривативлар (Interest rate derivatives)	458 304	9263
Акцияларга деривативлар (Equity-linked derivatives)	10 177	1146
Товар деривативлари (Commodity derivatives)	13 229	2209
Кредит дефолт своплари (Credit default swaps)	57 325	3172
Бошқалар (тақсимланмаган)	81 708	2301
Жами	683 725	20 353

⁹⁵ Халқаро ҳисоб-китоблар банки ҳисобот маълумотлари асосида муаллифлар томонидан тузилган.

Молиявий инновациялар вужудга келишининг асосий йўналишларидан бири турли активларни қимматли қофозларга айлантириб, уларни қайта тақсимлаш операцияларини ўзида мужассамлаштирган секьюритизациялаш жараёни саналади. Активлар ҳаракатидан юзага келадиган ҳар қандай ҳозирги ва келажакдаги пул оқимини секьюритизациялаш мумкин.

Фикримизча, активлар секьюритизацияси ҳаракатсиз активларни турли пул оқимлари ва активлар билан таъминлаб, ликвидли қимматли қофозларга айлантириш орқали ҳаракатга келтириш жараёни ҳисобланади.

Ҳозирги кунда активлар секьюритизациясига асосланган қимматли қофозларнинг айримларини қўйида келтирамиз:

- CDO (collateralized debt obligation) – қарзли мажбуриятлар (облигациялар ва кредитлар) билан таъминланган облигациялар;
- CBO (collateralized bond obligations) – қарз қимматли қофозлари ҳисобига таъминланган облигациялар;
- ABS (asset-backed securities) – активлар билан таъминланган қимматли қофозлар (автокредитлар, истеъмол кредитлари, кредит карточкалар, лизинг шартномалари, кичик ва ўрта бизнесга кредитлар, келажакда режалаштирилган тушумларни (масалан, хизматлар тўловини олиш бўйича тилхатлар) ҳам қамраб олади);
- MBS (mortage-backed securities) – ипотекага асосланган қимматли қофозлар;
- RMBS (residential mortage-backed securities) – уй-жой билан таъминланган қимматли қофозлар;
- CMBS (commercial mortage-backed securities) – тижорат-кўчмас мулк обьектлари билан таъминланган қимматли қофозлар;
- CDS (credit default swap) – инвесторни кредит қайтмаслигидан кафолатловчи қимматли қофозлар.

«Активлар секьюритизацияси» ва «банк активлари секьюритизацияси» тушунчаларини аниqlашда бир хил фикрларнинг мавжудмаслиги бошқа турдаги молиялаш-

тириш шакллариға қараганда активлар секьюритизаси ривожланишига түсік бўлмоқда.

Фикримизча, активлар секьюритизациясини молиялаштиришнинг бошқа шаклларидан ажратиб турувчи учта асосий хусусияти мавжуд:

- банк ёки корхона активларини баланс ҳисобидан чиқариш. Бу корхонанинг ўз хўжалик рискини соф активлар рискидан ажратиш имконини беради, капиталининг иқтисодини таъминлайди;

- қимматли қофозларнинг эмиссия қилиб таъминланиши. Унинг кафолати талабгорлар ва қўшимча кредит ҳажми билан таъминланади;

- кириб келувчи (*cash in flow*) ва чиқиб кетувчи (*cash out flow*) пул оқимлари. Активлар ҳаракатидан олинган фойда ва фоиз тўловлари орали улар таъминоти билан чиқарилган қимматли қофозларнинг харажатлари қопланади. Тўловлар ўзаро миқдори, валюта тури ва вақти бўйича ҳосила молиявий воситалар, маҳсус захиралар (*reserve accounts, spread accounts*) ва бошқа ликвидлиликни оширувчи воситалар ёрдамида мувофиқлаштирилади.

Юқоридаги уч хусусият мужассамлашган молиявий операцияларни активлар секьюритизацияси сифатида таснифлаш мумкин.


Фикримизча, активлар секьюритизацияси секьюритизациялаш жараёнининг бир шакли, банк активлари секьюритизацияси активлар секьюритизациясининг бир кўриниши саналади (2.16-расмга қаранг).

Активлар секьюритизацияси уч босқичда амалга оширилади.

Биринчи босқичда секьюритизацияланадиган активлар танлаб олинади.

Иккинчи босқичда секьюритизацияланадиган активлар корхонадан ҳисобидан алоҳидалаштирилади, яъни бунда корхона балансидаги бошқа активлардан ажратиб олинади. Мазкур жараёнининг шуниси мұхимки, секьюритизацияланадиган активларни корхона балансидан ажратиш уни тўлиқ сотиш (*True sale*) йўли орқали амалга ошири-

2.16-расм. Секьюритизациялаш жарайнининг ривожланиши, активлар секьюритизацияси босқиичлари⁹⁶



⁹⁶ Тадқиқот натижаларига асосланниб муаллифлар томонидан шакллантирилган.

лади. Фақат активларни тўлиқ сотиш орқали ўз капиталининг етарлилигига қўйилган мажбурий талаблардан қутулиш мумкин. Секьюритизацияланадиган активлар тартибга солувчи томонидан тўлиқ сотилгани тан олинмаса, улар таъминланган қарзлар сифатида таснифланади ва капиталнинг етарлилигига қўйилган мажбурий талаблар ҳажмини камайтиrmайди.

Учинчи босқичда секьюритизацияланадиган активлар қимматли қофозлар бозори орқали қайта молиялаштирилади.

Активлар секьюритизациясида активларни корхона балансидан қисман ёки бутунлай ҳисобдан чиқариш мумкин. Ҳосила молиявий воситалар ёрдамида корхонанинг фақат секьюритизацияланадиган активлари билан боғлиқ рискларининг камайтирилиши амалиётда синтетик секьюритизация сифатида ўз ўрнига эга.

Фикримизча, банк активлар секьюритизацияси балансдан қисман ёки тўлиқ ҳисобдан чиқарилган алоҳида банк активлари ва пул оқимлари билан таъминланган қимматли қофозларни чиқариш орқали пул маблағларини банкка жалб этиш механизмиdir. Банк активлари секьюритизацияси, одатда, банк кредитлари ва қарз қимматли қофозлари орқали амалга оширилади. Банклар ўзлари ва бошқаларнинг қарз қимматли қофозлари ҳисобига таъминланган облигацияларни (Collateralized Bond Obligations (CBO) чиқаришади. Улар қарз мажбуриятлари, яъни кредитлар ва қарз қимматли қофозлар билан таъминланган облигацияларни (Collateralized Debt Obligations (CDO) ҳам эмиссия қилишади.

Банк активлари секьюритизацияси ўзида қуйидаги асосий хусусиятларни мужассамлаштиради:

- банкларга молиявий ресурсларни жалб қиласди;
- қимматли қофозлар эмиссияси орқали пул маблағлари жамғаради;
- секьюритизацияланган активлар ва пул оқимлари муддати, валюта тури ҳамда тўловлар ҳажми билан қимматли қофозлар эмиссиясини таъминлайди;

– секьюритизациялаш объекти банк активлари ҳисобланади;

– банк активлари секьюритизацияси балансдан ташқари хусусият касб этади.

Фикримизча, активларни секьюритизациялаш жараёни ўз иштирокчиларига бир қатор афзалликларни тақдим этади.

Банклар, ипотека ва сугурта компаниялари ҳамда давлат корхоналари бўлган оригиналорлар қуидаги бир қатор сабабларга кўра ўз активларини секьюритизацияладилар:

– секьюритизацияланган активларни маҳсус юридик шахсларга (SPV) сотиш ҳисобига молиявий маблағларни жалб этиш;

– жамғариш самарадорлигининг ошиши одатдаги молиялаштириш шаклларига қараганда харажатларни камайтиради ва муддатини узайтиради;

– активлар риски орқали кредит рискларининг чекланниши. Секьюритизация натижасида оригиналорда кредит рисклари қолмайди ёки унинг кредит риски кредит сифатини ошириш учун тақдим этган маълум сумма орқали чекланади. Айни пайтда, оригиналор активлар бўйича келажакдаги даромадларни олиш имкониятини ўзида сақлаб қолиши мумкин;

– баланс кўрсаткичларининг яхшиланиши. Секьюритизация орқали активларнинг тўлиқ сотилиши оригиналор балансидан уларни ҳисобдан чиқарилишига олиб келади ва пул маблағлари билан ўрнини алмаштиради. Бу корхонанинг мос баланс кўрсаткичлари ижобий томонга ўзгаришига олиб келади;

– активларни таъминлаш учун кичик капиталнинг етарлилиги янги турда қарз олиш имконияти ва қобилиятини оширади. Базель қўмитаси талабларига кўра, молиявий ташкилотлар рискли активларга қарши етарлича капитал ҳажмига эга бўлиши зарур. Бухгалтерия ҳисоби бўйича секьюритизация жараёнида активлар қарзга берилмайди, балки сотилади. Бу секьюритизациялаш жараёни ҳисо-

бига қарзни балансда кўрсатмасдан, бошқа манбалар орқали молиялаштириш сифатида қайд этилишига олиб келади ва рискли активларга нисбатан капиталнинг етарлилигига қўйилган талабнинг қисқаришига сабаб бўлади;

– турли молиялаштириш манбаларига эгалик. Секьюритизация жараёни оригиналаторга молиялаштириш манбаларини диверсификациялаш ва ўз қимматли қофозларини эмиссия қилмасдан капитал бозорига чиқиш имконини беради;

– молиялаштириш қийматининг камайиши. Банклар ва бошқа турли молиялаштириш шаклларига қараганда секьюритизациялаш жараёнининг харажатлари кам бўлиши мумкин. Оригиналор балансининг кредит сифатига қараганда секьюритизацияланувчи активлар кредит сифатининг юқори бўлиши уларнинг қисқа вақт ичидаги ўрнини топишига шароит яратади;

– активлар ва пассивларни баланслаштиришда активлар секьюритизацияси қулай воситалардан биридир.

Фикримизча, секьюритизацияланадиган активлар қуидаги хусусиятларга эга бўлиши лозим:

– пул оқими муддати ва тўловлар ҳажми бўйича режалаштирилган ҳамда етарлича тартибли бўлиши зарур;

– секьюритизацияланадиган активлар оригиналатордан ажратилган бўлиши керак, яъни қонуний-меъёрий ҳужжатларда бундай активлар бўйича талабларга қаршиликсиз йўл қўйиб бериш тартиблари кўрсатилиши лозим;

– етарли миқдор (ҳажм) бўлиши керак;

– қарздорлар географик жиҳатдан ёки бошқа турли диверсификацияланниши даркор;

– активларнинг хусусиятлари юқори даражада стандартлаштирилиши керак;

– кириб келувчи (ипотека ва бошқа кредитлар, қарзли ҳамда турли активлар бўйича фоиз ставкалари) ва чиқиб кетувчи тўловлар (қимматли қофозлар даромади) орасида етарлича фарқ (маржа) бўлиши зарур.

Активлар секьюритизация жараёнининг асосий элементлари қуидаги операцияларда кўзга ташланади:

– корхона (оригинатор) активларини қайтариб олмаслик ҳуқуқи билан ёки чекланган ҳуқуқ (Non- ёки Limited recourse) доирасида сотиш;

– активларни қимматли қофозларни чиқариш орқали қайта молиялаштириш мақсадида маҳсус тузилган хўжалик юритувчи ташкилот (MMT) қўшимча таъминот (Credit and Liquidity Enhancements) билан банкротликдан ҳимояланган ва мустақил фаолият юритувчи юридик шахс ҳисобланади (Bankruptcy-remote Special Purpose Vehicle, SPV);


– активлар секьюритизациясига асосланган турли шаклдаги қимматли қофозларга замонавий ва тўлиқ кафолатланган хизмат кўрсатиш учун ҳуқуқий асос билан валюта ва фоиз свопларидан, аниқ бир фоиз асосида маблағлар қўйилганини кафолатловчи инвестицион сертификатлардан (Guaranteed Investment Certificate) ва бошқа турли деривативлардан фойдаланишга имкон берилади;

– инвесторлар қимматли қофозлари бўйича мажбуриятларни бажариш ва таъминлаш мақсадида гаров сифатида сотилган активлар қолдирилади ёки уларни таъминлашдаги барча ҳуқуқи билан ишочли шахсга (бошқарувчи агент) топширилади. Ишончли шахс мазкур ҳуқуқдан инвесторлар манфаатлари йўлида фойдаланади (2.17-расмга қаранг).

Активлар секьюритизацияси жараёнида иштирокчилар ўртасида юзага келадиган муносабатларни асосан қўйидаги беш гуруҳга бўлиш мумкин:

– оригиналор ва MMT ўртасидаги муносабатлар. Бунда секьюритизация учун мўлжалланган активларни оригиналор балансидан ажратиш ва MMTга сотиш. Оригиналор ва MMT ўртасида оригиналорнинг сервис хизматлари агенти сифатида фаолият юритиши бўйича «топшириқ шартномаси» тузилади. Бунда сервис хизматлари агенти вазифасини бошқарувчи агентлар ҳам бажариши мумкинлиги кўрсатилиши лозим. Бу каби муносабатларнинг юз бериши «сотмоқ» тушунчасининг иқтисодий жиҳатдан бир маъноси «мулк ҳуқуқининг бошқа шахсга ўтиш» экани билан боғлиқлигини кўрсатади;

2.17-расм. Активлар сектюритизацияси жараёни ва ундаги иштирокчилар гурухи⁹⁷



⁹⁷ Таджикот натижаларига ассоспаниб муаллифлар томонидан шакллантирилган.

– ММТ ва инвесторлар ўртасидаги муносабатлар. Инвесторлар даромадлилiği ва рейтинги юқори қимматли қоғозларга эга бўлишни хоҳлашади. Мазкур хусусият активлар секьюритизациясига асосланган қимматли қоғозларда кўзга ташланади. Қимматли қоғозларнинг активлар билан таъминотига бир эмас, бир нечта ташкилотлар масъул бўладилар (2.17-расмдаги иккинчи гуруҳ ташкилотлар бунга мисол);

– ММТ ва бошқарувчи агент ўртасидаги муносабатлар. ММТ ва инвесторлар ўртасида бошқарувчи агент муҳим воситачи ташкилот ҳисобланади. Бошқарувчи ташкилот инвесторлар манфаатларини ҳимояловчи, активлар билан таъминланган қимматли қоғозларни сўндириш ва даромадларини тўлаб беришда асосий воситачи ролини бажаради. Бу эса активлар бўйича тўловларнинг (фоиз ва капитал тўловлар) кечикиши ёки тўланнамаслигининг олдини олиш учун сервис хизматлари агенти (оригинатор) фаолиятини текшириб бориш заруратини кўрсатади, ММТ орқали бу жараён амалга оширилади;

– бошқа иштирокчилар орасидаги муносабатлар. Мазкур активлар секьюритизацияси жараёни иштирокчиларининг ҳосила молиявий бозори орқали тўловлар ва қимматли қоғозлар рискини камайтириш бўйича амалга оширадиган операцияларида юзага келадиган, ушбу жараённи назорат қилувчи ва тартибга солувчи ваколатли ташкилот билан муносабатларни ўзида мұжассамлаштиради. Бу каби муносабатлар активларни секьюритизациялаш механизмини барқарорлаштиришга хизмат қиласи.

Ипотекага асосланган қимматли қоғозлар (MBS) секьюритизацияланган активлар жумласига киради, айни пайтда, тузилмалашган (structured) инновацион молиявий маҳсулот саналади. Агар MBS инструментининг сотуви бўйича дастлабки битим 1970 йили Ginnie Mae билан тузилган, 2005 йилга келиб «Bond Market Association» баҳоларига кўра биргина АҚШда тузилма-

лашган молиявий маҳсулотлар бозори 8 трлн АҚШ долларидан ошган.⁹⁸

Фикримизча, ҳосила молиявий воситалар бозоридаги операцияларнинг рисклиник даражаси юқорилиги ушбу бозорда иккита асосий муаммо шаклланишига асос бўлади. Биринчидан, молия тизимига салбий таъсир кўрсатиш мақсадида улардан атайлаб фойдаланиш, иккинчидан, ҳосила молиявий воситалардан нотўри ва малака-сиз фойдаланиш иқтисодий барқарорликка хавф солади.

Мамлакатимизда иқтисодиётни модернизациялаш шароитида молиявий инновациялар билан боғлиқ операцияларнинг тижорат банклари томонидан амалга оширилишига бир қатор тўсиқлар мавжудлиги улар тараққиётини секинлаштирум оқда.

Биринчидан, молиявий инновацияларнинг юридик мақоми аниқ белгилаб берилмаган. Иккинчидан, улар билан операцияларни аниқ тартибга солувчи қонун ости меъёрий хужжатлар мавжудмас. Учинчидан, миллий бухгалтериямизда уларнинг ҳисобини юритиш механизми ишлаб чиқилмаган.

Умуман, сўнгги пайтларда инновацион молиявий маҳсулотлар, айниқса, ҳосила молиявий воситалар ҳажмининг сезиларли даражада ортиши ва уни тартибга солишнинг самарали тизими шакллантирилмагани молия ва реал сектор ўртасида кескин номутаносибликтининг юзага келишига, инқироз даврида молия бозорида бекарорликнинг ортишига туртки берди. Уларнинг микродарражада рискларни хеджирлаш, камайтириш, бошқариш ва фойда олиш имкониятини яратишими, аммо пировардида иқтисодиётда тизимли рискларни юзага келтиришини молия бозорини ривожлантириш ва барқарорлигини таъминлашда инобатга олган маъқул.

⁹⁸ Смирнов А. Кредитный «пузырь» и перколация финансового рынка // Вопросы экономики. 2008. №10. – С.6 – 31.

2.4. Жаҳон иқтисодиётида инвестиция фондлари ривожланишининг жорий ҳолати таҳлили

Ушбу бўлимда ривожланган давлатлар мисолида АҚШ ва Европа инвестиция фондларининг ривожланиш тенденцияларини баҳолашга интиламиз. Чунончи, АҚШ ва Европанинг бутун дунё очиқ турдаги инвестиция фондлари жами соф активларидаги улуши қарийб 80 фоизни ташкил этади.

Тадқиқотларга асосланиб тарақкий этган давлатларда инвестиция фондларининг бундай ривожланишини рағбатлантирган омиллар сифатида қуидагиларни ажратиб кўрсатиш мумкин:

- ошиб бораётган вақтинчалик бўш пул маблағларини саклаш зарурати;
- инвестиция фондлари ёрдамида фонд бозорига инвестиция қилишнинг қулайлиги, моддий ва вақт билан боғлиқ чиқимларнинг камлиги;
- фонд бозори кўламининг юқори суръатларда ўсиши;
- жамғарib бориладиган пенсия тизимиға ўтилиши;
- инвестиция фондларида пенсия маблағларини жамғаришга рухсат этилиши;
- инвестиция фондларининг воситачилик ҳақи миқдорининг қисқариши ва инвестициялаш кўламларининг ортиши;
- юқори инфляция шароитида банқдаги қўйилмалар бўйича максимал даромад миқдорининг ҳуқуқий-меъёрий жиҳатдан чеклаб қўйилиши;
- инвестиция фондларидаги ахборот шаффоғлиги ва унинг қатъий тартибга солиниши.

Глобал молиявий инқирознинг чукурлашуви шароитида дунёning етакчи фонд биржалари индекслари кескин тушиб, қимматли қофозлар баҳосида пасайиш тенденцияси мавжуд бўларкан, бундан инвесторлар ва уй хўжаликлари ресурсларини жалб этувчи, уларни асосан қимматли қофозларга инвестиция қилувчи инвестиция фондлари катта талафот кўриши табиий эди.

Тадқиқотларнинг кўрсатишича, 2008 йили глобал молиявий инқироз шароитида халқаро очиқ турдаги инвестиция фондлари соф активлари 2007 йилга нисбатан кескин пасайган. Хусусан, бутун дунё очиқ турдаги инвестиация фондлари соф активлари 2007 йилга нисбатан 27,4 фоизга камайган. Бунда энг катта пасайиш (44,6%) Осиё ва Тинч океани ҳавзаси давлатлари инвестиация фондлари ҳиссасига тўғри келган. Шунга қарамай, 2009 йили инвестиация фондлари активларида ўсиш кузатилди. 2005 – 2010 йиллар мобайнида халқаро ўзаро инвестиация фондлари таҳлили кўрсатдики, Африкада инвестиация фондлари активлари дунёнинг бошқа қитъаларига нисбатан тез суръатларда ўсан (2.12-жадвалга қаранг).

2010 йилга келиб дунёдаги барча очиқ турдаги инвестиация фондларининг соф активлари 2005 йилга нисбатан 39,1 фоизга ошган. 2010 йили АҚШнинг жами очиқ турдаги инвестиация фондлари соф активларидаги салмоғи қарийб 48 фоизни ташкил этган. Европанинг ушбу кўрсаткичи эса 32 фоизга етади. Европа давлатлари ичида Люксембург инвестиация фондлари ривожланиши бўйича етакчи ҳисобланади. Унинг инвестиация фондлари соф активлари 2010 йили 2,7 трлн АҚШ долларини ташкил этган, Европа очиқ инвестиация активлари таркибида 31,8 фоиз салмоқقا эга бўлган.

Энди АҚШ инвестиация фондлари ривожланишини ба-тафсил таҳлил этамиз.

2010 йили АҚШда инвестиация фондлари сони 16 090 тани ташкил этган (2.13-жадвалга қаранг). Бу эса 1995 йилга нисбатан 3152 тага кам демақдир. АҚШда инвестиация фондлари таркибида бирлашган инвестиция трастлари сони 1995 – 2010 йиллари кескин камайган, бу умумий инвестиация фондлари сони камайишига олиб келган. Айни пайтда, биржада акциялари котировкаландиган фондлар (exchange-traded funds, ETFs) сони таҳлил қилинаётган даврда юқори суръатларда ошган.

Шунга қарамай, 2010 йили АҚШ инвестиация фондла-

2. 12-жадвал

Дүнёдагы очиқ турдағы инвестиция фондларининг ялтырылыштың соғ активесін динамикасы,
млрд АҚШ доллары⁹⁹

	2005	2006	2007	2008	2009	2010	2010 йилда 2005 йилга нисбетан үзгәриш, %да
Бүтүн дүнгө	17757,4	21808,8	26132,3	18920,0	22952,8	24698,6	+39,1
Америка	9750,2	11470,5	13423,9	10581,9	12585,8	13586,9	+39,3
Жапония	8891,1	10397,9	12002,2	9603,6	11120,2	11820,7	+32,9
Европа	6002,3	7803,9	8934,9	6231,1	7545,5	7902,8	+31,7
Жумладан, Люксембург	1635,8	2188,3	2685,1	1860,8	2294,0	2512,9	+53,6
Осиё ва Тинч океани							
Хавазаси	1939,3	2456,5	3678,3	2037,5	2715,2	3067,3	+58,2
Африка	65,6	78,0	95,2	69,4	106,3	141,6	+115,9

⁹⁹ Инвестиция компаниясы институтининг 2010 йил ҳисобот маълумотлари асосида муаллифлар томонидан тузилган.

2.13-жадвал

АҚШ инвестиция фондлари сонининг ўзгариши¹⁰⁰

	Очиқ турдаги фондлар (mutual funds)	Ёпиқ турдаги фондлар (closed-end funds)	Биржада акциялари котировка қилинадиган фондлар (exchange-traded funds, ETFs)	Бирлашган инвестиция трастлари (unit investment trusts)	Жами инвестиция фондлари
1995	5761	500	2	12 979	19 242
1996	6293	497	19	11 764	18 573
1997	6778	487	19	11 593	18 877
1998	7489	492	29	10 966	18 976
1999	8004	512	30	10 414	18 960
2000	8371	482	80	10 072	19 005
2001	8519	492	102	9295	18 408
2002	8512	545	113	8303	17 473
2003	8427	584	119	7233	16 363
2004	8419	619	152	6499	15 689
2005	8451	635	204	6019	15 309
2006	8721	647	359	5907	15 634
2007	8747	664	629	6030	16 070
2008	8884	643	743	5984	16 254
2009	8617	628	820	6049	16 114
2010	8545	624	950	5971	16 090

ри таркибида энг катта салмоқ очиқ турдаги инвестиция фондларига тааллукли бўлган.

АҚШда очиқ турдаги инвестиция фондлари муюмала-га чиқарган қимматли қофозларни жорий соф актив қийматида (Net asset value – NAV) қайтариб сотиб олишга тайёр туришлари лозим. Соф актив қиймати фонд жами активлари бозор қийматини фонд мажбуриятларини че-гириб ташлаган ҳолда муюмаладаги фонд акциялари сонига бўлиш орқали аниқланади.

1990 йилга келиб АҚШ очиқ турдаги инвестиция

¹⁰⁰ Investment Company Fact book 2011. – Р.16.

фондлари активлари 1 трлн АҚШ долларидан ошган, 2010 йил 1 январь ҳолатига 11,1 трлн АҚШ долларини ташкил қылган. Бироқ бу инвестиция фондлари томонидан эришилгандыктын натижасынан қисобланмайды. Глобал молиявий инқизаттеги қадар 2008 йил 1 январь ҳолатига АҚШдаги очиқ турдаги инвестиация фондлари активлари 12,0 трлн АҚШ долларига етганды. 2009 йил бошида ўзаро инвестиация фондлари активлари сезиларлы даражада (-20%) қисқарды ва 9,6 трлн долларни ташкил этди. 2009 йили ўзаро инвестиация фондлари активларининг 85 фоизи уй хұжаликларига тегишли бўлган. 2009 йил давомида жаҳон иқтисодиётидаги жонланиш туфайли инвестиация фондлари активлари ўса бошлади.

2011 йил 1 январь ҳолатига АҚШ очиқ турдаги инвестиация фондлари умумий соғ активларининг жами инвестиация фондлари активлари таркибидаги салмоғи 90,2 фоизни ташкил этган.

2010 йил мобайнида АҚШ барча турдаги инвестиация фондлари активлари қийматида ўсиш кузатилган (2.14-жадвалга қаранг). Хусусан, жорий йилда 2009 йилга нисбатан ўсиш очиқ турдаги инвестиация фондлари, ёпиқ турдаги инвестиация фондлари, ETFs, инвестиация трастларида мос равишда 6,3%, 7,1%, 27,7% ва 34,2 %ни ташкил этган.

Таҳлилларимизнинг кўрсатишича, сўнгги ўн йилликда биржада акциялари котировкаланадиган фондлар активлари юқори суръатларда ошган. Бу эса кейинги пайтларда ETFсларнинг роли ортаётганидан далолат. Зеро, 2010 йилга келиб мазкур инвестиация фондлари активлари 1995 йилга нисбатан 992 мартаға кўпайган.

Сўнгги пайтларда молиявий воситачилик ролига бўлган рақобат янада кескин тус оляяпти, бунда тижорат банклари салмоғи пасайиш, инвестицион фондлар салмоғи, аксинча, ўсиш тенденциясига эга. Бу эса инвестиация фондларининг молия бозори барқарорлигини ошириш, хусусий инвесторлар учун рискни камайти-

2.14-жадвал

**АҚШ инвестиция фондларининг умумий соғ активлари
(йил охирига, млрд АҚШ доллари)¹⁰¹**

	Очиқ турдаги фондлар (mutual funds)	Ёпкік турдаты фондлар (closed-end funds)	Биржада акциялары котировка күлиниңдеги фондлар (exchange-traded funds, ETFs)	Бирлашган инвестиция трастлари (unit investment trusts)	Жами инвестиция фондлари
1995	2811	143	1	73	3028
1996	3526	147	2	72	3747
1997	4468	152	7	85	4712
1998	5525	156	16	94	5791
1999	6846	147	34	92	7119
2000	6965	143	66	74	7248
2001	6975	141	83	49	7248
2002	6390	159	102	36	6687
2003	7414	214	151	36	7815
2004	8107	254	228	37	8626
2005	8905	277	301	41	9524
2006	10 397	298	423	50	11 167
2007	12 002	313	608	53	12 977
2008	9601	188	531	29	10 349
2009	11 121	225	777	38	12 161
2010	11 821	241	992	51	13 104

¹⁰¹ Манба: 2010 Investment Company Fact Book, www.ici.org

риш, инвестицион маблағлар ўсишини таъминлаш, қўйилма қилувчилар даромадларини кўпайтириш, инвестицион қўйилмаларнинг янги шаклларига нисбатан талабни юксалтиришга хизмат қилиши билан белгиланади.

Глобал молиявий инқирознинг молия бозори барқарорлигига салбий таъсирини юмшатиш, айниқса, уй хўжаликларининг фонд бозоридаги фаоллигини оширишда инвестиция фондларининг ривожланиши муҳим аҳамият касб этади.

АҚШда очиқ турдаги инвестиция фондлари активларининг қарийб ярми (48%) акция фондлари ҳиссасига тўғри келади. Очиқ турдаги инвестиция фондлари таркибида пул бозори фондлари 24%, облигация фондлари 22% ва бошқа гибрид (*hybrid*) фондлар 6% салмоққа эга бўлган.

АҚШнинг очиқ турдаги инвестиция фондлари 2010 йили ўзининг 11,8 трлн АҚШ доллари миқдоридаги активлари билан умумжаҳон очиқ турдаги инвестиция фондлари таркибида етакчиликни (48%) сақлаб қолди. Дунёдаги барча очиқ турдаги инвестиция фондлари активлари 2010 йили 24,7 трлн АҚШ долларини ташкил этган. Шундан 32 фоизи Европа давлатлари, 13 фоизи Осиё ва Африка давлатлари, қолган 7 фоизи эса Америка қитъасининг қолган давлатлари ҳиссасига тўғри келган.¹⁰²

Таҳлилларимизнинг кўрсатишича, АҚШ очиқ турдаги инвестиция фондларининг умумий активлари таркибида энг йирик 5, 10 ва 25 та фондлар улуши 2000 – 2010 йилларда ўсиш тенденциясига эга бўлган (2.15-жадвалга қаранг). Хусусан, энг йирик 5 та инвестиция фондининг жами очиқ турдаги инвестиция фондлари активларидағи

¹⁰² Investment Company Institute, European Fund and Asset Management Association and other national mutual fund associations.

салмоғи 2010 йилга келиб 40 фоизни ташкил этган ва 2000 йилга нисбатан 8 ф.п.га ошган.

2.15-жадвал

АҚШда йирик очиқ турдаги инвестиция фонdlари активлари салмоғи¹⁰³

	1985	1990	1995	2000	2005	2009	2010
Эң йирик 5 та фонд	37	34	34	32	37	39	40
Эң йирик 10 та фонд	54	53	48	44	48	53	53
Эң йирик 25 та фонд	78	75	71	68	70	74	74

Очиқ турдаги инвестиция фонди турларидан бири – фондларнинг фондлари (Funds of funds) бошқа инвестиция фондлари акцияларига инвестиция қилиш билан шуғулланади. Айни пайтда, фондларнинг фонди таркибида гибрид фондлар активлари салмоғи 80 фоиздан ортиқ. *Гибрид фондларнинг пул маблаглари асосан базис активи акция, облигация бүлгандықтан кимматли қофозларга ва бошқа гибрид фондларга инвестиция қилинади.*

2010 йил охирига келиб фондларнинг фондлари активлари 928 млрд АҚШ долларини, сони 964 тани ташкил этган (2.16-жадвалга қаранг). Активлари 2010 йили 2000 йилга нисбатан 16,3 мартаға ортган. Мөсравишида сони ҳам 749 тага күпайған.

Очиқ турдаги инвестиция фондлари орасида индекс фондлари ҳам кенг оммалашған. 2010 йил охирида 365 та индекс фондлари 1 трлн АҚШ доллары мікдоридаги соғ активларни башкаришған. Ҳисобот йилида индекс фондлари активларининг 37 фоизи S&P 500 индекси кимматли қофозларини ташкил этган.

¹⁰³ Investment Company Fact book 2011. – Р.23.

2.16-жадвал

Фондларнинг фондлари (funds of funds) соф активлари¹⁰⁴

Йиллар	Сони	Активлари, млрд АҚШ доллари
2000	215	57
2001	213	63
2002	268	69
2003	301	123
2004	375	200
2005	475	306
2006	603	470
2007	720	637
2008	862	487
2009	932	673
2010	964	928

2010 йил мобайнида пул бозори фондлари фаолиятида молиявий маблағларнинг сезиларли даражада чиқиб кетиши кузатилган. Бу ҳолат фоиз ставкаларининг пасайиши шароитида юқори даромадни излаш натижасида муқобил инструментларга инвестицияларнинг ортиши билан изоҳланади.

2010 йили чакана пул фондларининг соф чиқими 125 млрд АҚШ долларини ташкил қилган. Ваҳоланки, ушбу кўрсаткич 2009 йили 309 млрд АҚШ доллари эди. 2010 йили пул фондлари даромадлилиги ҳам кескин пасайди. Бу эса банклараро фоиз ставкаларининг 0 ва 25 фоизли пункт доирасида бўлиши билан боғлиқ.

2010 йили АҚШда 177 ETF янгидан ташкил этилиб, 51 таси тутатилган. Ҳисобот йилида ETF акциялари соф эмиссияси 118 млрд АҚШ долларини ташкил этган. 2009 йили уларнинг акциялари соф эмиссияси 116 млрд АҚШ доллари микдорида бўлган. Шунга қарамай, юқори

¹⁰⁴ Investment Company Fact book 2011. – Р.31.

күрсаткич 2008 йилга тааллуқли, соф эмиссия 177 млрд АҚШ доллариға тенг бўлган.

АҚШда ёпиқ турдаги инвестиция фондлари активларининг сезиларли даражада юқори қисми облигацияларга жойлаштирилган, унинг улуши 2010 йили 58 фоизни ташкил этган. Шундан 32 фоизи маҳаллий муниципал облигацияларга тўғри келади.

Тарихга назар ташласак, ёпиқ турдаги инвестиция фондлари активлари таркибида облигация фондлари салмоғи юқори бўлиб келган. Масалан, 2000 йили барча ёпиқ турдаги инвестиция фондлари активларининг 74 фоизи облигация фондларига тегишли эди.

Шунга қарамай, ёпиқ турдаги акция фондларининг улуши ўсиш тенденциясига эга бўлган. 2010 йили уларнинг жами ёпиқ турдаги инвестиция фондлари активларидаги салмоғи 42 фоизни ташкил этган.

Ёпиқ турдаги инвестиция фондлари оддий акциялар билан бир қаторда капиталлашувни ошириш мақсадида имтиёзли акцияларни ҳам муомалага чиқариши мумкин. 2010 йили ёпиқ турдаги инвестиция фондларининг оддий акциялари қиймати 209 млрд АҚШ долларини (86,7%), имтиёзли акциялар қиймати эса 32 млрд АҚШ долларини (13,3%) ташкил этган.

Европа давлатлари орасида Люксембург, Франция, Ирландия, Германияда инвестиция фондлари, айниқса, очиқ турдаги фонdlар кенг тараққий этган. Тўртала давлатнинг умумий очиқ турдаги инвестиция фондлари активларидаги улуши 2010 йили 69,3 фоизни ташкил этган (2.17-жадвалга қаранг).

Ирландияда сўнгги пайтларда инвестиция фондларининг фаол ривожланаётганини кўриш мумкин. 2.18-расм маълумотлари кўрсатишича, Ирландия очиқ турдаги инвестиция фондларининг соф активлари қиймати 2010 йилга келиб 1 трлн 13,5 млрд АҚШ долларини ташкил этди ва 2005 йилга нисбатан 1,9 бараварга ошди.

Ўзбекистонда инвестицион фондларни ривожлантириш бўйича ривожланаётган мамлакатларда йиғилган

2.17-жадвал

**Европа очиқ турдаги инвестиция фондлари
активларида давлатларнинг салмоги¹⁰⁵**


	2005	2006	2007	2008	2009	2010
Люксембург	27,3	28,0	30,1	29,9	30,4	31,8
Франция	22,7	22,7	22,3	25,5	23,9	20,5
Ирландия	9,1	11,0	10,6	11,6	11,4	12,8
Германия	4,9	4,4	4,2	3,8	4,2	4,2
Бошқа давлатлар	36,0	34,0	32,9	29,2	30,1	30,7
Жами Европа давлатлари	100,0	100,0	100,0	100,0	100,0	100,0

амалий тажрибанинг ўрганилиши ҳам муҳим аҳамият касб этади. Ривожланаётган молия бозорига эга барча мамлакатларда инвестицион фондлар катта ўрин тутади. Уларнинг пайдо бўлиши ва ривожланиб боришига кичик акциядорлар миқдорининг кўпайиши ҳамда ушбу акциядорларга маҳсус хизмат кўрсатилишининг зарурлиги билан боғлиқ объектив сабаблар таъсир ўтказади. Бугунги кунда инвестиция фондлари нисбатан тўлиқ шаклланган анъанавий истеъмол омонатларини жамловчи банк ҳисоб варақлари тизими, ўз капиталини сақлаб қолишга интилевчи пассив мулқдорлар манфаатларини таъминлашга йўналтирилган трастларга мантиқий қўшимча бўлишиди. Инвестиция фондлари мослашувчан бозор сиёсатини амалга ошириб, кичик инвесторлар манфаатларини мувофиқлаштириш имконини берувчи самарали бошқарув тизимига эга.

Россия Федерациясининг инвестицион хизматлар бозоридаги илк иштирокчилари банклар ва чек асосида фаолият юритувчи инвестиция фондлари (ЧИФ) бўлган.⁷

Россияда давлат қимматли қоғозлари бозорини шакл-

¹⁰⁵ Инвестиция компанияси институти маълумотлари асосида муаллифлар томонидан тузилган.



2.18-расм. Ирландияда очиқ турдаги инвестиция фонdlарининг соф активлари қийматининг ўзгариш динамикаси (млрд АҚШ доллары)¹⁰⁶

лантириш ишлари 1995 йилдан бошланган. Бундан күзланган асосий мақсад бюджет дефицитини қоплаш учун инвесторлардан пул маблағларини қарзга олиш эди. Кредиторларга маблағларнинг қайтарилиши бюджетнинг даромад қисмидан амалга оширилиши назарда тутилган. Давлат қимматли қофозларини сотиб олиш Россия Федерацияси ҳукумати ва Марказий банки томонидан ҳар тарафлама күллаб-кувватланды. Минимал ризк ва юқори ликвидлик даражасига әга ушбу инвестициялар катта даромад келтирған ва тегишли солиқлардан озод қилинган.

Тижорат банклари томонидан давлат қимматли қофозлар бозорида фаол хатти-харакатларнинг бошланиши 1995 йил охири – 1996 йил бошларига түғри келади. 1996

¹⁰⁶ Инвестиция компанияси институти маълумотлари асосида муаллифлар томонидан тузилган.

¹⁰⁷ Кильячков А.А., Чалдаева Л.А. Рынок ценных бумаг и биржевое дело. – М.: Юристъ, 2000; Миловидов В.Д. Паевые инвестиционные фонды. – М.: Анкил, ИНФРА-М, 1998; Миловидов В.Д. Управление инвестиционными фондами. – М.: Анкил, 1997.

йили барча тижорат банклари молиявий имкониятларига мос келувчи давлат қимматли қофозлари портфелига эга эди. Чунончи, пул маблағларини инвестициялашдаги бош индикатор сифатида давлат қисқа ва ўрта муддатли облигациялари ва федерал қарз облигациялари бўйича ўртача жорий даромадлилар даражаси ҳисобланарди.

Кредит ташкилотлари томонидан давлат қимматли қофозлари бўйича олинаётган даромад ҳажми аҳоли омонатларига ўрнатилган фоиз ставкаларига тўғридан-тўғри боғлиқ. Жалб қилинаётган маблағларнинг деярли барчаси ушбу бозорга қўйилмаларрга йўналтирилгани учун тижорат банкларида жамғармаларнинг сақланиши давлатнинг мажбуриятларни ўз вақтида бажара олишига боғлиқ эди. Аста-секинлик билан давлатнинг инвесторлар олдидаги мажбуриятлари шунчалик ошиб кетдики, уларга бюджетнинг даромад қисмидан хизмат кўрсатилиши мумкин бўлмай қолди. Бу пайтда «Молиявий пирамида»лар яратилди, яъни давлат ўз мажбуриятларини янги қимматли қофозлар эмиссияси ҳисобига жалб қилинган капитал ҳисобидан амалга ошира бошлади.

Юзага келган муаммони ечиш учун давлат ўз мажбуриятлари бўйича тўловларни амалга оширишдан воз кешиш ва давлат қимматли қофозлари бўйича барча операцияларни тўхтатишини эълон қилишга мажбур бўлди. Россия ҳукумати томонидан 1998 йил 17 августда эълон қилинган «дефолт» аксарият банкларни ликвид активларидан маҳрум этди, яъни мижозлари олдидаги мажбуриятларнинг бажарилишини таъминловчи реал пул маблағлари миқдорини камайтирди. Шунга қарамай, ўз инвестицион портфелида давлат қимматли қофозларига эга аксарият банклар молиявий қийинчиликларга бардош беролди. Аммо кейинчалик рублнинг девальвация қилиниши банк мижозлари ўртасида таҳлиkanинг кучайишига сабабчи бўлди. Негаки депозитлар бўйича даромадлил рублнинг АҚШ долларига нисбатан арzonлашишини қоплолмай қолди. Шунинг учун банк депозитларидаги маблағларнинг қайтариб олиниши оммавий характер касб

этди. Асосий қисм хусусий омонатларнинг қайтариб олинишига банклар тайёр эмасди. 1998 йил август ойидаги инқироз натижасида Россия банк тизимининг асосини ташкил этувчи барча йирик тижорат банклари катта қийинчиликларга дуч келишди.

Давлат қарзини реструктуризация ҳисобига олинган жами зарар 45 млрд АҚШ долларини ташкил қилган, унинг 75 фоизи Россия инвесторлари ҳисобига түғри келган.¹⁰⁸

Йўқотилган ва қадрсизланган омонатлар аҳолининг банкларга ишончига жиддий путур етказди. Россияда ўтиш иқтисодиётининг дастлабки босқичида тижорат банкларидан ташқари яна бир молиявий институт, яъни молиявий компаниялар ҳам мавжуд эди. Қимматли қофозлар бозорини шакллантиришга қўйилган ilk қадам акциядорлик жамиятлари ташкил этилиши эди. 1990 йил 25 декабрда қабул қилинган «Акциядорлик жамиятлари тўғрисида»ги, 1991 йил 28 декабря «Фонд биржасида қимматли қофозларни чиқариш ва муомаласи тўғрисида»ги низомларни келтиришимиз мумкин. Келгусида акцияларни чиқаришни назарда тутувчи акциядорлик жамиятларини ташкил этиш имкониятининг яратилиши бозор муносабатларига ўтишнинг янги истиқболларини очиб берди.

Янги ташкилий шаклнинг пайдо бўлиши пайтида корхоналар акциялари устидан назорат ўрнатишнинг зарурый инфраструктураси яратилмагани ҳамда аҳолининг аксарият қисмида бозор муносабатлари тўғрисидаги билимнинг мавжудмаслиги янгидан яратилаётган акциядорлик жамиятлари қимматли қофозлари савдосида тартиблизилкларга олиб келди. Баъзи компаниялар ўз акцияларини сотиш жараёнида келгуси даромадлилик даражасини эълон қилишмаган, зарурый пул маблағлари йиғиб олингач савдо операцияларини бошлаб юборишган ёки акциядорлар олдидаги мажбуриятларини бажармасдан

¹⁰⁸ Обухова Е. Фантазии о ПИФах // D'. 2007. №23. www.expert.ru да чоп қилинган.

маблағларни хусусий ҳисоб варактарга ўтказиб юборишган.¹⁰⁹

Маълум бир компаниялар эса ўз акциядорларига банклар томонидан таклиф этилаётган фоизларга нисбатан юқори фоиз кўринишидаги даромадларни ваъда қилишган. Бундай акциядорлик жамиятлари эгалари хусусий шахслар ҳисобланган.

Россия Федерациясида аҳолининг пул маблағларини жалб қилиш билан шуғулланувчи молиявий компаниялар фаолияти 1992 йилдан бошланган. Инфляция шароитида ўз омонатларини сақлаб қолиш ва имкон қадар унинг истеъмол қийматини ошириш истагидаги аҳоли мазкур компанияларга катта микдордаги маблағларини қўйишган. Бу пайтда молия бозорида муомаладаги молиявий инструментлар ёки компаниялар имкониятидан ташқарида турган, ёинки даромадлилк бўйича талаб даражасида бўлмаган. Шунинг учун компаниялар «молиявий пирамида»лар яратишга ўтиб кетишди.

Молиявий компаниялар фаолиятининг келгуси босқичи 1993 йили хусусийлаштириш чекларини муомалага чиқариш билан боғлиқ давлат дастурининг амалга оширилиши даврига тўғри келади.

Давлат мулки хусусийлаштирилишининг биринчи босқичи доирасида Россия Федерациясининг ҳар бир фуқаросига хусусийлаштириш чеки, яъни ваучер берилган. Маблағларни жамғариш билан шуғулланувчи компаниялар бу жараёнга дарҳол қизиқиш билдириб, фуқароларга ўз ваучерларини компания акцияларига алиштиришни таклиф қила бошлишди. Компанияларда хусусийлаштириш чекларининг жуда йирик портфелини шакллантириш имкони юзага келди. Чунки, биринчидан, аҳолининг катта қисми молиявий компанияларнинг акциядорлари эди

¹⁰⁹ Солабуто Н.В. Секреты инвестирования в ПИФ. – СПб.: Питер, 2007. www.fcsrn.ru ва <http://www.investfunds.ru/> материаллари.

ва хусусийлаштириш чекларни ушбу компаниялар акцияларига йўналтириш жуда жозибали ҳисобланарди, иккинчидан, даромадлилик даражаси олдиндан маълум компаниялар (давлат тасарруфидан чиқарилган ёки чекли инвестиция фондлар акцияларидан фарқли ҳолда) акцияларига ваучерларни жойлаштириш ҳам мақсадга мувофиқ ҳисобланган.

Хусусийлаштириш чекларининг пайдо бўлиши қимматли қоғозлар бозорида операциялар ҳажмига ижобий таъсир ўтказди. Бу пайти аҳоли маблағлари билан ишловчи компанияларда ваучерларнинг асосий қисмини ўзига жалб қилиш, улар билан амалга ошириладиган операциялардан жуда катта даромад олиш имкони туғилди. Бунда икки самарали йўл мавжуд эди. Биринчиси, ваучерларнинг йирик пакетига эга бўлган ҳолда ваучерларнинг ўзга йирик эгалари билан келишиб хусусийлаштириш чекларига зарурый курсни ўрнатиш орқали биржада спекулятив операцияларни амалга ошириш. Ваучерлар савдосини назорат остига олиш компанияларга катта фойда келтирган. Иккинчи усул, молиявий компаниялар энг самарали давлат корхоналари, хусусан, Россия учун стратегик аҳамиятга эга ташкилотларни (масалан, ёқилғи-энергетика комплекси корхоналари, газ саноати, алоқа, экспорт маҳсулотлари ишлаб чиқарувчи корхоналар) хусусийлаштириш жараёнида иштирок этиш. Мазкур корхоналар қимматли қоғозларига инвестицияларнинг амалга оширилиши молиявий компанияларга акциялар пакетини йирик инвесторларга бозор нархларида сотиш имконини берган. Бунда сотиш нархи номиналга нисбатан бир неча бор юқори бўлган.

Қўйилмаларнинг тегишли даромад даражасини таъминлолмайдиган нархларда пул маблағлари ва хусусийлаштириш чеклари жалб қилиниши тўхтовсиз давом этиши мумкин эмасди. 1994 йил ўрталаридан молиявий компаниялар томонидан пул тўловларини амалга оширишдан бўйин товлаш оммавий тус олди. Уларнинг энг машҳурлари «МММ», «Тибет», «Русский дом Селенга» ва

бошқалар. Молиявий компаниялар ўз мажбуриятларини бажармасликлари билан кичик инвесторларга жиддий зарар етказишиди. Фақат «МММ» томонидан етказилган зарар 1994 йили 10 млрд деноминацияланмаган рублга тенг бўлган. Энг яхши ҳолатда омонатчилар ўз маблағларининг 5 – 7 фоизини олишган, холос. Етказилган зарарнинг умумий суммаси 50 млрд деноминацияланмаган рублни ташкил қилиб, деярли 30 – 40 млн россиялик фуқароларнинг молиявий талаблари қаноатлантирилмай қолган.¹¹⁰

Россия Федерацияси Президентининг «Давлат ва муниципал корхоналарни хусусийлаштириш жараёнида қимматли қофозлар бозорини ташкил қилиш чора-тадбирлари тўғрисида»ги Фармонига биноан чек асосида фаолият юритувчи инвестиция фондлари (ЧИФ) тузилди. Давлат мулкини хусусийлаштиришнинг биринчи босқичи доирасида Россия Федерациисининг ҳар бир фуқаросига хусусийлаштириш чеки, яъни ваучер берилган. ЧИФлар фаол тарзда ўз акцияларини ваучерларга айирбошлиди. ЧИФлар йигилган ваучерлар ҳисобига хусусийлаштириш аукционларида корхоналар акцияларини сотиб олишга киришди. ЧИФлар ташкилий жиҳатдан акциядорлик жамияти тарзида шакллантирилган, бу мазкур институтнинг келгуси ривожланишига бош тўсиқ бўлиб қолган, негаки акциядорлик жамиятларига қилинган қўйилмалардан олинган даромадлар ҳамда акциядорларга тўланадиган дивидендлар солиқка тортилган. Иккиласми чекларни активларни бошқариш юзасидан харажатлар фондларга қўйилмалардан олинадиган даромад даражасини пасайтирган. 1993 йили тижорат банкларида депозитлар омонатчиларга 300 – 400 фоиз даромад келтирган, ЧИФлар томонидан тўланадиган дивидендлар миқдори 30 – 100

¹¹⁰«РосБизнесКонсалтинг информацион агентлиги» материаллари (www.rbc.ru) асосида тайёрланди.

фоиз оралиғида бўлган. Шунга қарамай, ЧИФлар аҳамиятли миқдорда хусусийлаштириш чекларини йиғиш ва инвестицион портфелни шакллантира олишган.

Давлат дастурларига кўра, ЧИФлар 1993 – 1994 йиллар давомида фаолият олиб бориши режалаштирилганди (норматив ҳужжатлар бўйича, ЧИФлар уч йилдан сўнг ўзга молиявий тизимга айлантирилиши лозим эди). Бу давр давомида ЧИФлар машҳурлик жиҳатидан (жалб қилинган капиталнинг ўсиш суръатлари бўйича) тижорат банклари, инвестицион ва суғурта компаниялари, нодавлат пенсия фондларидан анча илгарилаб кетди. 1994 йили ЧИФлар деярли 40 млн фуқарони жалб этишган. Ваучер фаолияти давомида 690 та ЧИФ ташкил қилинган, кейинчалик эса уларнинг сони қисқариб борган.¹¹¹ ЧИФларни ташкил қилишнинг даслабки босқичиданоқ улар аҳолининг хусусийлаштириш чекларини жамғариш ва уларни давлат тасарруфидан чиқарилган корхоналар акцияларига узок муддатли истиқболга жойлаштиришни амалга оширувчи молиявий институт бўлиши назарда тутилган. Фонdlар меъёрий ҳужжатларга кўра очиқ акциядорлик жамиятлари тариқасида тузилган. Аммо улар чекланган миқдорда оддий акциялар эмиссиясини амалга оширган ҳолда акциядорлардан қайта сотиб олиш ҳуқуқига эга бўлишмаган ва кафолатланган дивидендерни тўлаш билан боғлиқ мажбуриятларни зиммасига олишмаган, яъни моҳиятан ёпиқ турдаги фонdlар бўлишган. Белгиланган вазифа амалга оширилгач давлат органларининг ЧИФларга қизиқиши пасайди ва бу Россияда жамоавий инвестициялаш шаклларидан бири – ЧИФларнинг тугатилишига олиб келди.

Жамоавий инвестициялаш шаклларидан фарқли тарзда (уларни ташкил қилиш юзасидан қонунчилик ҳужжат-

¹¹¹ Коллективные инвесторы в современной России / Под ред. С.А.Михайлова. – М.: Центр коллективных инвестиций, 1999. – 96 с.

лари йўқ эди), пай инвестиция фондлари (ПИФ) фақат Россия қимматли қоғозлари бўйича комиссияси (ФКЦБ) томонидан 30 дан ошиқ меъерий ҳужжатлар ишлаб чиқилиб қабул қилингандан сўнггина ташкил этила бошланди. Ушбу ҳужжатларни 1995 йил август ойидан яратишга киришилган, биринчи ПИФлар фақатгина 1996 йилнинг ноябрь ойида рўйхатга олингган.¹² Россия қимматли қоғозлар бўйича комиссияси инвестиция фондларини тартибга солиш юзасидан қўйидагиларни белгилаб берган:

- ПИФлар фаолияти устидан давлат назоратини ўрнатиш тартибини белгилаган;
- фондлар активларини бошқариш ва уларни сақлаш юзасидан фаолиятни ажратган;
- ПИФ фаолияти бўйича масъул ташкилотлар устидан кенг қамровли назоратни ўрнатган;
- инвесторлар томонидан қарорларни қабул қилишга ёрдам берувчи маълумотларни очиш бўйича қатъий талабларни қўйган;
- ҳисоботлар тизими такомиллаштирилган;
- икки томонлама солиққа тортиш амалиётига барҳам берилган.

Амалга оширилган тадбирлар инвесторларнинг ушбу янги ва аксарият россияликлар учун ноанъанавий бўлган молиявий институтларга ишончини оширишга хизмат қилган (2.18-жадвалга қаранг).

Юқорида таъкидлаганимиздек, биринчи пай инвестицион фондлари Россия қимматли қоғозлари бозорида 1996 йил нояброда пайдо бўлган. ПИФлар фаолиятини тартибга солувчи биринчи ҳужжат Россия Федерацияси Президентининг 1995 йил 26-июлдаги 765-сонли «Россия Федерацияси инвестиция сиёсатининг самарадорлигини оширишнинг қўшимча чора-тадбирлари тўғрисида»ги Фармони ҳисобланади.

¹¹² Макаров А.В. Инвестируем в паевые инвестиционные фонды – М.: Эксмо, 2005. – 94 с.

2.18-жадвал

**Россия Федерацияси жамоавий инвестиция
бозори хронологияси¹¹³**

Ташкил топган йиллари	Пай инвестиция фондларининг шаклланиши тўғрисида маълумотлар
1990	Аввало, акциядорлик жамиятларининг пайдо бўлиши, 25.12.1990. «Акциядорлик жамиятлари тўғрисида»ги ва 28.12.1991. «Фонд биржасида қимматли қофозларни чиқариш ва муомаласи тўғрисида»ги низомларнинг қабул қилиниши
1992 – 1993	«Молиявий пирамида»ларнинг яратилиши, аҳоли пул ресурсларининг жамғарилиши, хусусийлаштириш дастурлари, хусусийлаштириш чекларининг муомалага чиқарилиши.
1993 – 1994	Аҳолининг хусусийлаштириш чекларини жамловчи ва уларни давлат тасарруфидан чиқарилган корхоналар акцияларига узоқ муддатли истиқболга мўлжаллаб жойлаштириш фаолияти билан шуғулланувчи чек асосида юритувчи инвестиция фондларининг (ЧИФларнинг) ташкил қилиниши ва функционал вазифаларнинг бажарилиши
Апрель, 1995	«Инвесторлар манфаатларини таъминлашнинг қўшимча чора-тадбирлари тўғрисида»ги РФ Президентининг 26.04.1995.даги 416-сонли Фармони қабул қилиниши
26.07.1995	«Россия Федерацияси инвестиция сиёсати самарадорлигини оширишнинг қўшимча чора-тадбирлари тўғрисида»ги РФ Президентининг 765-сонли Фармони қабул қилиниши
01.09.1995	«Пай инвестиция фондларини ривожлантириш дастурлари тўғрисида»ги Қимматли қофозлар бозори давлат комиссиясининг (КҚБДК) 9-сонли низоми
Ноябрь, 1996	РФ Президентининг Фармони асосида ОАЖ «АВО – Капитал» деб номланувчи биринчи бошқарувчи компаниянинг ташкил қилиниши
2001	№156-ФҚ «Инвестиция фондлари тўғрисида»ги РФ Қонуни
Июль, 2002	Қимматли қофозлар бозори давлат комиссияси томонидан ёпиқ турдаги фондлар активларининг тузилиши ва таркибига кўйилган талаблар

¹¹³ <http://www.nlu.ru> сайти маълумотлари асосида муаллифлар томонидан тузилган.


2001	№156-ФҚ «Инвестиция фондлари тұғрисида»ги РФ Қонуни
Июль, 2002	Қимматли қоғозлар бозори давлат комиссияси томонидан ёпік турдаги фондлар активларининг тузилиши ва таркибиға құйилған талаблар
2002	Биринчи ёпік турдаги фондларнинг пайдо бўлиши
22.01.2003	Индекс фондлари
19.02.2003	Күчмас мулк фондлари
26.03.2003	Пул бозори фондлари
14.05.2003	Аралаш инвестиция фондлари
19.12.2003	Венчур инвестиция фондлари
23.06.2004	Фондларнинг фонди
20.04.2005	Ипотека фондлари
02.06.2005	Тұгри (хусусий) инвестиция фондлари (Private invest founds)
Декабрь, 2007	«Инвестиция фондлари тұғрисида»ги РФ №156-ФҚ Қонунига үзгәртиришлар киритилиши
Май, 2008	«Акционерлик инвестиция фондлари активларининг тузилиши ва таркиби» тұғрисида ва «Актив пай инвестиция фондлари тұғрисида Низомларни тасдиқлаш» тұғрисидаги Молия бозорлари бўйича федерал хизматнинг N 08-19/пз-н тартибли бўйуриғи (ўзгартыриш ва құшимчалар билан), янги турдаги фондларнинг пайдо бўлиши: рент (самара) фондлари, товар бозорлари фондлари, кредит фондлари, хедж фондлари.

Пай инвестиция фондини бошқарувчи илк компания ОАЖ «АВО – Капитал»га молия бозорида фаолият юритиш учун лицензия 1996 йил 17 апрелда Қимматли қоғозлар бўйича федерал комиссия томонидан берилди.

Биринчи фондлар фақат давлат қимматли қоғозлари билан боғлиқ операцияларни амалга оширган. Кўп вақт ўтмай «Кредит Свисс», «Тройка Диалог», «Монтес Аури», «ОФГ-Инвест» компаниялари томонидан бошқариладиган фондлар тузилган ва улар нафақат давлат қимматли қоғозларига, давлат тасарруфидан чиқарилған Россия корхоналари акцияларига ҳам қўйилмаларни амалга ошира бошлашган.

1998 йили Россияда юз берган инқироз ПИФлар фаолиятига жиддий талафот етказмади: ўша даврда фаолият юритувчи бирорта ПИФ ёпилмади ва пайчилар манфаатига зарар етмади.

1997 – 2002 йиллар давомида ПИФлар миқдори анча суст даражада бўлган, аммо 2003 йилдан уларнинг кескин кўпайиши кузатилган.




2.19-расм. Россияда фаолият юритувчи ПИФлар сони динамикаси¹¹⁴

Россия Федерациясида пай инвестиция фондлари сони ўсиш тенденциясида сақланиб қолган. 1997 йили ПИФлар сони 3 тани ташкил этган, 2011 йил 1 январь ҳолатига 1251 тага етган (2.19-расмга қаранг). Ушбу таҳлиллардан кўринадики, мамлакатда пай инвестиция фондлари фаолияти ривожланмоқда.

¹¹⁴ <http://www.nlu.ru> сайти маълумотлари асосида муаллифлар ишланмаси.

Бошқарувчиларнинг миллий лигаси маълумотларига кўра¹¹⁵, ПИФларни бошқарувчи компаниялар сони 1997 йил 1 январь ҳолатига 3 тани ташкил этган, 2011 йил 1 январь ҳолатига 337 та ПИФларни бошқарувчи компаниялар фаолият юрита бошлаган ёки 112,3 бараварга кўпайган (2.20-расмга қаранг).



2.20-расм. Россияда ПИФларни бошқарувчи компаниялар сони динамикаси¹¹⁶


Пай инвестиция фондлари соф активлари қиймати 01.01.1997 ҳолатига 2,29 млн рублни ташкил қилган, 2008 йил 1 январь ҳолатига 765589,26 млрд рублгача ошган. Жаҳон молиявий-иқтисодий инқирози Россия инвестиция фондлари фаолиятига ҳам салбий таъсир этмай қолмади. Оқибатда 2009 – 2010 йиллар давомида ПИФларнинг соф активлари қийматида пасайиш тенденцияси кузатилди. «Стратегические активы», «Казанский земельный инвестиционный фонд», «АК Барс – Горизонт» инвестиция

¹¹⁵ <http://www.nlu.ru> сайти маълумотлари.

¹¹⁶ <http://www.nlu.ru> сайти маълумотлари асосида муаллифлар ишланмаси.

фондлари соф активлари бўйича энг йирик ўнталик инвестиция фондлари орасида етакчилик қиласди, уларнинг соф активлари миқдори 2011 йил 1 январь ҳолатига жами 71,91 млрд рублни ташкил этган (2.21-расм ва 2.19-жадвалга қаранг).

Россия пай инвестицион фондлари учун фонд бозорининг энг қулай даври 2005 йил ҳисобланади. Ушбу даврда фонд бозорига қўйилмаларнинг юқори даромадлилигини ҳисобга олган Россия аҳолисининг аксарият қисми ўз омонатларини фаол тарзда пай инвестицион фондларига жойлаштира бошлади. 2005 йил якунларига кўра, бошқарувчи компаниялар тасарруфидаги жами активлар икки баравардан кўпроқ ошиб, 232980,63 млн рублга етган.



2.21-расм. Россия ПИФлари соф активлари қийматининг ўзгариши (млн рублда)¹¹⁷

Россия аҳолисининг ПИФларга қизиқишининг жадал ошишига бир неча омиллар таъсир қилди.

¹¹⁷ <http://www.nlu.ru> сайти маълумотлари асосида муаллифлар ишланмаси.

Биринчи омил, 2005 йили қўйилмаларнинг даромадлилик даражасини тегишли баҳолаган фуқаролар келгуси йилларда ҳам худди шундай фойда олишга интилиб пайларни сотиб олишни бошлашди. Россиялик иқтисодчиликнинг¹¹⁸ қайд қилишича, фондлар акцияларининг ўртача даромадлилиги 2005 йили ўртача 56 фоизни ташкил этган. Баъзи ПИФлар ўз пайчиларига пайнинг 80 фоизга ўсишини таъминлаб беролган. Албатта, бу эътиборли маълумот.

Иккинчи омил Россия фуқароларининг реал даромадлари ошиб бориши ҳисобланади. Аҳоли ихтиёрида вақтинчалик бўш маблағлар пай инвестицион фандларида пайларни сотиб олиш учун аҳамиятли манбадир.

2006 йил ва ундан кейинги йилларда 2005 йили бошланган ижобий тенденция давом этди. Пайчилар сони бир неча бор ошди, аксарият пай фондлар даромадлилик даражаси 40 фоиздан ортган.

ПИФларнинг машҳурлигига сабабчи омиллардан яна бири банк депозитлари бўйича йирик миқдорда даромад олиш имкониятининг йўқлигидир. Шу нуқтаи назардан ПИФлар исталган инвестор учун тегишли шароит яратиб берувчи ягона институт деб ҳисоблашимиз мумкин.

Қолаверса, Россияда кўплаб бошқарувчи компанияларнинг кенг филиал тармоғига эга йирик чакана банклар билан агентлик муносабатларини ўрнатишлари аҳоли учун қўшимча афзалликлар яратди.

Таъкидлаш лозимки, нисбий кўрсаткичлар бўйича Россиядаги инвестицион фондларнинг ривожланиш даражаси анча паст. Масалан, 2005 йил якунига кўра, Мексика, Чили ва Польшада аҳоли жон бошига нисбатан ҳисобланганда инвестиция фондлари активлари миқдори Россияга нисбатан 35 маротаба кўп бўлган.¹²⁰ Шу пайтда аҳоли жон бошига тўғри келадиган ЯИМ миқдори мазкур

¹¹⁸ Масалан, Илющенко К. Путаница этого // D'. 2007. №10. www.expert.ru да чоп қилинган.

2.19-жадвал

**Россия Федерациясидаги йирик ўнта
ПИФларнинг соф активлари қиймати (01.01.2011.
ҳолатига, млрд рубль)¹¹⁹**

Фондларнинг номланиши	Бошқарувчи компанияларнинг номланиши	Фонд тури	Соф активлар қиймати
«Стратегические активы»	«Агана»	ёпиқ	41,01
«Казанский земельный инвестиционный фонд»	«АС Менеджмент»	ёпиқ	16,3
«АК Барс – Горизонт»	«Ак Барс Капитал»	ёпиқ	14,6
«ТФБ – Рентный инвестиционный фонд»	«ТФБ Капитал»	ёпиқ	12,5
«Спортинвест»	«Менеджмент-консалтинг»	ёпиқ	10,5
«ЛУКОЙЛ Фонд первый»	«Уралсиб»	очиқ	9,8
«РВМ Русский транзит»	«РВМ Капитал»	ёпиқ	8,8
«АГ Капитал Интерра»	«АГ Капитал»	ёпиқ	6,2
«Ренессанс земельный»	«Ренессанс Капитал»	ёпиқ	6,18
«Магистраль»	«КИТ Фортис Инвестмент»	ёпиқ	6,1
«Траст Юнион-земельный»	«Траст Юнион Эссет Менеджмент»	ёпиқ	5,5

мамлакатларда Россияга нисбатан 1,06 марта кўп, холос. Ушбу фарқ ҳозиргача бартараф қилинмаган.¹²¹

2.20-жадвал

¹¹⁹ <http://www.nlu.ru> сайти маълумотлари асосида муаллифлар томонидан тузилган.

¹²⁰ Киселев Е., Обухова Е. Мечты сбылись «D'». 2007. №1 www.expert.ru да чоп қилинган.

¹²¹ Ўша ерда.

Қозоғистонда фаолият олб боруочи инвестиция фондлари сони¹²²

Күрсаткичлар	01.01.2010	01.04.2010	01.07.2010	01.10.2010	01.01.2011
Пай инвестицион фондлар миңдори	182	181	171	168	162
Жуммадан:					
очиқ	16	16	15	15	13
билик	143	140	131	129	123
интервал	23	25	25	24	26
Акциядорлик инвестиция фондлари миңдори	41	39	35	24	26

¹²² Қозоғистон Миллий банки маълумотлари асосида тайёрланди.

Энди эътиборимизни қўшнимиз – ривожланаётган мамлакат Қозоғистон Республикаси инвестицион фондлари фаолиятини ўрганишга қаратамиз. Маълумотлар кўрсатадики, Қозоғистонда инвестиция фондлари сони камайиб бориш тенденциясига эга. Чунончи, статистик маълумотларда 2008 йил давомида пай инвестиция фондлари миқдори 183 тадан 205 тагача кўпайган, 2009 йили 205 тадан 182 тагача, 2010 йили 162 тагача камайган. Ушбу тенденция инвестиция фондларининг барча турларига тегишли. Мазкур ҳолат инвестиция фондлари пайчилари сонида ҳам ўз аксини топган (2.20- ва 2.21-жадвалларга қаранг).

2.21-жадвал

Қозоғистонда инвестиция фондлари пайчилари миқдори (дона)¹²³

Кўрсаткичлар	01.01.2010	01.04.2010	01.07.2010	01.10.2010	01.01.2011
Инвестиция фондлари пайчилари сони	1926	2167	2406	1960	1984
Жумладан					
Жисмоний шахслар	1827	2069	2320	1878	1910
Юридик шахслар	99	98	86	82	74

Пай инвестицион фондларнинг жами активлари 2011 йил 1 январь ҳолатига 264556 млн тангани ташкил қилган. Ушбу кўрсаткич акциядорлик инвестиция фондларида 27990 млн танга. 2010 йил давомида уларнинг актив-

¹²³ Қозоғистон Миллий банки маълумотлари асосида тайёрланди.

лари мос равишда 11,4 ва 55,1 фоизга камайган (2.22-жадвалга қаранг).

2.22-жадвал

**Қозоғистонда 2011 йил 1 январь ҳолатига
инвестиция фондлари активлари миқдори
үзгариши (млн танга)¹²⁴**

Күрсаткичлар				01.01.2010	01.04.2010	01.07.2010	01.10.2010	01.01.2011
Пай инвестицион фондлар			298 488	266 229	254 920	231 562	264 571	
Жумладан								
очиқ			295 616	263 201	252 316	228 934	261 980	
ёпиқ			832	865	816	823	806	
интервал			2040	2163	1788	1805	1785	
Акциядорлик инвестиция фондлари			62 387	36 214	27 896	28 543	27 990	

Пай ва акциядорлик инвестиция фондларининг жами инвестицион портфелида асосий салмоқни кўчмас мулклар (акциядорлик жамияти бўлмаган юридик шахслар

¹²⁴ <http://www.nationalbank.kz> маълумотлари асосида тайёрланди.

капиталига инвестициялар, ер участкалари, бино ва иншоотлар, қурилаётган ва реконструкция қилинаётган кўчмас мулк обьектлари ва ҳ.к.) эгаллайди, уларнинг салмоғи мос тарзда 64,8 (170,8 млрд танга) ва 69,7 фоиз (19,5 млрд танга)ни ташкил қиласиди (2.23-жадвалга қаранг).

2.23-жадвал

Қозогистон Республикасида фаолият олиб борувчи инвестиция фондларининг ялпи инвестиция портфели таркиби¹²⁵

Молиявий инструментлар	Пай инвестиция фондлари		Акциядорлик инвестиция фондлари	
	млн танга	салмоғи, %	млн танга	салмоғи, %
Қозогистон Республикасининг давлат қимматли қоғозлари	596	0,22	28	0,10
Жумладан				
Қозогистон Республикасининг еврооблигациялари	0	0	0	0
Молия вазирлигининг қимматли қоғозлари	85	0,03	28	0,10
Миллпий банкнотлари	511	0,19	0	0
Маҳаллпий органларнинг қимматли қоғозлари	0	0	0	0
Иккинчи даражали банклардаги омонатлар	23670	8,95	300	1,07
Халқаро молия ташкилотларининг қимматли қоғозлари	0	0	0	0
Хорижий эмитентларнинг давлат қимматли қоғозлари	0	0	0	0

¹²⁵ <http://www.nationalbank.kz> маълумотлари асосида тайёрланди.

Аффиниацияланган олтин	0	0	0	0
Қозғистон Республикаси эмитентларининг нодавлат қимматли қоғозлари	12023	4,54	3481	12,44
Жумладан				
акциялар	7295	2,76	363	1,30
облигациялар	4728	1,79	3118	11,14
Хорижий эмитентларнинг нодавлат қимматли қоғозлари	2213	0,84	343	1,22
Жумладан				
акциялар	1898	0,72	23	0,08
облигациялар	315	0,12	320	1,14
Инвестиция фондлари пайлари	19	0,01	154	0,55
Депозитар ёзувлар	472	0,18	386	1,38
Тескари РЕПО операциялари	264	0,10	117	0,42
Ер участкалари	5464	2,04	1601	5,72
Бино ва иншоотлар	262	0,10	10904	38,96
Акциядорлик жамияти бўлмаган юридик шахслар капиталига кўйилмалар	151699	57,34	901	3,22
Курилаёттан ва реконструкцияланәётган кўчмас мулк	13424	5,07	6111	21,83
Бошқа активлар / дебиторлик қарзлари	54525	20,61	3660	13,08
Жами	264571	100	27990	100

Қозғистон Республикаси эмитентларининг нодавлат қимматли қоғозлари инвестиция фондларининг инвестиция портфелидаги улуши мос тарзда 4,5 ва 12,4 фоиз. Хорижий эмитентларнинг нодавлат қимматли қоғозлари салмоғи ПИФларнинг инвестицион портфелида 0,8 фоиз, акциядорлик инвестиция фондлари портфелида 1,2 фоизга тенг.

Умуман, таҳлил қилинган ривожланәётган мамлакатларда инвестиция фондлари яхши ривожланган, уларга жаҳон молиявий инқирози ўз салбий таъсирини ўтказган.

Россия ва Қозоғистонда инвестиция фондларининг турли шакллари бозор иқтисодиётига ўтиш йўлидаги испоҳотлар билан мос равиша юзага келган.

Иккинчи бобда амалга оширилган тадқиқотларга таяниб қўйидаги хуносаларга келиш мумкин:

– иқтисодий глобаллашув ҳалқаро капитал ҳаракатининг активлар ҳажми ортиши билан бирга ривожланиб борган, бунда бошқа инвестициялар ҳажми тўғридан-тўғри ва портфель инвестициялар миқдоридан 2007 йилга келиб 2 марта га кўпайган, глобал молиявий инқироз ҳалқаро капиталнинг ушбу шаклига катта салбий таъсир кўрсатган;

– ҳалқаро қарз қимматли қофозлар ҳалқаро фонд бозорида капитални жалб этишнинг ва операцияларнинг асосини (яъни 99 фоиз ҳалқаро эмиссия қарз қимматли қофозларига тўғри келади) ташкил этган, охирги ўн йилликда уларнинг ҳажми ҳалқаро акциялар бозори каби олти барабардан кўпроқа ошган, қарз қимматли қофозлар бозорига инқирознинг таъсири катта эмас, акциялар бозоридаги пасайиш асосан ривожлананаётган мамлакатлар ҳисобига бўлган, 2009 йилдан мазкур бозорларда ўсиш кузатилган. Ҳар иккала бозорда ҳам ривожланган мамлакатлар, жумладан, Европа мамлакатлари етакчилик қилади, ҳалқаро қарз қимматли қофозлар бозори сегментида эса молиявий институтлар эмиссияси (1998 – 2009 йиллар оралиғида 61 фоиздан 77 фоизга етган), эмиссия ҳажмининг валюталар бўйича кесимида асосий ўринни евро, кейинги ўринни АҚШ доллари эгаллайди;

– ривожлананаётган мамлакатлар фонд бозорининг иқтисодиёт тармоқлари бўйича диверсификациялашув дарајасининг кичиклиги инқироз даврида унинг барқарорлигига салбий таъсир кўрсатган ва савдолар ҳажми пасайган;

– молиявий инқироз шароитида жаҳоннинг ривожланган мамлакатлари фонд биржаларида акциялар бозори капиталлашувининг ЯИМга нисбатан салмоғи кескин пасайган эса-да, бу кўрсаткич Италияда энг кичик – 23 фо-

изни, АҚШда энг катта – 81 фоиз, ривожланган мамлакатлар бүйича қарз муносабатини ифодаловчи қимматли қофозлар эса охирги беш йилда камида 100 фоизни ташкил этади;

– инновацион молиявий маҳсулотлар, айниқса, ҳосила молиявий воситалар ва уни тартибга солишнинг самарали тизими шакллантирилмагани молия ҳамда реал сектор ўртасида кескин номутаносиблик юзага келишига, инқироз даврида молия бозорида беқарорликнинг ортишига сабаб бўлди;

– жаҳон молия бозоридаги инвестиция фондларининг асосий қисми АҚШ ва Европа мамлакатларида жойлашган, очиқ инвестиция фондлари жаҳонда етакчилик қилмоқда. Глобал молиявий инқироз инвестиция фондларининг ривожланиш тенденциясини ўзgartирган, яъни сезиларли пасайиш юз берган.

III БОБ.

ИНҚИРОЗ ШАРОИТИДА ЎЗБЕКИСТОН МОЛИЯ БОЗОРИННИГ БАРҚАРОР РИВОЖЛАНИШИНИ ТАЪМИНЛАШ МАСАЛАРАРИ

3.1. Жаҳон молиявий инқирозининг Ўзбекистон молия бозори ривожланишига таъсири ва уни юмшатиш омиллари

Жаҳон молиявий-иқтисодий инқирози шароитида мамлакатимиз молия бозори барқарорлигини таъминлашнинг концептуал асосларини такомиллаштириш унинг тараққиёт босқичларини илмий жиҳатдан тадқиқ этиш заруратини кун тартибига қўяди. Республикаиз молия бозоридаги илмий тадқиқот натижалари кўрсатдики, унинг шаклланиши ва ривожланиши мамлакатда олиб борилган иқтисодий исплоҳотлар асосида беш босқични босиб ўтган (3.1-жадвалга қаранг).

Биринчи босқичда молия бозорининг институционал таркибида икки поғонали банк тизими юзага келди, миллий валюта – сўмни муомалага чиқариш ишлари бошланди, Ўзбекистонда фонд ва қимматли қофозлар бозори ташкилотчисининг расмий биринчи институти сифатида «Тошкент» биржасида фонд бўлими фаолият юрита бошлади, «Қимматли қофозлар ва фонд биржаси тўғрисида»ги Қонун қабул қилинди. Ушбу босқич ўзида хусусийлаштириш биринчи босқичининг амалга оширилиши, суурита хизматларига талабнинг кўпайиши, натижада «Суурита тўғрисида»ги Қонуннинг қабул қилиниши, давлат суурита монополиясига барҳам берилиб, давлат ва нодавлат суурита ташкилотлари учун тенг шароитлар яратилиши каби иқтисодий исплоҳотларни мужассам этади.

3. 1-жадвал

Ўзбекистон молия бозорининг шаклланиши ва ривожланиши босқичлари¹²⁶

Босқичлар	Йиллар	Ўзбекистон молия бозорининг таркибий тузилишидаги ўзгаришлар
Биринчи босқич	1991 – 1993	Миллий молия бозори пойдеворининг яратилиши ва бозор иқтисодиётига хос институционал таркибининг шаклланиши
Иккинчи босқич	1994 – 2000	Миллий молия бозорида бозор иқтисодиётига хос механизмларнинг ишлашига замин яратилиши ва молия бозоридаги дастлабки рақобат муҳитининг шаклланиши
Учинчи босқич	2001 – 2006	Молия бозорини эркинлаштириш ва янги молия бозори сегментларининг ривожланиши
Тўртинчи босқич	2007 – 2010	Молия бозори капиталлашув даражасининг оширилиши, тартибга солиш ва модернизациялаш жараёнлари жадаллашуви ҳамда унинг шаффоғлигини ошириш
Бешинчи босқич	2011 йилдан кейинги давр	Молия бозори барқарорлигини ошириш ҳамда унинг юқори ҳалқаро рейтинг кўрсаткичларига эришган ҳолда ривожланишини таъминлаш

Иккинчи босқичда тармоқ банклари, хусусий банклар тузилди ва корпоратив бошқарув механизми шакллантирилди, миллий валюта – сўм жорий этилди. Мамлакатимизда «Валютани тартибга солиш тўғрисида»ги, «Ўзбекистон Республикасининг Марказий банки тўғрисида»ги, «Банклар ва банк фаолияти тўғрисида»ги Қонунлар, Вазирлар Маҳкамасининг «Ўзбекистон Республикасида валюта бозорини ривожлантиришнинг қўшимча чора-тадбирлари тўғрисида»ги, «Биржадан ташқари валюта бозори-

¹²⁶ Ўзбекистон молия бозорини илмий тадқиқ қилиш асосида муаллифлар томонидан тузилган.

ни мустаҳкамлашга доир қўшимча чора-тадбирлар тўғрисида»ги қарорлари қабул қилинди. Кенг кўламли хусусийлаштириш жараёнларининг бошланиши натижасида акциялар ва векселлар бозори жадал ривожланди. Миллий фонд бозорини тартибга солувчи «Қимматли қоғозлар бозорининг фаолият кўрсатиш механизми тўғрисида»ги, «Қимматли қоғозлар бозорида депозитарийлар фаолияти тўғрисида»ги ва «Акциядорлик жамиятлари ва акциядорларнинг ҳукуқларини ҳимоя қилиш тўғрисида»ги Қонунлар қабул қилинди. Давлат қисқа муддатли қимматли қоғозлар бозори вужудга келди ва ривожланди, маҳсус бозор инфратузилмаси (инвестицион институтлар) ҳамда қимматли қоғозларнинг биржадан ташқари уюшган бозори шаклланди. Ҳаётни, болаларни суурталаш, никоҳ кунинга бериладиган узоқ муддатли суурта шартнома тўловлари босқисма-босқич индексацияланди, «Мадад» суурта агентлиги, «Ўзбекинвест» экспорт-импорт миллий суурта компанияси, «Ўзагросуурта» давлат акциядорлик суурта компаниялари тузилди.


Учинчи босқичда банк тизимидағи ислоҳотлар чуқурлаштирилди, пул ресурсларининг банклараро электрон бозори ташкил этилди, Ўзбекистон Республикаси Президентининг «Банк тизимини янада ислоҳ қилиш ва эркинлаштириш чора-тадбирлари тўғрисида»ги, Вазирлар Маҳкамасининг «Валюта бозорини янада эркинлаштириш ва алмаштириш курсларини бирхиллаштириш чора-тадбирлари тўғрисида»ги, «Биржадан ташқари валюта бозори фаолиятини ташкил этиш чора-тадбирлари тўғрисида»ги, «Биржадан ташқари валюта бозорини янада ривожлантириш чора-тадбирлари тўғрисида»ги қарорлари қабул қилинди. Мазкур босқичда депозит сертификатлар, корпоратив облигациялар, марказий банк облигациялари ва давлатнинг ўрта муддатли ғазна мжбуриятлари бозори каби қимматли қоғозлар бозорининг янги сегментлари ўзлаштирилди, «Қимматли қоғозлар бозорида инвесторларнинг ҳукуқларини ҳимоя қилиш тўғрисида»ги, «Суурта фаолияти тўғрисида»ги Қонунлар қабул қилин-

ди, суфурта хизматлари бозори ҳаётни суфурталаш билан боғлиқ хизматлар ва умумий суфурта хизматлари бозорларига ажратилди.

Тўртинчи босқичда иқтисодиётни модернизациялаш билан бир қаторда банклар мустаҳкамлиги ва капиталлашувини ошириш, банкларнинг жаҳон молиявий-иктисодий инқирозига қарши чора-тадбирлари ишлаб чиқилди. Миллий қимматли қоғозлар бозорида банкларнинг иштироки фаоллаштирилди, фонд бозорининг профессионал иштирокчилари фаолияти эркинлаштирилди, суфурта компанияларининг устав капиталлари оширилди, қайта суфурталаш бозори ва ҳаёт суфуртасини ривожлантириш чоралари кўрилди. Бозор иқтисодиётига ўтаётган мамлакатларда мажбурий суфуртани амалга оширишга бозор капиталлашувини тезлаштириш омили сифатида қаралди.

Бешинчи босқичда молия бозори барқарорлигини ошириш ҳамда унинг юқори халқаро рейтинг кўрсаткичларига эришган ҳолда ривожланишини таъминлаш чоралари ишлаб чиқилиб, амалиётга жорий этилмоқда. Республика молия-банк тизимини, микромолиялаш соҳасини, но-банк молия секторини янада ривожлантириш, ислоҳ қилиш, банк ва нобанк молия ташкилотлари, кредит уюшмалари, лизинг, суфурта ва аудиторлик компаниялари ролини янада ошириш ҳамда тармоғини ривожлантириш, халқаро нормалар ҳамда стандартларга мувофиқ уларнинг барқарорлиги ва самарадорлигини таъминлаш, улар томонидан кўрсатиладиган хизматлар тури ва кўламини кенгайтириш, молия бозори инфратузилмаси институтларини мустаҳкамлаш ишлари олиб борилмоқда. Тижорат банкларининг капитали етарлилигига нисбатан талаблар оширилмоқда, тижорат банклари капитали таркибида уларнинг инқироз ҳолатлари таъсирига барқарорлигини таъминлайдиган барқарорлаштириш захираларини яратиш, нобанк кредит ташкилотлари учун қўшимча мажбурий иқтисодий нормативларни киритиш чоралари кўрилди.

Мамлакатимиз молия бозори миллий иқтисодиётимизда олиб борилган ислоҳотлар билан боғлиқ ҳолда ривож-



3.1-расм. 2000 – 2010 йилларда ялпи ички маҳсулот (ЯИМ) ва молия бозори ўртасидаги корреляцион боғлиқлик (валюта бозори ҳисобга олинмаган) ¹²⁷

ланган (3.1-расмга қаранг). Мамлакат ЯИМ билан молия бозори ўртасидаги ўзаро корреляцион боғлиқлик Чеддок шкаласи бўйича юқори ($r=0,99$) экани тадқиқот асосида ойдинлашди. Бу эса ҳозирда мамлакатимиз молия бозорининг тараққиёти унинг иқтисодий ривожланишига таянишини кўрсатади.

Мамлакатимиз молия бозори унинг иқтисодий ривожланиши ва молиявий ресурсларини самарали қайта тақсимлашда муҳим роль ўйнайди. Бугунги кунга келиб юртимиизда яратилган ялпи ички маҳсулотга нисбатан миллий молия бозори кўлами 60 фойиздан кўпроқни ташкил этмоқда ва охирги уч йилда мазкур кўрсаткичнинг, валю-

¹²⁷ Ўзбекистон альманахи 2008, альманах Ўзбекистон 2010 ва Ўзбекистон Республикаси Молия вазирлиги Суғурта назорати бўйича давлат инспекциясининг 2009, 2010 йиллари Ўзбекистон Республикасида суғурта фаолиятини тартибида солиш ва назорат қилиш бўйича ҳисбот маълумотлари асосида муаллифлар томонидан тайёрланди.

та бозорини ҳисобга олмаганды, ўсиш тенденциясига эгалиги иқтисодиётимизни модернизациялаш, банк-молия тизимида олиб борилган чукур ислоҳотлар ва жаҳон молиявий-иқтисодий инқирозига қарши ишлаб чиқилган чоралар натижаси деб ҳисоблаш мумкин (3.2-жадвалга қаранг).

3.2-жадвал

Мамлакатимиз молия бозори таркибий тузилиши (жамига нисбатан фоизда) ва унинг ялпи ички маҳсулот (ЯИМ)га нисбатан салмоғи, (фоизда)¹²⁸

Йиллар	Кредит (ссуда капиталлар) бозори		Қимматли қоғозлар бозори (КҚБ)		Суурита бозори		Жами	ЯИМда молия бозорининг салмоғи (валюта бозори ҳисобга олинмаган)
	Тикорат банклари кредитлари	Тикорат банкларида аҳоли омоналларни қолдану	Корпоратив КҚБ жами	Муомаладаи давлат қимматли қоғозлари	Суурита мукофотлари	Суурита қопламалари		
2000	85,85	7,95	1,49	3,76	0,73	0,21	100	35,17
2001	88,63	7,68	1,18	1,62	0,73	0,15	100	44,91
2002	88,86	7,77	1,33	1,28	0,69	0,08	100	42,27
2003	86,88	8,96	2,08	1,26	0,75	0,08	100	37,24
2004	84,04	11,09	2,84	1,12	0,81	0,10	100	33,29
2005	80,77	14,22	2,98	1,04	0,89	0,10	100	31,37
2006	74,14	18,01	5,99	0,86	0,88	0,12	100	26,61
2007	75,27	16,18	6,46	0,81	1,14	0,14	100	22,42
2008	71,12	19,24	7,91	0,59	0,97	0,17	100	24,32
2009	68,80	23,43	6,03	0,43	1,15	0,17	100	25,86
2010	64,38	24,81	9,38	0,30	0,98	0,15	100	28,99

¹²⁸ Ўзбекистон альманахи 2008, альманахи Ўзбекистон 2010 ва Ўзбекистон Республикаси Молия вазирлиги Суурита назорати бўйича давлат инспекциясининг 2009, 2010 йиллари Ўзбе-

Молия бозорида олиб борилган испоҳотлар кредит (ссуда капиталлар) бозорида тижорат банкларига аҳоли омонатларини кенг жалб этишга, қимматли қофозлар бозори (ҚҚБ)да корпоратив ҚҚБни ҳамда суурта бозорини ривожлантиришга қаратилаётганини тадқиқотлар натижасида аниқлашимиз мумкин.

Жаҳон иқтисодий инқирози ўтиб бораётган ҳозирги шароитда банк-молия тизими фаолиятини мустаҳкамлаш ва сифат жиҳатидан яхшилаш муҳим аҳамият касб этади. Мамлакатимизнинг молиявий-иқтисодий барқарорлиги кўп жиҳатдан банкларнинг самарали фаолиятига боғлиқ. Ҳозирда банк тизимини испоҳ қилиш борасидаги энг муҳим вазифалар банкларнинг устав капиталини кўпайтириш, аҳоли, тадбиркорлик субъектлари ва сармоя киритиши мумкин бўлган инвесторлар, жумладан, хорижий инвесторларнинг бўш пул маблағларини жалб қилиш учун акциялар чиқариш, уларни фонд бозорларида фаол жойлаштириш каби комплекс чораларни амалга оширишдан иборат. Банклар капиталлашув даражасининг оширилиши ва низом жамгармаларининг кўпайтирилиши инқироз шароитида молия бозорининг асосий сегментларидан кредит бозори мустаҳкамлигини оширишининг ва тараққиётининг муҳим омилларидан бири бўлди.

Аҳоли ва хўжалик юритувчи субъектларнинг бўш маблағларини банк секторига жалб қилишда таъсиран ва узоқ муддатли рафбатлантириш омилларини ташкил этиш, иқтисодиётнинг реал секторига кредит ажратишни кўпайтириш учун банкларнинг имконияти кенгайтирилди. Фуқароларнинг банклар депозитларида омонатлари, уларнинг миқдоридан қатъи назар, давлат томонидан тўла кафолатланиши, иқтисодиётни модернизациялаш ва банк-молия тизимида испоҳотларни чуқурлашуштириш

кистон Республикасида суурта фаолиятини тартибга солиш ва назорат қилиш бўйича ҳисобот маълумотлари асосида муаллифлар томонидан тайёрланди.

банкларда аҳоли омонатлари кўпайишига замин яратди. Бугунги кунга келиб молия бозорида тижорат банклари-даги аҳоли омонатлари қолдиги 2010 йил якунига кўра қарийб 25 фозни ташкил этмоқда, бу эса 2000 йилга нисбатан 17 фоизли пунктга кўпdir, натижада банкларнинг кредит портфели таркиби тубдан ўзгарди (3.2-жадвалга қаранг). 2000 йили кредит портфелининг қарийб 54 фоизи ташки қарзлар эвазига, 2010 йили банкларимиз жами кредит портфелининг 85,1 фоизи ички манбалар ҳисобидан шаклланган.¹²⁹ Миллий молия бозорида узоқ муддатли молиявий инвестицияларнинг кўпайиши мамлакат иқтисодиётининг барқарор ривожланаётганидан далолат. Мамлакатимиз тижорат банкларида З йилдан ортиқ муддатга берилган кредитларнинг ҳозирги пайтда банклар кредит портфелининг умумий ҳажмидаги улуши 75,2 фоизга етгани, сўнгги ўн йилда 28 баробар кўпайгани¹³⁰, ЯИМнинг доимий ўсиб бориши юқоридаги фикримиз исботидир. Банк хизматининг янги турларини жорий этиш, аҳоли ва хўжалик субъектларининг бўш маблағларини банкларнинг узоқ муддатли депозитларига жалб этишни кўпайтириш, мамлакат иқтисодиётига киритиладиган узоқ муддатли кредит қўйилмалари улушини ички манбалар ҳисобидан оширишга қаратилган иқтисодий ислоҳотлар молия бозорида узоқ муддатли инвестицияларни кўпайтириди. Тижорат банклари фаолиятини баҳолашда узоқ муддатли кредит қўйилмалари улушининг ўсиши ва уни ички манбалар орқали таъминлаш мезонларига асосий эътибор қаратилиши молия бозорини барқарор ривожлантиришдаги асосий омиллардан бирига айланди.

Мамлакатимиз молия бозорининг асосий ютуқларидан бири унинг бугунги кунда асосини ташкил этувчи банк тизи-

¹²⁹ Ўзбекистон Республикаси Марказий банки маълумотлари асосида тайёрланди.

¹³⁰ Ўзбекистон Республикаси Марказий банки маълумотлари асосида тайёрланди.

мига жаҳоннинг нуфузли рейтинг агентликларидан бири – «Мудис» томонидан бир йўла учта йўналиш, яъни банк-молия тизими барқарорлиги, миллий валютада ва хорижий валютада узоқ муддатли депозит рейтинги йўналишлари бўйича «барқарор» даражаси берилганидир. Мамлакатимиз молия бозорида ушбу агентликнинг «кредит бериш қобилияти» бўйича ижобий, «Фитч», «Стандарт энд Пурс» халқаро рейтинг агентликларининг «барқарор» рейтингини олган банк муассалари ҳам мавжуд, улар ҳозирда мамлакатимиз банк тизими умумий активларининг 90 фоиздан ортигини ташкил этмоқда.¹³¹ Бугунги кунда мамлакатимизнинг 15 та тижорат банки «Фитч Рейтингс», «Мудис» ва «Стандарт энд Пурс» каби етакчи халқаро рейтинг агентликларининг «барқарор» деган рейтинг даражасига эга.

Банк тизимининг институционал таркиби ҳам молия бозоридаги ислоҳотлар натижасида ўзгариб борган. 2005 йилга нисбатан 2010 йили тижорат банклари сони 29 тадан 31 тага кўпайган.¹³² Ушбу ўзгариш акциядорлик тижорат банклари ҳамда хусусий банклар сонининг ортishi билан содир бўлган, бу ҳолат банк тизимида хусусий капитал ривожланаёнганидан далолат.

Ҳозирда Ўзбекистон банк тизими қатъий халқаро талабларга жавоб берадиган энг барқарор тизимлардан бирiga айланishi мамлакатимиз молия бозорининг асосий иштирокчиларига жаҳонда юз берган молиявий инқирознинг таъсируни камайтируди.

Мамлакат иқтисодиётида корпоратив қимматли қофозлар бозори савдо айланмаси ортиб бормоқда. Лекин ушбу бозорнинг иқтисодиётда тутган ўрни бошқа мамлакатларга нисбатан кичик. Жаҳонда молия бозори асосий сегментларидан бўлган қимматли қофозлар бозорининг мамлакатимиз

¹³¹ Ўзбекистон Республикаси Марказий банки маълумотлари асосида тайёрланди.

¹³² Ўзбекистон Республикаси Марказий банки маълумотлари асосида тайёрланди.

молия бозоридаги құлами ортиб бораётган эса-да, ҳозирда қимматли қоғозлар бозорининг мамлакат ЯИМга нисбатан салмоғи ўртача 2 фоизни ташкил этади (3.2-расмга қаранг).

Миллий қимматли қоғозлар бозорида савдо айланмаларининг сезилиарлы күтарилишида асосий омил акциялар бозорининг ўсишидир, ушбу бозорда бирламчи бозор умумий савдонинг асосини ташкил этмоқда. Республикамиз акциядорлик жамиятларининг жадал эмиссион фаолияти оқибатида бирламчи бозордаги савдо айланмалари ўсиши кузатиласыпты. Сүнгги беш йил ичидә қимматли қоғозлар бозоридаги тенденциялардан бири, акционерлик жамиятлари сонининг бирмунча камайтирилишига қарамай, жами низом фондининг ошишидир. Бунга асосий сабаб акционерлик жамиятларининг минимал устав жамғармасига қойилған талаб 400 минг АҚШ доллары эквивалент суммасини ташкил этиши белгиланғани ҳисобланади. 2001 – 2009 йиллар оралиғида акционерлик жамиятлари сони 3035 донага камайған эса-да, уларнинг устав жамғармаси 4188 млрд сүмга ортган.¹³³

Охирги йилларда тармоқтар жиҳатидан олганда акционерлар жами низом фонди ортишининг энг юқори күрсаткышлари автомобиль саноати, тиженрат банклари соҳалари, нефть-газ, фармацевтика ва курилиш тармоқлари корхоналарида кузатилмокда. Қимматли қоғозлар бозори савдо айланмаларининг ўсиши асосан бозорнинг уюшмаган сегменти ҳисобига юзага келмокда, бу сифатли бозорга талаб юқорилигини күрсатади (3.3-расмга қаранг).


Қимматли қоғозлар бозори профессионал иштирокчиларининг амалдаги лицензиялари ушбу бозор иштирокчилари ва инвестицион фаолигини күрсатади. 2010 йил охиридаги ҳолатга күра қимматли қоғозлар бозорида профессионал фаолият юритиш учун амал қилиб турған лицензияларнинг умумий сони 120 донани ташкил этди, бу

¹³³ Қимматли қоғозлар бозорини мувофиқлаштириш ва назорат қилиш маркази маълумотлари асосида муаллифлар томонидан ҳисобланди.



3.2-расм. Қимматли қоғозлар бозорининг мамлакат ЯИМга нисбатан саломоги (%)¹³⁴

кўрсаткич 2005 йилга нисбатан 63 фойизга камайган эсада, қимматли қоғозлар бозорининг умумий савдо ҳажми 11,8 баробарга ошди. 2010 йили жами 11 та лицензия берилди (3.3-жадвалга қаранг).



3.3-расм. Қимматли қоғозлар бозорида уюшган ва уюшмаган бозорлар кўлами¹³⁵

¹³⁴ Қимматли қоғозлар бозорини мувофиқлаштириш ва назорат қилиш марказининг 2006 – 2010 йиллар бўйича ҳисоботлари, Ўзбекистон Республикаси Давлат статистика кўмитаси маълумотлари асосида муаллифлар ҳисоб-китоби.

¹³⁵ Қимматли қоғозлар бозорини мувофиқлаштириш ва назорат қилиш маркази маълумотлари асосида муаллифлар томонидан тайёрланди.

3.3-жадвал

Мамлакатимиз қимматли қоғозлар бозорида профессионал фаолиятни амалга ошириш учун лицензияга эга бўлган инвестицион институтлар динамикаси, давр якунида (дона)¹³⁶

№	Профессионал фаолият турлари	2005	2006	2007	2008	2009	2010
1.	Инвестициявий воситачи	94	89	94	99	61	34
2.	Инвестиция компанияси	12	12	12	-	-	-
3.	Инвестиция маслаҳатчиси	25	24	23	21	17	15
4.	Депозитарий	36	38	40	37	34	30
5.	Реестр сақловчи	47	47	46	-	-	-
6.	Хусусийлаштирилган инвестицион фондлар	8	5	2	2	2	2
7.	Инвестиция активларини ишончли бошқарувчи ¹³⁷	65	65	54	51	26	23
8.	Инвестиция фонди	17	13	11	9	7	9
9.	Қимматли қоғозларнинг номинал сақловчиси	15	15	17	-	-	-
10.	Ҳисоб-клиринг палатаси	2	2	2	2	2	2
11.	Биржадан ташқари савдолар ташкилотчиси	1	2	2	2	2	2
12.	Трансфер-агентлар	-	-	-	-	2	3
	Жами	322	312	303	221	153	120

2008 йил 22 июлда «Қимматли қоғозлар бозори тўғрисида»ги Қонун қабул қилиниши ушбу бозор инфратузил-

¹³⁶ Қимматли қоғозлар бозорини мувофиқлаштириш ва назорат қилиш марказининг 2005 – 2010 йиллар якунлари бўйича маълумотлари асосида муаллифлар томонидан тузилган.

¹³⁷ «Қимматли қоғозлар бозори тўғрисида»ги Қонун қабул қилингунга қадар бошқарувчи компания.

масининг иқтисодий инқироз давридаги такомиллашувига сабаб бўлди. Қимматли қофозлар бозорида турли касбий фаолият турларини бирлаштиришга қўйилган чекловлар олиб ташланди. Қонунга мувофиқ, инвестиция компанияси, реестр сақловчى, қимматли қофозлар номинал сақловчисининг фаолияти қимматли қофозлар бозорида профессионал фаолият сифатида лицензияланмайдиган бўлди. Бу илгари берилган 150 дан ортиқ лицензиянинг амал қилишини тўхтатишига олиб келди ва бозорнинг институционал сифатини ошириди.¹³⁸ Ҳозирда қимматли қофозлар бозорининг профессионал иштирокчилари томонидан эмитентлар ва инвесторларга хизмат кўрсатиш тартибини сезиларли осонлаштирадиган, уларнинг вақт ва молиявий харажатларини анча камайтириш имконини берадиган «ягона ойна» тизими жорий этилган.

Мамлакатимиз «Тошкент» республика фонд биржасида («Тошкент» РФБда) ўтган тўрт йил давомида доимий пасайиш тенденцияси кузатилган, яъни ўтган 5 йил давомида қарийб 53 фоизга пасайган (3.4-расмга қаранг).

Шу давр оралиғида бирламчи бозорнинг иккиламчи бозорга нисбатан анча жонланганини кўришимиз мумкин, яъни бирламчи бозорнинг умумий салмоқча нисбатан улуши 15,4 фоиздан 31,7 фоизга ошган, иккиламчи бозор эса 84,6 фоиздан 68,3 фоизга тушган. Фонд биржа бозоридаги акциялар айланмасининг мамлакат қимматли қофозлар бозоридаги улуши ҳам камайиш тенденциясига эга. Бундай тенденция қимматли қофозларнинг биржадан ташқаридаги айланиши кенгайганини ошкор этиб, биржа бозорига чиқадиган қимматли қофозларга нисбатан талабнинг ошиб бораётганини кўрсатади. Аммо қимматли қофозлар бозорида биржа бозори салмогининг камайиши инқироз шароитида ушбу бозорни ривожлантириш заруратини кўрсатади.

¹³⁸ Қимматли қофозлар бозорини мувофиқлаштириш ва назорат қилиш марказининг 2006 – 2009 йиллар бўйича ҳисоботлари.



3.4-расм. «Тошкент» республика фонд биржаси ийллик савдо айланмаси (млрд сўм)¹³⁹

Мазкур ҳолатни яхшилаш борасида ҳукуматимиз турли чора-тадбирлар кўрмоқда. Ўзбекистон Республикаси Президентининг «Қимматли қофозлар бозорини янада ривожлантириш чора-тадбирлари тўғрисида»ги ПҚ-475 сонли 2006 йил 27 сентябрдаги қарори ва Вазирлар Маҳкамасининг «Қимматли қофозлар бозори инфратузилмасини ривожлантиришга оид қўшимча чора-тадбирлар тўғрисида»ги 160-сонли 2008 йил 28 июлдаги қарорида қимматли қофозлар бозорини янада ривожлантириш, унинг ошкоралиги ва барқарор фаолиятини таъминлаш, замонавий ахборот-коммуникация технологияларини татбиқ этиш, хўжалик юритувчи субъектлар томонидан инвестициялар жалб қилинишини фаоллаштириш, қимматли қофозлар бозори инфратузилмасини янада ривожлантириш, унинг субъектларини институционал жиҳатдан мустаҳкамлаш, қимматли қофозлар бозорининг профессионал иштирокчилари фаолиятига замонавий ахборот технологияларини жорий этиш ҳамда уларнинг фаолиятини

¹³⁹ www.uzse.uz – «Тошкент» республика фонд биржаси сайти маълумотлари асосида муаллифлар томонидан ҳисобланди.

тартибга солиш тизимини такомиллаштириш каби мақсадлар қўйилган.

«Тошкент» РФБ акциядорларининг устав фонди 1 млрд сўмгача кўпайтирилди. Қимматли қофозлар бозори фаолиятини мувофиқлаштириш ва назорат қилиш маркази, инвестиция институтлари бирлашмалари, «Тошкент» РФБ ҳамда рейтинг агентлари билан биргалиқда қимматли қофозлар бозори амалиётига қимматли қофозлар ва уларнинг эмитентларини рейтинг баҳолаш ҳамда кенг тарғиб қилиш ишларини олиб бормоқда. Ўзбекистон Республикаси Давлат мулк қўмитаси ҳузуридаги Қимматли қофозлар бозори фаолиятини мувофиқлаштириш ва назорат қилиш маркази «Қимматли қофозлар бозори профессионал иштирокчиларининг мажбурий нормативлари тизими тўғрисида»ги ва «Қимматли қофозлар бозори профессионал иштирокчиларини ички назорат қилиш тўғрисида»ги низомларни ишлаб чиқди ва уларни амалиётга жорий этди.



3.5-расм. Қимматли қофозлар бозорида корпоратив облигацияларни сотиш динамикаси (млрд сўм)¹⁴⁰

¹⁴⁰ Қимматли қофозлар бозорини мувофиқлаштириш ва назорат қилиш марказининг 2006 – 2010 йиллар бўйича ҳисоботлари асосида муаллифлар ҳисоб-китоби.

Корпоратив қимматли қоғозларнинг облигациялар бозори сегментида 2005 йилдан 2009 йилгача пасайиш тенденцияси кузатилган (3.5-расмга қаранг). «Тошкент» РРБда облигациялар савдоси 2006 йилга нисбатан 2010 йили 99 фоизга камайган. Фикримизча, облигациялар бозорида мазкур ҳолат шаклланишига корпоратив облигациялар чиқарувчи эмитентларга нисбатан қимматли қоғозлар бозори барқарорлигини таъминлаш ҳамда мустаҳкамлигини ошириш мақсадида талабларнинг кўпайтирилиши сабаб бўлган. 2010 йилга келиб уюшмаган бозорда облигациялар ҳажми кескин ортганини кузатиш мумкин. Бу тижорат банкларига корпоратив облигациялар чиқаришга имкониятнинг яратилиши билан боғлиқ.

Ҳозирда корпоратив облигациялар чиқариш очиқ турдаги акциядорлик жамиятлари томонидан:

- облигациялар чиқариш тўғрисида қарор қабул қилинган кунга аудитор ташкилотининг хуросаси билан тасдиқланган ўз шахсий капитали миқдори доирасида;

- кейинги уч йил ичидаги рентабеллик, тўлов қобилияти, молиявий барқарорлик ва ликвидлик жиҳатидан ижобий кўрсаткичларга эга, аудитор ташкилотининг хуросалари билан тасдиқланган, мустақил рейтинг баҳосини олган ОАЖлар;

- эмитентлар томонидан инвесторларга тегишли маблағларни тўлаш бўйича тўлов агентлари вазифасини бажарувчи тижорат банклари иштироқида амалга оширилмоқда.

2009 йил 16 декабрдан барча мулкчилик шаклидаги тижорат банкларга корпоратив облигациялар чиқариш ҳуқуқи берилди. Банкларга бундай шароитнинг яратилиши узоқ муддатли молиявий ресурсларни банк фаолиятига жалб этиш, улар ёрдамида иқтисодиётнинг реал секторини ва йирик инвестицион лойиҳаларни самарали молиялаштириш имконини бериш билан бир қаторда инқироз даврида мамлакатимиз қимматли қоғозлар бозорининг барқарор ривожланишини таъминлайди. Ўзбекистон Республикаси Президентининг 2009 йил 28 июлда-


ги «Тижорат банкларининг инвестиция лойиҳаларини молиялаштиришга йўналтириладиган узоқ муддатли кредитлари улушини кўпайтиришни рафбатлантириш борасидаги қўшимча чора-тадбирлар тўғрисида»ги қарори уларга бундай имконият яратилишини зарурат қилиб қўйганди.

Фонд биржасида корпоратив облигациялар бўйича РЕПО операцияларининг амалга оширилаётгани молиявий инқироз шароитида корхоналарга фонд бозори орқали маблағлар жалб этишнинг энг самарали йўлларидан бири экани амалиётда ўз тасдигини топди. РЕПО операциялари бўйича савдо ҳажми 2009 йили 15,8 млрд сўмга этиши 2007 йилга нисбатан 2,5 марта кўп демакдир. Бироқ биржа савдоларининг камайиши РЕПО операцияларига ҳам салбий таъсир кўрсатди, 2010 йили биржа савдоларидаги РЕПО операциялари салмоғи 2009 йилга нисбатан 4,9 фоизли пунктта камайиб, 12,7 фоизни ташкил этган.⁴¹ РЕПО операцияларининг инқироз шароитида бундай ижобий кўрсаткичга эга бўлиши миллий қимматли қоғозлар бозоримиз облигациялар секторининг истиқболдаги ривожланиш йўналишларидан бирини кўрсатмоқда.

Молия бозори барқарорлигини таъминлашда ушбу бозор иштирокчиларининг тармоқлар бўйича диверсификацияси муҳим. Мамлакатимизда молия бозорининг асосий концентрацияси тижорат банклари ҳиссасига тўғри келади (3.6-расмга қаранг).

Расм маълумотлари кўрсатадики, иқтисодиёт саноат ва бошқа тармоқларининг фонд бозоридаги салмоғи ортиб бориши иқтисодиётнинг реал секторига молия бозори орқали маблағларни йўналтириш кўпаяётганини ва молия бозорининг иқтисодиёт тармоқлари бўйича диверцификацияси кучаяётганини билдиради.

⁴¹ www.uzse.uz – Бюллетень «Биржевое обозрение». Декабрь, 2006 – 2010.



3.6-расм. Тошкент РФБ савдо айланмасининг иқтисодиёт тармоқлари бўйича таркиби (жамига нисбатан улуши, фоизда)¹⁴²

Мамлакатимиз фонд бозори ривожланишининг ҳудудлар бўйича тақсимотида Тошкент шаҳридаги савдолар ҳажмининг етакчилик қилиши ёки савдолар асосини ташкил этиши (2006 – 2009 йиллари фонд бозорининг умумий савдосидаги салмоғи ўртача 64 фоиздан юқори¹⁴³) миллий фонд бозори барқарорлигига таъсир кўрсатувчи муҳим омиллардан биридир. Бу республикамиз фонд бозорини минтақалар бўйича диверсификациялашни тақозо этади.


Қимматли қоғозлар бозорида акционерлик жамиятларининг капиталига, бозорнинг профессионал иштирокчиларига ва биржа бозорига чиқадиган қимматли қоғозларга бўлган талабларнинг кучайтирилиши ҳамда ЯИМга нисбатан Ўзбекистон қимматли қоғозлар бозорининг кичик даражада бўлиши жаҳон молиявий-иқтисодий инқирозининг Ўзбекистон фонд бозори орқали

¹⁴² www.uzse.uz – Бюллетень «Биржевое обозрение». Декабрь, 2006 – 2010.

¹⁴³ www.uzse.uz – Бюллетень «Биржевое обозрение». Декабрь, 2006 – 2009.

миллий иқтисодиётга таъсирини юмшатган омиллардан бўлди. Лекин мазкур омиллар мамлакатимиз фонд бозори тараққиётига тўсқинлик қиласлиги лозим. Миллий фонд бозоримиз ривожланган ва ривожланаётган мамлакатлар фонд бозорлари тараққиёт даражасига эришиши учун ушбу бозорнинг ривожланишини жадаллаштириш, унинг инфратузилмасини таркибий ўзгартиришлар орқали самарадорлигини ошириш, бозорнинг инвестицион жозибадорлигини ошириш зарур.

Ривожланган ва ривожланаётган МДҲ мамлакатларида фонд бозорининг амалдаги ҳолати кўрсатадики, жаҳон молиявий-иқтисодий инқизози уларнинг фаолиятига катта салбий таъсир кўрсатган. Жумладан, Ўзбекистон молия бозорининг таркибий қисми бўлмиш «Тошкент» РФБ савдолар ҳажми ҳам инқизознинг салбий томонларини ўзида намоён этган. Фонд бозорига инқизознинг таъсири асосан 2009 йилда бўлиб, халқаро валюталардаги акцияларнинг савдо ҳажми ўтган йилга нисбатан 50 фоизга пасайган. 2010 йили ҳам ушбу тенденция давомийлиги кузатилди (3.7-расмга қаранг).



3.7-расм. «Тошкент» РФБда ЭКВда сотилган акциялар динамикаси⁴⁴

⁴⁴ www.uzse.uz – «Тошкент» республика фонд биржаси сайти маълумотлари асосида муаллифлар томонидан ҳисобланди.

Хорижий мамлакатлар фонд бозорлари орқали мамлакатимиз корхона ва ташкилотларига инвестицияларни жалб этиш амалиётини йўлга кўйиш, яъни халқаро қимматли қоғозлар кўринишида акциялар ва облигацияларни чиқариш учун ўтган асрнинг сўнгги йилларидан¹⁴⁵ олиб борилаётган турли иқтисодий ислоҳотлар ниҳоясига етгани йўқ.

Ҳозирда Ўзбекистон қимматли қоғозлар бозорида Ўзбекистон Республикаси Давлат мулк қўмитаси ва қимматли қоғозлар бозори иштирокчиларининг 2011 йилдан:

- қимматли қоғозлар бозори инфратузилмаси институтлари фаолияти ва уларнинг ўзаро ҳамкорлигини мувофиқлаштиришни кучайтириш, ҳисобга олиш тизимини соддлаштириш, қимматли қоғозларга оид битишувларга ҳисобкитоб-клиринг хизмати кўрсатишни такомиллаштириш;

- қимматли қоғозлар бозори иштирокчиларининг дастурий-техник таъминотини бирхиллаштириш ва стандартлаштириш, электрон ҳужжат айланишини кенг кўламда жорий этиш ҳамда ундан фойдаланиш;

- жисмоний шахсларнинг қимматли қоғозларга оид операцияларда, жумладан, қимматли қоғозларнинг пластик карточкалардан фойдаланган ҳолда олди-сотди операцияларида иштирокини соддалаштириш;

- қимматли қоғозлар бозори маълумотларининг ягона ахборот базасини шакллантириш учун шарт-шароитлар яратишни таъминлайдиган Қимматли қоғозлар бозорининг ягона дастурий таъминот комплексини жорий этиш ишлари кетмоқда.

¹⁴⁵ 1998 йил 6 майда Вазирлар Маҳкамаси томонидан Ўзбекистон фонд бозорини халқаро сармоялар бозорига интеграциялаштириш тадбирлари режаси тасдиқланди, ушбу ҳужжатга 1999 йил 21 майда ўзгартиш киритилган. Манба: Каримов Н.Ф. Иқтисодий интеграциялашув шароитида инвестиция фаолиятини молиялаштиришнинг бозор механизмларини жорий этиш масалалари. – Тошкент: Fan va texnologiya, 2007. – Б.240, 58 – 62, 97 – 101, 103 – 108, 217 – 218.

3.4-жадвал

**Ўзбекистон Республикасида чет эл
инвестициялари ҳамда кредитларининг
ўзлаштирилиши динамикаси¹⁴⁶**

	2001	2002	2003	2004	2005	2006	2007	2008	2009	2010
Чет эл инвестиция ва кредитлари, млрд сўм	369,6	306,2	479,5	659,9	687,0	748,3	1247,7	2193,7	4058,1	4439,0

Ўзбекистон молия бозорида давлатнинг ички ва ташқи қарзларини камайтиришга, мамлакат иқтисодиётига тўғридан-тўғри хорижий инвестицияларни кенг жалб этишига қаратилган самарали иқтисодий-молиявий ислоҳотларнинг олиб борилиши 2008 йили бошланган жаҳон молиявий-иктисодий инқирозининг ушбу бозорга таъсирини камайтирган омиллардан биридир. Муомаладаги давлат қимматли қофозлари 2010 йил якунига кўра мамлакат ЯИМга нисбатан 0,1 фоиздан кам кўрсаткични, давлат кафолати остида жалб этилган инвестициялар ва кредитлар 0,9 фоизни ташкил этиши, давлатнинг ташқи қарзи ҳажми камайиш тенденциясига эгалиги, 2010 йили республикамизда ўзлаштирилган чет эл инвестициялари ва кредитлари 2001 йилга нисбатан 12 марта гани ҳукуматимиз томонидан миллий молия бозорининг тўғридан-тўғри тартибга солишга устуворлик берилаётганидан далолат (3.4-жадвал).

¹⁴⁶ Давлат статистика қўмитасининг маълумотлари асосида муаллифлар томонидан тузилди.

валга қаранг). Давлатнинг ички ва ташқи қарзи бўйича шаклланган бу кўрсаткичларни халқаро мезонлар бўйича «ҳар жиҳатдан мақбул ҳолат» деб ҳисобланишини таъкидлаш ўринли, албатта.

Чет эл инвестициялари ҳамда кредитларининг ўзлаштирилишида тўғридан-тўғри хорижий инвестициялар саломининг ортиб бориши, микдорининг ўсиш тенденциясига эгалиги, яъни 2010 йили 2001 йилга нисбатан 60 мартаға кўпайгани, миллий иқтисодиётимизнинг асосий капиталга инвестицияларига ва қимматли қофозлар бозори савдолар ҳажмига нисбатан портфель инвестициялар ҳажми мос равишда 2 ва 30 фоиздан ортмаслиги иқтисодий ислоҳотларнинг ижобий самарасидир (3.8-расмга қаранг). Буларнинг барчаси мамлакатимизда етарлича халқаро валютавий тўловга қобилликни, макроиқтисодий барқарорликнинг таъминланганини кўрсатади.

Мамлакатимиз молия бозорининг энг кичик сегменти суғурта бозори ҳисобланади. Охирги йилларда миллий молия бозорининг бошقا сегментларига нисбатан ушбу бозор тараққиёти жадал суръатларда кечмоқда. Иқтисодиётни эркинлаштириш, модернизациялаш инқирозга қарши чоралар кўриш шароитида суғурта соҳасида олиб борилган иқтисодий ислоҳотлар суғурталовчилар томонидан 2010 йили 175 млрд сўм суғурта мукофотлари йиғилишига олиб келди, бу кўрсаткич 2000 йилга нисбатан 20 баробарга кўпдир.¹⁴⁷

2009 йили мажбурий суғуртанинг амалдаги турлари ислоҳ қилиниши ҳамда янги турлари жорий этилиши суғуртанинг мажбурий турлари бўйича умумий суғурта бозорида мукофотлар кўпайишига олиб келди. Хусусан, транспорт воситалари эгаларининг фуқаролик жавобгар-

¹⁴⁷ Ўзбекистон Республикаси Молия вазирлиги Суғурта назорати бўйича давлат инспекциясининг маълумотлари асосида муаллифлар томонидан тайёрланди.

лигини мажбурий суфурталаш (ФЖМС) шартномалари ҳамда иш берувчининг фуқаролик жавобгарлигини мажбурий суфурталаш шартномалари тузилди. 2010 йил якунлари бўйича суфурталашнинг мажбурий турлари бўйича суфурта мукофотининг жами суфурта мукофоти ҳажмидаги улуши 27 фоизни ташкил этди, бу 2008 йилга нисбатан 19 фоизга кўп демакдир.¹⁴⁸ 2009 йилнинг I чорагида суфуртанинг мажбурий турлари бўйича суфурта мукофотининг каттагина улуши транспорт воситалари эгаларининг фуқаролик жавобгарлигини мажбурий суфурталаш бўйича шартномалар оммавий равишда тузилгани билан изоҳланади. Суфурта мукофотлари йигимининг юқори суръатлари давлат улушига эга йирик суфурта компаниялари ҳамда нодавлат суфурта компанияларининг барқарор ривожланиши ҳисобига эришилмоқда. Суфурта бозорининг муҳим кўрсаткичларидан бири суфуртачиларнинг шахсий маблағлари саналади, бу биринчи навбатда уларнинг устав капитали миқдори билан белгиланади. Ўзбекистон Республикаси Президентининг 2008 йил 21 майдаги 872-сонли қарорига мувофиқ суфуртачилар устав капиталига бўлган талабларнинг кучайтирилиши 2009 йили мамлакатимиз суфурта ташкилотларининг жами устав капитали 183 млрд сўмни ташкил этишига олиб келди, бу 2004 йилга нисбатан 2,5 баробар, кўрсаткичлар ўсиб бормоқда.¹⁴⁹

¹⁴⁸ Бир қатор экспертлар фикрича, ўтиш даври иқтисодиётида мажбурий суфурта турларининг жами суфурта мукофоти ҳажмидаги улуши суфурта мукофоти умумий ҳажмининг камидা учдан бир қисмини ташкил этиши керак. Қаранг: Қўлдошев Қ.М. Суфурта бозорини ривожлантириш ва бошқариш муаммолари: Иқт. фан. номз... дис. автореф. – Тошкент, 2009. – Б.16; http://www.bfa.uz/res/downloads/kuldoshev_k.pdf

¹⁴⁹ Ўзбекистон Республикаси Молия вазирлиги Суфурта назорати бўйича давлат инспекциясининг маълумотлари асосида муаллифлар томонидан тайёрланди.



3.8-расм. Хорижий инвестициялар ва кредитларни жалб этиш шакллари (жамига нисбатан фоизда)⁵⁰

Хозирда суфуртачилар учун устав капиталининг минимал ўлчамлари қуидагича белгиланди:

- ўз фаолиятини умумий суфурта тармоғида юритувчи-лар учун 750 минг еврода эквивалент суммада;
- ҳаётни суфурталаш тармоғида 1000 минг еврода эквивалент суммада; мажбурий суфурта бўйича 1500 минг еврода эквивалент суммада;
- фақат кўшимча суфурталаш бўйича 4000 минг еврода эквивалент суммада.

2005 йилдан кейинги даврда давлат мулки қатнашган суфурта компанияларининг суфурта бозорида мукофотларни йиғишдаги улуши камаймоқда. 2003 йилга нисбатан мазкур кўрсаткич 2009 йили 1,9 баробарга қисқарган. 2005 йили жами суфурта шартномаларининг 98 фоизи давлат мулки қатнашган суфурта компаниялари томонидан тузилган, бу кўрсаткич 2009 йили 86 фоизни, 2010 йили эса 77 фоизни ташкил этган. 2010 йилга келиб мамлакатимиз суфурта бозорида суфуртанинг асосий турлари бўйича их-

⁵⁰ Давлат статистика қўмитаси маълумотлари асосида муаллифлар томонидан тузилди.

тиёрий суфуртанинг етакчилиги сақланиб қолмоқда, яъни умумий бозордаги суфурта мукофотларининг 73 фоизи иктиёрий суфуртага тўғри келяпти.⁵¹ Ҳозирда суфурта компанииларининг минтақаларда 6700 дан ортиқ бўлинмалари ва агентлари мавжудлиги ҳудудларни суфурта хизматлари билан таъминлашда муҳим омил. 2007 йилга нисбатан 2010 йили суфурта агентлари сони 2 баробардан ҳам кўпайгани жойларда суфурталовчилар ўз агентларини кўпайтириш ишларини фаол олиб борганини кўрсатади (3.5-жадвалга қаранг). 2008 йилдан суфурта бозорида аджастерлик ва сюрвейрлик ташкилотлари, актуар компаниялар ҳам фаолият юритмоқда.

3.5-жадвал

Мамлакатимиз суфурта бозорининг профессионал иштирокчилари динамикаси, давр якунида (дона)¹⁵²

№	Профессионал иштирокчилар тури		2007	2008	2009	2010
1.	Суфурталовчилар		27	31	33	34
2.	Суфурта брокерлари		2	3	3	3
3.	Ассистанс компаниялар		3	4	4	4
4.	Суфурта агентлари	Юридик шахслар	350	1250	719	1310
		Жисмоний шахслар	3034	5659	4280	5486
5.	Аджастерлик ва сюрвейрлик ташкилотлари		-	4	4	4
6.	Актуар компаниялар		-	1	1	2

¹⁵¹ Ўзбекистон Республикаси Молия вазирлиги Суфурта назорати бўйича давлат инспекциясининг маълумотлари асосида муаллифлар томонидан тайёрланди.

¹⁵² Ўзбекистон Республикаси Молия вазирлиги Суфурта

Охирги йилларда суғурта бозорида маълум бир компаниялар ҳукмронлиги пасайиб бориши давом этмоқда. 2009 йили дастлабки 5 та компания ҳиссасига умумий суғурта тармоғидаги жами суғурта мукофотининг 55,5 фоизи, биринчи 10 та компания улушига эса 78 фоиздан кўпроғи тўғри келди.¹⁵³ Суғурта бозоридаги ушбу тенденциянинг сақланиши унда рақобат кучаяётганидан дарак беради. Суғурта бозори ривожланишини билдирувчи муҳим кўрсаткичлардан бири олинган суғурта мажбуриятлари ҳажмиdir. 2009 йил якунлари бўйича олинган суғурта мажбуриятлари ҳажми 53,5 трлн сўмни ташкил қилган, бу 2008 йилги даражадан 1,5 баравардан ортиқдир. 2009 йили суғуртанинг мажбурий турлари бўйича суғурта мажбуриятларининг жами суғурта мажбуриятлари ҳажмидаги улуши 2008 йил даражасидан 7 баравардан юқори бўлган. 2009 йили яратилган ЯИМдан 5,4 трлн сўмга ортиқ суғурта мажбуриятларининг олиниши суғурта бозори миллий иқтисодиётни тўлиқ қамраб олаётганидан далолат¹⁵⁴, бу ҳолат 2010 йили ҳам кузатилди, яъни ЯИМ 61,8 трлн сўмни ташкил этган, суғурта мажбуриятлари ҳажми 9 трлн сўмдан ортиқ бўлган. 2010 йил якунлари бўйича суғурта тўловларининг ўсиши суғурта мукофотлари ўсишидан орқада қолаётгани мамлакатимиз суғуртачиларининг ижобий андеррайтинг натижасидан¹⁵⁵ дарак беради.

назорати бўйича давлат инспекциясининг 2009 йили Ўзбекистон Республикасида суғурта фаолиятини тартибга солиш ва назорат қилиш бўйича ҳисботи асосида муаллифлар томонидан тайёрланди.

¹⁵³ Ўзбекистон Республикаси Молия вазирлиги Суғурта назорати бўйича давлат инспекцияси маълумотлари асосида муаллифлар томонидан тайёрланди.

¹⁵⁴ Ўзбекистон Республикаси Молия вазирлиги Суғурта назорати бўйича давлат инспекцияси маълумотлари асосида муаллифлар томонидан тайёрланди.

¹⁵⁵ Андеррайтинг натижа (ёки андеррайтинг фойда) суғурта мукофотининг заарлар ва чиқимлар (тўловлар)дан ортиқ бўлиши билан белгиланади.

Иқтисодиётни модернизациялаш шароитида сугуртасчилар учун устав капиталининг минимал ўлчамлари оширилиши, мажбурий сувуртанинг амалдаги турлари ислоҳ қилиниши ҳамда янги турлари жорий этилиши, мамлакатимиз минтақалари бўйлаб сувурта агентлари сонининг кескин кўпайиши, сувурта бозорида аджастерлик, сюрвейрлик ташкилотлари ва актуар компаниялар ташкил топиши, унинг иштирокчилари ўртасидаги рақобат кучаяётгани, сувурта мажбуриятлари мамлакат ЯИМдан ортиклиги, мамлакатимиз сувуртациларининг ижобий андеррайтинг натижалари жаҳон молиявий-иқтисодий инқирозининг сувурта бозорига таъсируни камайтирган омиллардан бўлди.

Мамлакат молия бозорининг алоҳида сегменти сифатида кўзга ташланувчи ва унинг барча сегментларида ўз ўрнига эга асосий савдо жойи миллий валюта бозоридир. Мамлакатимизда жорий халқаро операциялар бўйича эркин конвертацияни таъминлашга тадрижий ёндашилди, 2003 йил 15 октябрга келибгина ХВФнинг келишув моддалари VIII бўлимининг тегишли пунктлари (2^a, 3 ва 4) бўйича мажбуриятларга имзо чекилди. *Валюта сиёсати соҳасида ҳам пухта ўйланган, узоқни кўзлаб амалга оширилган тадрижий чоралар жаҳон молиявий инқирозининг мамлакатимизга таъсируни юмшатиш имконини берди.*

Алоҳида эътибор қаратилиши лозим масалалардан бири шундаки, глобал молиявий беқарорлик шароитида миллий валюта алмашув курсини сунъий равишда юқори ушлаб туриш, унинг асосий савдо ҳамкори бўлган давлатлар валюталарига нисбатан реал алмашув курсининг ошиб кетишига йўл қўйиш мумкинмас. Чунки ўз вақтида миллий валютанинг жадаллаштирилган девальвациясига йўл қўймаслик, биринчидан, халқаро валюта захиралари камайишига, иккинчидан, мамлакат экспорт товарлари рақобатбардошлигининг тушиб кетишига олиб келади.

Шу боис Ўзбекистонда 2007 – 2009 йиллари сўмнинг

АҚШ долларига нисбатан алмашув курсининг девальвацияланиш даражаси ўсиш тенденциясига эга бўлган (3.9-расмга қаранг). Айни пайтда Марказий банкнинг пул-кредит сиёсати инфляциянинг белгиланган мақсадли мўлжал (таргет) доирасида бўлишини таъминлашга қаратилмоқда.

Ўзбекистон молия бозорида жаҳон молиявий-иктисодий инқизорозининг оқибатлари олдини олиш ва юмшатиш имконини берадиган омиллар сифатида қуидагиларни алоҳида ажратиб кўрсатиш мақсадга мувофиқ деб ҳисоблаймиз:

- банклар капиталлашув даражасининг оширилиши ва низом жамғармаларининг кўпайтирилиши молия бозорининг асосий сегментларидан бўлган кредит бозори мустаҳкамлигини юксалтиришнинг ва тараққиётининг муҳим омилларидан бирига айланиши;

- тижорат банклари фаолиятини баҳолашда узоқ муддатли кредит кўйилмалари улушининг ўсиши ва уни ички манбалар орқали таъминлаш мезонларига асосий эътибор қаратилиши молия бозорини барқарор ривожлантиришдаги асосий омиллардан бири экани;

- Ўзбекистон банк тизимининг қатъий халқаро талабларга жавоб берадиган энг барқарор тизимлардан бирига айланиши;

- қимматли қофозлар бозорида акционерлик жамиятлари капиталига, бозорнинг профессионал иштирокчиларига ва биржа бозорига чиқадиган қимматли қофозларга бўлган талабларнинг кучайтирилиши ҳамда мамлакат ЯИМга нисбатан Ўзбекистон қимматли қофозлар бозорининг кичикилиги;

- мамлакатимиз эмитентларининг қимматли қофозлари халқаро ва хорижий давлатлар фонд бозорларида муомаласининг шаклланмагани ва инқизор даврида қиймати кескин пасайган портфель инвестициялар кўринишидаги хорижий инвестицияларни миллый иқтисодиётимизга жалб этиш микдорининг кичикилиги;

- Ўзбекистон молия бозорида давлатнинг ички ва ташқи



3.9-расм. Ўзбекистонда инфляция ва сўмнинг АҚШ долларига нисбатан алмашув курси девальвацияси динамикаси¹⁵⁶

қарзларини камайтиришга, мамлакат иқтисодиётига тўғридан-тўғри хорижий инвестицияларни кенг жалб этишига қаратилган самараали иқтисодий-молиявий ислоҳотларнинг олиб борилиши;

– иқтисодиётни модернизациялаш шароитида суғурта ташкилотларининг капиталлашуви, мажбурий суғуртанинг янги турлари жорий этилиши, мамлакатимиз минтақалари бўйлаб суғурта агентлари сонининг кўпайиши, суғурта бозорида аджастерлик, сорвейрлик ташкилотлари ва актуар компанияларнинг ташкил топиши, унинг иштирокчилари ўртасида рақобатнинг кучайиши, мамлакатимиз суғуртачиларининг доимий ижобий андеррайтинг натижалари;

– валюта сиёсати соҳасида ҳам пухта ўйланган, узоқни кўзлаб амалга оширилган тадрижий чоралар ва инқи-

¹⁵⁶ Ўзбекистон Республикаси Марказий банки ва Давлат статистика қўмитаси маълумотлари асосида тузилган.

роз даврида жадаллашган девальвациянинг амалга оширилиши.

Хулоса ўрнида таъкидлаш мумкинки, мамлакатимиз молия бозори барқарорлиги бозор иқтисодиётiga ўтишнинг концептуал асоси орқали таъминланган. Жаҳон молиявий-иқтисодий инқирози мамлакатимиз молия бозорига таъсир кўрсатмаган дейиш ноўрин. Инқирознинг милллий молия бозорига таъсирини юмшатувчи бир қатор омилларнинг мавжудлиги унинг ушбу бозорга салбий таъсирини камайтирган. Молия бозорида валюта сиёсати самарадорлиги ва таъсирчанлигини ошириш жаҳон молиявий инқирозининг мамлакатдаги иқтисодий барқарорликка салбий таъсирини юмшатиш, бартараф этиш имконини беради.

3.2. Ўзбекистонда молия бозорининг барқарор ривожланишини таъминлаш ва инвестиция фондлари фаолиятини такомиллаштириш

Давом этаётган жаҳон молиявий-иқтисодий инқирози ва унинг мамлакатимиз иқтисодиётига таъсирини эътиборга олган ҳолда банк-молия тизими барқарорлигини таъминлаш муҳим устувор вазифа бўлиб қолмоқда.¹⁵⁷ Шундай экан, молия бозорининг ҳар бир сегментини яхлит мезонлар асосида илмий тадқиқ этиш республикамиз молия бозори барқарорлигининг концептуал асосларини такомиллаштиришга хизмат қиласди.

Мамлакатимиз фонд бозорининг инвестицион жозибадорлигини ошириш биринчи галда ҳал қилиниши лозим масалалардан. Бунда фонд бозори орқали қулайликлари ва афзалликларини кўрсатиб, уни индивидуал ва корпоратив сармоядорларнинг бўш турган пул маблағларидан энг юқори даромад келтирувчи молиявий маконга айлантиришимиз лозим.

Жаҳон молиявий-иқтисодий инқирози ва ундан кейинги даврда бир қатор ривожлангаётган мамлакатлар молия бозорини ривожлантириш, барқарорлаштириш учун концепциялар қабул қилдилар ва такомиллаштиридилар. Мисол тариқасида мамлакатимизнинг йирик ташқи иқтисодий ҳамкори бўлган мамлакатлардан Қозогистон ва Россия Федерациясини келтириш мумкин. Мазкур концепциялар миллий молия бозорининг келажақдаги барқарор тараққиёт йўналишларини кўрсатувчи асосий ҳужжат вазифасини ўтамоқда. Молия бозори концепцияси молиявий ресурсларнинг доиравий айланмасидан четда бўлган маблағларни молия бозорига жалб этиб, уларга муҳтожларни тўлиқ таъминлаш, ресурслардан сама-

¹⁵⁷ Каримов И.А. Асосий вазифамиз – Ватанимиз тараққиёти ва ҳалқимиз фаровонлигини янада юксалтиришдир. – Тошкент: Ўзбекистон, 2010. – Б.56.

рали фойдаланиш йўлларини ўзида мужассамлаштиради.

Молия бозори концепцияси орқали ресурсларни ушбу бозорга кенг жалб этиш куйидаги тамойиллар асосида амалга оширилиши мақсадга мувофиқ:


– молия бозорига ресурсларни кенг жалб этиш учун замон талабига мос молия бозори институтларини шакллантириш. Бунда турли мулк ҳуқуқини ҳимоя қилган ҳолда фонд активлари капиталлашувини ошириш, бозор инфраструктурасини ривожлантириш билан боғлиқ йирик инвестицион ва маҳаллий лойиҳаларни амалга ошириш, пенсия соҳасидаги ислоҳотларни жадаллаштириш, молиявий операциялар учун ва корпоратив бошқарув соҳасида замонавий қонуний-ҳуқуқий базани барпо этиш;

– молиявий ресурсларнинг доиравий айланмасидан четдаги маблағларни молия бозорига жалб қилиш. Турли мақсадли фондларда ва аҳолининг қўлида вақтинча бўш турган пул маблағларини молия бозорига жалб этиб, молия бозори кўламини кенгайтириш, молиявий институтлар капиталлашувини ошириш орқали иқтисодиётда инвестициялар ҳажмини кўпайтириш, аҳоли фаровонлиги ва бизнес учун молиявий хизматлар етарлилигини таъминлаш;

– самарали ва керакли бозор инфраструктурасини шакллантириш. Минимал трансакцион харажатлар билан мураккаб операцияларни амалга ошириш ва рискни бошқариш, корпоратив қимматли қофозлар чиқариш, ички бозорда рискларни қайта суфурталаш, секьюритизациялаш учун имтиёзлар бериш. Молия бозорининг барча сегментлари ривожланишини мувофиқлаштирувчи марказни ташкил этиш. Чет эллик инвесторларни, эмитентларни ва воситачиларни мамлакат молия бозорига жалб этиш спекулятив операциялар ривожланишига имкон бермаслиги, ушбу ҳудудни оффшор ҳудудга айлантирмаслиги, ташқи таъсир ҳисобидан иқтисодиётда шок ҳолатини юзага чиқармаслиги лозим;

– ҳукумат ва молиявий тартибга солувчи органлар кўмагида молия бозори ва унда фаолият юритувчи ташкилотларни молиявий инновациялар борасида илғор компанияларга айлантириш. Ушбу бозорда яратилган молиявий маҳсулотлар молия бозорларида ўзининг самардорлиги, иқтисодиёт учун фойдалилиги ва аҳоли фаронлигини ошириши билан етакчилик қилиши керак.

Бизнингча, молия бозорининг концептуал асосини яратишда стратегия, тактика, бозорни тартибга солиш натижалари ва муаммоларни эътиборга олиш лозим. Концепцияда мамлакат ва жаҳон иқтисодиётида фавқулодда ҳодисалар юз берганда ва уларнинг миллый молия бозорига таъсири кутилаётганда тезкор бошқарув йўллари ҳам акс эттирилиши зарур (3.10-расмга қаранг).



3.10-расм. Молия бозорининг концептуал асосини яратиш кетма-кетлиги¹⁵⁸

Молия бозори концепцияси ушбу бозор иштирокчилари фаолиятини, фикр-мулоҳазаларини ягона тизимга бирлаштиради, бозорнинг асосий сегментлари учун хужжатлар мажмуаси қонунчиликдаги ўзгаришларга кўра

¹⁵⁸ Молия бозори концепциялари ва стратегияларини ўрганиш асосида муаллифлар томонидан тузилган.

молиявий хизматлар етарлилиги ва макроиқтисодий дарражада алоҳида ҳужжатдир.

Молия бозори стратегияси маълум бир давр учун молия бозорини тартибга солувчи давлат органлари фаолиятининг устувор йўналишларини аниқлаб беради. Молия бозори стратегиясининг мақсади мамлакатда кўп ва турли молиявий воситалар таклифини бир жойга жамловчи ҳамда ушбу воситаларга бўлган талаб ички ва ташқи инвесторлар томонидан таъминлашувчи, улар баҳосининг шаклланишига қулай шартшароит яратувчи молиявий марказни ташкил этиш, молия бозорининг сифат жиҳатдан рақобатбардошлигини ошириш орқали мамлакат иқтисодий ўсишини таъминлашдир.

Молия бозори стратегиясида қўйидаги масалалар кўриб чиқилади:

- молия бозори кўлами ва шаффофлигини ошириш;
- молия бозори инфратузилмаси самарадорлигини таъминлаш;
- унинг иштирокчилари учун қулай солиқ муҳитини шакллантириш;
- молия бозорини тартибга солишнинг ҳукуқий асосларини такомиллаштириш;
- молия бозори барқарорлигини ошириш;
- жаҳон молиявий-иқтисодий инқирози шароитида бозор бекарорлигига олиб келувчи омиллар ва воқеиликлар юз беришига йўл қўймайдиган молия бозори муҳитини шакллантириш;
- инқироздан кейинги даврда макроиқтисодий ҳолатни барқарорлаштириш воситаси сифатида инвестицион фаолликни рағбатлантириш;
- инвесторлар ва молиявий хизматлар истеъмолчилари томонидан мамлакат молия бозорига ишончни мустаҳкамлаш.

Молия бозорида тактика ушбу бозор стратегиясида белгиланган вазифаларни босқичма-босқич амалга оши-

ришдир.¹⁵⁹ Бу вазифаларни амалга оширишда ҳукumat дастлаб ички инвесторларнинг молиявий ресурсларини сафарбар этишга асосий эътибор қаратади. Ички ресурслар мамлакат иқтисодий салоҳиятини ўзида сақлади. Шунинг учун ички жамғармаларни кенг кўламда ва тез реал иқтисодиётни ривожлантириш учун жалб этиш самарали молия бозори инфратузулмасини барпо этади. Ўзбекистоннинг бозор иқтисодиётига ўтиш даврида йирик инвестицион лойиҳаларни молиялаштириш ва бозор инфратузулмасини ривожлантириш учун маълум бир микдорда хорижий инвесторлар молиявий ресурсларига бўлган эҳтиёжни талаб этади. Шунинг учун молиявий ташкилотлар фаолиятида шаффоффликни таъминлаш, молиявий ресурсларни сафарбар этишда давлатнинг ролини аниқлаш, тизимли рискларнинг юзага келиши ва уларни бартараф этиш бўйича давлатнинг тартибга солиш ва назорат қилиш тизимини мустаҳкамлаш масалалари ўз ечи мини топиши даркор. Молиявий хизматлар истеъмолчилари ва инвесторлар ҳуқуқларини ҳимоялаши лозим. Молия бозорини инқироздан кейинги даврда ривожлантириш учун хусусий ва давлат ташкилотлари ўртасидаги ҳамкорлик иқтисодий тараққиётни молиялаштиришнинг асосий механизмига айланиши, иқтисодиётнинг даврий ўзгариш тамойилидан фойдаланиш молия бозорини тартибга солиш ва назорат қилишнинг асосий воситаларидан бирига айланиши мақсаддага мувофиқ.

Молия бозорини тартибга солиши натижалари ва муаммолар молия бозори стратегияси ва тактикасини амал

¹⁵⁹ Тактика (юнонча «*taktike*» сўзидан олинган) стратегик режанинг қисмларини амалга ошириш учун аниқ мақсадга эришишга мўлжалланган фаолият юритишнинг қатъий белгиланган усулларини мантиқийлик тамойили асосида қўллаш, маълум бир мақсаддага етиш йўллари ва усуллари. Иқтисодий тактика жорий ҳолатдан чиқиш учун нисбатан қисқа муддатга мўлжалланган иқтисодий ҳолат ва фаолият йўналишидир.

га ошириш жараёнида пайдо бўлган ижобий ва салбий ўзгаришлар орқали юзага чиқади. 2008 йили бошланган жаҳон молиявий-иқтисодий инқирози мамлакатлар молия бозорини тартибга солиш ва назорат қилиш тизимини мустаҳкамлаш зарурлигини кўрсатди. Бу эса молия бозорини тартибга солувчи ва назорат қилувчи ташкилотлар фаолиятида қуйидаги муҳим вазифаларни ҳал этиш кераклигини англатади:

- молия бозорини самарали тартибга солиш тизимини яратиш ва унинг барқарорлигини таъминлаш;
- молия бозорида рақобатни ошириш;
- молия бозорида иштирокчи ташкилотларни тартибга солища иқтисодиётнинг циклик ўзгаришларига қарши тамойиллар билан фаолият юритишини амалиётга жорий этиш;
- мураккаб молиявий воситалар билан амалга ошириладиган операцияларни тартибга солиш;
- молия бозорини назорат қилиш ва тартибга солиш йўлларини такомиллаштириш.

Фикримизча, истиқболда мамлакатимиизда молия бозорининг назорати ва тартибга солиш жараёнини, унинг ҳар бир сегментини ривожланиши ва ундаги фаолиятнинг ўзига хос хусусиятларини инобатга олган ҳолда, шунингдек, ҳалқаро тартибда ўрнатилган стандартлардан келиб чиқиб, олиб бориш давомийлигини сақлаш лозим.

Жаҳонда юз берган молиявий инқироз сабаблари мамлакат молия бозорини тартибга солиш тизимини мустаҳкамлаш, қолаверса, тизимли рискларни бартараф этишга қаратилган макропруденциал¹⁶⁰ назоратни жорий этиш

¹⁶⁰ Пруденциал (инглизча «prudential», лотинча «prudens» – ақл билан, ўйлаб, мулоҳаза қилиб сўзларидан келиб чиқсан) – оқилона, маъқул, эҳтиёткорлик билан, рисқдан холи бўлган каби маъноларни англатади. Қаранг: Большой экономический словарь / Под ред. А.Н.Азрилияна. 7-е изд., доп. – М.: Институт новой экономики, 2007. – С.935.

зарурлигини кўрсатди. Молия бозорини тартибга солишда маропруденциал ёндашув бозорнинг алоҳида сегментлари ва молиявий институтларни назорат қилиш ва тартибга солишни кучайтиришнинг муҳим омилига айланиши керак.

Макропрудунциал тартибга солишнинг асосий вазифаси молиявий-иктисодий ҳолатни беқарорлаштирувчи шарт-шароитлар, тизимли хусусият касб этувчи риск зоналари ва объектлар (фаолият юритиш соҳалари ва бозорлар) бўйича асосий қарорлар қабул қилиш, ушбу масалаларни ҳал этиш ҳисобланади.

Халқаро амалиёт тасдиқлайдики, инқирозлар даврида мамлакатда мавжуд маълум бир тармоққа ихтисослашган банкларнинг рақобатбардошлиги паст, кўпинча давлат кўмагига муҳтож бўлишади. Бу молия бозори барқарорлигини оширишда маълум бир фаолиятга ихтисослашган банкларни кўпайтириш керакмаслигини кўрсатади. Молиявий инқироз натижасида жаҳон инвестицион банкларининг банкротга учраши улар фаолиятини тартибга солишнинг такомиллаштирилиши мамлакатлар томонидан инвестицион банкларга нисбатан алоҳида талабларни яратиш зарурлигини тасдиқлади.

Мамлакатимизда кредит ўюшмалари фаолияти ривожланмоқда. Улар ҳажмига қараганда кичик эса-да, аммо рисклилиги юқори кредитларни тақдим этиб келмоқда. Молиявий инқироз натижалари уларнинг бир қарздорга нисбатан мажбуриятлар миқдорини қайта кўриб чиқиш, молиявий фаолиятдан фоиз ва бошқа кўринишларда фойда олишнинг ҳуқуқий асосларини қайта кўриб чиқиш ва такомиллаштириш заруратини кўрсатади. Суғурта бозорида қайта суғурталашнинг молиявий инқироз натижаларидан олинган сабоқлар билан боғлиқ ҳолда ривожланшини таъминлаш муҳим аҳамият касб этади. Кредит ташкилотлари барқарорлигини таъминлаш мақсадида нотижорат ташкилоти шаклида «мижозларнинг кредит тарихи» бўйича ягона маълумотлар базаси, яъни «ягона кредит бюроси» ташкил этилмоқда. Бунда уларнинг маъ-

лумотлари ишончлилигини таъминлаш учун давлат ташкilotлари билан ўзаро алоқани доимий равишда таъминлаш лозим.

Молия бозорини тартибга солиш чоралари унинг сегментларидаги ўсиш суръатларининг оптималь нисбатини таъминлаши ва иқтисодиётнинг реал сектори билан молия бозори ривожланишини мувофиқлаштириб бориши, унда «кўпиклар»нинг, молиявий ташкилотлар фаолиятида «домино» эффектига ўхшаш тизимли рискларнинг юзага келишига йўл кўймаслиги лозим. Бу молия бозорини назорат қилувчи ва тартибга солувчи ташкилотлар фаолиятини такомиллаштириш кераклигини кўрсатади. Ушбу ташкилотлар томонидан молиявий ташкилотларни чет элга инвестициялар киритиши ва кредитлар бериши бўйича қарорларни қабул қилишда шаффофликни таъминлаш бунда муҳим аҳамиятга эга.

Молиявий инқироз молия бозорини тартибга солиш тизимини такомиллаштириш заруратини кўрсатди. Инқироз даврида молиявий ташкилотларни бозор иқтисодиётнинг циклик ўзгаришларига қарши тамойиллар билан фаолият юритиши талаб этилмоқда. Бу фаол иқтисодий ўсиш даврида молиявий ташкилотлар ўз капиталини, захираларини ва активлар ликвидлигини ошириши оқибатида тўпланган иқтисодий потенциалидан иқтисодий инқироз даврида фойдаланиши лозимлигини кўрсатади. Молиявий ташкилотлар капитал етарлилигига талаблар иқтисодиётнинг инқироздан кейинги ўсишининг дастлабки босқичидан бошлаб оширилиши лозим. Молиявий ташкилотлар капитал етарлилигини баҳолаш йўллари ҳамсон жиҳатдан, ҳам сифат жиҳатдан такомиллаштириб борилиши керак. Юқори рискли операцияларнинг жадал суръатлар билан ўсишига ва уларнинг бозордаги кўламига бўлган чекловлар ўрнатилиб, турли захиралар ва бозордаги истеъмол маҳсулотларини кўпайтиришга талабларни оширишга эътибор берилади.

Кредит рискини баҳолаш тартибини оптимальлаштириш учун иқтисодий ўсиш даврида йўқотилиши мумкин бўлган

заарлар ўрнини қоплаш учун захираларни шакллантириш бўйича талабларни ошириш лозим, иқтисодий пасайиш даврида бундай талабларни камайтириш мақсадга мувофиқ. Фавқулодда вазиятлар учун ҳам захиралар ташкил этиш муҳим аҳамиятга эга.

Корхоналардаги махсус захираларга қўшимча равишида динамик захираларни ташкил этиш даркор, аммо бу амалдаги захиралар ўрнига ташкил этилмаслиги керак. Динамик захиралар активлар қиймати йўқотилганда, молиявий ташкилотлар ўз мажбуриятларини бажаролмаганда, ишлатиладиган захиралар миқдорида кескин ўзгаришлар юзага келганда баланслаштирувчи восита ролини ўтайди. Молиявий ташкилотлар активлари ва мажбуриятлари ортиб бораётганда ташкилот иқтисодий-молиявий барқарорлигини таъминлаш учун махсус ва динамик захиралар ташкил этилиши лозим.

Молия бозори иштирокчилари томонидан индивидуал ва жамланма кўринишида молиявий левередж¹⁶¹ коэффицентларининг иқтисодиётнинг циклик ўзгаришларини инобатга олган ҳолда қайта шакллантирилиши ушбу бозор барқарорлигини таъминловчи омиллардан биридир.

Хорижий валютада доимий даромадлар ва активларга, валюта рискларини хеджирлаш воситаларига эга бўлмаган қарздорлар билан хорижий валютадаги кредит муносабатларида зарурый мақсадли харажатларни (привизияларни)¹⁶² шакллантириш бўйича қаттиқ талабларни

¹⁶¹ Молиявий левередж – корхона қарз маблағларининг (имтиёзли акциялар ва узоқ муддатли облигацияларни) унинг капиталига нисбати. Қаранг: Большой экономический словарь / Под ред. А.Н.Азрилияна. 7-е изд., доп. – М.: Институт новой экономики, 2007. – С.514.

¹⁶² Привизия – бухгалтерия ҳисоби амалиётида зарурый мақсадли харажат. Масалан, фойда (даромад) солигини тўлаш привизияси – маълум бир давр учун фойда (даромад) солиги тўланадиган сумма. Умидсиз қарзлар привизияси –

ўрнатиш орқали ликвидлик рискига таъсир қилувчи кредит рискини чеклаш мумкин.

Қайта молиялаштириш рискини камайтириш, банклар ликвидлигини яхшилаш чора-тадбирлари доирасида ортиқча ташқи қарзларни шакллантирмаслик масалаларига алоҳида эътибор берилиши, яъни банкларнинг ташқи қарзлари унинг жами мажбуриятларига нисбатан халқаро амалиёт даражасида бўлиши мақсадга мувофиқ. Ликвидликни шакллантириш манбаларини диверцификациялаш мақсадида банкларнинг берилган кредитлари ва депозитлари ўртасидаги оптимал нисбатни таъминлаш учун қўшимча чора-тадбирлар қабул қилиниши лозим. Минимал захира талабларини қўллашда иқтисодиётнинг циклик ўзгаришларига қарши тамойиллар билан фаолият юритишини инобатга олиш керак.

Молия бозорида иштирокчи ташкилотларнинг инвестицион портфеллари сифати ва таркибини яхшилаш учун ҳам иқтисодиётнинг циклик ўзгаришларига қарши тамойиллар билан фаолият юритиши зарур.

Банк тизимини назорат қилиш пруденциал тартибга солишини такомиллаштириш орқали кучайтирилиши лозим. Бошқа мамлакатлар назорат ташкилотлари билан узвий ҳамкорликни ва маълумотлар алмашишни ўрнатиш орқали трансчегаравий назоратни ривожлантириш мумкин.

Рискларни бошқариш даражасини ошириш мақсадида алоҳида молиявий воситаларнинг ва ташкилотлар рискларини баҳолаш сон ва статистик усусларини кўпайтириш, уларни амалиётта жорий этиш мақсадга мувофиқ.

Молиявий ва реал активлар бозорида юзага келадиган «кўпиклар», иқтисодиётда эрта пайдо бўладиган дисбалансларнинг олдини олиш ва оптимал механизмини

қайтариб олиб бўлмайдиган аввал берилган кредитлар бўйича заарларни кўзда тутувчи сумма. Қаранг: Большой экономический словарь / Под ред. А.Н.Азрилияна. 7-е изд., доп. – М.: Институт новой экономики, 2007. – С.846.

ишлаб чиқиш, тизимли рискларни минималлаштириш ўрта муддатли истиқболда устувор йўналишлардан ҳисобланниши лозим. Ушбу йўналишда олиб бориладиган молиявий-иктисодий сиёсат макропруденциал тартибга солиш тизимини жорий этишга мўлжалланган бўлиши молия бозорининг барқарор тараққиёти учун замин ҳозирлайди.

Ривожланаётган мамлакатларда тизимли рискларни камайтиришда молия бозорининг самарали фаолияти ва унга молиявий ресурсларнинг сафарбар этилишига қараб банк тизимида хусусий сектор улушини босқичма-босқич ошириш мумкин.- Мамлакатнинг барқарор иқтисодий ўсишини таъминлаш ва давлатнинг узоқ муддатли манфатлари учун молиявий ресурсларидан фойдаланиш молиявий ташкилотлар билан ҳамкорлик орқали таъминлашини даркор. Бу жараён қуйидаги асосий тамойиллар орқали таъминланиши мақсадга мувофиқ:

- инвесторларнинг узоқ муддатли иқтисодий манфатларини яратиш учун банк капиталида давлатнинг улушини фақат иқтисодий фойда олиш мақсадини амалга ошириши учун қолдириш;
- ўрта муддатли истиқболда банкларнинг капиталлашув даражасини ошириш шарти асосида ташки ва ички инвесторлар ўртасидаги дискриминацияни йўқотиш;
- банк тизимига аҳоли омонатлари ва корхоналарнинг маблағларини жалб этиш ҳисобига иқтисодиётнинг реал секторини молиялаштириш учун тақдим қилинган ресурсларни ўрта муддатли аниқ режа асосида қайтаришни жорий этиш;
- муаммоли ссуда қарзлари ва рискли активларни бошқариш институтларини ташкил этиш, ривожлантиришга фаол кўмаклашиш;
- иқтисодиётнинг маълум бир секторини молиялаштириш устуворлигини инобатга олмай, кредит рискини қабул қилиш даражасига қараб давлатнинг саноатни ривожлантириш сиёсати доирасида ажратиладиган молиявий ресурсларни қарздорлар ва банклар ўртасида тенг тақсимлаш тамойилига таяниш.

Иқтисодиётда юз берган инқирозли ҳолатлар, молия бозорининг барқарор ривожланиши учун ички ва ташқи салбий таъсирлардан ҳимояланиш ушбу бозор иқтисодий хавфсизлигини таъминлаш ҳамда унинг чегараларини белгилаш заруратини оширган. Бу эса молия бозорини тартибга солишдаги муаммоларнинг олдини олиш учун замин яратади. Молия бозори хавфсизлиги чегараларининг белгиланмаслиги бутун иқтисодиётда бекарорликнинг кучайишига, иқтисодий инқирозга олиб келиши мумкин. Мазкур чегараларни белгилашда бозор иқтисоди ривожланган мамлакатларга хос умумий ҳолда тан олинган меъёрлардан фойдаланиш бозор иқтисодига ўтаётган миллый иқтисодиётимизга мос келмаслиги мумкин. Мисол тариқасида 1997 – 1998 йиллари Россия Федерациясида юз берган инқирозни кўрсатиш мумкин. Ўша даврда АҚШда давлатнинг ички қарзи ЯИМдан ортиқ эсада, иқтисоди инқирозга учрамаган, аммо РФда мазкур кўрсаткич анча кичиклигига қарамай, иқтисодиёт бу оғирликни кўтаролмади.

Фикримизча, мамлакатимиз молия бозорининг барқарор ривожланиши учун қуидаги чегараларни белгилаш мақсадга мувофиқ:

- давлатнинг ички қарзи ҳажми Маастрихт келишувига мувофиқ мамлакат ЯИМнинг 30 фоизи миқдорида белгиланиши лозим;

- ҳосилавий қимматли қофозлар бозори ҳажми бирламчи қимматли қофозлар бозорига нисбатан 90 фоиздан ортмаслиги керак. Farb мамлакатлари амалиёти кўрсатадики, ҳосилавий қимматли қофозлар бозори ҳажмининг бирламчи қимматли қофозлар бозорига нисбатан ортиб кетиши бозорда ҳосилавий қимматли қофозлар котировкаларининг сифат ўзгаришига олиб келади, бу бирламчи қимматли қофозлар нархини аниқлайди, эмитентлар фолиятига таъсир кўрсатади;

- бозор иштирокчиларининг умумий қисқа позициялари. Маблағ ҳажмига нисбатан акциялар савдоси иштирокчилари ўз маблағларининг умумий суммасидан 70 фоиз

ҳисобида, қимматли қоғозлар ҳажмига нисбатан «депо» ҳисоб варақпаридағи қимматли қоғозларнинг умумий 80 фоизи миқдорида ўрнатган маъқул. Ҳозирги пайтда баъзан маблағларга нисбатан умумий қисқа позициялар ҳажми савдо иштирокчилари ўз маблағларининг 100 – 170 фоизига етмоқда. Қисқа вақт оралиғида акциялар нархи тўсатдан, кескин ўзгариши мумкин. Амалиёт кўрсатадики, акциялар нархи бир кун ичида 20 фоиздан ортиқ, 4 кун ичида 40 – 45 фоиздан ортиқ пасайиши мумкин. Агар инвесторлар акциялар савдосига ўз маблағларининг 100 фоизидан ортиқ миқдорини қўйсалар, шубҳасиз, бозорда уларнинг ёпласига банкротлик ҳолати юзага келади. Ҳозирда молия бозоридаги инвесторларнинг катта қисми қимматли қоғозларни вақтинчалик қарзга олиш, нархлар тушаётганда нисбатан қиммат нархларда сотиш имконига эга. Қимматли қоғозлар бўйича қисқа позицияларнинг ўсиши бозорда нархлар тушишига катта кўламдаги ўйинлар бошланганидан дарак беради, бу бозорда инқироз хавфини юзага келтиради;

– мамлакатимиз қимматли қоғозларига норезидентларнинг қўйилмалари ҳажми қимматли қоғозлар бозор ҳажмига ва мамлакат ЯИМга нисбатан олиниши керак. Мисол тариқасида АҚШ қимматли қоғозлар бозорини олиш мумкин. 2000 – 2002 йиллардаги инқироз АҚШ давлат қимматли қоғозлари бозорига деярли таъсир кўрсатманган. Ушбу давр оралиғида бозордаги асосий индекслар 2 – 4 баробарга тушиб, акциялар бозоридаги инқироз иқтисадиётнинг реал секторида ишлаб чиқариш камайишига олиб келган. Аммо федерал облигациялар бозори барқарорлигича қолган. Бунга сабаб АҚШ давлат қимматли қоғозларида норезидентларнинг улуши 12 – 15 фоиз атрофида эди. 1997 йили РФда юз берган инқироз даврида ҳам давлат қимматли қоғозлар бозорида норезидентлар ҳажми 12 фоиз сақланган эса-да, мамлакат ЯИМ камайгани туфайли кўрсаткич унга нисбатан ошган. Натижада норезидентлар маблағларининг кичик қисми четга чиқиб кетиши ҳам мамлакат бозорида инқирозни юзага

келтирган, яъни 1997 йилнинг март, февраль ойларида давлат қимматли қоғозлар котировкалари деярли 40 фоизга тушган.

Фикримизча, молия бозорини ўшбу кўрсаткичлар асосида тартибга солиши, унинг натижаларига баҳо беришни мамлакатимиз молия бозорини тартибга солувчи органлар фаолият доирасидан келиб чиқиб Ўзбекистон Республикаси Молия вазирлиги, Марказий банки, Қимматли қоғозлар бозори фаолиятини назорат қилиш ва мувофикалаштириш марказларига топшириш ўринли.

Мамлакатимизда молия бозорининг асосий профессионал иштирокчилари сифатида инвестицион фондлар тараққиётiga катта эътибор қаратилмоқда. Инвестицион фондлар инвесторларнинг пул маблағларини жалб қилиш ҳамда уларни қонун ҳужжатларига мувофиқ қимматли қоғозларга, бошқа инвестиция активларига, банк ҳисоб ва рақларига ва омонатларга жойлаштириш мақсадида ташкил этилади.

2008 йил 22 июлдаги «Қимматли қоғозлар бозори тўғрисида»ги Қонуннинг 23-моддаси «Инвестиция фондининг фаолияти»га бағишланган. Унда «Инвесторларнинг пул маблағларини жалб қилиш ва уларни қонун ҳужжатларига мувофиқ қимматли қоғозларга, бошқа инвестиция активларига, банклардаги ҳисоб ва рақларига ва омонатларга қўйиш мақсадида акциялар чиқарадиган юридик шахс очиқ акциядорлик жамияти инвестиция фондидир», – деб кўрсатилган. Инвестиция фонди юридик шахснинг бошқа ташкилий-хукуқий шаклларига ўзгартирилишга ҳақлимас. Инвестиция фондини қўшиб юбориш, қўшиб олиш, бўлиш, ажратиб чиқариш қимматли қоғозлар бозорини тартибга солиш бўйича ваколатли давлат органи билан келишилган ҳолда амалга оширилади. Қимматли қоғозлар бозоридаги профессионал фаолиятни амалга ошириш учун инвестиция фондига берилган лицензиянинг амал қилишини тугатиш ёки уни бекор қилиш инвестиция фондининг белгиланган тартибда тугатилишига олиб келади.

Инвестиция фонди акциялар чиқарувчи ва сотиб олув-

чи, қимматли қоғозлар билан бошқа битишувларни амалга оширувчи, ўзлари акцияларига эгалик қилувчи корхоналар фаолиятини ривожлантиришда ва самарадорлигини оширишда акциядор ҳуқуқи билан қатнашувчи юридик шахс ҳисобланади. Фонднинг инвестицион фаолияти билан бофлиқ барча таваккалчилларни, бозор нархи ўзгаришидан кўрган даромад ва заарлари активлар қийматини ёки фонд акциялари жорий нархларини ўзгартириш орқали тўлиқ ҳажмда ушбу фонд акциядорларига тегишли бўлади.

Мамлакатимизда инвестицион фондлар Ўзбекистон Республикаси Вазирлар Маҳкамасининг 1996 йил 18 июн-даги «Инвестиция фондлари фаолиятини ташкил этиш чора-тадбирлари тўғрисида»ги 220-сонли қарори асосида фаолият бошлаган. Ушбу қарор уларнинг қуйидаги ҳуқуқий-меъёрий хужкатлар асосида фаолият юритишига замин яратди:

- инвестиция фондлари тўғрисидаги низом;
- хусусийлаштириш инвестиция фондлари тўғрисида-ги низом;
- фонднинг намунавий устави;
- фонднинг депозитарий билан тузилган намунавий контракти;
- фондни бошқариш ҳақида компания бошқарувчиси билан тузилган намунавий контракти;
- фонд эмиссиясининг намунавий проспекти;
- фонднинг молиявий фаолиятини таҳлил қилиш услуби;
- фонднинг соф активларини баҳолаш тартиби тўғри-сидаги низом;
- хусусийлаштириш инвестиция фондлари томонидан маҳсус давлат кредитини қайтариш тартиби ва шартла-ри;
- инвестиция фондларида бухгалтерия ҳисоби ва ҳисботи тўғрисида низом.

1998 йил 25 сентябрда Ўзбекистон Республикаси Вазирлар Маҳкамасининг 410-сонли «Инвестиция ва хусусийлаштириш инвестиция фондлари фаолиятини такомиллашти-

риш чора-тадбирлари тўғрисида»ги қарорига кўра, «Инвестиция фондлари тўғрисидаги низом», «Хусусийлаштириш инвестиция фондлари тўғрисида»ги низом янги таҳрирда ва «Бошқарувчи компаниялар фаолияти тўғрисида»ги низом қабул қилинди. «Хусусийлаштириш инвестиция фондлари (ХИФ) тўғрисида»ги низом мамлакатимизда уларни таъсис этиш ва фаолиятини лицензиялашни, ХИФ инвестиция активларининг ишончли бошқарувчиси фаолияти хусусиятларини, ХИФлар томонидан акциялар чиқаришни, хусусийлаштирилган корхоналар акцияларининг ХИФлар томонидан сотиб олиниш тартибини, ХИФлар томонидан маҳсус давлат кредитларини олиш тартибини, ХИФлар маҷбуриятлари ва акциядорлар олдидаги жавобгарлигини, ХИФлар фаолиятини тўхтатишни белгилайди.

ХИФлар аҳолининг кенг табақаларини хусусийлаштириш жараёнига жалб этиш мақсадида ташкил этилади ҳамда аҳолининг пул маблағларини, уларни кейинчалик хусусийлаштириладиган давлат корхоналари акцияларини сотиб олишга йўналтирган ҳолда жамлашга интиладилар.

Хусусийлаштириш инвестиция фонди очиқ акциядорлик жамияти ҳисобланиб, қуйидаги фаолият турларини амалга оширади:

- ўз акциялари эмиссияси ҳисобидан маблағларни хусусийлаштирилаётган корхоналарнинг қимматли қоғозларига жалб қилиш, ўз маблағлари ва олинган маҳсус давлат кредитларини инвестициялаш;
- қимматли қоғозлар билан савдо қилиш;
- ўзи акцияларига эгалик қилган корхоналарни ривожлантиришда ва самарадорлигини оширишда акциядор сифатида қатнашиш.

ХИФларнинг ўзига хос хусусиятлари сифатида қуидагиларни қайд этиш мумкин:

- хусусийлаштирилаётган корхоналарнинг чиқарилаётган акциялари умумий сонининг камида 30 фоизгачаси ни номинал қиймати бўйича сотиб олишлари мумкин;
- ўз умумий активларининг 10 фоиздан кўп бўлмаган миқдорини бир эмитент қимматли қоғозларига инвести-

циялаш имконияти. ХИФлар тўланган устав сармояси рўйхатдан ўтказилган кундан бошлаб бир ой давомида инвестиция портфелини мазкур чеклашга мувофиқлаштирадилар.

– ХИФ ёпиқ турдаги инвестиция фонди ҳисобланади ва қимматли қофозларни уларни сотиб олиш мажбуриятизиз эмиссиялади;

– маҳсус давлат кредитини олиш хукуқининг мавжудлиги;

– ХИФлар фақат хусусийлаштирилган давлат корхоналари акцияларига, Ўзбекистон Республикаси қонун ҳужжатларига мувофиқ давлат қимматли қофозларига маблағларни инвестициялаш хукуқига эга;

– хусусийлаштириш инвестиция фонди юридик шахснинг бошқа ташкилий-хукуқий шаклларига қайта ташкил этилмайди. Инвестиция фондини бирлаштириш, қўшиш, бўлиш, ажратиб чиқариш Қимматли қофозлар бозори фолиятини мувофиқлаштириш ва назорат қилиш маркази томонидан амалга оширилади.

ХИФларнинг инвестиция портфелини ташкил этувчи акцияларни сотиш ўз акцияларини қимматли қофозлар бозорининг профессионал қатнашчилари томонидангина ташкил этилган биржа ёки биржадан ташқари бозорларда аҳоли ўртасида жойлаштириш тугаллангандан кейин амалга оширилади. Давлат ҳокимияти ва бошқаруви органлари, давлат томонидан бевосита ёки билвосита назорат қилинадиган шахслар (жисмоний ёки юридик), устав фондида давлат улуши 25 фоиз ва ундан ортиқни ташкил этувчи корхона, акциялари ХИФлар томонидан сотиб олинган корхоналар ХИФлар томонидан сотиладиган хусусийлаштирилган корхоналар акцияларини сотиб олиш ёхуд бошқа усул билан ўз мулкига олиш ёки тасаруф этиш хукуқига эга бўлмайди.

«Инвестиция фондлари тўғрисида»ги низомда инвестиция фондини таъсис этиш, давлат рўйхатидан ўтказиш ва унинг фолиятини лицензиялаш, фонд акцияларини чиқаришни рўйхатдан ўтказиш, фонд акциялари эмисси-

яси тартиби, инвестиция фондини бошқариш, инвестиция фонди активларини бошқариш, қимматли қофозлар марказий депозитарийси ва инвестиция фондининг мустақил аудитори, инвестиция фонди фаолиятини чеклашлар, молиявий ахволни ва соф активларни баҳолаш, фойдани тақсимлаш, инвестиция фондлари мажбуриятлари ва уларнинг акциядорлар олдидаги жавобгарлиги, инвестиция фондини қайта ташкил этиш ва тугатиш тартиблари белгиланган.

Ҳозирги кунда инвестиция фондларини ташкил этиш ва уларнинг фаолияти «Қимматли қофозлар бозори тўғрисида»ги, «Акциядорлик жамиятлари ва акциядорларнинг ҳуқуқларини ҳимоя қилиш тўғрисида»ги Қонунлар, Ўзбекистон Республикаси Вазирлар Маҳкамасининг «Акциядорлик жамиятларини бошқариш тизимини такомиллаштиришга доир чора-тадбирлар тўғрисида»ги 1998 йил 22 августдаги 361-сонли қарори ва бошқа қонуний-меъёрий ҳужжатлар билан тартибга солинмоқда. Ўзбекистон Республикаси Давлат мулк қўмитаси, Қимматли қофозлар бозори фаолиятини мувофиқлаштириш ва назорат қилиш маркази инвестиция ва хусусийлаштириш инвестиция фондларини, уларнинг инвестиция активларининг белгиланган талаблар доирасида мувофиқлаштирилиши устидан назоратни амалга оширадилар.

Инвестиция ва хусусийлаштириш инвестиция фондлари акциядорларига дивидендлар фондлар томонидан акциядорлик жамиятларининг сотиб олинган ва уларнинг инвестиция портфелини ташкил этувчи қимматли қофозлари бўйича, қимматли қофозлар бўйича фоизлар (дис-контлар) ва банкларнинг депозит ҳисоб варакларидағи, хусусийлаштирилган корхона асосида тузилган хўжалик жамияти фойдасидан унинг қатнашчиси ҳисобланган инвестиция фонди томонидан олинган омонатларнинг фоизли даромадларидан тўланади.

Инвестиция ва хусусийлаштириш инвестиция фондларининг инвестиция портфелидаги хусусийлаштирилладиган корхоналар акцияларидан дивиденд сифатида олин-

ган даромадлари (фойдаси), инвестиция ва хусусийлаштириш инвестиция фондларининг хусусийлаштирилган корхоналар акцияларини сотиб олишга йўналтирилладиган даромадлари (фойдаси) солиқлардан, бюджетдан ташқари жамғармаларга йиғимлар ва тўловлардан озод этилган.

Инвестиция фондлари қимматли қофозларни уларни сотиб олиш мажбурияти билан чиқаришлари мумкин (очиқ турдаги фонд), яъни ушбу фонднинг қимматли қофозлари эгаларига уларнинг талабларига кўра қимматли қофознинг ўрнига пул ёки фонд уставига мувофиқ бошқа мол-мulkни олиши мумкин. Ёпиқ турдаги инвестиция фондларида қимматли қофозлар сотиб олиш мажбурияти-сиз чиқарилади.

Инвестиция фондлари фақат очиқ акциядорлик жамиятлари кўринишида ташкил этилади. Фаолияти банклар ва суурта компаниялари тўғрисидаги Ўзбекистон Республикаси қонун ҳужжатлари билан тартибга солинадиган банклар ва суурта компаниялари инвестиция фондлари бўлмайдилар. Инвестиция фонди ўз фаолиятини қимматли қофозлар ва операцияларнинг бошқа турлари билан бирга кўшиб олиб бормайдилар.

Бугунги кунда мамлакатимиз қимматли қофозлар бозорида инвестиция ва хусусийлаштириш инвестиция фондлари, инвестиция активларининг ишончли бошқарувчилар сони камайиш тенденциясига эга, шунга қарамай, ҳозирда инвестиция фондлари акциядорлари сони 50 мингдан ортиқни ташкил этмоқда. 2010 йил якунидаги хусусийлаштирилган инвестиция фондлари ҳисобига инвестиция фондлари кўпайганини кузатиш мумкин (3.11-расмга қаранг).

«Қимматли қофозлар бозори тўғрисида»ги Қонуннинг 24-моддасида «Инвестиция активларини ишончли бошқарувчининг фаолияти» белгилаб берилган.

Юридик шахснинг – ишончли бошқарувчининг унга эгалик қилиш учун топширилган ва бошқа шахсга тегишли:
– қимматли қофозларни, жумладан, инвестиция актив-



3.11-расм. Мамлакатимиз қимматли қоғозлар бозорида профессионал иштирокчилар сони, йил якунида (дона)¹⁶³

ларини бошқариш жараёнида олинадиган қимматли қоғозларни;

— қимматли қоғозларга инвестициялашга мүлжалланган ва инвестиция активарини бошқариш жараёнида олинадиган пул маблағларини шу шахснинг ёки у кўрсатган шахснинг манфаатларини кўзлаб ўз номидан ишончли бошқарувни белгиланган муддат мобайнида амалга ошириши инвестиция активарини бошқариш бўйича фаолиятдир.

Ҳозирда мижозлар билан тузилган шартномалар асосида фақат брокерлар ва инвестиция активарини ишончли бошқарувчилар томонидан қимматли қоғозлар бозорида мижозлар ҳисобидан битимлар тузилиши мумкин.

Вазирлар Маҳкамасининг 1998 йил 25 сентябрдаги 410-сонли, 2003 йил 19 апрелдаги 189-сонли, 2008 йил 2 октябрдаги 221-сонли ва бошқа қарорлари билан бо-

¹⁶³ Қимматли қоғозлар бозорини мувофиқлаштириш ва назорат қилиш марказининг 2005, 2006, 2007, 2008 ва 2009 йиллар якунлари бўйича маълумотлари асосида тузилган.

қарувчи компаниялар фаолияти тартибга солиниб, та-комиллаштириб келинмоқда. Ҳозирда бошқарувчи компаниилар фаолияти инвестиция активларининг ишончли бошқарувчилари фаолиятига тенглаштирилган, уларнинг асосий фаолият механизмни «Инвестиция активларининг ишончли бошқарувчилари тўғрисида»ги низом асосида таъминланади. Низомда ишончли бошқарув шартномаларининг умумий шартлари ва хусусиятлари, ишончли бошқарув шартномалари бўйича операцияларни ҳисобга олиш ва ҳисоб рақамларини юритиш, бошқарувчи компания фаолиятини чеклаш, бошқарувчи компания фаолиятини тақдирлаш тартиби, бошқарувчи компанияни қайта ташкил этиш ва тугатиш, инвестиция фондларининг инвестиция активларини ишончли бошқариш хусусиятлари белгиланган. Шунингдек, унда инвестиция активларининг ишончли бошқарувчиларига қўйиладиган асосий талаблар, инвестиция ҳамда хусусийлаштирилган инвестиция фонdlари молмулкига кирувчи қимматли қофозларга инвестицияланадиган маблағларни ва бошқа қимматли қофозларни ишончли бошқарувни амалга ошириш тартиби ва шартлари ҳам кўрсатилган.

Инвестиция активларининг ишончли бошқарувчиси томонидан бошқариладиган инвестиция активлари ўртача йиллик қийматининг камидаги 5 фоизи микдорида ўз моддий активларига эга бўлади. Инвестиция активлари ишончли бошқарувчисининг ўз моддий активлари микдори ва у томонидан бошқариладиган инвестиция активларининг соғ активлари ўртача йиллик қиймати Ўзбекистон Республикаси Молия вазирлиги билан келишув бўйича қимматли қофозлар бозорини мувофиқлаштириш ва назорат қилиш маркази белгилаган тартибда аникланади. Инвестиция активларининг ишончли бошқарувчилари ўз моддий активларининг кўрсатилган талабларга мувофиқлиги доимий назоратда.

Инвестиция активларини ишончли бошқариш обьектлари қўйидагилар бўлиши мумкин:

- хўжалик юритувчи субъектларнинг қимматли қоғозлари, жумладан, улар томонидан ишончли бошқарув тўғрисида шартнома тузилган вақтда давлат мулки бўлган қимматли қоғозлар;
- хўжалик юритувчи субъектларнинг уларни ишончли бошқариш тўғрисида шартнома тузилган вақтда давлат мулки бўлган улушлари (пайлари);
- муассис томонидан ишончли бошқарувчига бошқариш учун берилган қимматли қоғозларга инвестициялашга мўлжалланган пул маблағлари;
- ишончли бошқарувчи томонидан шартнома бўйича ўз мажбуриятларини бажариш натижасида олинган пул маблағлари ва қимматли қоғозлар.

Инвестиция активларини ишончли бошқариш муассиси инвестиция активлари эгаси ёки давлат мулки бўлган инвестиция активларига нисбатан ваколатли давлат органи бўлиши мумкин.

2008 йили қабул қилинган «Қимматли қоғозлар бозори тўғрисида»ги Қонуннинг 19-моддасида «Қимматли қоғозлар бозорида профессионал фаолиятни амалга ошириш» тартиби кўрсатилган.

Қимматли қоғозлар бозорида профессионал фаолият қимматли қоғозлар бозорини тартибга солиш бўйича ваколатли давлат органи томонидан бериладиган лицензия асосида амалга оширилади. Қимматли қоғозлар бозорида профессионал фаолият қуидагилар сифатида амалга оширилади:

- инвестиция воситачиси (брокерлар, дилерлар);
- инвестиция маслаҳатчиси;
- инвестиция фонди;
- инвестиция активларини ишончли бошқарувчи;
- депозитарий;
- ҳисоб-китоб-клиринг палатаси;
- трансфер-агент;
- қимматли қоғозларнинг биржадан ташқари савдоси ташкилотчиси.

Лицензия талабгорига унинг аризасига биноан қиммат-

ли қоғозлар бозоридаги профессионал фаолиятни амалга ошириш ёки мазкур фаолият турининг қисмлари учун лицензия берилиши мумкин. Қимматли қоғозлар бозоридаги профессионал фаолиятни амалга ошириш учун лицензия қимматли қоғозлар бозорида профессионал фаолиятни бирга қўшиб олиб боришга белгиланган чеклашлар ҳисобга олинган ҳолда берилади.

Инвестиция ва хусусийлаштириш инвестиция фондларининг молиявий фаолияти таҳлили кўрсатадики, охирги йилларда фондларнинг инвестиция активлари ишончли бошқарувчилари томонидан уларнинг молиявий ҳолатини мустаҳкамлаш, умумий ва соф активлар ҳамда даромадларини ошириш бўйича маълум ишлар амалга оширилган. Бироқ фондлар активларининг ва уларнинг инвестицион портфелдаги умумий қийматининг ўсиши билан бир қаторда уларнинг ялпи даромади ва соф фойдасининг ўсишида пасайиш кузатилган.

2005 йил 4 марта хусусийлаштирилган корхоналар асосида ташкил топган инвестицион фондларга қарз қимматли қоғозлар билан ва пай (улуш)ли масъулияти чекланган жамиятлар шаклида операцияларни амалга оширишга рухсат берилиши ҳам ҳолатни ижобий тарафга ўзгартирмади. 2005 йили инвестицион фондлар сонининг қисқариши, тугатилиши ва молиявий аҳволининг ёмонлашви уларни тартибга солувчи органларга инвестиция фондлари фаолияти доирасида маҳсус изланишлар ўтказиш заруратини келтириб чиқарди.

Қимматли қоғозлар бозори фаолиятини мувофиқлаштириш ва назорат қилиш маркази томонидан олиб борилган инвестицион фондларнинг молиявий таҳлили натижасида уларнинг кузатув кенгашлари ва инвестиция активларини ишончли бошқарувчиларига нисбатан зарур чоралар кўриш кераклиги ойдинлашди. Натижада мамлакатимиздаги кўплаб йирик хусусийлаштириш инвестиция фондлари оддий ташкилотларга айланди. Оддий акциядорлик жамиятларига айланган хусусийлаштириш инвестицион фондлари томонидан бир қатор қонунни

бузиш ҳолатлари ҳам қимматли қоғозлар бозори фаолиятини мувофиқлаштириш ва назорат қилиш маркази томонидан аниқланиб, бу түғридаги маълумотлар тегишли ҳукуқни муҳофаза қилувчи органларга берилган, давлат бошқаруви органлари бу түғрисида огоҳлантирилган. Бир қатор ийрик хусусийлаштириш инвестиция фондлари кузатув кенгаши ташаббуси билан акциядорларнинг умумий йиғилиши қарори орқали тутатилди. Оқибатда қимматли қоғозларнинг иккиласи бозорида муомалада юрувчи ресурслар ҳажми камайди.

Фикримизча, мамлакатимиз иқтисодиётининг барқарор ривожланиши учун бўш турган маблагларни ишлаб чиқаришга самарали жойлаштиришда инвестиция фондлари муҳим роль ўйнайди. Бу эса уларни түғридан-тўғри тартибга солиш билан бир қаторда бозор механизмлари орқали тартибга солишга кўпроқ эътибор қаратиш лозимлигини кўрсатади. Уларнинг қимматли қоғозлар бозорида профессионал иштирокчи сифатидаги фаолиятини лицензиялаш масаласи ҳам бугунги куннинг долзарб масалаларидан бири.


Бир томондан, инвестиция фондлари (жумладан, хусусийлаштириш) акциядорлар ва кузатув кенгашидан иборат. Акциядорларнинг охирги умумий йиғилиши қарорига кўра инвестиция активларининг ишончли бошқарувчilари билан иш юритиш шартномалари тузилади. Юридик шахс сифатида инвестиция фондлари (жумладан, хусусийлаштириш) акциядорлик жамияти ва барча оператив, яъни фонд ҳужжатларини сақлаш, қимматли қоғозларни сотиш ва сотиб олиш бўйича шартномаларни тузиш, фонднинг қимматли қоғозлар портфелини шакллантириш учун қандай қимматли қоғозларга эга бўлиши ва бошқа шу каби қарорларни қабул қилиш унинг инвестиция активларининг ишончли бошқарувчilари томонидан амалга оширилади. Улар қимматли қоғозлар бозорида профессионал бўлмаган иштирокчилар каби қимматли қоғозларга инвестицияларни амалга оширади. Кўплаб хорижий мамлакатларда пай (улуш)ни ёки қимматли

қоғозларни сотиб олиш орқали инвестицион жараёнларни амалга оширувчи барча шахслар ёхуд хўжалик субъектларининг фаолияти профессионал фаолият сифатида қайд этилмайди.

Бошқа томондан, инвестиция фондлари (жумладан, хусусийлаштириш) анъанавий инвесторларга ўхшамайди. Улар институционал инвесторлар туркумига киради, яъни дастлаб кичик инвесторлар, аҳоли ва шу кабиларнинг маблағларини жамлайди, сўнгра уларни қимматли қоғозларга инвестициялайди. Институционал инвесторлар таркибига суурта компаниялари, турли пенсия фонdlари, тижорат банклари ва бошқа шу каби молиявий ташкилотлар киритилади. Улар ҳам ўз мижозларининг бўш пул маблағларини жамлайди, инфляция билан боғлиқ зарарларни бартараф этиш, фойда олиш учун қиммати қоғозларга инвестиция қиласди. Лекин улар қимматли қоғозлар бозорида профессионал иштирокчи сифатида қонуний-меъёрий хужожатларда эътироф этилмаган, қимматли қоғозлар бозорини тартибга солувчи орган томонидан фаолияти лицензияланмайди. Қимматли қоғозлар бозори жадал ривожланаётган мамлакатлардан бири – Россия Федерациясининг «Қимматли қоғозлар бозори тўғрисида»ги Қонунида инвестиция фондлари фонд бозорининг профессионал иштирокчиси ҳисобланмайди, уларнинг фаолиятини лицензиялаш муҳим аҳамият касб этмайди.

Мамлакатимизда инвестиция фондлари активлари 2010 йил якуни бўйича 6,6 млрд сўмни ташкил этиб, ўтган уч йилликда ўсиш тенденциясига эга бўлмоқда, бундай ўсиш тенденцияси унинг соғ активлар ҳажмида ҳам кузатиляпти (3.12-расмга қаранг). Бироқ салбий ҳолат уларнинг инвестиция портфелларидан олган даромадлари камайиш тенденциясига эгалигидир.

Таҳлилларимизнинг кўрсатишича, 2010 йил якунига кўра, Ўзбекистонда 9 та инвестицион фонд фаолият юритган, улар орасида «Даромад Плюс» инвестиция фонди, «Олим-Ф» хусусийлаштириш инвестиция фонди, «Кама-



3.12-расм. Ўзбекистонда инвестиция фондлари активлари ва даромадларининг ўзгариш динамикаси, млн сўмда¹⁶⁴

лак» инвестиция фонди салмоғи сезиларли даражада юқори (3.13-расмга қаранг).


Айни пайтда, 9 та инвестиция фондларининг 2 таси тутатилиш арафасида, қолганларининг умумий устав фонди ўсиш тенденциясига эга. Шунга қарамай, мазкур инвестиция фондларининг соф фойдаси йил сайн камаймоқда.

Инвестиция портфели таҳлили кўрсатишича, 2010 йил якунига келиб портфель ҳажми 5,6 млрд сўмни ташкил этган. Бу 2008 йилга нисбатан 12,0 фоизга кўп демакдир.

Мамлакатимиз қимматли қофозлар бозорида институционал инвесторлар фаолияти ҳам белгиланган, бундай инвесторлар қаторига инвестиция фондлари, суурита компаниялари ва тижорат банклари киритилган. Институционал инвесторларнинг асосий мақсади капитални кўпайтириш ва унинг ликвидлилигини таъминлаш ҳисобланади.

¹⁶⁴ Қимматли қофозлар бозорини мувофиқлаштириш ва назорат қилиш маркази маълумотлари асосида муаллифлар томонидан тузилган.

ди. Қимматли қоғозларга фаол равишда пул маблағларини қўйиш институционал инвесторларнинг асосий функцияси саналади.



3.13-расм. Ўзбекистонда йирик инвестиция фондлари активлари салмоғи ўзгариши динамикаси¹⁶⁵

Қимматли қоғозлар бозоридаги институционал инвесторлар фаолиятининг профессионал стандартлари ҳам ўрнатилган, буни тартибга солувчи асосий меъёрий ҳужжат Ўзбекистон Республикаси Адлия вазирлигига 2008 йил 2 декабрда 1874-рақам билан рўйхатга олинган «Қимматли қоғозлар бозоридаги институционал инвесторлар фаолиятининг профессионал стандартлари тўғрисида»ги низом ҳисобланади. Мазкур низом Ўзбекистон Республикаси Президентининг 2006 йил 27 сентябрдаги ПҚ-475-сонли «Қимматли қоғозлар бозорини янада ривожлантириш чора-тадбирлари тўғрисида»ги қарори ва бошқа қонун ҳужжатларига мувофиқ, институционал инвесторларнинг

¹⁶⁵ Қимматли қоғозлар бозорини мувофиқлаштириш ва назорат қилиш маркази маълумотлари асосида муаллифлар томонидан тузилган.

қимматли қоғозлар бозоридаги профессионал фаолияти стандартларини, жумладан, институционал инвесторлар фаолиятининг асосий тамойилларини, институционал инвесторлар фаолиятига нисбатан ўрнатилган талабларни, қимматли қоғозлар бозорида институционал инвесторларнинг ахборотларни ошкор этиши, ҳисобот бериши ва бошқаларни белгилайди.

Ҳозирда молия бозори амалиётида қимматли қоғозлар бозорининг профессионал иштирокчилари бирлашмаси (уюшмаси)ни ташкил этиш учун замин яратилган, яъни Ўзбекистон Республикаси Адлия вазирлигида 2009 йил 17 апрелда 1942-рақам билан рўйхатга олинган «Қимматли қоғозлар бозорининг профессионал иштирокчилари бирлашмалари (уюшмалари) фаолияти тўғрисида»ги низом қабул қилинган. Унга кўра, мазкур бирлашмалар қимматли қоғозлар бозорининг профессионал иштирокчилари томонидан қимматли қоғозлар бозорида уларнинг ҳукуқ ва манфаатларини ҳимоялаш мақсадида ташкил этилган юридик шахс (нотижорат ташкилоти) ҳисобланади.

Компания ва ташкилотларнинг бозорда мустаҳкам ўрин олиши, улар фаолиятининг барқарорлигини таъминлаш учун ички муаммоларни бартараф этиш мухим. Шу мақсадда мамлакатимизда «Қимматли қоғозлар бозори профессионал иштирокчисининг ички назорати тўғрисида»ги низом ишлаб чиқилди ва Ўзбекистон Республикаси Адлия вазирлигида 2009 йил 6 февралда 1899-рақам билан рўйхатга олиниб амалиётга жорий этилди. Натижада қимматли қоғозлар бозори профессионал иштирокчисининг ички назоратни ташкил этиш тартиби, назоратчига кўйиладиган талаблар, назоратчининг вазифалари, ҳукуқ ва мажбуриятлари, ҳисобдорлиги, мурожаатлар, аризалар ва шикоятларни кўриб чиқиш тартиби, профессионал иштирокчининг раҳбари ва ходимлари мажбуриятлари, умуман, қимматли қоғозлар бозори профессионал иштирокчисининг ички назоратини ташкил этиш ва амалга ошириш тартиби белгиланди. Низом талаблари қимматли қоғозлар институционал инвесторлари бўлган

тижорат банклари ва сұғарталовчилар учун татбиқ этилмайды, чунки улар қимматли қоғозлар бозорида профессионал иштирокчи саналмайды.

Умуман, мамлакатимизда қимматли қоғозлар бозорининг профессионал иштирокчиси сифатида инвестиция фондлари ва уларнинг активларининг ишончли бошқарувчилар фаолияти давлат мулкими хусусийлаштириш ва иқтисодиётда бозор механизмларини босқисма-босқич шакллантириш учун олиб борилган иқтисодий-хукукий исплоҳотлар билан билинген болғанда ривожланган.

Ўзбекистон Республикаси Олий Мажлиси Қонунчилик палатаси ва Сенатининг 2010 йил 12 ноябрдаги қўшма йиғилишидаги Ўзбекистон Республикаси Президентининг маърузасига ва Ўзбекистон Республикаси Президентининг 2011 йил 14 январдаги Р-3557-сонли фармойишига, Демократик бозор исплоҳотларни янада чукурлаштириш ва иқтисодиётни либераллаштириш соҳасида хукукий-меъёрий хужжатларни тайёрлаш бўйича комиссиянинг 2011 йил 21 январдаги йиғилиш баённомасига (24.01.2011. 02/I-33-сон) мувофиқ, «Инвестиция ва пай фондлар тўғрисида» Ўзбекистон Республикаси Қонунини қабул қилиш кўзда тутилган.

Инвестиция фондлари ёрдамида хусусий шахслар пул маблағлари ёки активларини бошқариш учун профессионал менежерлар қўлига берадилар. Кейин минглаб инвесторлар қўйилмалари ҳар бир инвесторнинг инвестицияларига мутаносиб улуши бўлган ягона портфель шакллантирилади, бу билан профессионал бошқариш; диверсификация; харажатлар камайиши таъминланади. Кўрсатилган ҳолатлар туфайли инвестиция фондлари бутун дунёда кенг тарқалди.

Пай фонди доираси инвесторлар ўз мол-мulkини фойда (ўсиш) олиш мақсадида инвестициялаш учун профессионал менежерларнинг ишончли бошқарувига берадилар. Ишончли бошқарувчилар инвесторларнинг мол-мulkини алоҳидаги мулкий комплексга бирлаштириб, уни ягона портфель сифатида бошқарадилар. Иштирок улушла-

рини құлға киритган инвесторлар унинг пайчирлари ҳисобланади. Фондни ташкил қылувчи мол-мұлқдаги мүлк улушига ҳуқуқи қимматли қофоз (инвестиция пайи) билан тасдиқланади.

Пай фондлари инвесторларнинг маблағлари аккумуляциясини, уларнинг қимматли қофозлар ва бошқа инвестиция активларига құйилишини таъминловчи жамоавий инвестициялаш институттарининг бир тури саналади.

Хорижий мамлакатлар тажрибаси шуны күрсатады, пай фонди мулкий комплекс ҳисобланади. Бунда пай фондининг мол-мұлқини бошқариш ишончли бошқарувчи томонидан амалга оширилади. Шундай қилиб, пай фонди ҳар бирига пайларнинг маълум миқдори тегишли бўлган инвесторларнинг (пайчиларнинг) пуллари ҳисобидан шаклланади.

Пай фондларини ташкил қилишдан мақсад юридик шахсни тузиш асосида фондга жамланган активлардан фойда олиш ва олинган фойдани пайчилар ўртасида пайлар миқдорига мутаносиб равишда тақсимлашдир.

Кўпинча инвестиция пайи ўз эгасининг фонддаги мол-мұлқка эгалигини ҳамда фонднинг қоидаларига мувофиқ унга тегишли пайни муомаладан чиқариш (қайтариб сотиб олиш) ҳуқуқларини тасдиқловчи эгаси ёзилган қимматли қофоз сифатида намоён бўлади.

Инвестиция пайлари инвесторнинг фонддаги мол-мұлқдаги улушини ва инвесторнинг ушбу улушга мувофиқ пулларни пай фондидан олиш, яъни пайни жорий қимматида муомаладан чиқариш ҳуқуқини тасдиқлайди. Ҳар бир инвестиция пайи унинг эгасига бир хил ҳуқуқларни тақдим этади.

Инвестиция пайлари эгаларининг ҳуқуқларини ҳисобга олиш ихтисослашган ҳисобга олиш институти – мустақил депозитарий томонидан олиб борилади.

Пай фондига инвестициялар, одатда, мустақил инвестицияларга нисбатан инвесторларга қуйидаги афзалликларни назарда тутади:

- инвестиция хавф-хатарларини диверсификациялаш;

- давлат томонидан пай фондининг фаолиятини назорат қилиш;
 - очик инфратузилма: пайчиларнинг маблағлари бошқарувчи компаниянинг маблағларидан ажратиб қўйилган ва ихтисослаштирилган депозитарийда сақланади;
 - фонднинг жорий операциялари солиқса тортимайди, солиқлар тўлаш (жумладан, даромад солиги) факат инвесторларга фақат пай сотиб юборилганда қўлланади;
 - профессионал бошқарув;
 - пайнинг юқори ликвидлиги (очик фонdlар учун).
- Пай фонdlарига қўйидаги асосий камчиликлар хос:
- белгиланган даромадлилик (депозит, облигация) воситаларига қараганда юқорироқ хавф-хатар;
 - инвестиция сертификатларини сақлаш учун қўшимча харажатлар;
 - мукофотни бошқарувчи компанияга ҳаттоқи фонд зарар кўрганида ҳам тўлаш зарурлиги. Одатга кўра, мукофот микдори фонд соф активларининг қиймати 0,5% дан 5% гача оралиқда ўзгариб туради;
 - пай фонdlари учун ўрнатилган қўйилма объектларига чекловлар мавжуд.

Кўп ҳолларда қонунчилик қайси акция ва облигацияларни фонд бошқарувчиси сотиб олиши мумкинлигига чекловлар қўяди, хусусий инвесторда эса бундай чекловлар доимо мавжуд.

Бир қатор давлатларда пай фонdlари фаолияти микдорий таҳлили кўрсатдики, Россия Федерациясида 2008 йил август ҳолатига тахминан 200 та бошқарувчи компанияларда бўлган соф активларнинг 20 млрд АҚШ доллари атрофидаги умумий ҳажми билан 1000 дан кўпроқ пай фонdlари фаолият кўрсатиб келган. АҚШда 2006 йил охирига келиб активларнинг умумий суммаси 9 трлн АҚШ долларига тенг 8000 фонд амал қилган.

Ўзбекистонга мос slab пай фонdlари Ўзбекистон Республикаси Фуқаролик кодексининг 851-моддаси қоидаларига биноан мулкий комплекс сифатида ишончли бошқарув обьекти сифатида қурилиши мумкин.

Пайчиларнинг пай фонди мол-мулкининг бир қисми сифатида ўз пайларига ҳукуқларини тасдиқловчи тегишли сертификатлар Ўзбекистон Республикаси Фуқаролик кодексининг 96-моддаси биринчи қисмига биноан қимматли қофозлар деб эътироф этилади. Бунда мулкий комплекс номидан қимматли қофозлар чиқарилишини тартибга солувчи ҳукуқий-меъёрий база мавжудмас.

Қолаверса, Фуқаролик кодексида ва Ўзбекистоннинг бошқа қонунларида «пай» юридик ибораси ишлаб чиқариш ва қишлоқ хўжалик кооперативларга нисбатан уларнинг мол-мулкида улушли иштирок шаклини белгилаш учун ишлатилади.

Техник жиҳатдан республикада пайларга сертификатларни жойлаштириш ва муомала қилишнинг самарали механизмини таъминлашга қодир керакли инфратузилма мавжуд (депозитарий, фонд биржаси, ҳисоб-китобклиринг палатаси, брокерлар, дилерлар, бошқарувчи компаниилар).

Ўзбекистон Республикаси инвестиция фондлари фолиятини тартибга солувчи маҳсус қонунни қабул қилиш зарурати ушбу институтлар ёрдамида аҳолининг кенг та бақалари ва тадбиркорлар мулкини профессионал бошқаришга, мулкий хавф-хатарлар қатламини диверсификациялашга, улар билан боғлиқ харажатларни камайтиришга ва ишончли инвестицияга кириш имкониятларини олишлари билан боғлиқ.

Бундай ҳужжатни яратишнинг ижобий жиҳатлари қуйидагилар:

- кичик инвесторларга инвестицияларни профессионал бошқаришга киришнинг таъминланиши;
- инвесторларнинг хавф-хатарлари диверсификацияланиши;
- операциялар кўлами ҳисобига харажатлар камайиши;
- якка тартибдагига қараганда жамоавий инвестициялашнинг ишончлилиги.

Мамлакатимизда «Инвестиция фонди тўғрисида»ги пул

маблағлари ва бошқа мулкларни билаштириш, инвестициялаш мақсадида ишончли бошқарув шартномаларини тузиш натижасида акцияларни жойлаштириш йўли билан уларни жалб этиш муносабатларини, инвестицион фонд мулкларини бошқариш, сақлаш, назорат қилиш ва ҳисобини юритишни тартибга солиб боради. Унда инвестиция фонди акциядорлик жамияти шаклида ёки юридик ва жисмоний шахсларнинг умумий мулқдаги улушларидан ташкил топадиган, бошқарувчи компания хизматларидан фойдаланувчи уюшган жамият сифатида кўзга ташланиши лозим.

Учинчи бобга амалга оширилган тадқиқотларга таяниб, фикримизча, мазкур хуносаларга келиш мумкин:

Ўзбекистон молия бозорида жаҳон молиявий-иқтисодий инқирози оқибатларининг олдини олиш ва юмшатиш имконини берадиган асосий омиллар сифатида куйидагиларни келтириш ўринли:

- банклар капиталлашув даражасининг оширилиши ва низом жамғармаларининг кўпайтирилиши молия бозорининг асосий сегментларидан бўлган кредит бозори мустаҳкамлигини оширишнинг ва тараққиётининг мухим омилларидан бирига айланиши;

- тижорат банклари фаолиятини баҳолашда узоқ муддатли кредит қўйилмалари улушининг ўсиши ва уни ички манбалар орқали таъминлаш мезонларига асосий эътибор қаратилиши молия бозорини барқарор ривожлантиришдаги асосий омиллардан бири экани;

- Ўзбекистон банк тизимининг қатъий халқаро талабларга жавоб берадиган энг барқарор тизимлардан бирига айланиши;

- қимматли қофозлар бозорида акционерлик жамиятлари капиталига, бозорнинг профессионал иштирокчилари ва биржа бозорига чиқадиган қимматли қофозларга талабнинг кучайтирилиши;

- мамлакатимиз эмитентлари қимматли қофозларининг халқаро ва хорижий давлатлар фонд бозорларида муомаласи шаклланмагани ва мамлакатимизга жалб этилган хорижий портфель инвестициялар ҳажмининг кичикилиги;

- Ўзбекистон молия бозорида давлатнинг ички ва ташқи қарзларини камайтиришга, мамлакат иқтисодиётига тўғридан-тўғри хорижий инвестицияларни кенг жалб этишига қаратилган самарали иқтисодий-молиявий ислоҳотларнинг юритилиши;
- иқтисодиётни модернизациялаш шароитида суурита ташкилотларининг капиталлашуви, мажбурий сууртанинг янги турлари жорий этилиши, мамлакатимизда замонавий суурита бозорининг шаклланиши;
- валюта сиёсати соҳасида ҳам пухта ўйланган, узоқни кўзлаб амалга оширилган тадрижий чоралар ва ҳ.к.
- мамлакатимиз молия бозори барқарорлиги бозор иқтисодиётига ўтишнинг концептуал асоси орқали таъминланган. Жаҳон молиявий-иктисодий инқирози мамлакатимиз молия бозорига таъсир кўрсатмаган дейиш ноўрин. Инқирознинг миллий молия бозорга таъсирини юмшатувчи бир қатор омилларнинг мавжудлиги унинг ушбу бозорига салбий таъсирини камайтирган;
- мамлакатимиз молия бозорини ривожлантириш, хусусан, фонд биржа бозорини ишлаб чиқаришга маблағлар жалб этишнинг энг яхши йўлларидан бири эканини, унинг афзалликларини кўрсатиб, индивидуал ва корпоратив сармоядорларнинг бўш пул маблағларидан энг юқори даромад келтирувчи молиявий маконга айлантириш лозим;
- инқироздан олинган сабоқ сифатида молия бозорини тартибга солиш чораларида унинг сегментларидаги ўсиш суръатларининг оптималь нисбатини таъминлашига ва иқтисодиётнинг реал сектори билан молия бозори ривожланишини мувофиқлаштириб боришга, унда «кўпиклар» ва молиявий ташкилотлар фаолиятида «домино» эффектига ўхшаш тизимли рискларнинг пайдо бўлишига йўл қўймасликка асосий эътибор қаратилган;
- турли мамлакатларда хорижий валютада доимий даромадларга ва активларга, валюта рискларини хеджирлаш воситаларига эга бўлмаган қарздорлар билан хори

жий валютадаги кредит муносабатларида зарурий мақсадли харажатларнинг (провизиялар) шаклланиши бўйича қаттиқ талабларни ўрнатиш орқали ликвидлик рискига таъсир этувчи кредит риски чекланган;

– молиявий инқироз қайта молиялаштириш рискини камайтириш ва банклар ликвиддигини яхшилаш чора-тадбирлари доирасида ортиқча ташқи қарзларни шакллантирмаслик масалаларига алоҳида эътибор берилишини, яъни банкларнинг ташқи қарзлари унинг жами мажбуриятларига нисбатан халқаро амалиёт даражасида бўлишини тасдиқлади;

– ривожланётган мамлакатларда тизимли рискларни камайтириш мақсадида молия бозорининг самарали фаолиятига ва унга молиявий ресурсларнинг сафарбар этилишига қараб банк тизимида хусусий ҳамда давлат банклари ўзаро мутаносиб равишда ривожланиши зарурлигини кўрсатди;

– мамлакатимиз иқтисодиётининг барқарор ривожланиши учун бўш турган маблағларни ишлаб чиқаришга самарали жойлаштиришда инвестиция фондлари муҳим роль ўйнайди. Улар фаолиятини ривожлантириш инвестицияларни тўғридан-тўғри тартибга солиш билан бир қаторда бозор механизмлари орқали тартибга солишга кўпроқ эътибор берилётганини кўрсатади. Инвестиция фондлари шундай механизмки, унинг ёрдамида хусусий шахслар ўз пул маблағлари ёки активларини бошқариш учун профессионал менежерлар қўлига берадилар, натижада ягона инвестицион портфель шакллантирилади, портфель профессионал равишда бошқарилади, харажатлар камаяди ва юқори даромад таъминланади. Бу эса инвестиция фондларининг бутун дунёда кенг тарқалишига олиб келган.

ХУЛОСА

Мазкур монографик тадқиқотни бажариш жараёнида амалга оширилган тадқиқотларнинг натижаларига асосланган ҳолда қуидаги хулосаларга келинди:

- молия бозорларида инқирозлар юзага келишининг назарий-концептуал асослари мавжуд, уларнинг асосий қоидаларидан инқирозга қарши чораларни такомиллаштиришда, глобал молиявий тизимни ислоҳ қилишда фойдаланиш муҳим амалий аҳамият касб этади;

- жаҳон иқтисодиёти молия бозорларидаги активлар баҳосининг асоссиз ўсиши, «спекулятив кўпиклар»га бир неча бор дуч келишига қарамай, ҳозиргача уларни бартараф этишнинг илмий-амалий усуслари ишлаб чиқилмаган. Қолаверса, монетар органларнинг активлар баҳосининг бундай асоссиз ўсишига йўл кўймаслик бўйича стратегиялари масаласи назарий жиҳатдан ҳам ўз ечимини топмаган;

- молия бозорига, хусусан, қимматли қофозлар бозорига чет эл капиталининг кириб келиши молиявий «кўпиклар»нинг ривожланиш тенденциясини кучайтирган;

- спекулятив фаолликни бартараф этишда монетар органлар томонидан пул-кредит сиёсати чора-тадбирлари доирасида фонд бозорини самарали тартибга солиш чораларининг зарурати ортмоқда;

- бозор иқтисодиёти яна бир бор ўзини ўзи самарали тартибга солишининг уddасидан чиқмади, натижада бозорни давлат томонидан тартибга солинишини қўллаб-куvvatловчилар сони кўпаймоқда;

- рискни баҳолаш ва суверен кредит рейтингини аниклаш методологиясини такомиллаштириш, рейтинг агентликлари фаолиятини тартибга солишни такомиллаштириш, молия бозорларини тартибга солиш бўйича халқаро регулятор – Молиявий барқарорлик кенгashi ваколатла-

рини кенгайтириш, инновацион банк молиявий маҳсулотларини тартибга солиш тизимини ишлаб чиқиш лозим;

– молиявий глобаллашув шароитида молия бозоридағи инқирозларнинг ривожланиши жадаллашган. Халқаро молия бозори ривожланишининг охирги босқичида иқтисодиётнинг реал сектори ва молия тизими ўртасида новофиқлик кескинлашиб кетган, реал қийматга эга бўлмаган молиявий активларнинг кўпайишига олиб келган;

– инвестиция фондлари банклар ва бошқа молиявий воситачилар кўрсатолмайдиган хизматларни таклиф қилиш билан бирга аҳолининг бўш жамғармаларини мамлакатдаги инвестиция жараёнларига сафарбар этмоқда;

– инвестиция фондларининг тавсифланиши ва турли туманлиги молия бозорида инвесторларнинг даромадларини ошириш билан бир қаторда бозорнинг профессионал иштирокчилари кўпайишига, ундаги рисклардан ҳимояланишининг инвесторлар хусусиятлари ва манфатларини инобатта олган ҳолда ташкил этилишига олиб келиб, молия бозори барқарор ривожланишига замин яратади;

– бозорнинг давлат томонидан тартибга солинишини кўллаб-куватловчилар сони ортмоқда;

– «Гласс-Стигал» қонунининг замонавий кўриниши ДФ АҚШ молия бозорини соғломлаштирса-да, жаҳон бўйлаб капитал ҳаракати устидан назоратнинг йўқлиги АҚШдан бошқа молиявий марказлар (Лондон, Гонгконг)га томон молиявий оқимлар фаоллиги кучайишига сабаб бўлади, ушбу қонун реал инвестицияларни тартибга солишга ва ривожлантиришга қаратилмай, спекулятив операцияларни бартараф этишга мўлжаллангани уни такомилластириш заруратини кўрсатади;

– инқироз шароитида молия бозорини тартибга солиш ва барқарорлигини таъминлаш инқироздан қутулиш мақсадида молия бозорини тартибга солувчи ва мустаҳкамлигини оширувчи иқтисодий исплоҳотларни олиб боришида, самарали тартибга солиш тизимини мустаҳкамлашда, молия бозорлари мувофиқлигини таъминлашда, хал-

қаро молиявий ташкилотларни ислоҳ қилишда, биржадан ташқари бозор инфратузилмасини яхшилаш орқали кредит деривативлар бозори шаффоғлиги ва барқарорлигини ошириш ҳамда улар билан боғлиқ тизимли рискларни қисқартиришда, молия тизими ва уни тартибга солишга ишончни тиклашда ўз аксини топади;

– иқтисодий глобаллашув ҳалқаро капитал ҳаракати активлар ҳажмининг ортиши билан бирга ривожланиб борган, бунда бошқа инвестициялар ҳажми тўғридан-тўғри ва портфель инвестициялар миқдоридан 2007 йилга келиб 2 мартаға кўпайган, глобал молиявий инқироз ҳалқаро капиталнинг бошқаларига нисбатан ушбу шаклига катта салбий таъсир кўрсатган. Жаҳон капитал импортида етакчи мамлакат АҚШ бўлгани боис унинг молия тизимидағи инқироз жаҳон бўйлаб кенг тарқалди. Мамлакат тўлов баланси ва пул бозори ўзаро боғлиқ равишда бир-бирининг мувозанатини таъминлаши иқтисодиётга инқироз шароитида давлатнинг аралашувини камайтиришга замин яратиб, инқироздан кейинги истиқболда мамлакат иқтисодий ўшини жадаллаштиришга хизмат қилиши мумкин;

– ҳалқаро қарз қимматли қофозлар ҳалқаро фонд бозорига капитални жалб этиш ва операциялар асосини (яъни 99 фоиз ҳалқаро эмиссия қарз қимматли қофозларига тўғри келади) ташкил этган, охирги ўн йилликда уларнинг ҳажми ҳалқаро акциялар бозори каби олти баробардан кўпроқча ошган, қарз қимматли қофозлар бозорига инқирознинг таъсири катта эмас, акциялар бозоридаги пасайиш асосан ривожланаётган мамлакатлар ҳисобига кечган, 2009 йилдан ушбу бозорларда ўсиш кузатилган. Ҳар иккала бозорда ҳам ривожланган мамлакатлар, жумладан, Европа мамлакатлари етакчилик қиласди, ҳалқаро қарз қимматли қофозлар бозори сегментида эса молиявий институтлар эмиссияси (1998 – 2009 йиллари 61 фоиздан 77 фоизга етган), эмиссия ҳажмининг валюталар бўйича кесимида асосий ўринни евро, кейинги ўринда АҚШ доллари асосий салмоқни эгаллайди;

– молиявий инқироз шароитида жаҳоннинг ривожлан-

ган мамлакатлари фонд биржаларида акциялар бозори капиталлашувининг ЯИМга нисбатан салмоғи кескин пасайган эса-да, жаҳон мамлакатлари ЯИМга нисбатан акциялар бозори капиталлашуви инқироз даврида 55%ни, охирги беш йилликда ривожланган мамлакатларда қарз муносабатини ифодаловчи қимматли қоғозлар ЯИМга нисбатан камида 100%ни ташкил этиши кузатилган;

- бир мамлакат фонд бозоридаги ўзгаришнинг бошқа бир мамлакат фонд бозорига тезкор таъсири унинг халқаро фонд бозорига интеграциясини таъминловчи воситалар ва молиявий глобаллашувнинг ривожланишидан юзага келган;

- ривожланаётган мамлакатлар фонд бозори тараққиётини янада жадаллаштириш, бунда бозорнинг иқтисодиёт тармоклари бўйича диверсификациясини оширишга алоҳида эътибор қаратиш мақсадга мувоғик;

- инновацион молиявий маҳсулотлар, айниқса, ҳосила молиявий воситалар ҳажмининг сезиларли даражада ортиши, уни тартибга солишининг самарали тизими шакллантирилмагани молия ва реал сектор ўртасида кескин номутаносибликтининг юзага келишига, инқироз даврида молия бозорида бекарорликнинг ортишига сабаб бўлди. Уларнинг микродаражада рискларни хеджирлаш, камайтириш, бошқариш ва фойда олиш имкониятини яратишини, аммо провардида иқтисодиётда тизимли рискларни юзага келтиришини молия бозорини ривожлантириш ва барқарорлигини таъминлашда инобатга олган маъқул;

- жаҳон молия бозоридаги инвестиция фондларининг асосий қисми АҚШ ва Европа мамлакатларида жойлашган, очиқ инвестиция фондлари жаҳонда етакчилик қилмоқда. Глобал молиявий инқироз инвестиция фондларининг ривожланиш тенденциясини ўзгартирган, яъни сезиларли пасайиш юз берган. Баъзи ривожланаётган мамлакатларда ҳам инвестиция фондлари яхши тараққий топган, хусусан, Россия ва Қозоғистонда инвестиция фондларининг турли шакллари бозор иқтисодиётига ўтиш йўлидаги ислоҳотлар билан мос равишда шаклланган;

– Ўзбекистон молия бозорида жаҳон молиявий-иктиносидий инқирозининг оқибатлари олдини олиш ва юмшатиш имконини берадиган асосий омиллар сифатида куйидагилар гавдаланади:

- банклар капиталлашув даражасининг оширилиши ва низом жамғармаларининг кўпайтирилиши, молия бозорининг асосий сегментларидан бўлган кредит бозори мустаҳкамлигини ошириш ва тараққиётининг муҳим омилларидан бирига айланиши;
- тижорат банклари фаолиятини баҳолашда узоқ муддатли кредит қўйилмалари улушининг ўсиши ва уни ички манбалар орқали таъминлаш мезонларига асосий эътибор қаратилиши молия бозорини барқарор ривожлантиришдаги асосий омиллардан бири экани;
- Ўзбекистон банк тизимининг қатъий халқаро талабларга жавоб берадиган энг барқарор тизимлардан бирига айланиши;
- қимматли қоғозлар бозорида акционерлик жамиятларининг капиталига, бозорнинг профессионал иштирокчиларига ва биржা бозорига чиқадиган қимматли қоғозларга талабларнинг кучайтирилиши;
- мамлакатимиз эмитентлари қимматли қоғозларининг халқаро ва хорижий давлатлар фонд бозорларида мумаласи шаклланмагани ва юртимизга жалб этилган хорижий портфель инвестициялар ҳажмининг кичикилиги;
- Ўзбекистон молия бозорида давлатнинг ички ва ташки қарзларини камайтиришга, мамлакат иқтисодиётига тўғридан-тўғри хорижий инвестицияларни кенг жалб этишга қаратилган самарали иқтисодий-молиявий ислоҳотларнинг олиб борилиши;
- иқтисодиётни модернизациялаш шароитида суғурта ташкилотларининг капиталлашуви, мажбурий суғуртанинг янги турлари жорий этилиши, мамлакатимизда замонавий суғурта бозорининг шаклланиши;
- валюта сиёсати соҳасида ҳам пухта ўйланган, узоқни кўзлаб амалга оширилган тадрижий чоралар ва ҳ.к.

– мамлакатимиз молия бозори барқарорлиги бозор иқтисодиётига ўтишнинг концептуал асоси орқали таъминланган. Жаҳон молиявий-иктисодий инқирози юртимиз молия бозорига таъсир кўрсатмаган дейиш хато. Инқирознинг миллый молия бозорига таъсирини юмшатувчи бир қатор омилларнинг мавжудлиги унинг ушбу бозорга салбий таъсирини камайтирган;

– жаҳонда юз берган молиявий инқироз сабаблари мамлакатлар молия бозорини тартибга солиш тизимини мустаҳкамлаш билан бирга тизимили рискларни бартараф этишга қаратилган макропруденциал назоратни жорий этиш зарурлигини кўрсатган. Молия бозорини тартибга солишда маропруденциал ёндашув бозорнинг алоҳида сегментлари ва молиявий институтларни назорат қилиш ва тартибга солишини кучайтиришни назарда тутган;

– бир қатор мамлакатларда кредит ташкилотлари барқарорлигини таъминлаш мақсадида нотижорат ташкилоти шаклида «мижозларнинг кредит тарихи» бўйича ягона маълумотлар базаси, яъни «ягона кредит бюроси» ташкил этилди. Уларнинг маълумотлари ишонччилигини таъминлаш учун давлат ташкилотлари билан мунтазам алоқаси таъминланган;

– молиявий инқироз молия бозорини тартибга солиш тизимини такомиллаштириш заруратини кўрсатди, молиявий ташкилотлар фаолиятини тартибга солишда бозор иқтисодиётнинг циклик ўзгаришларига қарши тамойиллар билан фаолият юритишини талаб этмоқда. Корхоналардаги маҳсус захираларга қўшимча равишда динамик захираларнинг тузиши активлар қиймати йўқотилганда, молиявий ташкилотлар ўз мажбуриятларини бажаролмаганда, ишлатиладиган захиралар миқдорида кескин ўзгаришлар юзага келганда баланслаштирувчи восита ролини ўтамоқда;

– молиявий инқироз қайта молиялаштириш рискини камайтириш ва банклар ликвидлигини яхшилаш чора-тадбирлари доирасида ортиқча ташки қарзларни шакллантирмаслик масалаларига алоҳида эътибор берилишини,

яъни банкларнинг ташки қарзлари унинг жами мажбуриятларига нисбатан халқаро амалиёт даражасида бўлишини тасдиқлади;

– ривожланаётган мамлакатларда тизимли рискларни камайтириш мақсадида молия бозорининг самарали фаолиятига ва унга молиявий ресурсларнинг сафарбар этилишига қараб банк тизимида хусусий ва давлат банклари ўзаро мутаносиб равишда ривожланиши зарурлиги ни кўрсатди;

– иқтисодиётда юз берган инқирозли ҳолатлар, молия бозори барқарор ривожланиши учун ички ва ташки салбий таъсирлардан ҳимояланиш ушбу бозор иқтисодий хавфсизлигини таъминлаш ҳамда унинг чегараларини белгилаш заруратини оширган;

– мамлакатимизда қимматли қоғозлар бозорининг профессионал иштирокчиси сифатида инвестиция фондлари ва уларнинг активларини ишончли бошқарувчилар фаолияти бозорда барқарор фаолият юритиш тамойиллари асосида ривожланди, бу жараён давлат мулкини хусусийлаштириш ва иқтисодиётда бозор механизмларини босқисма-босқич шакллантириш учун олиб борилган иқтисодий-хуқуқий ислоҳотлар билан таъминланган. Улар фаолиятини ривожлантириш инвестицияларни тўғридан-тўғри тартибга солиш билан бир қаторда бозор механизмлари орқали тартибга солишга кўпроқ эътибор қаратилаётганини кўрсатади.

ФОЙДАЛАНИЛГАН АДАБИЁТЛАР РЎЙХАТИ

1. Ўзбекистон Республикаси қонунлари ва ҳуқуқий-меъёрий ҳужжатлари

1.1. Ўзбекистон Республикаси қонунлари

1.1.1. Ўзбекистон Республикасининг «Қимматли қофозлар бозори тўғрисида»ги 2008 йил 22 июлдаги Қонуни.

1.1.2. Ўзбекистон Республикасининг «Валютани тартига солиш тўғрисида»ги (янги таҳрири) Қонуни. Ўзбекистон Республикаси молиявий қонунлари. I – 3. – Тошкент, 2004. – Б.23 – 47.

1.1.3. Ўзбекистон Республикасининг «Чет эл инвестициялари тўғрисида»ги 1998 йил 30 апрелдаги Қонуни.

1.1.4. Ўзбекистон Республикасининг «Ташқи иқтисодий фаолият тўғрисида»ги 2000 йил 26 майдаги Қонуни.

1.1.5. «Ўзбекистон Республикасининг Марказий банки тўғрисида»ги 1995 йил 21 декабрдаги Қонун.

1.1.6. Ўзбекистон Республикасининг «Суғурта фаолияти тўғрисида»ги 2002 йил 5 апрелдаги Қонуни.

1.2. Ўзбекистон Республикаси Президенти фармонлари ва қарорлари

1.2.1. Ўзбекистон Республикаси Президентининг 2007 йил 12 июлдаги ПҚ-670 сонли «Банкларнинг капиталлашувини янада ошириш ва иқтисодиётни модернизациялашдаги инвестиция жараёнларида уларнинг иштирокини фаоллаштириш чора-тадбирлари тўғрисида»ги қарори.

1.2.2. Ўзбекистон Республикаси Президентининг 2007 йил 7 ноябрдаги ПҚ-726 сонли «Банк тизимини янада ривожлантириш ва бўш пул маблағларини банк айланмасига жалб этиш чора-тадбирлари тўғрисида»ги қарори.

1.2.3. Ўзбекистон Республикаси Президентининг 2010 йил 26 ноябрдаги ПҚ-1438 сонли «2011 – 2015 йилларда

республика молия-банк тизимини янада ислоҳ қилиш ва барқарорлигини ошириш ҳамда юқори халқаро рейтинг кўрсаткичларига эришишнинг устувор йўналишлари тўғрисида»ги қарори.

1.2.4. Ўзбекистон Республикаси Президентининг 2006 йил 27 сентябрдаги ПҚ-475 сонли «Қимматли қофозлар бозорини янада ривожлантириш чора-тадбирлари тўғрисида»ги қарори.

1.2.5. Ўзбекистон Республикаси Президентининг 2007 йил 10 апрелдаги ПҚ-618 сонли «Суғурта хизматлари бозорини янада ислоҳ қилиш ва ривожлантириш чора-тадбирлари тўғрисида»ги қарори.

1.3. Ўзбекистон Республикаси Вазирлар Маҳкамаси қарорлари ва бошқа ҳуқуқий-меъёрий ҳужжатлар

1.3.1. Ўзбекистон Республикаси Вазирлар Маҳкамасининг 2008 йил 28 июлдаги 160-сонли «Қимматли қофозлар бозори инфратузилмасини ривожлантиришга оид қўшимча чора-тадбирлар тўғрисида»ги қарори.

1.3.2. Ўзбекистон Республикаси Вазирлар Маҳкамасининг 2003 йил 29 апрелдаги 196-сонли «Қимматли қофозлар иккиласми бозорини янада ривожлантириш чора-тадбирлари тўғрисида»ги қарори.

1.3.3. Ўзбекистон Республикаси Вазирлар Маҳкамасининг 2002 йил 12 июлдаги 247-сонли «Биржадан ташқари валюта бозорини янада ривожлантириш чора-тадбирлари тўғрисида»ги қарори.

1.3.4. Ўзбекистон Республикаси Адлия вазирлиги томонидан 2004 йил 6 августда 1396-рақам билан давлат рўйхатидан ўтказилган «Корпоратив қимматли қофозлар билан РЕПО битишувларни амалга ошириш тўғрисида»ги низом.

1.3.5. Ўзбекистон Республикаси Адлия вазирлиги томонидан 2008 йил 18 июнда 1829-рақам билан давлат рўйхатидан ўтказилган «Ўзбекистон Республикасининг давлат қимматли қофозлари билан РЕПО битимларини тузиш ва ижро этиш тартиби тўғрисида»ги низом.

1.3.6. Ўзбекистон Республикаси Адлия вазирлиги то-

монидан 2011 йил 23 февралда 2201-рақам билан давлат рўйхатидан ўтказилган «Ўзбекистон Республикаси Марказий банки томонидан тижорат банклариға қайта молиялаш кредитларини бериш тартиби тўғрисида»ги низом. Ўзбекистон Республикаси Марказий банки бошқарувининг 2011 йил 2 январдаги 1/1-сон қарорига илова.

1.3.7. Порядок «Выпуска и обращения производных ценных бумаг», зарегистрирован Министерством юстиции Республики Узбекистан от 2 апреля 1997 г. Регистрационный № 320.

1.3.8. Порядок «Проведения аукционов кредитных ресурсов в Республике Узбекистан» зарегистрирован Центрального Банка Республики Узбекистан от 20 апреля 1996 г. Регистрационный № 41.

2. Ўзбекистон Республикаси Президенти асарлари, маърузалари ва нутқлари

2.1. Каримов И.А. Асосий вазифамиз – Ватанимиз тараққиёти ва халқимиз фаровонлигини янада юксалтиришдир. – Тошкент: Ўзбекистон, 2010. – 80 б.

2.2. Каримов И.А. Жаҳон молиявий-иқтисодий инқирози, Ўзбекистон шароитида уни бартараф этишининг йўллари ва чоралари. – Тошкент: Ўзбекистон, 2009. – 56 б.

2.3. Каримов И.А. Мамлакатимизда демократик ислоҳотларни янада чуқурлаштириш ва фуқаролик жамиятини ривожлантириш концепцияси: Ўзбекистон Республикаси Олий Мажлиси Қонунчилик палатаси ва Сенатининг қўшма мажлисидаги маъруза. 2010 йил 12 ноябрь. – Тошкент: Ўзбекистон, 2010. – 56 б.

2.4. Каримов И.А. Барча режа ва дастурларимиз Ватанимиз тараққиётини юксалтириш, халқимиз фаровонлигини оширишга хизмат қиласди. 2010 йилда мамлакатимизни ижтимоий-иқтисодий ривожлантириш якунлари ва 2011 йилга мўлжалланган энг муҳим устувор йўналишларга бағишланган ЎзР Вазирлар Маҳкамаси мажлиси-

даги маъруза. 2011 йил 21 январь. – Тошкент: Ўзбекистон, 2011. – 48 б.

2.5. И.А.Каримовнинг 2010 йил 3 майдаги Осиё тараққиёт банки бошқарувчилар кенгаши 43 йиллик мажлиси очилиш маросими даги нутқи.

3. Китоб ва туркум нашрлар

3.1. Абрамов А. Инвестиционные фонды: Доходность и риски, стратегии управления портфелем, объекты инвестирования в России. – М.: Альпина Бизнес Букс, 2005. – 416 с.

3.2. Алан Рот ва бошқалар. Основы государственного регулирования финансового рынка. Зарубежный опыт. Учебное пособие для юридических и экономических вузов. М.: Юридический Дом «Юстицинформ», 2002.

3.3. Богл Д. Взаимные фонды с точки зрения здравого смысла: новые императивы для разумного инвестора. – М.: Альпина Паблишер, 2002. – 539 с.

3.4. Большой экономический словарь / Под ред. А.Н. Азрилияна. 7-е изд., доп. – М.: Институт новой экономики, 2007. – 1472 с.

3.5. Бутиков И. Рынок ценных бумаг Узбекистана: проблемы формирования и развития. – Тошкент, 2008. – 224 с.

3.6. Вайс М.Д. Делай деньги во время кризиса на бирже / Пер. с англ. Под. ред. О.Сидоровой. – СПб.: Лидер, 2009 – 384 с.

3.7. Вахабов А, Жумаев Н., Ҳошимов Э. Жаҳон молиявий-иктисодий инқирози: сабаблари, хусусиятлари ва иқтисодиётта таъсирини юмшатиш йўллари. – Тошкент: Akademnashr, 2009. – 144 б.

3.8. Вахабов А., Хажибакиев Ш., Муминов Н. Хорижий инвестициялар. Ўқув қўлланма / И.ф.д. проф. А.В.Вахобовнинг умумий таҳрири остида. – Тошкент: Молия, 2010. – 328 б.

3.9. Вахабов А.В., Худякова Н.К. Международные ва-

лютно-кредитные и финансовые отношения. I часть. – Ташкент: Университет, 2003. – 276 с.

3.10. Ваҳобов А., Абдуллаев Ё. Ўзбекистон Республикаси Президенти И.А.Каримовнинг «Жаҳон молиявий-иктисодий инқирози, Ўзбекистон шароитида уни бартараф этишнинг йўллари ва чоралари» номли асарини ўрганиш бўйича ўқув қўлланма. – Тошкент: Iqtisod-moliya, 2009. – 194 б.

3.11. Ваҳобов А., Жумаев Н., Бурханов У. Халқаро молия муносабатлари. – Тошкент: Шарқ, 2003. – 400 б.

3.12. Гринспен А. Эпоха потрясений: Проблемы и перспективы мировой финансовой системы. Пер. с англ. 2-е издание, доп. – М.: Альпина Бизнес Букс, 2009. – 520 с.

3.13. Гришина О.А., Звонова Е.А. Регулирование мирового финансового рынка: теория, практика, инструменты. – М.: ИНФРА-М, 2010. – 410 с.

3.14. Джеймс Т. Деньги и финансы в макроэкономическом процессе // Мировая экономическая мысль. Сквозь призму веков. В 5 томах. – М.: Мысль, 2004. Т. V. Кн. 1. – С.416 – 434.

3.15. Михайлов Д.М. Мировой финансовый рынок тенденции и инструменты. – М.: Экзамен, 2000. – 768 с.

3.16. Жумаев Н.Ҳ. Жаҳон молиявий-иктисодий инқирози: моҳияти, сабаб-оқибатлари ва Ўзбекистонга таъсiri. – Тошкент, 2009. – 56 б.

3.17. Жумаев Н.Ҳ. Ўзбекистонда валюта муносабатларини тартибга солиш методологиясини такомиллаштириш. – Тошкент: Fan va texnologiya, 2007. – 232 б.

3.18. Жумаев Н., Абдураҳмонов О. Жаҳон молиявий-иктисодий инқирози: сабаблари ва уни бартараф этиш муаммолари. – Тошкент: Akademnashr, 2010. – 160 б.

3.19. Захаров А.В., Кириченко Д.А., Челмодеева Е.В. Валютные и универсальные биржи XXI века как антикризисный механизм финансового рынка. 28-е изд., перераб. и доп. – М., 2002. – 80 с.

3.20. Каримов Н.Ғ. Иктисодий интеграциялашув шароитида инвестиция фаолиятини молиялаштиришнинг

бозор механизмларини жорий этиш масалалари. – Тошкент: Fan va texnologiya, 2007. – 240 б.

3.21. Кругман П. Возвращение великой депрессии? Мировой кризис глазами нобелевского лауреата. Пер. с англ. – М.: Эксмо, 2009. – 336 с.

3.22. Котиков В. Хедж-фонды: Игра на рынке по новым правилам. – М.: Альпина Бизнес Букс, 2006. – 184 с.

3.23. Макаров А.В. Инвестируем в паевые инвестиционные фонды – М.: Эксмо, 2005. – 94 с.

3.24. Макарчук З. Инвестиционные фонды в России и США: Анализ законодательства и практики правового регулирования. – М.: Экон-информ, 2002. – 153 с.

3.25. Международные валютно-кредитные и финансовые отношения / Под ред. Л.Н.Красавина. – М.: Финансы и статистика, 2001. – 608 с.

3.26. Международный финансовый рынок: учеб. пособие / Под ред. д-ра экон. наук, проф. В.А.Слепова, д-ра экон. наук, проф. Е.А.Звоновой. – М.: Магистр, 2009. – 543 с.

3.27. Мертон Р.К. Приложения теории оценки опционов: двадцать пять лет спустя // Мировая экономическая мысль. Сквозь призму веков. В 5 томах. – М.: Мысль, 2005. Т V. Кн.2. – С.207 – 243.

3.28. Миллер М.Г. Эмиссия облигаций для увеличения капитала // Мировая экономическая мысль. Сквозь призму веков. В 5 томах. – М.: Мысль, 2004. Т.V. Кн.1. – С.635 – 636.

3.29. Мировая экономика и международные экономические отношения: Учебник / Под. ред. проф. А.С.Булатова, проф. Н.Н.Ливенцева. – М.: Магистр, 2008. – 490 с.

3.30. Моисеев С.Р. Международные финансовые рынки и международные финансовые институты: Учебное пособие, практикум по курсу. – М., 2005. – 205 с.

3.31. Ачилов М.Ф., Алиев М.Г., Котов В.А., Тешаев Ш.Ж., Хамидулин М.Б. Рынок капитала Узбекистана: вчера, сегодня и завтра. – Ташкент: Молия, 2002. – 268 с.

3.32. Нидерхоффер В., Кеннер Л. Практика биржевых

спекуляций / Пер. с англ. – М.: Альпина Паблишер, 2003. – 560 с.

3.33. О чём думают экономисты: Беседы с нобелевскими лауреатами / Пер. с англ. Под ред. П.Самуэльсона, У.Барнетта. – М., 2009. – 490 с.

3.34. Батра Р. Мошенничество Гринспена (Greenspan's Fraud). – М.: Попурри, 2006. – 496 с.

3.35. Тьюлз Р., Брэдли Э., Тьюлз Т. Фондовый рынок. 6-е изд. / Пер. с англ. – М.: ИНФРА-М, 2000. – VIII + 648 с.

3.36. Рубцов Б. Современные фондовые рынки: Учебное пособие для вузов. – М.: Альпина Бизнес Букс, 2007. – 926 с.

3.37. Семенкова Е.В. Операции с ценными бумагами: Учебник. – М., 2009. – 488 с.

3.38. Суэтин А.А. Международный финансовый рынок: Учебник. – М.: Кнорус, 2009. – 264 с.

3.39. Шарп У., Александр Г., Бэйли Дж. Инвестиции. Пер. с англ. – М.: ИНФРА-М, 2001. – XII, 1028 с.

3.40. Финансовый кризис в России и в мире / Под ред. Е.Т.Гайдара. – М.: Проспект, 2009. – 256 с.

3.41. Фридмен М. Основы монетаризма / Под науч. ред. Д.А.Козлова. – М.: ТЕИС, 2002. – 175 с.

3.42. Ходиев Б., Бекмуродов Ш., Фофуров У., Тухлиев Б. Ўзбекистон Республикаси Президенти И.А.Каримовнинг «Жаҳон молиявий-иқтисодий инқирози, Ўзбекистон шароитида уни бартараф этишнинг йўллари ва чоралари» номли асарини ўрганиш бўйича ўқув қўлланма. – Тошкент: Иқтисодиёт, 2009. – 120 б.

3.43. Ҳошимов Э.А. Ўзбекистонда валюта бозорини эркинлаштириш: муаммолар ва ёчимлар. – Тошкент: Akademnashr, 2010. – 168 б.

3.44. Шарп У.Ф. Цены фиксированных активов при наличии и отсутствии отрицательных позиций // Мировая экономическая мысль. Сквозь призму веков. В 5 томах. – М.: Мысль, 2004. Т.В. Кн.1. – С.651 – 673.

3.45. Шоуэлл М.С. Деривативы в динамической окружающей среде // Мировая экономическая мысль. Сквозь

призму веков. В 5 томах. – М.: Мысль, 2005. Т.В. Кн.2. – С.169 – 207.

3.46. Шохаъзамий Ш. Финансовый рынок и ценные бумаги. Учебник. – Ташкент: Iqtisod-moliya, 2005. Кн.1. – 728 с.

3.47. Шумпетер Й. Теория экономического развития. – М., 1982. – 386 с.

3.48. Allen F., Gale D. Asset-Price Bubbles and Stock Market Interlinkages / Hunter W.C., Kaufman G.G. and M. Pomerleano (eds.). Asset-Price Bubbles: The Implications for Monetary, Regulatory, and International Policies. – Cambridge, MA: MIT Press, 2003.

3.49. Hayes M. Financial bubbles // A Handbook of Alternative Monetary Economics. Ed. by P. Arestis and M. Sawyer. Edward Elgar, 2006.

3.50. Hicks John. Mr. Keynes and the Classics. A Suggested Interpretation // Econometrika V (1937). – P.147 – 159.

3.51. Hull J. Options, Futures, and other Derivatives. Sixth Edition, Prentice Hall. – New Jersey, 2006. – 492 p.

3.52. Geert Rouwenhorst K. The Origins of Mutual Funds. – New Haven, 2003. – P.30.

3.53. Keynes John M. The Theory of Employment, Interest, and Money. – New York: Harcourt, 1936.

3.54. McCrary S.A. Hedge fund. – New Jersey: Wiley finance series, 2005. – 285 p.

3.55. Shumpeter J. Business Cycles: A Theoretical, Historical and Statistical Analysis of the Capitalist Process. – N.Y., 1939. – P.70.

3.56. Soros G. The New Paradigm for Financial Markets. The Credit Crisis of 2008 and What It Means. – New York: Public Affairs, 2008.

4. Журнал ва газеталардаги мақолаларга ҳаволалар

4.1. Абидов А. Кризисы на фондовых рынках // Биржа Эксперт. 2009. №2. – С.28 – 30.

- 4.2. Аронов Б. Международный рынок синдицированных заемов в условиях глобального финансово-экономического кризиса // Международная экономика. 2009. №2. – С.4 – 11.
- 4.3. Бутиков И. Фондовый рынок Узбекистана в условиях кризиса мировой финансовой системы // Бозор, пул ва кредит. 2009. №1. – С.51 – 53.
- 4.4. Воронин С. Роль государства в преодолении последствий мирового финансового кризиса // Биржа Эксперт. 2009. №1. – С.38 – 40.
- 4.5. Григорьев Л., Салихов М. Финансовый кризис-2008: вхождение в мировую рецессию // Вопросы экономики. 2008. №12. – С.27 – 45.
- 4.6. Митяев Д.А. О динамике саморазрушения мировой финансовой системы // Экономические стратегии. 2009. №1.
- 4.7. Жумаев Н., Ҳошимов Э. Жаҳон молиявий инқирози Ўзбекистон нигоҳида // Биржа Эксперт. 2009. №1. – С.3 – 7.
- 4.8. Муинов Дж., Мишенькова О. Воздействие кризиса на инвестиционные процессы: ситуация в мире и Узбекистане // Биржа Эксперт. 2009. №2. – С.31 – 33.
- 4.9. Навой А. Российские кризисы образца 1998 и 2008 годов: найди 10 отличий // Вопросы экономики. 2009. №2. – С.2 – 38.
- 4.10. Новоселова Л. КНР: инвестиции и преодоление кризиса (о концепции и направлениях реализации китайском антикризисной политики) // Российский экономический журнал. 2009. №1 – 2. – С.61 – 73.
- 4.11. Рубинштейн А.Я. Некоторые теоретические соображения о природе нынешнего кризиса // Журнал Новой экономической ассоциации. 2009. №1 – 2.
- 4.12. Саркисянц А. Одной из особенностей развития инвестиционных фондов в последнее десятилетие является изменение их структуры // Б&Б. 2010. №1.
- 4.13. Сенчагов В.К. Финансовый кризис: механизм преодоления // ЭКО. 2009. №1. – С.49 – 60.

- 4.14. Сидорович В. Спекулятивный капитал как фактор кризиса // Экономист. 2009. №2. – С.43 – 51.
- 4.15. Суэтин А. О причинах современного финансово-го кризиса // Вопросы экономики. 2009. №1. – С.40 – 51.
- 4.16. Тамбовцев В. Финансовой кризис и экономическая теория // Вопросы экономики. 2009. №1. – С.133 – 138.
- 4.17. Юсим В. Первопричина мировых кризисов // Вопросы экономики. 2009. №1. – С.28 – 39.
- 4.18. Allen F., Morris S. and Postlewaite A. Finite bubbles with short sale constraints and asymmetric information // Journal of Economic Theory. 1993. Vol.61. – P.206.
- 4.19. Chou Yuan K. Modeling Financial Innovation and Economic Growth: Why the Financial Sector Matters to the Real Economy // Journal of Economic Education. 2007. Vol.38. №1. – P.78 – 91.
- 4.20. Corsetti G., Pesenti P., Roubini N. The Role of Large Players in Currency Crises // National Bureau of Economic Research. Working Paper 8303. May, 2001.
- 4.21. Forrester J.W. Innovations and Economic Change / / Futures. 1981. Vol.13. №13. – P.323 – 331.
- 4.22. Friedman M. The Role of Monetary Policy // American Economic Review. LVIII (1968). – P.1 – 21.

5. Илмий ишлар түпламлари, конференция материаллари

- 5.1. Доклад Конференция ООН по торговле и развитию (ЮНКТАД) «Глобальный экономический кризис: системные сбои и многосторонние способы преодоления» (2009 г. 19 марта).
- 5.2. «Илм-фан ва замонавий тафаккур ижтимоий-иқти-садий тараққиёт гаровидир» мавзуидаги республика ил-мий-амалий конференция материаллари (Ташкент, 2007 йил 22 май).
- 5.3. «Эркин иқтисодиёт шароитида тармоқлар бўйича корхоналар иқтисодий фаолияти бошқаруви (муаммо ва

ечимлар)» мавзуидаги институтлараро илмий-амалий конференция материаллари. – Тошкент: Iqtisod-moliya, 2009. – 200 б.

5.4. «Жаҳон молиявий-иқтисодий инқирози: иқтисодий, сиёсий ва ҳуқуқий жиҳатлари» мавзуидаги республика илмий-амалий конференция материаллари (Тошкент, 2009 йил 25 апрель).

5.5. «Инқирозга қарши чоралар дастурини амалга ошириш ва инқироздан кейинги барқарор ривожланишни таъминлашда банк-молия тизимининг ўрни» мавзуидаги республика илмий-амалий конференция материаллари (Тошкент, 2010 йил 21 май).

5.6. «Халқаро талаблар асосида тижорат банклари фаолиятини рейтинг баҳолаш» мавзуидаги республика илмий-амалий конференция материаллари (Тошкент, 2011 йил 7 март).

5.7. «Молия соҳасида мавжуд муаммолар ва уларни бартараф этиш йўллари» мавзуидаги республика олий ўқув юртлариаро илмий-амалий конференция материаллари (Тошкент, 2011 йил 7 апрель).

5.8. «Мамлакат иқтисодиётини инновацион ривожлантириш шароитида тижорат банкларининг молиявий барқарорлиги» мавзуидаги республика илмий-амалий конференция материаллари (Тошкент, 2011 йил 6 май).

6. Статистика ва ҳисобот материаллари

6.1. Implications of the Growth of Hedge Funds. – Wash.: Staff Report to the US Securities and Exchange Commission, September 2003.

6.2. Ўзбекистон альманахи 2008. – Тошкент, 2009. – 152 б.

6.3. Альманах Ўзбекистон 2010. – Тошкент, 2010. – 168 б.

6.4. Қимматли қофозлар бозорини мувофиқлаштириш ва назорат қилиш марказининг 2006 – 2010 йиллар бўйича ҳисоботлари

7. Интернет саҳифалари

- 7.1. <http://www.press-service.uz>
- 7.2. <http://www.imf.org>
- 7.3. <http://www.bis.org>
- 7.4. <http://www.cbu.uz>
- 7.5. [http:// www.g20.org/Documents](http://www.g20.org/Documents)
- 7.6. <http://www.world-exchanges.org/statistics>
- 7.7. <http://mf.uz>
- 7.8. <http://mab.micex.ru/papers>
- 7.9. <http://www.uzse.uz>
- 7.10. <http://www.worldbank.org>

ИЛОВАЛАР

1-илова

Халқаро молия бозори ва уни тартибга солиши механизмларининг ривожланиши¹⁶⁶

Халқаро молия бозорининг ривожланиши босқичлари				
	1867 – 1913	1922 – 1936	1944 – 1973	1976 йилдан ҳозирги вақтчача
Халқаро валюта бозорини тартибга солиши Механизмлари				
Олтин универсал тартибга солувчи механизм сифатида	Олтин паритетлари восита сифатида	Олтин паритетлари восита сифатида	Долларнинг олтинга конвертацияяла ниши. Башқа валюталарнин голтинга конвертацияяни ниши. Ўзини ўзи тартибга солувчи бозор	Олтиннинг расман демонетизациял аниши. Бозорни тартибга солишнинг бевосита ва бильвосита усуллари амалга оширилади. Бозорни ташки тартибга солиш
Валюта курси режимини тартибга солиши	Олтин нукталар домасида ўзини ўзи	Олтин нукталарсиз ўзини ўзи тартибга солиш	Қатый белгиланган паритетлар ва курслар.	Эркин сузиш. Тартибга солишнинг бильвосита

	Тартибга солиши (курсларнинг эркин тебраниши)	(чекланимаган эркин тебраниши)	Қаттиқ тартибга солиши ($\pm 0,75$; $\pm 1,0\%$)	Усууллари
Халқаро молия институтлари орқали бозорни тўридан- тўри тартибга солиши	Конференция	Конференция, йигилиш	ҲВФ – бевосита тартибга солиши. Жаҳон банки гурӯҳи ва минтақавий тартибга солуви банклар ва фондларнинг ташкил етилиши ва уларга аъзо бўлиши (ЖБ, ОТБ, АТБ, ЕТТБ, ХХКБ) ¹⁶⁷	ҲВФ ва бошқа халқаро тартибга солувчи органдар, катталик давлатлари саммитлари

¹⁶⁶ Муаллифлар томонидан тузилган.

¹⁶⁷ ҲВФ – Халқаро валюта фонди, ЖБ – Жаҳон банки, ОТБ – Осиё тараққиёт банки, АТБ – Америкааро тараққиёт банки, ЕТТБ – Европа тикланниш ва тараққиёт банки, ХХКБ – Халқаро хисоб-хитоблар банки.

2-илюса

Халқаро молиявий воситалар ҳажми (млрд АҚШ долларыда)⁶⁸

Халқаро молиявий воситалар	1998	1999	2000	2001	2002	2003	2004	2005	2006	2007	2008	2009	2010
Банкпарнинг ташқи кредитлари ва депозитлари	17153	16710	17772	18890	21388	25367	29703	32449	40245	51688	47151	44713	45233
Кредитлар	8211	7875	8318	8869	9999	11879	13847	15226	18956	24557	22808	21614	22004
Ривожланган Мамлакатлар	5947	5867	6347	6784	7849	9316	10806	11912	14792	19215	17505	16439	16274
Ривожлангаётган Мамлакатлар	887	801	735	703	697	793	908	1061	1299	1885	2012	1933	2217
Депозитлар	8943	8836	9455	10021	11389	13488	15856	17223	21289	27131	24342	23100	23228
Ривожланган Мамлакатлар	6240	6032	6344	6771	7952	9321	10921	11929	14650	18918	17034	16201	16388
Ривожлангаётган Мамлакатлар	880	900	1008	1039	1036	1176	1404	1650	2053	2527	2132	2041	2092
Нобанк ташкилотларнинг ташқи кредитлари ва депозитлари	4163	4305	4470	4971	5632	6936	8059	8521	11016	13898	13166	12575	13360

Кредиттар	2007	2073	2077	2263	2522	3040	3493	3840	5074	6442	6238	5974	6370
Ривожланған мамлакаттар	1305	1383	1388	1534	1770	2165	2492	2720	3679	4626	4364	4107	4397
Ривожланыстаң мамлакаттар	459	437	399	394	398	414	453	514	631	870	1010	994	1038
Депозиттар	2156	2232	2393	2708	3110	3895	4566	4681	5942	7456	6927	6601	6989
Ривожланған мамлакаттар	1339	1413	1473	1629	1937	2484	3014	3035	3903	4958	4578	4340	4704
Ривожланыстаң мамлакаттар	376	407	414	443	433	475	469	528	627	813	793	802	849
Халқаро синдикатшын кредиттар	218	286	346	278	262	268	403	486	602	663	199	302	636
Ривожланған мамлакаттар	204	267	300	249	238	236	358	407	504	541	159	220	546
Ривожланыстаң мамлакаттар	12	16	36	19	19	24	34	66	88	106	34	70	73
Халқаро қарз қимматы қоғозлар жами	4412	5469	6491	7597	9272	11702	13935	14600	18415	22700	23845	27004	27664
Ривожланған мамлакаттар	3482	4487	5445	6527	8090	10364	12443	13046	16631	20634	21772	24615	24957
Ривожланыстаң мамлакаттар	508	542	587	583	629	698	784	838	996	1179	1184	1332	1546

Ривохлангандын мамлакаттар	3267	4144	4970	6141	7665	9811	11797	12420	15793	19548	20685	23717	24081
Ривохлангандын мамлакаттар	501	535	578	579	625	691	778	830	981	1160	1170	1317	1552
Халқаро акциялар	28	62	54	33	19	60	69	106	134	165	102	248	288
Ривохлангандын мамлакаттар	24	50	40	28	13	40	49	66	76	80	98	201	200
Ривохлангандын мамлакаттар	3	8	11	2	4	18	15	29	50	76	4	41	76

3-иloba

Ривожланаётган МДХ мамлакатларида акциялар бозори капиталлашувиининг мамлакат ялпли ички маҳсулотига нисбатан салмоғи ҳисоби⁶⁹

	31 декабрь 2005 йил	31 декабрь 2006 йил	31 декабрь 2007 йил	31 декабрь 2008 йил	31 декабрь 2009 йил	31 декабрь 2010 йил
Россия Федерацияси						
ЯИМ, млрд доллар	763,6	979,3	1348,9	1148,2	1290,0	1459,80
Акциялар бозори капитализацияси (АБК), млрд доллар	489,3	966,0	1328,8	375,0	763,5	959,8
ЯИМга нисбатан капитализация даражаси, фоиззода ((АБК/ЯИМ)*100)	64,1	98,6	98,5	26,4	59,2	65,8
Қозогистон						
ЯИМ, млрд доллар	55,9	76,8	104,5	131,7	107,0	146,0
Акциялар бозори капитализацияси (АБК), млрд доллар	10,5	56,6	53,8	31,1	57,3	60,7

ЯИМга чиисбанан капитализация даражасы, фоназда (АБК/ЯИМ)*100)		Украина		Киргизистон	
ЯИМ, млрд доллар	84,1	106,1	140,5	123,4	114,3
Акциялар бозори капитализацияси (АБК), млрд доллар	29,1	44,1	111,8	23,5	25,8
ЯИМга нисбатан капитализация даражасы, фоназда (АБК/ЯИМ)*100)	34,6	41,6	79,6	19,0	22,6
					10,3

Ўзбекистон						
ЯИМ, млрд доллар	13,49	16,74	21,83	26,45	31,82	37,70
Акциялар бозори капитализацияси (АБК), млрд доллар	0,08	0,09	0,21	0,35	0,37	0,57
ЯИМга нисбатан капитализация даражаси, фондада (АБК/ЯИМ)*100)	0,56	0,54	0,95	1,31	1,17	1,50

¹⁶⁹ Манба: <http://mav.micsx.ru/papers> Международная ассоциация бирж стран СНГ, 2005 – 2010 бюллетень биржевой статистики ва www.stat.uz ўзбекистон Республикаси Статистика кўмитаси сайти, www.cbu.uz ўзбекистон Республикаси Марказий банки сайти маълумотлари асосида муаллифлар хисоб-китоблари.

4-илова

Жаҳон ва ривожланган мамлакатлар акциялар бозори капиталлашувининг мамлакат ялпи ички маҳсулотига нисбатан салмоги ҳисоби¹⁷⁰

	2005	2006	2007	2008	2009
Жаҳон					
ЯИМ, млрд доллар	44 445,5	48 204,4	54 545,1	60 917,5	57 843,4
Акциялар бозори капиталлашуви (АБК), млрд доллар	37 168,4	50 826,6	65 105,6	33 513,1	47 188,9
ЯИМга нисбатан капиталлашув даражаси, фоизда (АБК/ЯИМ)*100	83,6	105,4	119,4	55,0	81,6
АҚШ					
ЯИМ, млрд доллар	12 455,8	13 194,7	13 807,6	14 441,4	14 119,1
Акциялар бозори капиталлашуви (АБК), млрд доллар	17 000,9	19 569,0	19 922,3	11 737,6	15 077,3
ЯИМга нисбатан капиталлашув даражаси, фоизда (АБК/ЯИМ)*100	136,5	148,3	144,3	81,3	106,8

¹⁷⁰ Манба: ХВФнинг World Economic Outlook: «Recovery, Risk, and Rebalancing», October 2010 маълумотлари асосида ривожланган мамлакатлар таркиби шакллантирилди ва статистик маълумотлар, ушбу фонднинг Global Financial Stability Reports: «Market Developments and Issues», september 2006; «Financial Market Turbulence Causes, Consequences, and Policies», October 2007; «Financial Stress and Deleveraging Macrofinancial Implications and Policy», October 2008; «Navigating the Financial Challenges Ahead», October 2009; «Sovereigns, Funding, and Systemic Liquidity», October 2010 маълумотлари асосида муаллифлар томонидан тузилган (www.imf.org маълумотлари асосида).

Канада					
ЯИМ, млрд доллар	1 132,4	1 275,3	1 436,1	1 499,6	1 336,1
Акциялар бозори капиталлашуви (АБК), млрд доллар	1 482,2	1 700,7	2 186,6	1 033,4	1 676,8
ЯИМга нисбатан капиталлашув даражаси, фоизда (АБК/ЯИМ)*100)	130,9	133,4	152,3	68,9	125,5
Франция					
ЯИМ, млрд доллар	2 126,7	2 252,0	2 593,8	2 867,0	2 656,4
Акциялар бозори капиталлашуви (АБК), млрд доллар	1 550,9	2 312,8	2 737,1	1 490,6	1 894,8
ЯИМга нисбатан капиталлашув даражаси, фоизда (АБК/ЯИМ)*100)	72,9	102,7	105,5	52,0	71,3
Германия					
ЯИМ, млрд доллар	2 791,7	2 899,4	3 320,9	3 673,1	3 338,7
Акциялар бозори капиталлашуви (АБК), млрд доллар	1 221,1	1 637,6	2 105,2	1 110,6	1 292,4
ЯИМга нисбатан капиталлашув даражаси, фоизда (АБК/ЯИМ)*100)	43,7	56,5	63,4	30,2	38,7
Италия					
ЯИМ, млрд доллар	1 765,5	1 852,6	2 104,7	2 313,9	2 118,3
Акциялар бозори капиталлашуви (АБК), млрд доллар	798,1	1 026,5	1 072,5	522,1	655,8
ЯИМга нисбатан капиталлашув даражаси, фоизда (АБК/ЯИМ)*100)	45,2	55,4	51	22,6	31,0
Буюк Британия					
ЯИМ, млрд доллар	2 229,5	2 394,7	2 765,4	2 680,0	2 178,9
Акциялар бозори капиталлашуви (АБК), млрд доллар	3 058,2	3 794,3	3 851,7	1 868,2	2 796,4

ЯИМга нисбатан капиталлашув даражаси, фоизда (АБК/ЯИМ)*100)	137,2	158,4	139,3	69,7	128,3
Япония					
ЯИМ, млрд доллар	4 567,4	4 356,2	4 381,6	4 910,7	5 068,9
Акциялар бозори капиталлашуви (АБК), млрд доллар	7 542,7	4 795,8	4 663,8	3 209,0	3 395,6
ЯИМга нисбатан капиталлашув даражаси, фоизда (АБК/ЯИМ)*100)	165,1	110,1	106,4	65,3	67,0

5-илова

**Жаҳон ва ривожланган мамлакатлар қарз
муносабатли қимматли қоғозлар ҳажмининг
мамлакат ялпи ички маҳсулотига нисбатан
салмоги ҳисоби¹⁷¹**

	2005	2006	2007	2008	2009
Жаҳон					
ЯИМ, млрд доллар	44 445,5	48 204,4	54 545,1	60 917,5	57 843,4
Ҳукумат қимматли қоғозлари, млрд доллар	23 055,5	25 634,7	28 632,1	31 665,9	36 403,4
Хусусий сектор қимматли қоғозлари, млрд доллар	35 893,6	43 099,7	51 189,8	51 863,7	55 679,0
Жами қарз муносабатли қимматли қоғозлар (ҚМҚҚ), млрд доллар	58 949,1	68 734,4	79 821,9	83 529,6	92 082,4
ЯИМга нисбатан ҚМҚҚ, фойизда (ҚМҚҚ / ЯИМ)*100	133	143	146	137	159,2

¹⁷¹ Манба: ХВФнинг World Economic Outlook: «Recovery, Risk, and Rebalancing», October 2010 маълумотлари асосида ривожланган мамлакатлар таркиби шакллантирилди ва статистик маълумотлар, ушбу фонднинг Global Financial Stability Reports: «Market Developments and Issues», september 2006; «Financial Market Turbulence Causes, Consequences, and Policies», october 2007; «Financial Stress and Deleveraging Macrofinancial Implications and Policy», october 2008; «Navigating the Financial Challenges Ahead», october 2009; «Sovereigns, Funding, and Systemic Liquidity», october 2010 маълумотлари асосида муаллифлар томонидан тузилган (www.imf.org маълумотлари асосида).

АҚШ					
ЯИМ, млрд доллар	12 455,8	13 194,7	13 807,6	14 441,4	14 119,1
Хукумат қимматли қоғозлари, млрд доллар	5927,9	6233,6	6594,0	7892,1	9478,2
Хусусий сектор қимматли қоғозлари, млрд доллар	17 912,8	20 502,1	23 285,2	22 765,6	22 173,8
Жами қарз муносабатли қимматли қоғозлар (КМҚҚ), млрд доллар	23 840,7	26 735,8	29 879,3	30 657,7	31 652,0
ЯИМга нисбатан ҚМҚҚ, фоизда ((КМҚҚ / ЯИМ)*100)	191	203	216	212	224,2
Канада					
ЯИМ, млрд доллар	1132,4	1275,3	1436,1	1499,6	1336,1
Хукумат қимматли қоғозлари, млрд доллар	668,8	702,4	821,8	750,9	1005,8
Хусусий сектор қимматли қоғозлари, млрд доллар	437,6	633,4	764,0	755,7	862,3
Жами қарз муносабатли қимматли қоғозлар (КМҚҚ), млрд доллар	1106,4	1335,8	1585,7	1506,6	1868,1
ЯИМга нисбатан ҚМҚҚ, фоизда ((КМҚҚ / ЯИМ)*100)	98	105	110	100	139,8
Франция					
ЯИМ, млрд доллар	2126,7	2252,0	2593,8	2867,0	2656,4
Хукумат қимматли қоғозлари, млрд доллар	1107,3	1241,1	1447,2—	1481,6	1749,2

Хусусий сектор қимматли қоғозлари, млрд доллар	1762,8	2254,2	2919,6	3052,8	3410,3
Жами қарз муносабатли қимматли қоғозлар (ҚМҚҚ), млрд доллар	2870,1	3495,3	4366,8	4534,3	5159,5
ЯИМга нисбатан ҚМҚҚ, фойизда (ҚМҚҚ /ЯИМ)*100)	135	155	168	158	194,2
Германия					
ЯИМ, млрд доллар	2791,7	2899,4	3320,9	3673,1	3338,7
Хукумат қимматли қоғозлари, млрд доллар	1267,1	1479,1	1700,3	1646,7	1850,0
Хусусий сектор қимматли қоғозлари, млрд доллар	2828,1	3371,7	3905,8	3842,9	3893,1
Жами қарз муносабатли қимматли қоғозлар (ҚМҚҚ), млрд доллар	4095,2	4850,9	5606,1	5489,6	5743,1
ЯИМга нисбатан ҚМҚҚ, фойизда (ҚМҚҚ /ЯИМ)*100)	147	167	169	149	172,0
Италия					
ЯИМ, млрд доллар	1765,5	1852,6	2104,7	2313,9	2118,3
Хукумат қимматли қоғозлари, млрд доллар	1515,2	1759,0	2019,0	1998,7	2217,5
Хусусий сектор қимматли қоғозлари, млрд доллар	1368,8	1732,0	2201,1	2495,2	2888,0
Жами қарз муносабатли қимматли қоғозлар (ҚМҚҚ), млрд доллар	2884,0	3491,0	4220,1	4493,9	5105,5

ЯИМга нисбатан ҚМҚҚ, фоизда (ҚМҚҚ /ЯИМ)*100)	163	188	201	194	241,0
Буюк Британия					
ЯИМ, млрд доллар	2229,5	2394,7	2765,4	2680,0	2178,9
Хукумат қимматли қоғозлари, млрд доллар	685,5	841,5	913,5	835,1	1238,5
Хусусий сектор қимматли қоғозлари, млрд доллар	1870,1	2456,2	2931,2	3135,2	3473,8
Жами қарз муносабатли қимматли қоғозлар (ҚМҚҚ), млрд доллар	2555,6	3297,7	3844,7	3970,3	4712,3
ЯИМга нисбатан ҚМҚҚ, фоизда (ҚМҚҚ /ЯИМ)*100)	115	138	139	148	216,3
Япония					
ЯИМ, млрд доллар	4567,4	4356,2	4381,6	4910,7	5068,9
Хукумат қимматли қоғозлари, млрд доллар	6607,9	6750,6	7147,7	9116,3	9657,4
Хусусий сектор қимматли қоғозлари, млрд доллар	2037,8	1968,7	2069,8	2362,1	2263,5
Жами қарз муносабатли қимматли қоғозлар (ҚМҚҚ), млрд доллар	8645,7	8719,3	9217,5	11478,4	11920,9
ЯИМга нисбатан ҚМҚҚ, фоизда (ҚМҚҚ /ЯИМ)*100)	189	200	210	234	235,2

1998 – 2010 йиллари ҳосисла молиянның воситаларнинг номинал қийматы (түрлүү АКШ дөллары)¹⁷²

	1998	1999	2000	2001	2002	2003	2004	2005	2006	2007	2008	2009	2010
Жами, жумлацан	80	88	95	111	142	197	258	298	415	595	548	615	601
Валюта билимлари	18	14	16	17	18	24	29	31	40	56	44	49	58
форвардлар	12	10	10	10	11	12	15	16	20	29	21	23	29
валютавий сөвслар	2	2	3	4	5	6	8	9	11	14	13	16	19
опционлар	4	2	2	2	3	6	6	7	10	13	10	10	10
Фонз ставкасаси учун билимлар	50	60	65	78	102	142	191	212	292	393	386	450	465
фонз ставкасига форвардлар	6	7	6	8	9	11	13	14	19	27	35	52	52
фонз ставкасига сөвслар	36	44	49	59	79	111	151	169	230	310	310	349	364
опционлар	8	9	9	11	14	20	27	29	43	57	41	49	49
Акциялар билан бөгликтүүлүктөрлөр	1	2	2	2	2	4	4	6	7	8	6	7	6

¹⁷² www.bis.org – Халжаро хисоб-китоблар банки маълумотлари асосида тузиленган.

форвардтар ва своплар	0	0	0	0	0	1	1	1	2	2	1	2	2
опционлар	1	2	2	2	2	3	4	5	6	6	6	5	4
Хомашё товарларига битимлар	0	1	1	1	1	1	1	5	7	8	4	3	3
олтин	0	0	0	0	0	0	0	0	1	1	0	0	0
башка товарлар	0	0	0	0	1	1	1	5	6	8	4	3	3
Дефолтдан сугуртасаш (credit default swaps)	-	-	-	-	-	-	6	14	29	58	42	33	30

7-илова

**Глобал биржадан ташқари деривативлар бозори,
млрд АҚШ доллари (2008 йил июнь ҳолатига)¹⁷³**

Бозор сегменти	Барча битимларнинг ялпи номинал қиймати	Ялпи бозор қиймати
Валюта деривативлари (Foreign exchange derivatives)	62 983	2262
Валюталарни айирбошлишга форвардлар ва своплар (Outright forwards and forex swaps)	31 966	802
Тўловларни айирбошлишга своплар (Currency swaps)	16 307	1071
Опционлар (Options)	14 710	388
Фоизли деривативлар (Interest rate derivatives)	458 304	9263
Форвард-фоиз битимлари (FRAs)	39 370	88
Своплар (Swaps)	356 772	8056
Опционлар (Options)	62 162	1120
Акцияларга деривативлар (Equity-linked derivatives)	10 177	1146
Форвардлар ва своплар (Forwards and swaps)	2657	283
Опционлар (Options)	7520	863
Товар деривативлари (Commodity derivatives)	13 229	2209
Олтинга шартномалар (Gold)	649	68
Форвардлар ва своплар (Forwards and swaps)	12 580	2142
Кредит дефолт своплари (Credit default swaps)	57 325	3172
Бошқалар (тақсимланмаган)	81 708	2301
Жами	683 725	20 353

¹⁷³ www.bis.org – Халқаро ҳисоб-китоблар банки ҳисобот маълумотлари асосида муаллифлар томонидан тузилган.

МУНДАРИЖА

КИРИШ	3
I БОБ. ГЛОБАЛ МОЛИЯВИЙ-ИҚТИСОДИЙ ИНҚИРОЗ ШАРОИТИДА МОЛИЯ БОЗОРИ БАРҚАРОРЛИГИНИ ТАЪМИНЛАШНИНГ НАЗАРИЙ-КОНЦЕПТУАЛ АСОСЛАРИ	
1.1. Молия бозорларидағи инқирозлар шаклланиши ва уларни бартараф этишнинг назарий-концептуал асослари	6
1.2. Молиявий глобаллашув шароитида молия бозорининг ривожланиш тенденциялари	26
1.3. Инвестиция фондларининг молия бозорида тутган ўрни, асосий турлари ва уларни тартибга солишнинг илғор хориж тажрибаси	47
1.4. Глобал молиявий-иқтисодий инқироз шароитида молия бозорини тартибга солиш механизми	73
II БОБ. ЖАҲОН МОЛИЯВИЙ-ИҚТИСОДИЙ ИНҚИРОЗИ ШАРОИТИДА МОЛИЯ БОЗОРИ ТАРКИБИЙ ТУЗИЛМАСИ РИВОЖЛANIШИННИНГ АМАЛДАГИ ҲОЛАТИ	
2.1. Халқаро капитал ҳаракатининг асосий	102
шакллари ва уларнинг замонавий тенденциялари	102
2.2. Ривожланган ва ривожланаётган мамлакатлар фонд бозорлари тараққиети ва уларнинг халқаро бозорга интеграциялашув ҳолати	122
2.3. Ҳосила молиявий воситалар билан операция- ларнинг ривожланиши ва уларнинг молия бозори барқарорлигига таъсири	156
2.4. Жаҳон иқтисодиётида инвестиция фондлари ривожланишининг жорий ҳолати таҳлили	182
III БОБ. ИНҚИРОЗ ШАРОИТИДА ЎЗБЕКИСТОН МОЛИЯ БОЗОРИНИНГ БАРҚАРОР РИВОЖЛANIШИННИ ТАЪМИНЛАШ МАСАЛАРАРИ	215
3.1. Жаҳон молиявий инқирозининг Ўзбекистон молия бозори ривожланишига таъсири ва уни юмшатиш омиллари	215
3.2. Ўзбекистонда молия бозорининг барқарор ривожланишини таъминлаш ва инвестиция фондлари фаолиятини такомиллаштириш	245
Хулоса	280
Фойдаланилган адабиётлар рўйхати	287
Иловалар	299

Илмий нашр

Алимардонов Элшод Дилшодович,
Султонбоева Мунира Баходировна,
Абдувалиев Санжар Абдурахманович

**ГЛОБАЛ МОЛИЯВИЙ-ИҚТІСОДИЙ ИНҚИРОЗ ШАРОИТИДА
МОЛИЯ БОЗОРИ БАРҚАРОРЛИГИНИ ТАЪМИНЛАШ:
НАЗАРИЙ-КОНЦЕПТУАЛ ВА
АМАЛИЙ ЖИХАТЛАР**

Мұхаррир: Абдулла ШАРОПОВ
Мусаҳқиқ: Марҳабо ЖҮРАЕВА
Бадиий мұхаррир: Феруза НАЗАРОВА
Техник мұхаррир: Дилшод НАЗАРОВ

Нашриёт лицензияси: АI №134, 27.04.2009

Теришга берилди: 11.11.2011 й.

Босишига рухсат этилди: 13.03.2012 й.

Офсет қофози. Қофоз бичими: 84x108 ^{1/32}.

Arial гарнитураси. Офсет босма.

Ҳисоб-нашириёт т.: 10,62. Шартли б.т.: 16,8.

Адади: 1000 нусха.

Буюртма № 17

«AKADEMNASHR» нашриётида нашрга тайёрланди
ва чоп этилди.

100156, Тошкент шаҳри, Чилонзор тумани, 20^А-мавзе, 42-уй.

Тел.: (+998 71) 217-16-77

e-mail: akademnashr@mail.ru